

PM
64
B45
1871
50A

TESTAMENTETOKAK ... //

old testament


HIOBIB AGLANGIT, SALOMOBLO

Job's his book

and Solomon's

IMGERUSERSOANGA (TIKKILUGIT.

his great songs



Trans. by Friedrich Erdmann //

PRINTED FOR

The British and Foreign Bible Society in London,

FOR THE USE OF THE MORAVIAN MISSION IN LABRADOR.

STOLPEN:


GUSTAV WINTERIB NËNERLAUKTANGIT.

Gustav Winter's his printings
1871.

AGLAI' INGMIGOLINGAJUT:



Hiobe	<i>Pag.</i> 1
Imgerutit	57
Salomob okal.	202
Okaluktok	248
Imgerusersoak	265



HIOBIB AGLANGIT.



KAPITEL I.

Hiobib akluininga; kannoëninga, kennuëningalo.

ANGUTEKALAUKPOK nuname Uzemik attelingme, Hiobemik attelingmik. Tàmna nellâgôlaukpok, idluartôlunelo, Gûdemiglo sivôralaukpok, idluitullitaililunelo;

2 Ernetâlaukporlo 7 inik, pannetâlunelo pingasunik.

3 Nergjutekotingillo saukat 7000 diolaukput, Kamêlillo 3000 diolaukput, tuktuvaillo aiparêngolaukput kakkautinut 500 dinut, siutekoktojuulo 500 diolaukput, kivgangillo unnuktovaksôlaukput; opinarnelionersaulaukporlo illunainit nuname taunanêtome nunakartunit.

4 Erningillo nerrimaraksamik âkiksoijartorput, attunit iglomingne, uvlomingne; tilliklerpullo innataukojilutiglo najamingnik pingasunik, nerrimârkattaunermut tâpkonunga imerkattaunermullo.

5 Nerrimârnerublo uvlungit sorailaukpatta, Hiobe tillikli-laukpok tagvunga ivsornaitipaillo, makkilunelo uvlarârsukut, tunnijilunelo tunnergutinnik otaksanik, unnurningit malliklugit. Hiobe issumagame: Ernikka idluitullijungnarajarput, Gûdelo allarungnarajarlugo ômattimingne. Taimailiulaukpok Hiobe uvlut tamaita.

6 Pijokalaukporle uvlut illangane, Gûdib kittorngangit tikkimatta nangeriartorlutiglo NâleKab sânganut, Sâtanasiptaук tikkikattigivait.

7 Nâlegarle Sâtanasemut okarpok: Nakit pivît? Sâtanasib Nâlegak kiovâ okarlunelo: Nuna ingergavigilaukpara.

8 Nâlegak Sâtanasemut okarpok: Kivgara Hiobe kama-gilaungikiûk? Adsekangimat nuname, nellâgôrlune idluartôv-lunelo, Gûdemik sivôravok idluitullitaililunelo.

9 Sâtanasib Nâlegak kiovâ okarlunelo: Issumavit Hiobe akkilertaunane Gûdemik sivôrangmat?

10 Nangminek tâmnâ, iglunga, pigijangillo tamaita avalu-liulaukpattit. Aggangita pinniarningit tamaita pitsartutilaukpattit, perkutingillo siamarsimavut nuname.

11 Aggaktille issakit aktorlugillo tamaita pigijangit: su-naubva, okarnerlotiginiarpâtît kênarnut.

12 Nâlegak Sâtanasemut okarpok: Ahâk tamaita pigijangit aggangnêlit; tâpsomunga nangminek kissiane aggaktit illitailikit. Tagva Sâtanase aularpok Nâlekamit.

13 Uvlormele taipsomane erningit panningillo nerrimârtillugit, Weinertortillugillo kattangutimik angajuklionerpâb iglungane:

14 Taiguijok tikkipok Hiobemut okarlunelo: Tuktuvait makpiterailaukput, (perorsêvingmik) siutekoktojullo tâpkoa senniane pissulaukput iviksukatalingme;

15 Tagva Sêbamiut ittârput tiguvaילו, ullimârpaillo angutit kivgat saviksûb kênanganut, uvangalo kemâjotôlaukpunga, okautigilugo illingnut perkovlunga.

16 Tâmnâ okartillugo sulle, ôma assia tikkipok okarlunelo: Gûdib ikkomanga kattalaukpok killangmit, ikkipaillo saukat kivgallo, nerrilaitalo, uvangalo kemâjotôvunga okautigilugo illingnut perkovlunga.

17 Tâmnâ okartillugo sulle, illangat tikkipok okarlunelo: Kaldêamiut kattimgajokartitsivut pingasunik, opingarpaillo Kamêlit, tigulugillo, kivgallo ullimârpait saviksûb kênanganut, uvangalo kemâjotôvunga okautigilugo illingnut perkovlungo.

18 Tâmnâ okartillugo sulle illangat tikkipok okarlunelo: Ernitit pannitillo nerrimâlaukput immerlutiglo kattangutimik angajuklionerpâb iglungane;

19 Ahâglo tagva akkunaksoak sunakajuitomit tikkipok, iglulo akkingmivigidlarpâ terrekungitigut sittamattigut ochotilâllo innuosuktut kânginut tokkolugit; uvangalo kemâjotôvunga okautigilugo illingnut perkovlunga.

20 Tagva Hiobe nikkovipok, annorânelo allikpâ, niakunelo sallivâ, pâmakterlunelo nunamut, opigosuklunelo.

21 Okalarmelo: Ussingavlunga anânama timinganit pilaukpunga, ussingavlunga ingerarniarivunga tagvunga. Nâlekab tunnilaukpait, Nâlekab tiguvaît; Nâlekab attinga nertortaule!

22 Tamakkonane tamaine Hiobe idluitullilaungilak, pinniaranelo sunamik sillainartomik Gûde akkerartorlugo.

KAPITTEL II.

*Hiobib ániatitauninga timimigut, kiksartitauningalo
aipaminut, nellipsartauningalo illanârijaminut
pingasunut.*

PIJOKALAUKPORLE uvlorme taipsomane, Gûdib kittorngangit tikkimatta nangeriartorlutiglo Nâlekab sânganut, Sâtanasiĭb-tauk tikkikattigivait, nangeriartorlunelo Nâlekab sânganut.

2 Tagva Nâlegak Sâtanasemut okarpok: Nakit pivit? Sâtanasiĭb Nâlegak kiovâ okarlunelo: Nuna ingergavigilaukpara.

3 Nâlegak Sâtanasemut okarpok: Kivgara Hiobe kamagilaungikiûk? Nunamêtokalungimat adsinganik, nellâgôrlune, idluartôlunelo, Gûdemik sivôralune idluitullitailivok, sokkosijui-porlo sulle idluitailinermine; igville pitjutekarnanga asseroitilaukparma tâpsomina.

4 Sâtanasiĭb Nâlegak kiovâ okarlunelo: Amek, ammermut pijauvok; tamaitalo angutiĭ pigijane nippotivait inôtsine pivlugo.

5 Kissiane aggaktit issakit aktorlugillo sauningit uviningalo; sunaubva okarnerlotiginiarpâtit kênarnut.

6 Nâlegak Sâtanasemut okarpok: Ahâk aggangnêlerle; kissiane inôsina ivleriuk.

7 Tagva Sâtanase aularpok Nâlekab kênangata sânganit, annauvâlo Hiobe ajoarâlungnut ittikkat allungænnet kabjinga tikkidlugo.

8 Machavinerlo tiguvâ savigarlunelo ingminik tâpsomunga, iksivalunelo arksane.

9 Nulliangatalo okautivâ: Sulle idluitailinit ungagiviûk? Ilâ Gûde okarnerlotigiuk, tokkolutillo.

10 Tâpsomale okautivâ: Okarpotit sorlo arnat sillaitut okarmatta. Ajungitomik pilauktogut Gûdemit idluitoktauĭ illalioraksaringipittigô? Tamakkonane tamaine Hiobe idluitullilaungilak kangasinângminut.

11 Hiobible illanârijangit pingasut tussaramik kannoêtunik tamainik tikkitautigijanginik, tikkiput, attunnet nunagijamingnit, Elifas Têmanemit, Bildad Suamit, Zofar Naêmamit. Issumakattigêlauramik tikkitsomavlutik oggurilugo mannigorlugolo.

12 Kaningitomillo tækkosaramik, illitaringilât, nippitiglo annipât kéalutiglo; attunnillo annorâtik allikpait egitsilutiglo sanningnik niakomingnut kongmuartilugit killangmut;

13 Iksivakattigivâllo uvlunik 7inik unnuaniglo 7nik, okarkattigingilâllo sunamik; tækkogamik âniak angijoksôngmat.

KAPITEL III.

Hiobib árusungninga.

TAMATTOMA kingorngane Hiobib kanine angmarpá, inúlervinelo ôminarnerarpá.

2 Hiabelo kiovok okarlunelo:

3 Uvlok támna inúlerviga assiolerle, unnuarlo okartokarvik: Angutiársuk pijauvok.

4 Uvlok támna táktôlerle, Gûdiblo takpângat apperkutigitaíliliuk; keblernerublo kaumaksaiviginiarnago.

5 Tárnerub tacharnerublo sâlagilikko, nuvujallo ivjojut kânganêtsainarlit, pujublo uvlôtillugo tækkoranêtiliuk.

6 Unnuak támna tármut pijaule, kувiasukattautaililunelo Jârib uvlungita akkorngæne, takkillonnêt unnurninginnut pinarane.

7 Ahâk unnuak taimna inutôle, igiakomijarnermiglo pijokarniarane tâpsomane.

8 Ominarnerartaule uvlormik ominarneraijunut, oppalungaersimajunut Leviatane tuppaksarlugo.

9 Uvlogatárningata uvloriangit târlit; nerriugle kaumajomik tikkitaílilelo; tækkotaililelo kaub aupalungningata kablunginnik.

10 Anânama timingata upkoanga pallangairlaungimago, pijaksaungitorlo ijerlaungimago ijinmit.

11 Sôg tokkolaungilanga anânaþ timinganit? Sôg anernêngilaungilanga, igliamit annitualaaurama?

12 Sôg sêrkut illaliulaukpânga? Sôg amâmaktitaulaukík iviangingnut?

13 Tagva mâna nellanajarpunga nippekarnanga, sinigajarlungalo, merngoersernekaraþarlarmalo;

14 Attannit attannertuijullo nuname illagællugit, innukaju-itome iglulíortut;

15 Attaníllonet illagællugit Goldekartut, iglomingniglo tættætitíjút Silberemik;

16 Inajarpungalonêt alliktuaktun, sagvarnanga sunauna-galo; nutarârsutitut kaumajomik tækkolaujuítutitut.

17 Tagvane Gúdekangitút sorairiakarput perajaludlarlutik; tagvane merngoerserput siorniudlalauktút.

18 Tagvane ullapirsautekarkattigêkput þarngnanairsortat, tussarlungilello tetjartub nippinganik.

19 Tagvanêput tammarmik mikkijút angijullo; kivgak angajokâminillo kippaludjarsimajok.

20 Sôg kaumajok tunniþaumava siorniortomut, inôserlo ômattinut kiksartunút?

21 Tokkomik uttakkijunut tikkinanelo; aggasorajartunullo tâpsominga sagvangitomit;

22 Kuviasuklutik igiakomijarajartunut, serrijunullo illuvekarniaramik;

23 Angumullo apkosinelingmut iersimajomik ulliktaumajomiglo sângane Gûdemut?

24 Nerrijuksaujarangamale annersaumijariakarpunga, kêadlarneralo annidlarpok immektut.

25 Erksigilauktamale tikkisimavânga, illimagilauktamalo uvigalaukpânga.

26 Pillorilaungilanga? Inilangalaungilanga? Merngoerserne-katsialaungilanga? Tikkitokarporlo mâna uimajârnermik taimaitomik.

KAPITEL IV.

Elifasib Hiobe pitlarpâ sivurlerpâmik.

TAGVA Elifas Têmanemiok kiovok okarlunelo.

2 Imakkâ pijominarpallungilak illingnut, ôktortaukpat okarvigilutit; kinalo okautsinik nunojungnarkâ?

3 Ahâk unnuktut ajochertorlaukpâtît aggailo kassungajut nukkiksalaupâtît.

4 Okâlanivit pâlaksimajut makkitilaukpait, sêrkullo ajalujut pitsartutilaukpâtît.

5 Mânnale igvit tikkitaugavit mailerpotit; mânnalo igvit uvigarmattit koaksârpotit.

6 Sivôramit Gûdemik manigorutigingikiuk? apkosinivillo idluitailiningæt sungertutigingikiuk?

7 Naglingnartotit issumagit, nanê passijaksaungitok asserortaulaukâ? Ubvalo nanê idluartut nungutaulaukât?

8 Sorlo tækkolauralloarama siorniornermik makpiterajut, piulijaunangitomiglo kangasuilaunktut, kattersuilaurlivut tamatominga;

9 Gûdib annerninganut asserortauamangmatta, ningarningatalo annerninganut nerrijaumavut.

10 Loevit kallingoarningit, Loevillo angijut nippingit, Loeviarkallo kigutingit serkomisimavut.

11 Loeve asserortauamavok, aksârningungnaikovlugo, Loeviblo arnaub piarangit siamartitaumavut.

12 Uvamnullo tikkitokalaukpok okautsemik angigutsinar-tomik, siutigalo nippemik tâpsomangat pilaukpok.

13 Tækkotitjutinik kemergolaurama unnuarme; inuit tup-viotillugit sinningmut ittijomut.

14 Tagva sivuranermut sajudlarnermullo tikkitauleaukpunga, saunikkalo illunatik koaksâlaukput.

15 Annernerit illangæta sennerkopânga; uvangalo nujaingo-milaukpunga timipkut.

16 Tagva adsingoak nangilaukpok ijingma sângangne, tau-tualo illitarilaungilara; imingnalaukpok, nippemiglo tussarpunga:

17 Kanok inuk idluarnersaujungnarka Gûdemit? angullo-nêt ivsornainersaujungnarka sennajiminit?

18 Ahâk kivgane tettigijungnangilait, tillijaminelo sillainer-sivok.

19 Kannorlo angiluartomik tâpkonane, maggarmik iglokar-tune, sanningnut tungatitaujunne, kettulapiublo nerkingititut nungutaulertune?

20 Sivitôvok uvlâmit unnungmut, tagva serkomitaulerput; mallugijaukârtinagolo sakkijârungnaimarikput.

21 Amiakungillo nungukattavut, tokkolutiglo nerriugi-jaunatik.

KAPITEL V.

Elifasib okaranerninga Hiobe akkerartorlugo illilertorlugolo.

KAIKOJILERIT ilâ, attautsiblonêt kiomangâtit, kenâlerillo ivsornaitomik attautsemik.

2 Kaujimangojartok naktertaugalloarpok ningarnerminut, sillaitorlo tokkotavok kaningajarnerminut.

3 Kaujimangojartok mimernalik siamasertunik tækkolauk-para, tagvainarlo iglunga okarnerlotigivara.

4 Kittorngangit ungasingniarput piulijaunermi, annauler-tauvlutiglo serkomitauniarput itterviksoarme piulijekangitome.

5 Kattersininga kâktub nerriniarpâ, ainiarlâlo orpit kakki-lautiggit akkorngænit; perkutingillo immeruktut imerniaripait nungudlugit.

6 Siorniornek nunamit annilaungimat, kanoênerlo perorsê-vingmit nuilungilak;

7 Inugle inûlerpok kanoênermik pekarkovlugo, sorlo nutik-tut kongmuarmatta.

8 Ilâ uvanga Gûde sâviginajarpara, kotsingnerpâmullo illi-ornera perkonajarpara;

9 Angijunik pinniartok, nautsertortaujungnangitunik, tat-tamnartuniglo kittiksaungitunik.

10 Sillalungmik tunnijijok nunamut, imermiglo tilliklertok perorsêvingnut;

11 Erkanangitunik angijorortitsijok, kiksartuniglo kakki-titsijok.

12 Tâpsoma pingitsertortut issumangit sullingitipait, ag-gangit kajusimanermik nellautsititsijungnarkonagit.

13 Tâpsoma sillatôjut anguvait pingitsertorninginne, oho-
titsilunelo mumiksimajut attannertuininginnik;

14 Uvlôtillugo tâksiorkovlugit, uvlublo ketterarningane tap-
sikârkovlugit unnuametut;

15 Aklujorlo ikajorpâ saviksoarmit, kanninginnillo, pitsar-
tubublo agganginnit;

16 Pattangajok nerriungnekarkovlugo, kassênerlo kanner-
minik epumeriakarkovlugo.

17 Ahâk pillorikpok inuk Gûdib pitlartanga; tamanna piv-
lugo ajugakangitub sugiarningit kunnugitailikit.

18 Tâmma ikkilêvok, mangipsêlunelo; egitsilune serkomit-
sivok, aggangillo mammititsivut.

19 Kiksarnartune pingasujortune piuliniarpâtît, 7 inganelo
idluinerit nelliata aktorniangelâtît.

20 Kâvingme tokkomit piuliniarpâtît, unatadlarnermelo
saviksûb agganginnit.

21 Ijerniarpâtît okab issakautinginnit, asseroinerlo erksigi-
jariakangilet tikkileraikpat.

22 Asserortaunerme kângnermelo ijorniarpotit, ômajullo
nujuartut nuname erksiginiangilettit.

23 Angerkattigêngnekarniarpotille ujarkanik naternamêtun-
nik, ômajullo nujuartut nuname ullapirsautekarkattiginiarpâtît.

24 Tukkisiniarpotillo igluit ullapirsautekarmat; iglugijallo,
aulaniarpet, idluitullitaililitillo.

25 Tukkisijomârpotillo nutaijoktokotitit unnuktôleromâr-
matta, kinguvâkotitillo iviksukatitut naternamêtutitut.

26 Inutokaunermelo illijartortaujomârpotit illuvermut, sorlo
kippitat kakkôjaksataggit angerautitaungmatta nelliuner-
mingne.

27 Ahâk tamanna issumaksarsiornermut sakkerlaukpavut,
taimaiporlo; tamanna nâleguk, kamagilugolo.

KAPITEL VI.

*Hiobâb ârusungnine passijaungijutiksarsiorutigivâ, attupsar-
lâlo Elifasemut.*

HIOBE kiovok okarlunelo :

2 Kappiagijakka kiktitârtaunajarpatta, âniagijakkalo katti-
lugit kiktitauningnut illijaunajarpatta :

3 Tagva okumainersaunajarpot siorkanit imarbiksûb kig-
linganêtunit; tamanna pivlugo okauserijakka sullitsengilet.

4 Ajugakangitub karkjungit kappusimangmatta illumne,
tâpkoa kaningajadlarningæta anernera immerpâ nungudlugo;
Gûdiblo; sivôranarningita torârpânga.

5 Nergutit nujuartut niplialungilet iviksukakarunik; tuktuvak angusalluk niplialungilak nerripkautiksakarune.

6 Tarêrsimangitok nerrijaujungnarivâ? ubvalo kia (maniub) kaunga itsib avatânêtok ôktoromavaük?

7 Tarnima makkojugilauktanga aktorlugo, tamanna nerkigildlarpara angijomik.

8 Kannoktôk tuksiarnera malliktaule, Gûdiblo tunnitsivigilinga nerriungnimmik!

9 Gûde pigiarune annaulerlungalo serkomilunga, agganelo issumainakitilugit serkalitilungalo:

10 Tagva mannigornekarajarpunga sulle, serridlaromana-jarlungalo ânianerme, nikkasutuinarlungipat. Hailigeôjub okau-serijangit angiarilaungigalloartakka atsoilâ.

11 Nukkika sunauvât, sokkosijuituksaunajarama? Nâneralo kannoêliniarkâ, tarniga kenuêtuksaunajarmat?

12 Nukkika atsoilâ ujaraulungilet, uvinigalo kannujaulungilak.

13 Ikajornekangimarikpunga illumne ilâ, sappingerlo kemâmavok uvamnit.

14 Nâpkinengnermik kunnubub innukattiminut, tâpsoma ajugakangitub sivôranarninga kemmakpâ.

15 Kattangutima nertornaratik sennerkopânga kôktut, sorlo imiksuit sennerkotsivlutik kôdlarmatta;

16 Issoklutik kôktut sivakamut, appullo pullamavok tagvunga.

17 Nelliutome ônarsivingine ipterilingalerput; kiakalerpallokamilerput inigijamingnit.

18 Ingerarkattigêktut sangulerput apkosinermi, ingerarput sunakajuitomut, asserorlutiglo.

19 Têma ingerkattigêktungita kênâvait, Sâbablo kattimgajungita sungertutigivait.

20 Kangusuktitauvullo tettiksakalauramik, tagvungaruniglo kangusukput.

21 Taimaluatsiak illipsetauk mâna sunaungititauvose; kappianartomiglo tækkogapse sivoravose.

22 Okalauralloarkik: Kaitsivigissinga? perkutipsingnillo pilliutinnik tunnitsivigissinga?

23 Piulissingalo omisuktub agganginnit, kellarudjarlungalo attaniâlub agganginnit?

24 Ajochertorsinga nippangeromavunga; tammarumalo tamattominga illissaivigisinga.

25 Okâlanek idluartok ila ipiktoksôvok! Pitlarningnerle pitlarningnipsetut sunamik pitlarnigalloarkâ?

26 Okautsit pitlaromanasugivissigik? mungojublo okausingit sillatuinarmut?

27 Illiarsukulluk opalukpasse, innukattiselo ittersalliorpasse.

28 Ilâ nâmagijaule illipsingnut, tækkonârlunga, pitilungalo iijipse sânginnut sæglomangârma.

29 Pigiarmittise, nellangainekarniangilak tagvane; pigiap-sârmititselo tagva idluarnera nachvârtauniarpok.

30 Nâmanginek okamnêgalloarkâ? killagalo ikpipingilâk kassilingnartok sunaungmangât?

KAPITEL VII.

Hiobib inub illiorninga tamât ârusutigivâ, pîluartomigle ajulernine; tuksiarpok Gûdemît nellojungnaititaunermik, tolkomiglônêt.

INUK sorsungnermêtsainariakangilâk nuname, uvlungillo sennajuksab uvlok nâlugo uvlungititut ingilat?

2 Sorlo kivgab tachalinek kajungervigingmago, sorlolo sennajuksak uvlok nâlugo, nerriungmat sullijaksame sorairningannik.

3 Taimak uvangatauk takkinnik siorniornartunnik kingormgutijaksamut pilaukpunga, unnuanniglo kappianartunnik kittitsiviomavunga.

4 Inilarangama okarpunga: Kanga makkiniarkik? Unnublo ivianginnit uimajârnermik immerpunga, nâmaksilunga uvlugatârninga tikkidluglo.

5 Uviniga illûnane koppergosimavok kinnâliolunelo; amiga erkingavok marnekârmilunelo.

6 Uvlukka kângersarainersaulaukput kablunâktaijalliortib aksaloanganit, nâlauklutiglo nerriungnekartitsinatik.

7 Erkailerit, inôsera annoreôngmat, ijîkalo utterungnaimanik ajungitok tækkolugo.

8 Ijiblo attautsiblonêt tækkotima. tautungnersariniangilânga. Ijikipit tækkonârpânga, tamattomunga nungutaulerpunga.

9 Nuvujak nungulerpok ingergaulunelo tagvunga; taimaktauk tâmma unnungartok kappianartovingmut (annernerit inni-
ngænut) majoarungnaipok;

10 Utterungnailunelo iglominut, innigilauktangatalo illitarijungnaipâ.

11 Tamanna pivlugo uvangatauk kannera agviaromangilara; ômattima kappiasungninga okarutigijomavara, tokkailungalo okaromavunga tarnima kiksarninganik.

12 Imarbingogalloarkik, arviolungalônêt, taimak udser-toramga?

13 Issumagama aumitingma mannigoraksarivânga, inana-
ngavingma ârusungnera okiglijaksariva:

14 Tagva igvit koaksârtiparma sinnektomanernut, tækko-
titjutinullo kêongomitiparma;

15 Tarniga tussulermat kimitaujomavlune, saunikkalo tussu-
vut tokkomik.

16 Makkojukupunga, inôtsainaromalungitunga. Nokkarvigi-
launga uvlukka pujôngmatta.

17 Inuk sunauvâ, angijônasugigangne, kamagigangnelo?

18 Uvlullo tamaita nellipsarangne, nautsertorlugolo Stun-
dinne tamaine?

19 Kanok akkunêrtigijomik tækkonârtailijungnaipingâ, allar-
nangalo, nuvammik êserkârnanga?

20 Idluitullilauruma: sunamik piniarvigijungnarpagît, ud-
sertorteôjotit inungnik? Sôg apporviksangortipinga illingnut,
okumaijutiksaulungalo nangminimnut?

21 Sôglo idluitullinimnit issumagijungnaivigingipinga, pêt-
taililugillo ajornikka? Mânnaale innilaniarpunga nunab illua-
nut; kaupallo kennertauniaruma, ovanêniangilanga.

KAPITEL VIII.

Biladdib okâlaningita sivurlingit Hiobe akkerartorlugo.

TAGVA Bildad Suamiok kiovok, okarlunelo:

2 Kanok akkunêrtigijomik taimaitomik okaromavît? kan-
nerpillo okarninga annertekosajuksauva piojorijomik?

3 Issumavît Gûde nâmangitomik erkartuingmat, ubvalo
ajugakangitub idluarnekk mumingmago?

4 Ernitit idluitullilaukpatta sângane: tagva tunnilaukpait
idluitulliningita agganginnut.

5 Igville nelliutillugo Gûde najulerungne, ajugakangitorlo
kennuvigigungne;

6 Ivsornaikuvillo idluitaililutillo: tagva tuppangniarpok
pivlutit, nappârtiniarmilugolo idluarnivit iglunga;

7 Sivurngane pigilauktatit ikkitôtillugit, kingorngane pival-
liadlarniarput.

8 Kinguvârêlle sivurlit appertsorkit, kajusilutillo atâtagi-
lauktangit nautsertorlugit.

9 (Uvagut ikpeksaligapta, kaujimalungilagullo sunamik;
inôtsivut tachauvok nuname.)

10 Taipkoa ajochertorniarpâtît tamattominga, okautiniar-
lutillo, okâlanerillo sakkerniarpait ômattimingnit:

11 Ivît suvuggit perorsajungnaralloarkât aijungalungito-
mêngikunik? iviksukallonêt perorsajungnarkat imekaratik?

12 Nuvugolâkarlutik sulle, kippijaunatik kunnulerput sivurliovlutik, iviksukanit kippisimajunit tamainit.

13 Taimailingavut illunatik Gûdemik puigortut; takkomôr-tublo nerriungninga assioniarpok.

14 Mannigorninga navilermat, sungertutiksangalo nikjut nulluangititunipok.

15 Iglune sungertutigivâ, itsainarniaranelo, ajakparviginiarpâ nangerniangilarlo.

16 Iptekaralloarpok sekkinekakârtinnago; nutaijoktungillo nutaijokput perorsêvingata kollânut.

17 Mimernangit akkulaiput puailavît kiglinginne; iglune tækkovâujarkat kânginnêtilugo.

18 Tâpsomale êguniuk innigijanganit: missiarutiginiarpâ, okarniarlunelo; tækkolaungilagît.

19 Ahâk, tammanauvok illiorningata kувiasungninga; assingillo nuilerniarput sanninginnit.

20 Taimaimat tækkoit, Gûdib idluitailijut egilungimagit, kassêtullo aggangit najumilungimagit;

21 Kannit tættækârtinago ijernermik, kangasinâkiglo igiakomijarnermik.

22 Illingnigle illuluktut kangusuktitaunermut imusertau-niarput, Gûdekangitullo iglugijangæt nipangniarpok.

KAPITEL IX.

Hiobe sorsugutigivok ingminik Bildademut.

HIOBE kiovok okarlunelo:

2 Ilâ, kaujimatsiaralloarpunga taimaimat, innuglo idluar-tôjungnarlungimat Gûdib sângane.

3 Kувiasutekarpat akkerartorlugo, tagva tausendinut attautsemiglônêt kiøjungnarlungilâ.

4 Sillatôvok sôngudlarlunelo; kina nelliutut nelliane sulilauralloarkâ, akkerartulauktok tâpsomunga?

5 Tâpsoma kakkât nûtipait missigikârtinnagit, mumik-paillo ningarnermine.

6 Nuna aulatipâ inninganit, sukkangit sajukpiludlarkov-lugit.

7 Sekkinermut okarpok, tagva nuilungilak; uvloritjallo nakkiterpait.

8 Killak issivipâ innutôlune, pissuklunelo imarbiksûb mallingita kânginne.

9 Tâpsoma tuktujok udlaktullo, sakkiaitsiallo sennavait, uvloritsallo sagvangitut sekkinaptingnetut.

10 Tâpsoma pinniarnersuit pinniarpait nautsertortau-

jungnangitut, tattamnartullinerillo kittitaujungnangitut unnu-mut.

11 Ahák, sákopânga, tækkolungilaralo tamanna; agver-tarlunelo tagvûna, mallugosulungitungalo tamattominga.

12 Ahák, tâмна aksorornermut tigusikpat, kia aijoma-vaúk? Kia okautitsomavaúk: Sunamik pinniarkît?

13 Gûdeôvok, ningarninga saimartaujungnangilak kina-mut; tâpsoma attânut okkojariakarput ikajortut piojorijut.

14 Kanok uvanga tagva kiojaksarijungnarajarpigô, okau-siksarsijungnarlungalo akkerartorlugo?

15 Idluarnekarajaralloaruma, kiojomanajangilara sulle; erkartortigale kennuviginajarpara.

16 Niplianajaruma, tâpsomalo kionajarumga: tagva sulle okperomanajangitunga tâpsoma nippiga tussarmago.

17 Tâpsoma opalugalloarmanga aksorornermut, ikkekar-tilungalo unnuktunnik pitjutekarane.

18 Anernera nekkoksijaukotailivâ, nâmaksitipângale kas-silingnartomik.

19 Sôngonermik okausekaruma, tagva sôngoluarpok; idluarnermiglo, kina idluarsaijôjomava uvamnut?

20 Idluartôjomaguma, tagva kannerma ôminarneraria-karpânga, idluitailiguma, tagva tâpsoma sulle idluitipânga.

21 Idluitailigalloaruma, tagva nangminimnik illitarijak-saringitunga, innôseralo ôminariakarpok uvamnut.

22 Attausiôvok, okautigijara: Tâpsoma tammarmik idlui-tailijok, Gûdekangitorlo asserorpak.

23 Pigiarune issakailune, tagva sivumuarsârpok tokko tikkidlugo, passijaksaungitublo issumajârningit tikkitautigi-jangit mittautigivait.

24 Nuna tunijaulerpok Gûdekangitub agganginnut, ullik-serkovlugo idluarsaijungita kênanginnik. Taimaingilâk? Nanelo assianik illinganekarkâ?

25 Uvlukka tuavinersaulaukput akpangerpaktomit; kemâ-laukput, tukkisilaungilello ajungitomik sunamiglônêt.

26 Nipaksimavut umiaraktitut okitutitut; sorlolo nekto-ralik nerikksamut tingimat.

27 Issumaleraiguma, ârusungnera puigoromavara, kingor-lungnikkalo ipperarlugit, nekkoksititsomalungalo:

28 Tagva ânianikka tamaita sivuragivakka, kaujimagama igvit passijaksaunginerarlunginamga.

29 Gûdekangitôvik ila: sôg serlekinartok taimaitok pit-jutekangitok tukkisivigô?

30 Ubvarajaralloaruma imermut apputaulauktomut, ag-gakkalo sujungaitinajarupkit immektarvingme:

31 Tagva igvit sulle missungniarparma akkilupingmut annorârmalo pinarnaidlartinjarpânga.

32 Tàmna adsiginginapko, kiojungnarlugo, idluarsainerub sânganut tikkékattigêgungnarajarlunuk.

33 Akkongaptingne pijitsertekalungilak namaksêjomik, aggangminik illijijomik tamaptingnut.

34 Issakautine tigulerliuk uvamnit, koaksârnarninelo aularkoligit uvamnit;

35 Okarungnarkovlunga, erksijutekariakarajarkonangalo tâp-sominga; uvamnele nangminimne taimailungilanga.

KAPITEL X.

Hiobe ârusuganerpole.

TARNIMA inôsera sinaungajutigivâ; ârusungnera annikojomavara uvamnit, okautekaromalungalo tarnima kiksarninganik,
2 Gûdemullo okaromavunga: Ominarnerartaililaunga; kaujitilaunga suna pivlugo aivajarimangamga?

3 Kuviagiviûk aksorotjigavit, egigamgalo, aggakpit sennalauktangæt, Gûdekangitullo kajusimaningit opinartilugit?

4 Ijekarivêt uviniojunik, tækkovillônét inub tækkoningatut?

5 Ubvalo nelliunît inub nelliuningatut îka? Jâritillônét angutib Jâringititut?

6 Idluitullinikka apperkutigigangne, ajornikkalo kennerangne?

7 Kaujimagalloarlutit Gûdekangitôlunginama; kinakangitillugo piuliklerungnartomik aggangnit.

8 Aggakpit pinialaukpânga, sennalauklugolo înera tamât, avatimne illûnane; kivitiparmalo taimamarik.

9 Erkailerittôk machaktut adsiliulauramga, saningortitso-mârmingmangalo.

10 Imuktut makkêtilaungipinga, igjortilungalo punniojârtotut?

11 Igvit amekartilaukparma uvinekartilungalo, saunernullo takkarnullo uigornerêktilaukpânga.

12 Inôsekartilaukpânga ajungitullivigilungalo, kamatsiarnivillo anernera sapputilaukpâ.

13 Tamannalo ijerlaukpet ômattingne; missigijariakarpungalo tamanna illingnêlaungmat!

14 Idluitullijarangama, tagva igvit kaujisarparma tamatto-minga, idluitullinikkalo pitlartautailitilungilettit.

15 Passijaksauguma: kappianamêk uvanga! idluartôguma, tagva sulle niakora kagvartitaksaringilara, tættætôjungatut kangusungnarmik, tækkojungatullo ajulernimmik.

16 Kagvarajarpallo: Loevetut aijalikparma, pinniarvigivar-malo ama kappianadlartomik.

17 Kigligiudsijokotitit akkerartortiksakka assetårtipattit, ningarnit pivlunga angijõtïpet, kappianartut unnuktut nellekârlutik pagvisarpânga.

18 Sôg anânab timinganit tessiulaukpinga? Kannoktôk inôjungnairajalauruma, tækkojaunajalautsengikumalo ijimut attautsemullonêt!

19 Tagva inajarpunga taipkotitunak ilautsengitutit, anânab timinganit illuvermut âtaulunga.

20 Uvlukka sivikitôlungilât? Nokkarletok, kemaklungalo, kêtamik nekkoksijaukovlunga;

21 Aularkârnanga utternangalo; tâktub tâksinerublo nungangnut;

22 Nunamut niptainelingmut târnelingmullo, tachalingmullo, ipperigutinekalungitomullo, keblernelingmut tâktotut.

KAPITEL XI.

Zofarib okausingit Hiobe akkerartorlugo.

TAGVA Zofar Naêmamiok kiovok, okarlunelo:

2 Kina akkunit okarune, tussartuksaunginivâ? Unuktunik okauselik idluarnekarïakarkâ?

3 Inuit okâlagaladlarnernut nippangertuksauvât, mittakovlutit kinamullo kangusuktitaikonak?

4 Okarpotit: Ajochertusera ivsornaipok, idluartôlungalo ijikpît sângangne.

5 Kannoktôk Gûde okarajarle, kangasinângnelo angmarligik illingnut;

6 Tækkotinajarlutillo sillatunermik sagvangitomik; kanok maggolivlune angijôngmat sillatunerme illitarksinermelo; kanok ajornitit illunaitaungitok erkaumangmagit.

7 Gûdib kaujïmaninga nautsertormarigungnarasugiviûk, ajugakangitublônêt nâmaktomaringninga nachvârasugiviûk?

8 Pôktonersauvok killangmit, sunamik piniaromavit? ittiñersauvok kappianartovingmit, sunamik igvit kaujjungnarkit?

9 Takkinersauvok nunamit sillingnersaularmelo imarbingmit.

10 Tâmnâ tagvungadlarune pallangairsilunelo, erkartuigunelo, kia agviaromavaûk?

11 Tâpsoma inuit suksaungitut illitaringmagit; nâmangitullinek tækkovâ, tâmnale missigilungilak tamattominga.

12 Angut piungitok puvermat ingminik; inuglo ômajotut nujuartotut inûtsuktut erniangolerpok.

13 Omættit torârtinajalaurungne, aggaktillo issalaurungne tâpsomunga;

14 Nâmangitullinek aggangnêtok ungasiktinajalaurungne illingnit, iglungne idluinekarungnainajarkovlugo:

15 Tagva kênait kagvartitsungnarajarpet nangarijaunak, pallangainajarlutillo, erksitaililutillo.

16 Tagva siorniornek puigorajarpet, erkaumanginersarilugolo immermit kângertomit.

17 Inôtsivillo nelliuninga kaumanersauvlune nuilerajarpok uvlub ketterarninganit; târnerlo uvlângolerajarpok kaumadlartok.

18 Tamannalo mannigorutigijungnarajarpet nerriungnekar-mat; imertarvingniglo aggasorajarpotit, sinnikarigajarlutillo.

19 Innarajarlutillo, kinamullônêllo tuppaksartauvlutit koaksârtitaunajangilatit, unnuktullo sângne kennunajarpot.

20 Gûdekangitulle ijingit perlilerniarput, sungertutekarni-ngællô nipangerniarpok, nerriungningællô annernetuinauvok.

KAPITEL XII.

*Hiobe okarpok Zofar illanârrijanelo pingasut illunaita
akkerartorlugit.*

TAGVA Hiobe kiovok, okarlunelo:

2 Ilâ illipse inûvose tâpkoa, illipse illagælluse illissimanek tokkoniarpok.

3 Omattekarpungatauk illipsetut, erkananginersaulungilanga illipsingnit! kinauvalo tamattominga kaujimangitok?

4 Innukattiminut ijutigijaujub uvaptut, Gûde nipliavigini-arpâ, tâpsoma tussarniarpâ. Idluartok idluitailijorlo ijutigi-jaujariakarpok.

5 Kaumajoârsôvorlo nachonartok piojorijut issumangita sânginne, nangerporle sinaungajutiksanginnut.

6 Asserorterijut iglungit merngoêrsernekarpot ussornarnar-nekarlutiglo, kotsingnerpângojomik ningaksaijut, aggamingnik Gûdekartut.

7 Ilâ nergjutit appertsorkit, tâpkoa ajochertorniarpâtit tamattominga, tingmitjallo killaub attâne, tâpkoa okautiniarpâtit tamattominga.

8 Ubvalo nuna okarkattigiuk, tâpsoma ajochertorniarpâtit tamattominga.

9 Kina illitarksingilak tamakkonangat tamainit, Nâlekab aggangita tamakkoa sennalaungmagit?

10 Aggangminêtoliub inôjut tamaita tarningginnik, uviniggillo tamaita attunit annerningginnik?

11 Siutib okâlanek nautsertorlungikaûk? killaublo ner-kiksat ikpigingilagît.

12 Ilâ atâtatsiarne illissimanekarpok, sillatunekarlunelo inutokaujune.

13 Tâpsomane (Gûdeme) illissimanekarpok, sôngonekarlunelo; tâpsoma attanertuinek, sillatunerlo pigivak.

14 Ahâk tâmna serkomitsilerangat, tagva sennanasuarnek sulitsengilak; tâpsoma kina pallangairutijarangago, kinalônêt pallangairutjarijungnangilak.

15 Ahâk, tâmna imekartailititsileraikpat, tagva pannilerpok; tâpsomalo tamanna anitileraikpago tagva nuna mumiktipâ.

16 Tâmna pitsartôvok pinniarpâlo. Tammartok uivêrikler-torlo pigivak.

17 Tâpsoma sillatôjut tessiorpait, aksârnigaujotut, erkar-tuijullo kaujimangojârtipait.

18 Tâpsoma attannît ajoringosausêningit kellarutjarpait, makkitingillo tapseruserpait tapserumik.

19 Ajochertuijut tessiorpait aksârnigaujotut, sôngojuullo mumiktipait.

20 Tâpsoma miksekârtut kângasinângit allartipait innuto-kaujuullo tukkisiningæt pêrpâ.

21 Attannît koverivait nachogijaunermik, sôngojuullo anger-kattigêngningæt kassungatipâ.

22 Tâpsoma ittersat tâktut mattoêrpait, târnerlo sakkerpâ kaumajomut.

23 Tâpsoma innukattigêksuit unnuksivalliatipait inôsekar-ungnaitilaitalo; innukattigêksuit siamartipait aulartinivaillô.

24 Innugiartoksuit nuname angajokângit maksoasuêrtipait, tammartipaillo innukajuitune apkosinekangitune;

25 Tapsikârkovlugit tâktome kaumajokaratik, tammarti-paillo tallatutitut.

KAPITEL XIII.

Hiöbe pigannerpok akkiorlune.

AHAK, tamakkoa tamaita ijingma tækkolaukpait, siutingmalo tussarlaukpait, ipaksilugillo.

2 Kaujijasse kaujigivakka, erkananginersaulungitungalo illipsingnit.

3 Uvangale ajugakangitok okarkattigijomadlarpara, Gûdelo akkiorvigilugo uvammik tussugajarpunga.

4 Illipse taimângolungitomik tukkekartigapsiuk, âniasierte-ôlukluselo illunase.

5 Kannoktók nippangermarigajarupse! tamanna illissi-manerinajarpasse tagva.

6 Tussaritsetók akkiornimnik, kangasinångmalo sorsungningak kamagissiuk.

7 Gúde sorsugutigijomavissiuk idluinermut, pivlugolo okaromavise pingitserternermut?

8 Kinauninga kamagijomavissiúk? Gúde akkisartoromavissiúk?

9 Issumanárnialloarkisse, tápsoma erkartorniarpasse? Issumavise uivêriniarapsiuk, sorlo inuk uivêrijaungmat?

10 Angijomik pitlarniarpâse, kinaunek kamagijomagupsiuk angigutsivluse.

11 Opinartoksôninga koaksârtitaujutigijomangipissiúk? Si-vôranarningatalo tupvigijomavâsê?

12 Erkaumajase arksatuinauvut, sappulutase sappulutauvok machaujok.

13 Nippangervigissinga, uvanga okâlakovlunga; sunamullônêt kângagôrvioalloaruma.

14 Uviniga kigutimnut kingmiatsainaromavara, îllijomavalaro tarniga agganut.

15 Ahâk tokkokalloarpânga, nerriungnekarungnairumalo: sullele apkosinerijakka akkiorutigijomavakka tápsoma sângane.

16 Ilâ tâmna nangminek piulijaujutauniarpok uvamnut; takkomôrtok sânganut pingimat.

17 Okâlanera tussatsiarsiuk, tukkekartitsinerlo siutipse sânginêle.

18 Ahâk illiornera oppalungaijarsimavok, kaujimavunga idluarnerartauniarama.

19 Kinauva akkerartoromajiga? Mannale nippangeriakarpunga anernengeriakarlungalo.

20 Maggunnik piniarvigitaililaunga, tagva ijeromalungitunga sângnit.

21 Aggaktit ungasiglit uvamnit kappianarnivîllo koaksârtinieraninga.

22 Kaigarsugvinga kiojomavagit; ubvalo uvanga okaromavunga, igvit kiolaunga.

23 Kapsiovât idluitullinikka, ajornikkalo? Tappanikkalo ajornikkalo nellonairlit uvamnut.

24 Sôg kênait ijerkiúk ômisukteonasugilungalo illingnik?

25 Millukatak ikkiakijok taimak kungatailjutigijomaviuk, nauligaujarlo pannertok unangmijomaviúk?

26 Igvit aglagvigigamga kassilingnartomik, innuosungnimalo ajorninginnik kingormgujitiparma.

27 Igvit ittigakka kejuksoarmut parngnanairsorlaukpattit, apkoserijakkalo tamaita kamagivattit; ittikkamalo tumingit nellunaikuserpattit.

28 Uvanga akkilupiktut nungutaksaugalloartunga, annoråktut, kettulapingnut nerrijaumajotut.

KAPITEL XIV.

Hiobib inuit ajulerningæt árusutigivâ.

INNUK arnamit erniangomajok sivikitomik inôvok, nâmalunelo uimajádlarnermik.

2 Nuvugulåktut siggilerpok, kattaklunelo; kemåvok tachaktut, itsainaranelo.

3 Taimaitorlo pivlugo uitalerpotit, amuarlunga sângnut erkartoromavlunga?

4 Kia ivsornaitok attausek nachvårungnarkaûk, ivsornaitokangitunne?

5 Nelliunekarpok nellonairsimajomik, takkingita unnurningit illingnêput, kiglilervekartilaukpet kângertauniangitomik tâpsomunga.

6 Taimak tagva tækkonårungnairuk merngoêrsernekakovlunga nâmakserkârtinago, uvlok nålugo sennajuksatut uvlorminik.

7 Nappårtok nakkartaugalloarune nerriungnekarpok ama ablatsângormerkovlune; nutaijoktokotingillo nokkarlungilet.

8 Mimmernangit nunab illuane nutaungitôleralloarpatta, nappårtungalo tokkovlune saningoleralloarpatt:

9 Tagva sulle nutaijupsarivok naimanermut immermik, perorsalunelo perorsijaksatut.

10 Angulle tokkovok, tagva nellavok itsungnailune; inuk anernengerpok, nanekålo?

11 Sorlo immek annilermat tetsermut, sorlolo kôksoak ipterilingalermat.

12 Taimailingavok innuk, nellalerune makkiniangilak, tuppagomângilarlo killakartillugo, aulajomângilarlonêt siningnermit.

13 Kannoktôk kappianartovingme (annernerit inningæne) ulligajarlaunga, ijerajarlungalo ningarnît kassungakârtinago; kiglilervekartinajarlaungalo erkaumavigijarnik uvannik!

14 Inuk tokkungajok inônialloarivâ? Tagva nerriugomanajarpunga sorsungnima uvlunginne tamaine ablatsângornera tikkerkârtinago.

15 Kaigarsugviginga, kiolutit perkovlunga; killanârittôk aggakpît piniarninganik.

16 Månnale ablornikka kittipåttit, udsertorlugillo ajornikka.

17 Tappanikka kippitamut nakkitersimavåttit, idluitullinikalo, kattitilaukpåttit.

18 Kakkak imileralloarpok nungulerlunelo, kairtorlo nûti-tauvok inniminit.

19 Imiub ujarkat pêrlugit ergortorpait, kuttingitalo nur pêjarpât; inublo nerriungninga asserorpet.

20 Pingumarikpet tagvungarkovlugo; illinganingalo ablat sângortipet, tillivello tagvangat.

21 Kittorngane opigijaumangâtta, tamattominga kaujimangilak, erkanangitômangâttalônêt, tamanna mallugilungilâ.

22 Uvinekarlunele, ânianekariakarpok; tarningalo tâpsomanêtillugo kiksariakarpok.

KAPITEL XV.

Elifasib kiopsârninga.

TAGVA Elifas Têmanemiok kiovok, okarlunelo :

2 Angutib illisimajub ajochertûtsit annoreggit okauserijak-sarivagit, nângnelo puveraksarivagik unnangârmut?

3 Pitlarniklune okautsinut suksaungitunut, okâlanernullo piutsengitunut?

4 Igvittauk sivuranek pêjaromaviûk, tuksiarnerlo Gûdib sângane mikkinersautilugo?

5 Kannerpit idluitullinitit ajochertutigingmagit, annerosuklutillo okamik nellangaitomik.

6 Kannerpit pitlarraksaunerarniarpâtit uvangaungitorlo; kangasinâkpît kiolutit akerartoraksarivâtit.

7 Igvit inungnit erniangomajunit sivurliôvît? igvit kakkâ-rulait sivurngene pijaulaukît?

8 Igvit Gûdib kajusimaninga angigutsaumajok tussarlaukiuk? Igvit illissimanek millulaukiuk illingnut?

9 Kaujimavît sunamik kaujimangitaptingnik? Sunamik tukkisivît uvaptingnêlungitomik?

10 Kêrtojokarivok inutokaujokârlunelo akkunaptingne, inô-kitârnersaulauktunik atâtarnit.

11 Gûdib mannigoiningit taimak pijariakitônasugijaujuk-sauvât illingnut? okauserlo illanersarnermut okautigijaujuk illingnut?

12 Namut ômattivit aksorotivâtit? Sunamiglo ijikik kab-lukealarutekarkâk?

13 Kanok maksoanît makkitava Gûde akkerartorlugo, okâlanerit taimaitut annerkogangne kannernit?

14 Innuk sunauva ivsornaituksaunajarmat, tamnalo idluar-tojuksaungmat arnamit erniangomajok?

15 Ahâk, ivsornaitokotine tettigijungnangilait, killaillo ivsornailungilet sângane.

16 Kanok angiluartomik innuk makkojungnarneôjok, maimaitoállôjorlo, idluinermiglo immertok immektut?

17 Unertutitsomavagit tamattominga tussarnânga; unip-kautitsomavagillo tækkolauktamnik;

18 Illissimajut okautigilauktanginnik, atâtagilauktangitalo nellungitaililaungitanginnik;

19 Innutôlutik nunamik tunnitsiviolaunktut, tækkorngartomullo ingergaviomalaungitut.

20 Gúdekangitok sajukpok innôtsine nâlugo, attanniâlublo Jârime unnurningit nellovait.

21 Tussarpaktane koaksârutigivâ; ullapirsautekaralloartillugolo asseroijub tikkininga illimigivâ.

22 Okperlungilak kanoêtomit kemâniarame, tikkitaunasugitsainarlunelo saviksoarmut.

23 Ingerarpok sivunut uttimullo nerkiksarsiorlune: kaujimaovok kanoênime, nelliuninga nelliusingmat.

24 Kappiasungnerub siorniornerublo koaksârtipâk; anauvâglo unnunga, attanertut oppalungaersimajotut sorsungnermut.

25 Agganne issalaungmagit Gúde akkerartorlugo, ajugakangitorlo kepêservigilaungmago.

26 Akpangervigivâ kongaselijarlune tessitersimajomik, sapulutaminik kongmuartitsilune.

27 Kênane ullipâ ingnermut, nângne nimekartipâ orksunik.

28 Iglokarporle iglugaseksoarne asserorsimajune, iglune itsainarniangitune pijarêrsimajune serkomakungorkovlugit.

29 Akluilerniangilak, perkutingillo sokkosijuiniangilet, piloringningalo pivallianiangilak nuname.

30 Kanoênek nûniangilak tâpsomangat. Ikkomaub akkerungit kunnulertiniarpait; nungulerniarpok kanningata annerninganut.

31 Uivêrijaumajok sunautsengitomik tettekarniarane; sunautsengitomik akkekarniarame.

32 Nelliutekârtinago naggatekarniarpok, akkerungalo tungojoksiniangilak.

33 Katterainiarpok perortuminik nappârtotut Weinelihsatut paungaminik piungitunik, nappârtotullo orksuliktut nuvugolârgminik.

34 Takkomôrtut kattimaniksangæt inutilunginiarpok; ikkomaublo iglut nerriniarpait pilliusianik tigusijut.

35 Singaivut pijaksaungitomik, ernilutiglo siorniornermik nângillo sakkêvut alliktuamik.

KAPITEL XVI.

Hiobib Elifas árusutigivâ annersaumilunelo Gúdemut.

HIOBE kiovok okarlunelo:

2 Taimaitomik tussarkattarlaukpunga. Illunase mannigo-ijôvose piungitut pagvinartut.

3 Okautsit okausetuinajut naggatekarniangilât? Sunamullonêt kajungersartauvit kiojariakaravit?

4 Okarungnarajaralloarivunga illipsetut, tarnisse tarnima inninganênajarpatta; okautsinut opagomanajarpapsetauk, illekettamarutigiluselo taimak.

5 Nekkoksijomanajarpapse kannermut, kangasinângmalo mannigoiningata nikkaginajaraksarivâse.

6 Okaralloarumale, âniab tagva nikkagingilânga; nippangeruma, tagva nûlungilak uvamnit.

7 Mânnale merngortortipânga; inera tamât asserorpet.

8 Imullokartilaukparma, tamannalo kigligiutsivok akkerartorlunga; uvinerôtinerna makkitavigivânga passivângalo kênamnut.

9 Kanningaumajarningata aksorotivânga, ômigilungalo; kigutiminik kêtitsivigivânga; akkerartortima ijingne takpiksiti-pak pivlunga.

10 Kannitik aitarpait akkerartorlunga; kangunartomik erk-salaukpânga, illunatik kattutivânga.

11 Gûdib unertûtigilaukpânga Gûdekangitut agganginnut.

12 Pillorilaukpunga, tâpsomale serkalitilaukpânga, kongesipkut tigulaukpânga, toggarlungalo serkomilaukpânga; nap-pautimalungalo torârviksautilunga ingminut:

13 Illujautilaukpânga pittiksertokotiminut; taktûka koppi-laukpak annajagilaungilaglo; sungara kovilaukpâ nunamut.

14 Ikkilênangortilaukpânga; oppalulaukpânga angutauser-totut.

15 Pôksaijak mersorsimavara amimnut, naksugalo illima-vara sanningnut.

16 Kênara puvimavok kêanermut; ijingmalo attânêtokar-pok tokkub tachanganik.

17 Aggamnêtokangigalloartillugo piniarlungnermik, tuksiarneralo ivsornaipok.

18 Kanoktôk nuna auga ullingniarnago! nipliadlarneralo inniksarsiniarane!

19 Mânatauk sulle, ahâk, kigligiutsijigijara killangmêpok; illitarijimalo kotsiktomêpok.

20 Illanârijakka mittautekartôvut uvamnik; ijigale kugvior-pok Gúdemut.

21 Kanoktók angutib Gúde akkiorvigijungnarliuk, sorlo inub kittorngangata illanârijane piniarvigingmago!

22 Jârilla nellonairsimajut tikkiput, uvangalo aivunga tagvunga apkosinekut, utterviginiangitapkut.

KAPITEL XVII.

Hiobe ârusuganerpok, kappiasungnine passijaksauugininelo pivlugik.

ANERNERA sangépok, uvlukka kamisimavut, illuvek tagvanêpok.

2 Sullelo mittautiksakatsainarpok avatimne, ijigalo kappiagijamine sinniktariakarpok.

3 Igvit satoraksak nellonailiuk, akkisartorlungalo illingne! Kina pivlunga angeromavâ?

4 Tâpkoa ômattinginnit sillatunek ijertilaukpet: tamanna pivlugo angijorortiniangilettit.

5 Illanârijiminik unertutjijub aksârnigaujungortilugit, tâpsoma kittorngangita ijingit perlerniarput.

6 Tâpsoma okausiongînartilaukpânga inuit akkorngane, makkojungnartoâlôjariakarpungalo tâpkoa sângine.

7 Tautuga kernangajungorpok kiksarnermut, saunikkalo illunaita tachartut - iput.

8 Idluartut tamanna tattaminiarutiginiarpât, passijaksau-ngitullo makkitaniarput takkomôrtut akkerartorlugit.

9 Idluartuble sulle apkoserijane ungagitsainarniarpâ, ivsornaitunniglo aggalik sôngutsainarniarpok.

10 Attê, sâleritse illunasse tamaunga; kailuselo; sillatojok-siniangilanga akkonapsingne.

11 Uvlukka annigorsimavut, kajusimanikka ômattima pigilauktangit iguptersimavut.

12 Unnuak uvlungortitauvok uvamnut, kaumajorlo kannipok tâksinermut.

13 Nerriugalloaruma, sulle kappianartovik iglogivara, tâktomelo inangaviga âkiktaumavok.

14 Asserorsimanek atâtaunerarpara, koppergullo anânau-nerarpara najaunerarlugolo.

15 Kina uttakkiaksarivigô? Kialo nerriungnera tækkoniarpauk?

16 Anernerit inningata, inukajuininganut sittorniarpok, nerriungnera illagællunga nellaniarpok sanningue.

KAPITEL XVIII.

*Bildadib ningarosuklune Hiobe Gûdekangitunut
kittikassiutivâ.*

TAGVA Bildad Suamiok kiovok okarlune'lo:

2 Kanga okâlanerit sorairitsomavissigik? kamatsialauritse, kingorngane okaromavogut.

3 Sôg nergjutitut inasugijauvita ivsornarlutalo ijpse sânginne?

4 Nerkersudlartitotit illingnik annûnerne, issumavît pivlutit nuna kemaktauniarmat, kairtorlo inninganit nûtitauniarmat?

5 Gûdekangitut kaumaningæt kamminiarralloarpok, ikko-mangatalo nutiktarninga keblerniangilak.

6 Kaumajok tâksilerniarpok iglungane, kaumautingalo kângane kamminiarpok.

7 Apkosinerit perkutinginnut nerrokiniarput, kajusimani-ngatalo ochotiniarpâ.

8 Ittiggangita ochotimatsuk nullutjannut, agvertarporlo nullutjat kângine.

9 Aklunâb kingminga tiguminiarpâ, nurlublo tigusâr-kallakpâ.

10 Aklunânga illijaumavok nunamut, mikkigiangalo apkosiniganut.

11 Avatâne illûnâne erksinerub koaksârtiniarpâ tagvainak, allingisârniarpâlo ablorne illunaine.

12 Perkutigijangit kângniôniarput, pijaksaungitublo senner-agik sillukpak.

13 Uviningata nukkingit nerriniarpait, ilâ takkangit tok-kub ernerikârtangata nerriniarpait.

14 Nerriungninga iglunganit pêjartauniarpok, ungorniarpâllo kappianarnerub attaninganut.

15 Iglunga iglugijauniarpok, amiakokalungimat sunamik tâpsomangat; innigijangalo katterarvioniarpok orksorumik.

16 Attânit amâugit pannilerput, kollânillo perortungit kip-pijauvut.

17 Erkaumajauninga nunguniarpok nuname, attekarniangilarlo apkosinerme.

18 Kaumajomit tokkomut aulartitauniarpok, ajaktortauniarlunelo nunamit.

19 Ernekarniangilak, erngutakarniaranelo inugiartoksoakotime akkorngæne; amiakojokarniangilak iglugilauktamine.

20 Kingurlingita uvlunga kakkilâdlarutigijomârpât; sivurlingillo kêongominiarput.

21 Tagva idluangitub iglugijanga; tamadsalo tâpsoma innigijanga Gûdemik nachojub.

KAPITEL XIX.

*Hiobib Gûdib ningausinga ârusutigivâ; nerriulerporle piv-
lijaujomârnerminik tâpsomunga.*

HIOBE kiovok, okarlunelo:

2 Ilâ kanok akkunertigijomik tarniga pagvisârkissiuk, serkalitilungalo okautsinut?

3 Manna tellimaujortoertorluse mittautigilaukpapsinga, kangusuktaililuluse avavâtinapsinga.

4 Tammaruma, tagva pivlunga tammarpunga.

5 Illungertorluse angijorortitsomavisse illipsingnik akkerartorlunga, suarlungalo kangusuktitaunera pivlugo?

6 Missiginiaritsetôk sukkutsiane Gûdib okkungatimanga, ômajoksiortimelo aklunânganut nappersimangmanga.

7 Ahâk, nipliagalloaruma aksorotijaunek pivlugo, tussartaungilanga sulle, kaigarsukupunga, idluarnekalungilarlo tagvane.

8 Tâpsoma apkosinera avaluliulaukpâ, kângagôrungnarkonanga, târnermiglo pititsilaukpok apkotigijamnut.

9 Mattalaukpânga opigijaunimnik, niakotelo tigulaukpâ niakumnit.

10 Nappilaukpânga illûnamaripkut, nungulerama, nerriungneralo nussulaukpâ nappârtotut.

11 Ningarningata illungertorutigivânga, ômisukteônasugivângalo.

12 Tâpsoma sorsuksoakattigêktokotingit illagêklutik tikkiput, apkosineliorlutiglo ingmingnut torârlunga, tangmârsimavlutiglo igluma avatâne.

13 Kattangutikka ungasiktilaukpait uvamnit, illakkalo tækkorngartangorsimavut uvamnut.

14 Inukattima kamagijungnairpânga, illanârijamalo puigomavânga.

15 Iglomiokattima, kivgakotimalo arnat tujormiangonasugivânga; illitarnarungnaimavunga ijinginnut.

16 Kivgara angut kaikolaukpara, tâpsomalo kiolaungilanga; kenuvigijariakalaukpara kannimnut nangminimnut.

17 Annernera tækkosungnaitomavok aipamnut; timima kittorngangit kennuvigijariakarpakka.

18 Nukapitsettauk innuôsuktut nachogivânga, makkitavigigangapkillo, tagva okarnerlôtivânga.

19 Nertornartokotima illunatik makkojugivânga, nagligijamalo kiglornilerpânga.

20 Saunikka nippingavut amimnut uvinimnullo, kemâgarpungalo ikkika amekartillugit.

21 Nâpkoarissinga, nâpkoarissinga illipse illânarijakka; Gûdib aggangita aktorsimangmanga.

22 Sôg unangmivissinga Gûdetut, nâmaksijungnaraselo uvinimnik?

23 Kanoktôk okâlanikka aglaktaunajarlit! Kanoktôk aglanut makpertainut adsiliortitaulit!

24 Aglaumut kikkiangôjomut (aglaktaulit) akkitomut, erkaumajaunermut issokangitomut kairtomut kepperortaulit!

25 Kaujimavara piulijiga inôngmat, tâmnalo kingorliovlune nangeromârpok sanningne;

26 Kingornganelo amerma uvangaunera tamanna illumajomârpâ, uvinimnillo Gûde tækkojomârpâ.

27 Tâмна tækkojomârpâ pivlunga, ijingmalo tautugomârpak tækkorngærtubloungitok. Taktûka (killanârnermut tamatominga) nungutaumavuk sâmnne.

28 Okarupse: Unangmijomavavut, patsitiksarsijomavluta tâpsomane:

29 Saviksoak sivôragissiuk; saviksoak tâмна ningarniongmâ idluitullinek pivlugo; kaujimakovluse erkartuivikarmat.

KAPITEL XX.

Zofarib kiupsârninga.

TAGVA Zofar Naêmamiok kiovok okarlunelo:

2 Issumama tamattominga kiojutigivânga, tamannalo pivlugo singomavunga illupkut.

3 Tussaromavunga, kia tamanna pivlugo pitlaraksaringmangângma, kakkiarijaksarivlungalo; sillatunima annerningata kigusekartitaksaringmanga.

4 Kaujimangilatit taimaitsainalaungmat inukatainarninganit nuname:

5 Gûdekangitut opigijauningat akkunêrlungimat, tækkomôrtublo kuviasungninga ijib kablukearlarningatut attautsetut sivitutigijôngmat?

6 Pôktoninga killaub illua tikkilugo pigalloarpat, niakungalo aktoralloarpat nuvujanut;

7 Sulle nungumaringniarpok annangatut, taipkoa tækkolauktut tâpsominga okarniarkovlugit: Nanêkâ?

8 Sinnektomanertut tingilerpok nachvârtananelo: tækko-titjutitut unuarne nipapok.

9 Ijib tækkolauktub tâpsominga tækkojungnainiarpâ, innigilauktangatalo tautugungnainiarpâ.

10 Kittorngangita aklujut ullapkoseromârpait, (kittorngangitalo) aggangitalo tapsoma nâmangitullinine sattortautiniarpait.

11 Sauningit nâ mavut ajorninginnik angarijaujunik, tapkoa tamna illagællugo nellaniarput nunab illuanut.

12 Kassênek kanermine mamarigalloarpago, ijerpagolo okame attâne;

13 Ivlerigalloarpago, ipperarnagolo, pigênarpagolo kanermine:

14 Tagva nerkingit erchavinginne ablatsângorniarput, sungangorniarlutiglo kuglugiamit, Otteremik taijaujomit illungane.

15 Perkutit êlauptane, kesserariakarivait Gûdiblo toggarniar-pait nânganit.

16 Otterit tokkonartungæt millugiarniarpâ, kuglugiablo Natteremik attiggub, okangata tokkoniarpâ.

17 Tækkoniangilak kôgnik, kôksoarnik, kôktitsijunik igup-saujartut orksunginnik, imublo orksuanik.

18 Sennanermut pinasualauktane uttertitsariakarpait, attoraksaringilaïllo, perkutitut ablatsângornek iniarivok, kuviasutigilugit perkonago.

19 Aklujuk okumaiksartilaungmago, kemalauklugolo; iglut aksorornermut nangmineliutilaukpait, sennalaungitane.

20 Natjak nâmaksijungnalaungilak; tamanna pivlugo pivianartokotiminit sunamiglonêt piuliklerniangilak.

21 Nerkiksangit sinnikokaniatsengilet; tamanna pivlugo kannoêngitsiarninga sokkosijuiniangilak.

22 Pittakalorigalloarune aksigalloarunelo, sulle kappiasulerniarpok; siorniornartut sunatuinait tikkiniarpât.

23 Natjak attausiarlutik tættælerniarpûk; Gûdib nîngarnime illungertudlarninga tilliniarpâ tâpsomunga, sillalugviokoniarpa tamattomunga nerrimârtillugo.

24 Sagvingmiutak kikkiangojok kemâniarpâ, pittiksiublo kannujaujub unnangminiarpâ.

25 Saviksoak kênailitakangitok tunnuagut anniniarpok, saviksûblo kaumalangit sungangagôrniarput, ingergadlarkovlugo tagvunga, koaksârnerublo kollangiarlugo.

26 Târnek tamât komergutigijauvok tâpsomunga pivianartokotinginnut illingakovlugo. Ikkomab nerriniarpâ supportaumalungitub; amiakojoorlo iglungane illingalungniarpok.

27 Killaub idluitulliningit nellonairniarpait, nunalo makkitaniarpok akkerartorlugo.

28 Iglungata kematulliosimajungit ingerarniarput, siamar-titauvlutik Gudib ningarningata uvlungane.

29 Tamadsa inub piniarluktub akkilertauninga Gûdeme, okâlaningatalo kingormgutijanga kotsingnerpâme.

KAPITEL XXI.

Hiobib akkerartortine akkiorpait.

HIOBE kiovok okarlunelo:

2 Nalagitsetôk okauserijamnik, taimailioritselo mannigoinipse inningæne.

3 Kennuêrsarvigissinga, okâlakovlungatauk, kingornganelo mittautigissinga.

4 Atsoila inungnut ârusukîk? sôglo annernera kunnujuk-saulungilâk?

5 Savigissinga; tattaminiarniarpose, aggasselo illijariakarniarpassè kannermut.

6 Erkaumajarangapko koaksârpunga, uvinigalo sajungnermut tikkitauvok.

7 Sôg Gûdekangitut inôvât, inutokaulerlutik, perkutekarpallialutiglo?

8 Kinguvângit ussornarnarput avatinginne, nutaijoktungillo perorsavut ijingita sângine.

9 Iglungæt ullapirsautekarpok koaksârnermit, Gûdiblo issakautingata kollangiarlungilait.

10 Tuktuvakotingit angusalluit illautitauvut, sulingitokalongilarlo tâpsomunga; tuktuvakotingalo arnak nochakarpok alliktoranelo.

11 Kittorngangit innûtsut annivut kattimgajutitut, nukapia-kotingillo kiggertarput.

12 Igiakomijarput, killautit Harfillo attorkassiutilugit, seridrlarlutiglo nipsausijarnerme.

13 Inotokaulerput uvlune kanoêngitsiartune, serlerlo kapianartovik koaksârutigivât ijib kablukealerningane attautseme.

14 Okaralloarput Gûdemut: Aularit uvaptingnit; uvagut apkosinitit kaujijomangilavut;

15 Ajugakangitok kinauvâ kivgartoraksarigaptigo? ubvalo sunamik âkiktaunersaunekarkita nipliavigiguptigo?


16 Ahâgle, perkutingit agganginnêlungilet, tamanna pivlugo Gûdekangitut issumangit ungasiktuksauvut uvamnit.

17 Ila Gûdekangitut kaumautingat kamileromârpok, kanoêtokotingatalo tikkiniarpait! Ningarnermine ômattib kappiarnarninganik aitortuiniarpok.

18 Ivît nakkangitut annoremut îniarput, sanniktitut, akkonaksûb tiktautitangitut.

19 Gûdib tâpsoma kanoêninga komergutigivâ kittornganginut. Akkiniarniarpago, tagva tamna tukkisiniarpok tamattominga.

20 Ijikita asserortauninga tækkojomârpâk, ajugakangitublo illungertorninganit immeromârpok.



21 Kanoêtomigle kuviasutekarniarka iglune pivlugo kingornermine? Takkingitalo unnurningit ketterartaulerpatta?

22 Kia Gûde ajochertorungnarkaûk, pôktojunniktauk erkar-tuijok?

23 Tâмна tokkovok nukkekarlune, atsuilivlunelo, pittakaloringnerme merngoêrsernermelo.

24 Kattat makkitervingit tættæput imungmik, sauningillo kuinititauvut pattermut;

25 Innale tokkovok tarnekarlune kiksartomik, nerrilaungit-sainarperlo kuviasuklune;

26 Adsigêklutiglo sennilerêklutik nellavuk nunab illuane, koppergullo ullipakit.

27 Ahâk, issumase illitarigalloarpakka, kajusimaniselo piungitut akkerartorlunga.

28 Okarapse; Attaniub iglunga nanêkâ? Tupperlo Gûdekangitut innigilauktangæt nanêkâ?

29 Ingergajut apperilaungipissigîk, nellonaikutangillo illitar-ingipissigik?

30 Idluitok nikkagijaungmat asserornartub uvlunganut, kaningajarnerublo uvlungane ittertitauijomârpok.

31 Kia okautijungnarkaûk kênanganut, sunamik piniarvijuksaugalloarmat? Kia piniarninginnik akkiniarungnaralloarkaûk?

32 Illuvermullo âtauvok, pigârlunelo katsiktome.

33 Naksab ivjungit nerromikput tâpsomunga, sillaksoarmiullo illunaita unniarpait kingôrnermine, taipkoalo sivurlerilauktangit kittiksaungilet.

34 Ila sulinase mannigorpapsinga, kigusiselo naipitauvut idluangitôvlutik!

KAPITEL XXII.

Elifase pingajuanik okâlavok.

TAGVA Elifas. Têmanemiok kiovok okarlunelo:

2 Kanok angut Gûdemut attornaralloarkâ, ingminut attornarune sillatojotut?

3 Issumavit ajugakangitok ajungitulliviongmat, idluaruvit? piksarsinarmallônêt tâpsomunga, apkosinitit nangarnarnak atorungne?

4 Sivuranermut illingnik pitlarniarkâtît? itterkattiginiarkâtît erkartuivingmut?

5 Kassênit angiluarlungilâk, idluitullinitillo naggatekangilât?

6 Imakka kattangutingnit pitjutekarnak satoraksak tigu-laukpet, ussingajut anorajalaukpâtît.

7 Merngortortut imertilaungiletit immermik, kâktorlo kip-pilulaukpet kakkôjamik.

8 Tallekalauktok, tâмна nunamik pekalaupok, opinalauk-torlo, tâмна iksivatsialaukpok tâpsomane.

9 Uigarnerit sunakaratik aularkolaukpâtît, illiarsuillo tal-lingit nappijalaukput.

10 Tamana pivlugo aklunâtjanut nappersimavotit, erksine-rublo tagvainak koaksârtilaukpâtît;

11 Târmullonêt, illujaumavotit tækkojungnarkonnak; inger-ganiublo ulligariakarpâtît.

12 Gûde kotsiktome killangmêlungilak takpâne? Ahâglo, uvloritjat takpâne, kanok kotsiktigijôngmatta!

13 Igvillo okarpotit: Sunamik Gûde kaujivâ? Tâмна tâktub ungatâne erkartuijungnarajarka?

14 Nuvujat ulligivait tækkonanelo, agvertarlunelo killaub angmalokitauningane.

15 Sillaksûb apkosininga idluitut agvertarvigilauktangæt kamagijomaviûk?

16 Tigujaukalladlarluktut, nelliutilaukârtinago, ullitorniublo tungavingæt ergulaukpâ.

17 Gûdemut okalauktut: Aularit uvaptingnit; ajugakang-itublo sunamik piniarvigijungnaralloarpagît?

18 Iglunginik tættætitsigalloarlune perkutinik. Gûdekangi-tulle kajusimaningit ungasiklit uvamnit!

19 Idluartut tækkoniarpât kувiasungniarlutiglo, passijak-saungitublo, mittautiginiarpât.

20 Sunaubva illinganingæt nipangniarpok, amiakungillo ik-komab nerriniarpât?

21 Tagva mâнна ullapkcseruk, ullapirsautekarlutillo; ta-mattomangat ajungitomik piniarpotit.

22 Malligaksaukojaujut kaninganit illaliorkit, okâlaningalo ômamiutarilugo pît.

23 Sâlerniaruvit ajugakangitomut, tagva sennajauniarpotit; idluinerlo ungasiktiniarpet iglungnit.

24 Tagva Golde illiniarpet nunab illuanut, Golde Ofiremit kôgut ujaraktanginnut;

25 Ajugakangitorlo Goldeoniarpok illingnut, Silbereôlerni-arlunelo illingnut kallerêktitaumajut.

26 Tagva ajugakangitok kувiasutiginiarpet, ârlorniarlutillo Gûdemut.

27 Kennuviginiarpet, tâpsomalo tussarniarpâtît; angerner-i-lauktatillo akkilerniarpâtît.

28 Piniaromajarne tamaine, sulidlarniarpotit, kaumajublo apkoserijat kaumarniarpâ.

29 Tâpsoma nikkanarsârtut ingminik angijorortimmagit; ijingminik kattalungajok pijungnainiarpok.

30 Ilâ passijaksaungitôlungitok piulijauniarpok; piulijauniarpok aggakpît ivsornaininganut.

KAPITEL XXIII.

Hiobib Gûdib erkartuininga sungertutigivâ.

HIOBE kiovok, okarlunelo:

2 Okâlanera kiksarnartuarpok sulle; kappiagijara okumainersauvok annersauminimnit.

3 Kannoktôk kaujinajarlanga, kanok nachvârungnarmangâpko, tikkitsungnarlungalo iksivautanganut;

4 Idluarnerlo pitilugo sânganut; kanneralo tættætilugo nellonailêjutiksannik;

5 Kaujtitaulungalo okâlanermik, kiguserinajartanganik uvamnut, timeroilarmalo okauserinajartanganik uvamnut!

6 Pitsartunermut angijomut aivajarinajarpângâ? Aukak, kamaginajarpângale.

7 Tagvane nellâgôr tub akkiorungnarajalarloarpâ; uvangalo pitlartaunanga erkartortimnik annigoijomagajalarloartunga.

8 Mânna tükki muarmarigangama, tagva tâmna tagvanêngilak; utterumalo, tagva mallugingilara.

9 Pinniari vikarune saumiub tungâne, tagva tautungilara; ijerune tallerpiub tungâne, tækkungilara.

10 Tâpsomale apkotigijara illitaritsiarpâ. Tapsoma ôktorlanga, tagva sakkeromavunga Goldetut.

11 Ittiggakka pitigapkit tâpsoma tuminginnut, apkosiningalo attungênarpara, senniagôr nangalo.

12 Kangasinâkitalo perkojangak tunulunginapko kaningatalo okâlaninga torkornersarivara illusimnit.

13 Tamna inutôvok, kia sangutitsomavaûk? Piniarpâlo sorlo pijomagametut.

14 Tunnijigune pijaksannik, tagva taimaitokarnersauvok sulle tâpsomane.

15 Tamanna pivlugo koaksârutigivara; issumaksarsiorutigigupkolo, tagva mungorpunga sângane.

16 Gûdib ômattiga iktortimavâ, ajugakangitublo koaksârti-laukpânga.

17 Nungutaulaunginama târnek tikkilaukârtinago, tâksinerlo ullilaungimago sâmnit.

KAPITEL XXIV.

*Hiobib appertsorninga suna pívlugo Gúdib píniarlungerit
agviarlungimangágít.*

SOG nelliunerit ajugakangitomut torkortauvát? sôglo (innuit) illitarijingit tâpsoma uvlunginik tækkolungilat?

2 Tâpkoa (Gúdekangit) kigilervít nútípait, nergjutit kat-timgajut arktautigivait mianerilugillo.

3 Illiarsuit siutekoktojojokotingit ungorpait tagvangat, uigar-nerillo tuktuvakotingit tiguvait satoraksautilugit.

4 Aklujut allingitârijariakarpait, sukkôjullo nuname illuna-massiatik ijeriakarput.

5 Ahák ômajutitut nujuartutitut sunakajuitométutitut anni-vut sulijaksamingnut, aksárnigaujuksat kenâlugit; innukajuitok kakkôjauvok tâpkonunga nukapianginnullo.

6 Kattersivut perorsêvingme perortunginnik, perorsêvillo Weinelihsat, nâmangitullinermut pigijatit nunnivarivait.

7 Ussingajut nellainartipait annorâkaratik, kebbikarungnai-tilaitalo itsekarningane.

8 Kairtunut aijariakarkovlugit, suarutab kakkanit pilune koverijarangagit; assianik mannigorutiksakanginamik.

9 Illiarsuk tigukallakpât iviangêngnit, satoraksangortipaillo pattangajub pigijangit.

10 Ussingajok aularkovât annorâkarane, kâktullo tâpkoa kippitajokotingit kakkojaksaggit akjartorpait.

11 Karmangita akkorngæne orksjeriariakarput sêmiksiv-lutik, iptêjaivik tullerpât immerudlarlutiglo.

12 Innuit iglugaseksoarnêtit annersaumitipait, unatartau-majullo tarningit avalâtipait; Gúdiblo passilungilait idluitulli-nermik.

13 Kemailaukput kaumajomik, apkosininganiglo illitark-singilet, tuminginnelo nokkangalungilet.

14 Uvlogatâlerangat innuartok makkipok, tokkotsilunelo aklujomik pêtôjomiglo; unnuamelogitigtotut ipok.

15 Nulliarêngnermik asseroijub ijingata allajalernek kama-givâ, okarlunelo: Ijib attautsiblonêt tækkolungilânga; kênâ-nelo ullikpâ.

16 Tâмна tâktome ittârpok iglunut. Uvlôtillugolo palla-ngairutivut, kaumanerlo illeragivât.

17 Uvlâk tâpkonunga tokkub tachangatut îmat; tâktub erk-sinarninginnik sungiusimagamik.

18 Imna koksalaiddarlune imarbihsokut sorlo ingerarsâd-larpok, illangiusianga nuname ôminarsijauvok, sâlungilak peror-sêvît Weinelihsaggit apkosiningænut.

19 Kappianartoviub idluitullijut tiguvait, sorlo kiab panidlarnerublo imek apputaulauktok nerringmakko.

20 Igliab puigorpâ, koppergut kuviagivait; erkaumajaujungnaipok; piniarlungnernik pijok, nappijauniarpok nappârtotut.

21 Kiksartitsilauktok kittorngisuitomik, ernisuitomik; uigarnermullo ajungitullilaungitok;

22 Sôngojuniglo aksorutjilauktok attiminut pitsartunermi-
nut. Tâмна makkitalaurangame, tagva kialonêt innôsinga
ussornarnarlaungilak.

23 (Gûdib) tâмна ussornarnartokartipâ, sungertutigijanganik, ijikitalo pinniarningit tækkonârpait.

24 Nelliutomik siviktomik kagvertisimavut, nipalerpullo, nungutaulerlutiglo, sorlo illunaita tigukalladlartaungmatta, kip-
pijauvlutik sullugainertut nauligaujamit.

25 Taimaingilâk? Kia sægloneraromavânga nellonailêjomalunelo, okâlanera suksaungimat?

KAPITEL XXV.

Bildadib okausingita kingorlingit.

TAGVA Bildad Suamiok kiovok okarlunelo:

2 Nâlegaunek sivôranarnerlo tâpsomanêpûk, ullapirsautekartitsijome kotsiktokotimine,

3 Kia tâpsoma sorsuktuksakotingit kittitsungnarkagît? Tâpsomalo kaumajokotingata kina nuivigingikaûk?

4 Kanorlo inuk idluarungnarka Gûdib sângane? Kanorlo arnab kittornganga ivsornaijungnarkâ?

5 Ahâk, takkek keblerlungilak sulle, uvloritsello ivsornailungilet sulle ijikita sângangne.

6 Kanok sângiluartomik inuk koppergôjok, inublo kittornganga, pâmgortôjok?

KAPITEL XXVI.

Hiobib Gûdib angininga okautigivâ Bildademut.

HIOBE kiovok okarlunelo:

2 Sunamik mâнна kaujimangertok ikajulaukiûk? Kanok tallek nukkingerotijok piulilaukiûk?

3 Sunamik attannertuermik tunnijilaukit. illissimalungitomot? sakkertitsilutillo kajusimanernik unnuktunik?

4 Kina okarkattigiviúk? kialo anerninga anilerka illingnit?
 5 Inukpait kappiasukput immaksuit attâne, tâpkonanelo nunakartut.

6 Kappianartovik ussingavok tâpsoma sângane, asserorsi-manerlo ullekangilak.

7 Tâpsoma unnuab ketterarninga issivipâ pittakajuitub kânganut, nunalo nivingatipâ sunaungitomut.

8 Imeksuit kattertipait nuvujakotiminut, nuvujallo allilungilet tâpkoa attâne.

9 Iksivautaksoarme kênanga atsungertipâ, nuvujakotinelo issivitipait sânganut.

10 Imaksuit avatâne kiglilervekartitsilaukpok, kaumajub târniublo nâningak tikkidlugo.

11 Killaub sukkangit sajukpilukput, kakkilâdlarlutiglo suarninga pivlugo.

12 Pitsartunerminut imarbik uimajartipâ, sillatunerminullo ingiuliksoangit nokkartipait.

13 Killangme ânanaulerpok annoringanut; aggangita kuglugiak naggojok sennavât.

14 Ahâk, tamadsa apkosiningita illangit; okautsemiglo mik-kijoârsutuinarmik tussalaukpogut tamattomangat ila! Kiale pitsartuningata kallungninga tukkisijungnarkaâk?

KAPITEL XXVII.

Hiobib idluitullijok makkojugivâ.

HIOBELO piganerpok, okâlaninelo pigiarpait okarlunelo:

2 Sorlo Gûde miksekârtomik inôngmat, idluarnimmik tæk-kokojilungitok uvamnik, ajugakangitorlo kiksartitsijok tarnimmik;

3 Annernima uvamnêninga nâlugo, annerterinerlo Gûdemit pijok kingamnêtillugo:

4 Kangasinâka okartuksaungilak sunamik idluitomik, okaralo uivêriklernermik okautekartuksaungilak.

5 Tamanna ungasigle uvamnit idluarneraraksarigapse; aner-nênger-kâr-nanga idluitailinera nûlerkojomangilara uvamnit.

6 Idluarnera tigumitoromavara, sapkojomalungilaralo; ômatima passilungilânga inôsera tamât pivlugo.

7 Omigijigale Gûdekangitotun îlerniarpok, akkerartortigalo idluitullijotut îleromârpok.

8 Takkomôrtuble nerriungninga sunauvâ? illipaudlaralloarmat, Gûdib tarninga tigukalladlarpago?

9 Issumavît Gûdib avâlaninga tussarniarmago, kappianar-tub tikkiniarpago?

10 Ajugakangitok kuviasutigijungnarkaük, Gûdelo nipliavi-gijungnarkauk nelliutune tamaine?

11 Ajochertoromavapse Gûdib agganginnik; ajugakangitublo nâmagijangit angiarijomangilakka.

12 Ahâk, illunase tækkolaukpasse; sôg tagva taimaitunik sunaungitunik sakkêvisê?

13 Tagva inub Gûdekangitub akkilertauninga Gûdemut, attanniáluillo kingormgutijangæt ajugakangitomit tigujomâr-tangæt.

14 Kittorngakarpat unnuktunnik, tagva tâpkoa saviksoarmut illinganiarput; kinguvângillo nâmaktomik nerkiksakarniangilet.

15 Amiakungit tokkome illijartortauniarput, uigarningillo kêaniangilet.

16 Kênaujanik illagêktitsigalloarune saniktitut, annorâniglo kattersigune machaktut:

17 Tagva sennaniarallopâ, idluartuble attiniarpâ, passijaksaungitublo kênaujat aitortorniarpait.

18 Iglune sennava âsivaktut, sorlolo udsertorte okkoaline-liormat.

19 Akluitok nellalerune, sunamik tigusikallaklune neksarniangilak; uitaniarpok pitakarniangilarlo tagvane sunamik.

20 Koaksârnerub opingarniarpâ immektut, unnuarme sillarnerluksûb tiguniarpâ.

21 Unnangâb tiktautiniarpâ, tagvungarkalladlarkovlugo, akkonaldlarlunelo nûtiniarpâ inninganit.

22 Tâpsoma (Gûdib) ûvigarniarpâ nikkaginiangilâlo; tagvainak kemâjariakarkovlugo tâpsoma agganginnit.

23 Pattaktorutigijauniarpok, kôkoviarutigijauniarlunelo.

KAPITEL XXVIII.

Inuit sunatuinarnik nachvâralloarput, nachvâratik sillatunermik Gûdemit pijomik.

SILBERE apkosinekarpok, Goldelo innekarpok auksearijauvigijaminik.

2 Kikkiak aijauvok nunab illuanit, ujarkanillo kannujak auksearijauvok.

3 Târnek naggatekartitauvok, illûnanelo nâmaksinerpângojut kennerasuartaavut, unnuablo tachaublo ujaraktangak.

4 Kôk suppvok tagvunga innemit tækkorngartomit, puailavillo puigortaumajut ittersâlungmit; inub kalluvait nungutilugit, ipterililerpok.

5 Nunakarpok, tâpsomangat kollâne nerkiksat perorsavut, illuanelo mumiktauvok ikkomatut.

6 Ujarangita illuanne Safir nachvârtavok, ivjungillo katingajut Goldekarput.

7 Apkosinek tâмна illitarijaulaungilak nektoralingmut at-tautsemullonêt, kiggaviublo ijingata tækkolaungilâ.

8 Tullertaulaungilak piojorijub kittornganginnut, Loeviblo attautsiblonêt pissugvigilaungilâ.

9 Aggait illijauvut ujarkanut alligojaujunut, kakkallo ag-garsortavut amângit tikkidlugit.

10 Kôgut annititalerput kairtunit, ijiblo pivianartut tama-ita tækkovait.

11 Kôgut kugvingit agviartavut, sagvangitorlo kaumajomut âtauvok.

12 Nanele illissimanek nachvârtaugalloarkâ? sillatunerublo inninga nanêkâ?

13 Kaujijokangilak nane nellamangât, nachvartaungilarlo inôjut nunangæne.

14 Ittersâluk okarpok: Uvamnêlungilak; immarbiglo okar-pok: uvamnêlungilak.

15 Golde illakangitok tunijaujungnangilak tâмна illissima-nek pivlugo, Silberelônêt kiktitartaujungnangilak tâмна akki-leromavlugo.

16 Golde Ofiremit nelligingilâ, pivianartut Onichelonêt Sa-firelolonêt (ujarkat).

17 Goldelo Diamantelo adsigijungnangilâk, pivianartokso-armullonêt Goldeojomut taungniararijaujungnangilak.

18 Korallit alligorlo kamagijaungilet. Illissimanek ang-nersautitaujariakarpok sappanganit.

19 Topâse Etiopiamit nelligijaungilak tâpsomunga, Golde ivsornainerpâk nelligingilâ.

20 Illissimanerle nakingme pilerkâ? Sillatunerublo inninga nanekâ?

21 Inôjut tamaita ijinginnit ergusimavok, ijersimavorlotauk tingmitjanit killaub attânêtunit.

22 Asserorsimanek tokkolo okarpûk: Siuptiptingnut tussau-majangat tussalaukpavut.

23 Gûdib apkosinek tâpsomunga kaujimavâ, illitarilâlo inninga.

24 Tâpsoma nunab issungit tækkungmagit, tamaitalo killait attânêtut tautukpait.

25 Annore okumainekartilauramiuk immarlo âkêvigilaura-miuk angininganik;

26 Sillaluk kigililêrvêkartilauramiuk, kaumalaillo kalluglo apkutekartilauramigit:

27 Tagva tækkolaukpâ, nellonairpâlo, âkilugolo, nachvâr-pâlo.

28 Okarlunelo inungnut: Ahâk, sivôranek Gûdemik, tamanna illissimaniovok; attortailinerlo idluitomik, tamanna sil-latuniovok.

KAPITEL XXIX.

Hiobib illiornerilauktane ânanâk, pilloringnerilauktanelo okautigivak.

HIJOBIBLO ama okâlanine pigiarpait, okarlunelo:

2 Kannoktôk, înaruma takkit sivurlinginêtut, uvlunetut Gûdib sapputsivigijanginnê uvannik.

3 Kaumautinga kaumalauktillugo niakorma kollâne, uvangalo tâpsoma kaumaningane agvertartillunga tâktome!

4 Îlaungniptut innuosunguima nelliuningane, Gûdib nello-narninga igluma kollânêlauktillugo;

5 Ajugakangitok uvamnêlauktillugo sulle, kittorngakkalo avatimnêtilugit.

6 Tumikka ubvarlugit pilauktillunga imub orksuanut, kairtullo kôktitsilauktillugit uvamnut kôngnik orksulingnik;

7 Annilaurama iglugaseksuit upkoaksoangænut, iksivautaralo âkiksortaukolaurapko apkosinerme iglut akkorngæne;

8 Innuosuktut tækkolauramga ijertillutiglo ingminik, innutokaujullo nikkovijutekalauktillutik uvannik;

9 Angajokaunerôjut nippangerlauktillugit aggargniglo illijitillugit kanniub kânganut;

10 Attannît nippingit ergotilauktillutik, okangillo nippingatillugit killanginne.

11 Siutit nelliata tussalauktima pilloringneralaungmanga; ijillo nelliata tækkolauktima nertulaukpânga.

12 Ajulertok avâlajok piulilaurapko, illiârsuglo ikajortekalaungitok.

13 Asserortuksaulauktub saimartitsiningata tupvigilaukpânga; uigarnerublo ômattinga kuviasuktilaukpara.

14 Idluarnekk annorârilaukpara, attilauktara; idluarneralo ulligilaukpara, nessâlugilugolo attannersiutigilugo.

15 Ijilaukpunga tautungitomut, tussiatublo ittiggartilaukpânga.

16 Atâtaulaukpunga aklujunut; sunalo kaujimalaungitara, tamanna nautsertorasualaukpara.

17 Idluitullijub erklerpângit serkomilaukpakka, aksârnigaujullo aksorotilaukpakka kigutinginnit.

18 Issumalaukpunga: Uvlorijamne tokkojomavunga uvluk-kalo unnuktôtitsomavakka siorkatitut.

19 Amârijara immermut tikkitaujungnalaukpok, missukso-arlo nokkangalaukpok akkerkumne.

20 Ananaunera nutângolilaukpok uvamne; pittiksekotigalo idluarnersaupallialaukpok aggamnêdlune.

21 Tussanârtaulaukpunga (angutinnut), tâpkoalo nippanger-put, uttakkilutiglo attanertuinimnik.

22 Okautsimalo kingorngane okartokarungnailaukpok; okâ-lanimalo kusservigivait.

23 Uttakkilaukpânga sillaluktut, kanmitiglo aitalaukpait (kêmitingnermut) sillalungmut unnuksiumut sorlo.

24 Kungajarailaurupkit, iktoriktailuarutigilaungilât taman-na; kênamalo kaumaningata mikkinersautilaungilânga.

25 Piniaraksanginnut kajjomalaurangama, tagva issukliov-lunga iksivajariakalaukpunga; nunakalauklungalo attannertut sorsuktuksat kattimgajut akkornganêtotut, mannigoijotut kik-sartunik.

KAPITEL XXX.

Hiobib ajulernine manna pigijane alkkingêtipâ pilloringneri-lauktaminut.

MANNALE nukardlerijama ijutigivânga, atâtakalauktut nachoginajalauktamnik sulijaksakartilugit saugakotima kingminginne;

2 Pitsartunekalauktut sunaunasugijaulaungitomik uvamnut, innoksilauktut innutokaunermik;

3 Kângmut issumajârnermullo inutôlutik kemâlauktut in-ninut pannidartunut, innuilangotsainalauktunut sunakajuitô-lunelo;

4 Perornerluktunnik nussuksilauktut okpit avatâne, kigu-tangernaujakullo amângit nerkigilaukpait.

5 Innuit akkorngænnit aulartitaulaukput; nipliajutigijau-laukput tigliktok, pivlugo sorlo.

6 Kôngne kappianartune nunakalaukput, nunab ittersa-nginne kairosungnelo.

7 Okpit akkornganne kallingoalaukput, Distelillo akkor-ngæne kattimalilaukput.

8 Innuit sukkôjut nachogijaujullo kittorngangit, nunamit aijaliktaulauktut.

9 Manna nipliajôgutiksangorpunga nakakseralingne okango-arutiksaulungalo tâpkonunga.

10 Makkojugivânga allivarvigilungalo, nikkasulungilello kê-nama sângane kesserlutik.

11 Aklunâkotiga siaktimavât, mannigotitipângalo, kingmiarlarlo pêjarpât sârne.

12 Tallerpimne innuosuktut uivêut makkitavut; tâpkoa ittiggakka koitimavait, apkosineliorpullo akkerartorlunga, asseroromavlunga.

13 Apkosinera serkomipât; asserortaujutiksamnut ikajorput, tâpkoa ikajortekangitut.

14 Tikkiput kingekut nerrotôjokut sorlo; asserortaunekar-tillugo aksakâtilaukput ovunga.

15 Koaksârnerub sâvigilaukpânga, unangmilaukpâlo âna-naunera annoretut, nuvujatullo ingergaujutut illiornera pillo-ringnartok.

16 Mannale tarniga kovilerpok (ârosungnermik) kollimnut, nelliunerublo kappianartub tigumavânga.

17 Unnuarme saunikka uvamne puttortauvut, mikkitikkalo innilalungilet.

18 Pitsartunerub sugaluluarninganut assianik annorârtauvunga; tapserusertauvunga ullingma pânganut sorlo.

19 Akkilupingmut tullertaumavunga, sannektitullo arksatitullo inasugijauvunga.

20 Kaigarsugvigijarangapkit, tagva kiolungilarma; sânger-jarangapkit, tagva kamagingilarma.

21 Ablatsângorsimavotit pivlunga nâpkigosujuitoâlungmut, sakkertitsivigivarma kingajarnernik aggakpît pitsartuningannut.

22 Igvit kivikparma, tiktautilungalo annoremut, serkomitilungalo sôgojomik.

23 Kaujimagama tokkomut unertutiginiaramga; tagvanêpok inôjut illunatik iglungat nellonairsimajok.

24 Agganele issangniangigalloarpait illuviub katsiktanganut, avâlaniangilello asseroininga pivlugo.

25 Uvangale tâmna uvlokalaunktok okumaidlartunik kêagilauralloarpara, tarnimalo aklujok illapsugilaukpâ.

26 Ajunginek uttakkilaukpara, idlutorlo tikkipok; kaumajok nerriugilaupara, târnerlo tikkipok.

27 Erhavikka tertiput, nokkaratiglo; nelliutub kannoêtub opingalaukpânga.

28 Palleksimavlunga agvertarpunga, sekerngublo akkinârtilaungigalloartânga; nikkovipunga illagêt akkornganne avâlalungalo.

29 Kuglugitsat kattangutigivânga, tingmitjallo Straussit illagivânga.

30 Amera sillatimne kernertaumavok, saunikkalo panner-simavut kiangmut.

31 Harfekotiga, ârusungningorpok, nipsautekotigalo kêangningorpok.

KAPITEL XXXI.

Hiobib passijaungijutiksarsiorningata kingorlingit.

IJIKA angerkattigilaukpâka, uigasuit nelliallônêt kamagilugo perkonanga.

2 Sunamigle Gûdib takpângat akkilerpângâ? ajugakangitublo kôtsiktomit kanoêtomik kingormgutijakartipângâ?

3 Idluangitok taimaitomik kanoêtokangârtuksaungilâk, idluitullijorlo taimak ajaktortaungârlunelo?

4 Apkosinikka tækkungilait, kittilungilaillo ablornikka illunaita?

5 Agvertarlaukik sunaunginerme? ittiggakkalônêt tuavilaukat uivêriklernermut?

6 Tagva kiktitartaulanga kiktitauningnut idluartângnut, tagva Gûdib idluitailinera tukkisiniarpâ.

7 Agvertarnera sangulaukpat apkosinermut, ômattimalo ijika mallilaukpagik, aggamnelo nippingajokarpat sunamik:

8 Tagva uvanga kângasuijuksaunajarpunga, assimalo nerri-lerliuk; nutaijoktokotikkalo amângejartaujuksauvut.

9 Omattiga kajungersartaukolaukpat arnamut, sillalimalo upkoangane uttakkilauruma:

10 Tagva aiparma assiga serkalitsivigiliuk, assimalo okkuningavigilitsuk.

11 Tamanna (assiniarne) pinniarlungniongmat, idluitulliniolunelo, pitlartaujariakartok erkartuijomut.

12 Tamanna ikkomaunajarmat nungutsijok asserorsimane-ktikkidlugo, pigijakkalo tamaita amângejarlugit.

13 Kivgama angutib arnablônêt idluarninga, sunakalaura-ngatta akkrartorlunga, nachogilaukpigô?

14 Sunamik piniaromanajarkik Gûde makkitanajarpat: Sumiglo kiojaksarinajarpigô, nellipsarajarpanga?

15 Tâpsoma senalaungikauktauk sennalauktima anânab timingane? sennalaurivâlo timib illuane taimaluatsiamik?

16 Ajoksartut kajungernerijanginnik kippilugvigilaukpakkâ, uigarnerillo ijingit perlerkolaukpakkâ?

17 Kissiovlunga tamuara nerrilaukpigô, illiarsuglo nerri-launginiva tamattomangat?

18 Inuosungnimnit illusekalaurama atâtatat, anânamalo timinganit manigoinek kuviagilaukpara.

19 Kina tækkolaukpigo asserorlune annorâkangimat? aklujorlo agvertarkolaukpigo ullekarane?

20 Tâpsoma sennerakita saimartilaungipânga, saugârsukotima aminginnut okkoksartitaulaurame?

21 Aggakka aulalaukpakka illiarsuk akkerartorlugo, itterviksoarme illilertortaunasugilaurama?

22 Tagva tuiga kattagle arriangmit, talleralo nappile aksakongmit.

23 Asserortaunek Gûdemut sivôragigapko, angijoksôningalo sapperajarpko.

24 Golde sungertutigilaukpigô, Goldemullo illakangitomut okalaukik: manigornerijara?

25 Kuviasulaukik, perkutevaksoakalaurama, aggamalo unnuktovalsuit pitsorlaungmagit?

26 Kaumajok tækkonârlaukpigo kaumaidlaurangat; takkerlo angmalokitaulaurangat?

27 Omattiga angigutsivlune tilliortaukolaukâ, kannerma aggakka kunniklugit perkovlugo?

28 (Tamanna) idluitulliniojoktauk pitlartaujariakartok erkartuijomut; tamattomunga Gûde takpanêtok missiarutiginalaurapko.

29 Kuviasulaukik ômigijiga idluitulliviolaurangat, makkitalungalo, kanoêtomut tikkitaulaurangat?

30 Kanera idluitullerkolaunginapko, tussukovlugo tâpsoma tarningata ôminarsijauninganik.

31 Innuit iglumne okajariakalaungilæt: Kina tussarajarkâ tapsoma nerkiksanginnut nâmaksititaunginapta!

32 Tujormijak sillatanetuartuksaulaungilak, upkoarale upkoêlaukpara ingergajomut.

33 Nâmangitullinera inuktut ullilaukpigô, ikkiame idluitullinera ijerajarpko?

34 Kattingajut unnuktôtillugit kêongomigilaukpakkâ? nachogijaunerlônêt illamnut koaksârutigilaukpigô? nippangerama, anninangalo upkoagut?

35 Kia kiglissiniartomik tunnitsivigivânga? Aglakotikka mânêput. Ajugakangitub kiolinga; aglannik makpertanik aglagle akkerartortiga.

36 Ahamarik tuimnut illijomanajarpakka niakutetullo kelaksoromavakka uvamnut.

37 Ablornima unnurningit taijomanajarpakka tâpsomunga, attannertullo najuleromanajarpakka.

38 Nunakotima avâljutiginiarpanga akkerartorlunga, kôk-titsekattigêklutiglo kugvinik pikpatta pivlunga;

39 Perortungit akkilernagit nerrilaurupkit, peroraijullo inôsingit siorniorntilaurupkit:

40 Tagva Distelit perorlit uvamnut Weizenit inninginne, perortokulluillo tokkonartut Gerstit inninganne.

Hiobib okausingit sorairput.

KAPITEL XXXII.

Elihu nâmanersamik kiojomavok illanârijaminit.

TAGVA angutit pingasut tâpkoa nokkarput Hiobe kiolugo idluartõnasugilaungmat.

2 Elihule Baracheelib erninga Bûsemiok, Ramib kinguvânginnit pijok ningalerpok: Hiobe ningarivâ tarnine idluarner-saunasugingmago Gûdemit;

3 Illanârijane pingasut ningarivait, kigusiksarsilungimatta, sullelo Hiobe passijaksaunerarmatsuk.

4 Elihu uttakkilaungmat Hiobe okarkattigilugo, tâpkoa angajukliongmatta tâpsomangat.

5 Tamanna pivlugo tækkogame kigusiksakangimat angutit pingasut tâpkoa kaningine ningarosulerpok.

6 Taimaglo Elihu Baracheelib erninga Bûsemiok kiovok okarlunelo: Uvanga inuosukpunga, illipsele inutokauvose, tamanna pivlugo illerasulaukpunga, kijiklungalo illitarksinimnik nellojungnaitiluse.

7 Issumalaukpunga: Jârit okarlit, inutokaunerublo unnurningit illissimanermik sakkerlit.

8 Annernerle innungmêtok tâmnavok, ajugakangitublo annerningata sillatutipait.

9 Angijut sillatunerpângotsainarlungilet, angajuklillo idluarne ipaksilungilat.

10 Tamanna pivlugo uvangatauk okâlajomavunga, tussarnârlaunga. Illitarksinera sakkertitsomagivara.

11 Ahâk, uttakkilaukpunga okausipsingnik; kamalaukpunga sillatunipsingnik, idluarnermik nellautsinajarkârtinase;

12 Kamalaukpungalo illipsingnik; ahâgle, tagva akkonap-singnêtokangilak pitlarnigajartomik Hiobemik, okâlaningalonêt kiojutigilugo pijomik.

13 Imakkâ okarkonasse: Illissimanek nellaulaukpavut; Gûdib ajaktorpâ; kialoungitok assiata.

14 Sâvigilunga okâlalaungilak; okâlaniselo attorlugit akkerartoromanginivara.

15 Mungorsimavut, kiojungnailutiglo, okarnerub kemakpait.

16 Uttakkilauramale, tâpkoalo okarungnarlungimatta (nokkangavulle kiojungnailutiglo).

17 Atsoila illangutivimnik kiojomagivunga, illitarksinim-niglo sakkertitsijomagivunga.

18 Okâlajutiksamik taimak ullipkitigigama, annernerub nâmne kappiasuktimanga.

19 Ahâk, nâka Weinêtit nutaujotut mattosimajotut ipûk, pôktitut kâromajutitut.

20 Okâlajariakarpunga ipjangoêserkovlunga; kangasinâka aitariakarpâka, kiojariakarlungalo.

21 Kialo kinauninga kamagijomangilara, takkomôrlunga kina nertoromalungilara.

22 Kaujimalunginama taimailiorajaruma, pingortitima killamik tigukallangniarajangimangângma.

KAPITEL XXXIII.

*Elihub Hiobe kaiblarpâ Gûde opigilugo, nellojungnaitilâlo
Gûdib inuk âniakartimmago âkiktajutiksanganut.*

ILA Hiobe okâlanera tussalauruk, okautsikkalo illunaita naitertokit.

2 Ahâk, kannera aitarpara, okaralo okarpok killamne.

3 Omattiga nellâgôrnermik okâlajuksauvok, kangasinâkalo sillatunermik kissianik okartuksauvûk.

4 Gûdib annerningata sennalaukpânga, ajugakangitublo annerningata inôtsemik tunnitsivigilaukpânga.

5 Pijungnaruvit tagva kiunga; parngnailerit akkerartoromavlunga, nangilerlutillo.

6 Ahâk Gûdib pigivânga taimaluatsiak illiktut; macharmillo sennajaugivunga.

7 Ahâk, uvanga koaksârutigijariakangilarma; aggakkalo okumailuartsaungilet illingnut.

8 Kissianele okalaukpotit siutingma sângangne, okâlanivillo nippinga tussariakalaukpara:

9 Ivsornaipunga, idluitullinekarnangalo, passijaksaungilungalo, ajornekartaililarmalo;

10 Ahâk, pitjutiksarsilaukpok akkerartorlunga, ômisukteonasugivânga;

11 Ittigakka kejuksoarmut parngnanairsorsimavait, ablornikkalo tamaita udsertorpait.

12 Ahâk, tammakkonangat issumatâlerpunga akkerartorluttit idluartôlunginavit; Gûde anginersaungmat inungmit.

13 Sôg aivakattigijomaviûk, tamaita piniarnine akkiorutigilungimagit illingnut?

14 Gûde okarpakalloarpok attausiarlune, aipanganiglo, kamagijauvangilarle.

15 Sinektomanikut tækkotitjutikut unnuarme, siningnerub ittijub inuit tupvigilerangagit, sinnileraikpatta inangavingme:

16 Tagva inuit siutingit angmarpait, koaksârtailaitalo pitlarningnermut.

17 Inuk sangutilugo kajusimanginganit pijomavlune sapputilugolo piojorinermi;

18 Tarningalo ivlerilugo asserortaunermi, inôsingalo, saviksoarmut ochokonago.

19 Anianullo pitlarivâ inangaviane, sauningillo tamaita angijomik;

20 Inôsingata nerkiksat makkojugilugit perkovlugo, tarningatalo nerkiksatsiat.

21 Uvinga nipakpaliavok kênanganit, niugiglo annaulertauvlutik serkalijauvuk tækkojaujungnaikovlugit.

22 Tarninga kaglilerkovlugo asserortaunermut, inôsingalo tokkotsijunaut.

23 Engelit illangat tagva akkisartuijib, attautsib tausendinit illilertorago, inuk tàmna nellojungnaitilugo, kannok idluartullijuksaungmat:

24 Tagva saimarviniarpâ, okarniarlunelo: Piuliuk, unnungarkonnago asserornartomut; ullapkosênermik sakkêvunga.

25 Tagva uvinga tungojorsiluarniarpok inuosungnerminit; utterniarpok inuosungnime uvlunginnut.

26 Gûdemut tuksiarniarpok; tâpsoma saimarviniarpâ, kênanganik tækkoniarkovlugo igiakomijarlune, inuglo tàmna tunitsiviginiarivâ idluarninganik.

27 Inuit sânginne kigligiutsiniarpok, okarniarlunelo: Idluitullilaukunga, idluarnerlo mumiktilaukpara, sulilautsengilangale.

28 Tâpsoma tarniga piulilaukpâ ingerarkonanga asserornartomut, inôserale tækkonajarkovlugo kaumajomik.

29 Ahâk, tamanna tamât Gûdib pinniarpâ maggoertorlune pingasoêrtorlunelônêt inungmut.

30 Tarninga uttertilugo asserornartomit pijomavlune, kaumaksarlugolo innôjut kaumaningænut.

31 Naipertorit Hiobe, tussarnângalo nippangerlutillo, uvinga okâlakovlunga.

32 Okausiksakaruville tagva kiunga; okarit, idluarsarnit tussaromadlarapko.

33 Okausiksakangikuville, tagva tussarnânga, nippangerlutillo, sillatunermik ajochertoromavagit.

KAPITEL XXXIV.

Elihub Hiobib opigosuktaililune okauserilauktangit Gûdemut pitlarpait, sorsugutigivâlo tâpsoma idluarninga.

ELIHULO kiovok, okarlunelo:

2 Illissimajose okâlanera tussarsiuk, sillatôjoselo naipertosinga.

3 Siutib okálanek nautsertormago, kanniublo, nerkiksak ikpigivâ.

4 Námagijaunek annerilavut, akkonaptingne illitarksikovluta suna idluarmangât.

5 Hiobe okálaungmat: Idluarpunga, Gúdiblo idluarnimnik pêjaivigivânga;

6 Sæglojariakarpunga idluarnekaralloarlunga, kappiaktoadlartitauvungalo karkjumnut, sunamik passijaujutiksaliulaungigalloarama.

7 Angutit nelliât Hiobetut, mittautekarnermik imertuksauvâ immehtut?

8 Idluitullijullo pissukattigivlugit, Gúdekangitullo agvertarkattigivlugit?

9 Okalaungmat: Angumut ikajortiksaungilak Gûdemik pillorigutekaralloarune.

10 Tamanna pivlugo tussarnârsinga, innuojose illissimajose: Tamanna ungasigle, Gûde idluilune piniartuksaunajarmat, ajugakangitorlo idluartaililune;

11 Tâpsomale inuk akkiniarpâ, sorlo pinialaungningatut, attunillo nachvârkovait apkosinerijatik malliklugit.

12 Ahamarik ilâ, Gûde idluitulliniangilak, ajugakangitublo idluarnekar mumilungilâ.

13 Kia nuna perkolaukauk tâpsomunga? Kialo nuna illûnât tunganehtâlaukaûk?

14 Tâpsoma ômattine torârtitsomanajaruniuk tâpsomunga, (inungmut) tagva inôsinga annerningalo kattessorajarpak ingminut;

15 Uviniggit illunatik anernêngerkattigênajarput, inuglo saningorajarivok.

16 Sillatunekaruvit mâna, tagva tussarit tamattominga, okâlanimalo nippinga naipertoruk.

17 Idluarnermik ômisukfok, attanniotijuksaugalloarkâ? Idluartorlo sôgojok passijaksauneraromaviûk?

18 Attannermut okartokartuksauvâ: Angutaujotit suksaungitok; angajokâksoarnullo: Gúdekangitôjose?

19 Kanok sungiluartomik tâpsomunga, attannît kinauninginnik kamalungitomot, ânanaudlartomiglo anginersautitsilungitomot aklujomit; aggangita illunaita sennajaringmagit.

20 Tagvainak tokkojuksauvut, unnuablo ketterarningane innukattigêksuit nungulerput; sôgojullo tigujaavut aggangnuungitok.

21 Tâpsoma ijikita illunatik attunnît apkosiningit tækko-nârmagit, ablorningillo illunaita tautukpait.

22 Târnekangilak, tâksinekaranelônêt, idluitullijut ijerungnarajarvianik tagvane.

23 Tâpsoma innuk kamagikitâjariakangimago, tikkerkovlugo Gûdib sânganut, erkartortaunermut.

24 Tâpsoma sôngojut kittiksaungitut serkalivait, pititsilunelo assianik tâpkoa inninginnut:

25 Tamanna pivlugo piniarningit illitaringmagit, mumikpaillo unnuakut, serkalititaukovlugit.

26 Ochotipait Gûdekangitut akkorngænut sagvartome.

27 Tamana pivlugo kemâlaungmatta tâpsomînga, apkosinîngitalo nelliallonêt tukkisilaungimatsuk.

28 Aklujut avâlanîngæt tikkijariakalaungmat tâpsoma sânganut; tâpsomalo aklujut avâlanîngit tussarmagit.

29 Tâmma ullapirsauitekartitsileraikpat, kîna tagva passiklerungnarka? Tâpsomalo kênane ijerangago, kia tækkojûngnarkaûk? innukattigêksuit illuitut pivlugit pikpallônêt, inuglonêt attausek pivlugo.

30 Inuk takkomôrtok attanîotijungnaikovlugo, nigangorkonagolônêt inugiartoksoarnut.

31 Ilâ Gûde okarviojariakarpok: „Pitlartaunermik tukkisilaukpunga, asseroijomairpunga;

32 Ipaksîngitamnik, îgvit ajochertulaunga; idluitullilauruma, taimailioromairpunga.“

33 Illîngnit pijuksauva, kannok akkiniartuksaungmat? (okarajarlune:) Tamanna nachogiviuk, attê tagva annerosulerit inîmne? Kaujimaguvit sunamik tagva okarit.

34 Innuit sillatôjut illigîniarpânga, angutîblo illissîmajub tussarniarpânga:

35 Hiobe okarmat sillaidlune, okausingillo sillatolungilet.

36 Kannoktôk Hiobe ôktortaule nâninga tikkidlugol! tamanna pivlugo, kîgusekarame innuktitut idluitutitut.

37 Ajornerminut illautitsivok idluitullînermik, aggane pat-taktorpat akkonaptingne, okautsinelo unuktôtîpait Gûde akkerartorlugo.

KAPITEL XXXV.

Gûdib erkartuîninga tikkîtailîlungîlak.

ELIHULO kiovok okarlunelo:

2 Tamanna idluartônasugiviuk okaravit: Idluarnera angînersauvok Gûdib idluarninganit?

3 Okaravit, sunamik piksarsigalloarmangât illîngnut? Sunamik ikajorkâ, ajortoêrutigalloaruma?

4 Kîojomavagit okautsenik illanârijattîllo illagîlutit.

5 Killak tækkonâruk, tækkolutîllo; nuvujat tautukit, innor-nadlarmatta illîngnut.

6 Idluitulliguvit sunamik piniarvigijungnarkiûk? Idluitul-linitillo unnuktôkpatta, sunamik piniarvigijungnarkiûk?

7 Idluartônajaralloaruvillo, sunamik tunnitsivigijungnarkiûk? Ubvalo sumik tigusiniarka aggangnit?

8 Inuk illiktut itok kassénivit sunamik piniarvigijungnaralloarpâ, inublo kittornganga idluarnivît.

9 Nênertaujut aksorutijaunek avâlajutigivât, angajokâksuillo tallingæt kaigarsugutigivât;

10 Okartokangilarle: Gûde pingortitiga nanêkâ, imgernekartitsijok unuarne?

11 Ajochertuinersaujok uvaptingnik nergjutinit nunamêtunit, illissimainersautitsilunelo uvaptingnik tingmitjanit killaub attânêtunit.

12 Tagva idluitut piojoriningæt avâlajutigilitsuk, tâmnalo kioniangilak.

13 Gûdib sunaungitok tussarniangimago, ajugakangitublo tækkosarniangilâ.

14 Okaralloaruvit tækkonianginangne; sullele erkartuivekarpok sângane; nerriugituinaruk.

15 Ningarningale tuavdlune nellipsailungimat, kamalungimallo piniarlungnekarmat taimak unnuktigijunik:

16 Tamanna pivlugo Hiobib kannine aitarpâ sullinane, sakkertitsilunelo okautsinik piojorijunik, sillainermut.

KAPITEL XXXVI.

Gûdib idluarninga pitsiarningalo tâpkonunga nekkorner-saujomajunut. Tâpsoma ajugakangininga sakkijârtok pingortitamine.

ELIHULO piganerpok okarlunelo:

2 Uttakilaulârsunga sulle unertutigijomavara illingnut; Gûde pivlugo sulle okausiksakarama.

3 Sillatunera kanningitomit aijomavara, pingortitigalo idluarneraromavara.

4 Okâlanikka nellangaituksautsengilet ilâ, sillatunera nangarnartailijuksauvok sângne.

5 Ahâk, Gûde songojoksôvok, sullele nacholungilak kinamik; ômattingata pitsartuninga songojoksôngmattauk.

6 Gûdekangitok piulilungilâ, pattangajulle ikajorpait idluarnermik perkovlugit.

7 Ijîngne allartingilak idluartunit; attanillo illaliudlugit iksivautaksoarmut ingitipait sorajuitomik pôktotsainarkovlugit.

8 Parngnanairsortauvlutiglo nellagangatta kellaksortauvlutik kellarutinnut, kappianarnerublo aklunânginnut:

9 Tagva nellojungnaitipait piniarlaungninginnik, illusilungninginniglo, kanok angutauserasuarlaungmatta;

10 Angmaivigivaillo siutinginnik nâlegomamanermut, okau-tilugillo nâmanginermut sâlertuksaungmatta.

11 Nâlekunik, kivgartoruniuglo; tagva uvlutik naggaserniar-pait ajungitome, Jâritiglo inarkonartome.

12 Nâlengikunik, tagva saviksoarmut ochoniarput, nungu-lerniarlutiglo mallugosukâratik tamattominga.

13 Takkomôrtulle ningarnermik kallerêktitsivut, avâlungi-lello, tâpsoma kellaksorpagit.

14 Tagvalo innuosungnerme tokkoniarput inôsingillo ajor-tullijut akkorngænênarput.

15 Pattangajorle pattanganingane piuliniarpâ, angmaivigi-niarlâlo siutinganik kiksarnerme.

16 Igvittauk nûtiniarpâtît kappianarnerub torkluanit inito-nekarkovlutit tetjartaunangitomik inningane; illijauniartullo nerrimavingnut orkserusersimaniarput.

17 Gûdekangituble idluarninga nellautsitigungne: tagva idluarnerub erkartuinerublo tigukalladlarniarpâtît.

18 Kamatsiarit ningarnekk nussukserkonago illingnik pat-taktorlune agganik, sattutiksamullo angijomut piulijaujung-narajarkonak.

19 Issumavît, akuinît kamagingmago? Goldeungitok, pit-sartuneungitorlônêt nelliat, sappingineungitorlonêt.

20 Killanârniarnak unnuarmut, innukattigêksoarnik nûtitsi-jomut innigijanginnit.

21 Udsertorit sâlerniarnaglo idluanginermut: sorlo pijo-mangâlauravit ânianermit.

22 Ahâk, Gûde pôktovok pitsartunermine; nanê ajochertui-jokarka topsôtunak?

23 Kia tamna perkojungnarkaûk apkotigijaksarianginik? Kialo okautijungnarkaûk: Nâmangitullivotit?

24 Erkaumalerit tâpsoma piniarninga angijorortitaksari-gangne, inuit imgerutigijangæt.

25 Inuit illunatik tækkovât, tokkojuksab tækkovâ kanning-itomit.

26 Ahâk, Gûde angijôvok, nellonarporlo uvaptingnut; Jâ-ringita unnurningit nautsertortaujungnangilet kinamullonêt.

27 Tâpsoma imiub kuttingit amuarlugit kongmuartilera-ngagit, tagva tâktungata sillalungat kovivât;

28 Nuvujat kôktitserkovlugit, kusserkovlugillo inungnut unnuktunut.

29 Ilâ nuvujat issivijauningæt tukkisijaujungnarka kina-mut? tuppungata ivulungninga?

30 Ahâk, kaumanine issivipâ avatiminut, ulligêrpaillo imarbiub amângit.

31 Tamattomunga inukattigêksuit erkartormagit, tunnijkassiutjilunelo nerkiksanik nâmaktomik.

32 Aggane ullikpait kaumajomut, tamannalo aulatipâ pijit-sertortinnut.

33 Nellojungnaitipait kuviagijaminik, nergjutit pivlugit, ilâ perortut pivlugit aglât.

KAPITEL XXXVII.

Gûdib angijoksôninga kallungnerme.

ILA, ômattima tamanna kakkilârutigiva, piglertarlunelo inniminit.

2 Tussaritse, tussaritse ilâ, kanok kallungninga ningarusulermat, kanoêtomiglo okarnermik annijokarmat kaninganit.

3 Ingergausadlartipâ killaub illunât attâne, kaumalanelo nunab issunginnut.

4 Kingorgane kalluk ivuludlarpok, kallerpok, angijoksôni-me nippinganut; kallungningalo tussartaulerpat, nokkartitaujungnangilak.

5 Gûde kallerpok nippiminut tattamnadlartomik; angijoksoarnik piniarpok, illitaringitaptingnik.

6 Apumut okaraigune: Nunamut kattagit; suarutamullo, pitsartunimelo sillaluksoarninganut:

7 Tagva inuit illunatik aggangit nakkiterpait, inuit, (sen-najangit) illitarksilerkovlugit sunamik piniarungnarninganik.

8 Omajok nujuartok sittimut aivok, inniminêtuarlunelo.

9 Sekkernganit sillarneluk tikkilerpok, avangallo itje.

10 Gûdib annerninganit koarnekk pivok, imaksuillo, aukserkojiraigune.

11 Nuvujallo avilerivut allakijarkovlugo, kaumaningatalo takto tabligutivigivâ.

12 Tâpsoma pijokartut, ablatsângorningit aulatipait kajusinnermut sillatojomut, piniarkovlugit tamainik nuname perkojanginnik tâpkonunga;

13 Pitlartaunermut, nunaminullônêt, nâpkigosungnermul-lônêt tikkerkova.

14 Tagva kamatsiarit Hiobe; makkitit, Gûdiblo tattamnar-tulliningit timerokit.

15 Kaujimavit, kanga Gûdib taimaitut tikkerkoniarmangâgit tâpkonunga? kangalo nuvajakotime kaumaninga kaumailerkoniarmangâgo.

16 Nuvujat annisimaningit kaujimavigît, illissimajub nâ-maktomariub tattamnartitangit?

17 Kanok anorâkotitit ônarsilermangâtta, nuna innilangaleraikpat uarngnerluangmut?

18 Illagællugo killak issiviniarkiûk, aulajuerkovlugo tachatûtutitut kovisimajotut.

19 Unnertutitigut, sunamik (tamna) okautitaksarigaptigo; uvagut innorniarpavut târmut.

20 Unipkarvioniarkâ, uvanga okarama? Kina okarune (Gûde akkerartorlugo) ahamarik êjauniarpok.

21 Manna kaumajok tækkojaungilak pôktojomêdlune kil-langme kaumaigalloartok, annorele ingergadlarniarpot tagvûna tagva allakipjarniarpok.

22 Avangat Golde pivok, Gûdib kappianadlartub nertornautânut.

23 Ajugakangitorle nachvârungnangilavut, angijoksoarmik pitsartunelik; tâpsoma idluarnine illiorninelo idluartok akkini-arutiginiangilak.

24 Tamanna pivlugo inuit sivôragijariakarpât; tâpsomalo attauserlonêt sivôragingilâ, sillatudlaralloarpallonêt.

KAPITEL XXXVIII.

Gûde nangminek okâlavok kallungnektut, unertutivâlo Hiobe ajugakanginermik illissimanermiglo.

NALEKABLO Hiobe kiovâ akkunaksoarmit okarlunelo:

2 Kinauva tâmna kajusimanermik nellonartitsijok, okartorlo taimak, sillainermut?

3 Makkitikik tapseruserkik angutetut; appertsoromavagit, ajochertunga.

4 Nanêlaukit nuna tunganektâlaurapko? Okautinga, taimak sillatutigijôvit?

5 Kaujimavît kia angininga âkilaungmangâgo? ubvalo kia nokakservallilaungmangâgo?

6 Ubvalo nanê ittigangit manguktitaumavât? Ubvalo kia terrekungata ujaranga illilaukaûk?

7 Uvloritjat uvlâksiutit illagêklutik nertordlilauktillugit, Gûdiblo kittorngangit illunatik igiakomijarlauktillugit.

8 Kia imarbik upkoanut pallangairutilaukaûk, annilauktillugo anânab timinganit sorlo?

9 Nuvujanut anorâlaurapko, târmullo imuserlugo nanginnut sorlo.

10 Ingerganinga nokkartilaurapko kipputekotimnut, sen-
neroatâlaurapko, upkoatârlugolo,

11 Okarlungalo: Manna tikkilugo tikkituksauvotit, kani-
nginersamulloungitok; mâne malliksuatit, piojorijut nokkartuk-
sauvut.

12 Igvit nelliunerne uvlâk perkolauiûk, kaublo aupallungni-
nga inninganik unertutilauiûk?

13 Nunaksûb issungit tigulugit perkovlugo, idluitullijullo
serkitijauvlutik nâvitaunajarkovlugit?

14 Ablatsângorkovlugo machaktut nippinerkutiksatur, na-
ngerkovlugillo tagvane annorâktut.

15 Idluitullijullo kaumanermingnik aksârtaukovlugit, pima-
riutertullo tallingit nappijaukovlugit.

16 Igvit immarbiksûb erkanut tikkilaukît, ittinersûblo tu-
minginne agvertalaukît?

17 Tokkub upkoaksoangit upkoêlaukât illingnut? Ubvalo
tâktub upkoaksoangit tækkolaukpigît?

18 Timeroilaukît nuna kannok silliktigijongmangât? Oka-
rit, tamakkoa tamaita kaujimavigît?

19 Nelliangovâ apkosinek kaumajub innigijanganut, nanê-
kalo târnerub inninga?

20 Kigililervinginnik kaujimatsiarajarkovlutit, nellojungnai-
kovlutillo apkosinermik iglunganut?

21 Kaujimalaukît nelliutome taipsomane erniangojuksaulau-
ravit? Uvlutillo kapsiolerniarmangâtta?

22 Tagvanêlaukît apputib aulatainarvigijangane? nettarko-
naillônêt kematullivingæt tækkolaukiûk?

23 Komergutigijama kiksarnarnerub nelliuninganut, sorsu-
ngnerub unatadlarnerublo uvlungangnut.

24 Apkosinerit nelliagut kaumajok avikâ? unangârnerlo
aularka nuname?

25 Kia suarutak kôgvilliulaukaûk, kaumalaglo, kalluglo ap-
kosinelliulaukâk?

26 Sillalukovlugo nunamut pittakangitomut kinamik, suna-
kangitomut innukajuitomut?

27 Inukajuitok, sunakajuitorlo nâmaksitilugik, iviksukallo
nutaijoktungit perorsatilugit?

28 Sillalub atâtanga kinauvâ? kialonêt mitsuksûb kuttingit
ernetarilaukpagit?

29 Kia timinganit sikko anilaukâ? kialo killaub kakkor-
nanga erniarilaukaûk?

30 Immek ijertaukovlugo ujarkat attânut sorlo, ittinnerlo
kângane koakovlugo.

31 Igvit sakkiaitsiat kellarutingat kellaksorungnarkiûk?
Udlaktullonêt kippijutât kellarutjarungnarkiûk?

32 Planêtit uvloritsat nuititsungnarpigît nelliuninginne? tuktujuglonêt tessiorungnarkiûk killangme kittorngangita kollâtigut?

33 Killaub illusinga kaujimaviûk? ubvalo kakkearungnarkiuk nuname?

34 Igvit kallungnît nuvujame tessiorlugo kotsiktitsungnarkiûk? imiksuillônêt unnurningita ullingniarkâtît?

35 Igvit kaumalait aulartitsungnarpigît tagvunga ingergasâdlarkovlugit, okarkovlugillo illingnut: Mânépogut?

36 Kia illissimanek tunnivauk sagvangitomut? kina issumanik sillatojunik tunnijivâ?

37 Kina taimak illissimatigijôva nuvujat kittitsungnarlugit? Kia killaub immikautingit kovivagît?

38 Sannit koverijaugangatta, kattilerkovlugit, kattingajullo nippiutikovlugit?

39 Igvit Loeve aksârni gaujokartitsungnarkiûk, Loeviarkallo-nêt akkeartortitsungnarpigît?

40 Okkolerangatta iglomingne, merngoêrserlutiglo, sitti-mingne uttakkivlutik?

41 Kia tullukat nerkiksalliorpagît, piarangit Gûdemut nipliarangata, sanguerlutiglo tingilutik nerkiksakangipatta?

KAPITEL XXXIX.

Gûdib Hiobe ajugakanginermirik nellojungnaitipâ ômajut illinganinginnit. Hiobe leigliutsivolê kangusultitaugame nippangertuksaugamelo.

NELLIUTOK kaujimaviuk tuktungajut nujuartut ernivingat kairtune? Ubvalo mallugosulaukît kanga tuktut nochakarangatta?

2 Tâpkoa takkingit kittilaukpigît nâmaksikpatta? erniango-ningitalônêt nelliuningit kaujimavigît?

3 Okkôlerput ernilerlutiglo piaramingnik, annititsilutiglo sillimanermingnik.

4 Kittorngangit koinilerput angijororlutiglo kakkôjaksat ak-korngæne; aularput utterungnailutiglo tâpkonunga.

5 Kia siutekoktojok nujuartok kippalutjarlaukaûk? kia siutekoktojub nujuartub pitutanga pitudjalaukaûk?

6 Tunitsivigilauktama innuilmik igluksanganik, sunaka-juitomiglo sioraujalingmik inniksanganik.

7 Iglugaseksuit perajâdlarningæt ijutigivâ, ungortiblo kag-gudlarninga tussarlungilâ.

8 Kakkat tækkosarpait nerripkautiksataggit tâpsomunga, perortullo tungojortat sunatuinait kennerasuarpait.

9 Issumavit tuktûjártub kivgartorniarmattit, sinniktarniarmallo nerchevekotingne?

10 Kakkaumik atsungersuivigijungnarkiûk, makpiteraijungnarkovlutit perorsêvingmik? kingunerne niksikartausijarniarka naksane?

11 Sungertutigijungnarkiuk sôngojojksongmat? sennakoniar-kiuglo illingnut?

12 Tettigijungnarkiuk kangâsortiksakotitit uttertiniarmagit illingnut, kattorsorlugillo kematullivikotingnut?

13 Kuviasuklune tingmiab Straussib esarunga tingmerojukpok; ila esarokarpok sullukalarmelo Storchetut.

14 Sullele mannine kemakpait nunatuinarmut, ivajaukolugillo sannerne.

15 Puigorpok tullerajartaujungnarajarmatta ittikkat illanginnut, ômajublo nujuartub serkomitsungnarajarmagit.

16 Taimak piarkane nikkasujuivigivait, nangmineringipagit sorlo; kamalungilak, sullinane sennagame.

17 Gûdib illissimanêrotimago, illangiutitilaungilâlo sillatunermik.

18 Makkitavingminele tamarmik horselo ablangajorlo horseme ijutigivak.

19 Igvit horse pitsartunekartitsungnarkiûk, kongesingalônêt ânanausilugo kallingoarninganik?

20 Igvit kiggertartitsungnarkiuk piglertattitut? Kingangata anneteridldarningata ânanauninga kappianadlarpok.

21 Tukarpok (ittikkaminut) nunamut, kuviasukporlo pitsartunekarkassiutjilune, aularporlo sakkolijartut pachreartorlugit.

22 Nangiarnek mittautigivâ, koaksâranelo, saviksoarlo kemâlungilâ;

23 Pittiksertak nierkudlaralloarpat akkerartorlugo, kappullo kallugiarlo tammarmik keblidlaralloarpanik.

24 Sajukpok, perajarludlarlunelo, aggarsudlalarmelo nunamik, kamalungilarlo tiptulautit nippinginnik.

25 Tiptulaut sôngojomik tussaksaulerangat tagva huilavok, naimalunelo sorsungnarmik kaningitomit, attanît kaggudldarninginnik igiakomijarninginniglo. —

26 Sillatunernut kigaviojártok tingika esarogiglo issakpavig uarngnarluangmut?

27 Perkojat malliklugo nektoralik taimak pôktotigijomik tingikâ, uvlune senalugo pôktojome?

28 Kairtune nunakarpok, kairtullo kakkâluillo erklâlângine nokkangavok.

29 Tagvangat nerkiksat kenâvait, ijigiglo kaningitomut tautukpûk.

30 Piarangit aungmik millugiarput; nanelo killokartome tagvanêpok.

31 Nâlekablo Hiobe kiovâ okarlunelo:

32 Ajugakangitomut aivanigomajub ajochertorniarkaûk? Gûdemiglo kakkiardlijub tamanna kiogutiginiarkaûk?

33 Hiobible Nâlegak kiovâ okarlunelo:

34 Ahâk kuksalailaukpunga, sunamik kiojaksarivagît? Aggakka illivakka kannimnut.

35 Attausiardlunga okâlalaukpunga, kiojomairpungalo; aipanganik piniaromairpara.

KAPITEL XXXX.

*Gûdib Hiobe pitsartunerminik illissimanerminiglo nello-
jungnaitipâ ômajôâlungmit Behemotemik
attelingmit.*

NALEKABLO Hiobe kiovâ akkonaksoarmit, okarlunelo.

2 Makkitikik tapseruserkik angutetut; appertsoromavagit, ajochertorlaunga.

3 Attannertuineratauk sunaungititaksarinajarkiûk, passijak-saunerarlungalo, igvit idluarkovlutit?

4 Tallekarkît Gûdetut nippemullo taimailuatsiartomut kal-lerungnarkît, sorlo tâmma piniarmat?

5 Ananausilerit illingnik pinarnartomik, angijoksônermiglo; annorârit nertornarnermik ânanaudlarnermiglo.

6 Ningarnivit illungertorninga tamât serkitiuk; piojorijut illunaita tækkonârkit, manigotitikillo.

7 Ilâ piojorijut illunaita tækkonârkit okkotilugillo, Gûde-kangitullo akkutôtikit nanêmangâttalonêt.

8 Illagêklutik saukit sannernut, tautungillo kivitikit sag-vangitomut.

9 Tagva kigligiudsivigijomavagittauk, tallerpikpît ikajorung-narmattit.

10 Ahâk, tagga Behemote, senningne sennalauktara, ivik-sukanik nerrivok tuktuvaktut angusalluktut.

11 Ahâk, pitsartuninga makkitinginnêpok; sappingingalo nângata kallasinganêpok.

12 Pamiunga tessiterpok Cederetut; makkitikkita takka-ngit keratavut akkeroktut.

13 Sauningit kannujatun serkopsêdlartotun - iput, sauningit ajaupiatitut kikkiangojutitut-iput.

14 Gûdib apkosiningita tâмна pigiarnerivât; sennajingata mannijervigivâ saviksoanganik.

15 Kakkat nerripkautiksamik sakkêvut tâpsomunga, ômajullo nujuartut illunatik kettikput tagvane.

16 Inangalaumavok ijersimavlune tachalinerme, ivijaujat suvuggit akkorngæne akkilupingme.

17 Okpit ullikpât tachamingnut, okpillo kôgut sennianêtot illumavât.

18 Ahâk kôksoak êvâ, angijônasugingilâlo; issumavok Jordan kallugomavlugo nungudlugo kannerminut.

19 Sullelo angujavok ijiminut tækkonârtillugo, aklunânulla nigaujunut kinganga puttortavok.

KAPITEL XXXXI.

Gûdib okâlaninga ômajôâluk Leviatan pivlugo.

LEVIATAN karsusanut amuarungnarkiuk, okangalo aklunâmut tigujungnarkiûk?

21 Karsusamik illijivigijungnarkiûk kingangagut, niksimullo aglerogik puttorungnarpigik?

22 Issumavît kennuviginiarmattit angijomik takkomorviginiarmattilônêt?

23 Issumavît angerkattiginiajarmattit, kivgaritsainarlugo perkovlutit?

24 Pingoarijungnarkiuk tingmiatut? kellaksorungnarkiuglônêt uigasukotitit pivlugit.

25 Issumavît kattimgajut nerrimârkattaujutiginiarmatsuk, niuvertinut aviktauniarmat?

26 Aminga nâmatitsungnarkiuk kakkilautinik, niakungalo mingieriarniartit naulanginnik?

27 Aggaktit illikit tâpsomunga, kingorngane sorsungnek issumagijungnainiarpet.

28 Ahâk, nerriungninga (pinasuartub) sulliniangilak, tækoguniuglo ochovok.

KAP. 41. V. 1. Taimak nangiartuisartokangilak attautsemiglonet, ningaksarungnarlugo: kinauva sângane nangerungnarajartok?

2 Kia piniarkârvigilaukpânga sunamik akkiniarlugo perkovlunga? Killait illunatik attânêtot perkutigivakka.

3 Tamattomungalo taitailijomangilakka avatingit, sunalo okautigijaujungnartok pitsartuninga pivlugo, tautungatalonêt tækkoranidlarninga.

4 Kia annorânganik ullêrsivigijungnarkaûk? Kinalo ôktorungnarkâ kigutingita akkorngænnut pilune aggangminut?

5 Kia kênangata aglerugik aitaritsungnarkagik? Kiguti-ngit kappianadlarlutik nappavut.

6 Kabvisingit piojorijut sappulutatitut sôngojutitut iput, pallangairsimavut nippitinerkumut sorlo.

7 Illangat assianut aktoavok, taimak tokkitigijomik sillalônêt akkorngænut pijungnangimat.

8 Nippiutivut tigutilutiglo igufteriutilungilello.

9 Tagiorninga keblerpok kaumajotut; ijîgik kaub aupalungningata kemeriangititut ipûk.

10 Kaninganit ikkoalanek annivok, nutiktarnerillo annisâdlarput.

11 Kingangatalo pâgingnit isserluk annivok, ukkusingnit kattanillo ônadlartunit sorlo.

12 Anerningata aumait ikkipait, kanninganillo ikkoalanit annivut.

13 Kongesingane pitsartunek siniktarpok, koaksârnek kiggertarpok sivurngane.

14 Nerkingata sægloingit attajigêkput, pallangilello tâpsomane, erparungnarkonago.

15 Omatinga ujarkatut sittitigijôvok, serkalitsiviublo ujaraktangatut atsingnersatut.

16 Tâмна makkitaleraikpat, tagva sôngojut kakkilâdlarput; tagvûnalo pittarutileraikpat, amaingavlutik nangerput.

17 Opaktaujuksaukpat saviksoarmut, tagva sullitsengilak, kallugiarlônêt, naularlônêt, sagvingmiutarlônêt.

18 Kikkiak iviktut înnasugivâ, kannujarlo kejuktut ausimajotut.

19 Karkjub aijalingniangilâ; illoereutib ujaraktangit ivît nakkangititut iput tâpsomunga.

20 Ujaratsiak ivît nakkangititut înasugivâ, kallugiarlo sajuktok mittautigivâ.

21 Attâne nellajokarpok ujarkanik kênalingnik; kakkilau-tillo nellatipait allorluktut.

22 Imarbik ittijok tertipâ ukkusiktut, aulalugolo akkupâ sorlo mingoarut akkutaupangmat.

23 Kingorngane apkosinek ingnarorpok; ittinerlo sinarnautidlarpâ.

24 Nuname adsekangilak; sennajaumavok erksitailerkovlugo.

25 Pôktojut tamaita nachogivait; attaniôvok piojorijunut tamainut.

KAPITEL XXXXII.

Hiobib kalkkialerninga, idluarnerartauningalo illanârijangita pingasut sânginne. Akluiipsârninga, illingatsiarninga, tokkungalalo.

HIOBIBLO Nâlegak kiovâ okarlunelo:

2 Illitarksilerpunga, igvit tamainik sappinginavit, sagvangi-tokalungilarlo illingnut issumamik attautsemiglonêt.

3 Ilâ kinauva tâmna kajusimanermik ulliksijok sillainermut? Tamana pivlugo ipaksilaungitara okautigilaukpara; pijokartut innorlauktakka, illitarilaungitakka.

4 Tagva igvit mânna tussalaurit, okarlanga; apperijomavagit, ajochertulaunga.

5 Tussarkauvagit siutimnut, ijimalo tækkogivât it mânna.

6 Tamanna pivlugo passijaksaunerarpunga, kakkialerlungalo sannerne arksannelo.

7 Nâlekab mânna okautsinik makkoninga Hiobe okarkattigijarêrmago, Elifase Têmanemiok okautivâ: Ningarnerma igvit illanârijakiglo illungertutigivâse; nâmaktomik okautigilaunginapsinga, kivgaptut Hiobetut.

8 Tagva mânna tuktuvângnik angusallungnik 7nik, saukanniglo angusallungnik 7nik, tigusileritse, ailerluselo kivgamnut Hiobemut, tunnijiluselo pivluse tunnergutunik ôtaksanik, kivgaralo Hiobe tuksiutjerkosiuk illipsingnik. Tâmna tækkonâromagapko, piniarvigiluse perkonanga sillainisse malliklugo: nâmaktomik okautigilaunginapsinga kivgaptut Hiobetut.

9 Tagva Elifase Têmanemiok, Bildadelo Suamiok, Zofarelo Naêmamiok aivut, taimailiorlutiglo sorlo Nâlekab okautilaungmagit. Nâlekablo Hiobe tækkonârpâ.

10 Nâlekablo Hiobib pallangairsortaumaninga mumikpâ illanârijane tuksiutingmagit. Nâlekablo Hiobe tunnitsivigivâ maggoertordlutik unnuktigijunik pigilauktanginnit.

11 Kattangutingillo angutit illunatik, najangitalo illunatik tikkipât, illunatiglo illitarilauktingita, kakkôjaktorkattigivâllo iglungane, oggurivâllo mannigorlugolo, idluinek tamât pivlugo, Nâlekab tikkerkolauktanga tâpsomunga. Illûnatiglo attunit tunnitsivigivât kênaujamik, suvlulingmiglo Goldeojomik siumiutamik.

12 Nâlekablo kingorngane Hiobe pitsartutinersarilaukpâ sivurnganemit, pekartilugolo saukanik 14000 dinik; Kamêlinglo 6000 dinnik, tuktuvangniglo aiparênik kakkautinnut 1000 dinnut, siutekoktojuniglo 1000 dinik.

13 Ernetâlaukporlo 7nik, panetârlarmelo pingasunik.

14 Tâpkonangallo angajuklek attekalaupok Jemimamik, tuglialo Keziamik, pingajuak, Kerenhapuchemik.

15 Nunanelo illunaine naipitaujokalaungilak arnanik taimak ânanautigijunnik Hiobib panningititut. Atâtangatalo kingormgutijakartipait anningita akkorngænne.

16 Tamattomalo kingorngane Hiobe inôlaukpok sulle Jâri-nik 140 ginik, tækkolunelo kittornganik erngutani glo kinguvârêt sittamangit tikkidlugit.

17 Hiobelo tokkovok inutokaulune, inônermiglo nâmak-silune.

IMGERUTIT.



IMGERUT I.

Idluartut apkosingæt pilloringnartok, Gûdekangitullo apkosingæt pilloringnangitok.

PILLORINGMEK tâмна арvertarlungitok Gûdekangitut kajusimakattigêngningæt malliklugo, tullerajarlungitorlonêt ajortullijut apkutânnik, iksivalungitorlonêt mittautekartut iksivavigijanginne;

2 Kuviasutekartorle NâleKab malligaksaukojanginnik, okau-tekartorlo tâpsoma malligaksaukojanginnik uvlôtillugo unnua-melo.

3 Tâмна nappârtotun-îpok illijaumajotut kôgut (imiggit) sinânut, paungakalertotut nelliunermine; millukattanginniglo kunulerviolutotut; sennaningillo sullitsiarput.

4 Gûdekangitulle taimaingilet, sanniktitulle, tiktaujutitun annoremut iput.

5 Taimaimat Gûdekangitut erkartortaunermê nâmagijau-ngilât, idluitullijullonêt idluartut illagêngninginêtsungnangilet.

6 Nâlekab idluartut apkosiningæt illitaringmago, Gûdeka-ngitulle apkosiningæt nungujomârpok.

IMGERUT II.

Nellautainek Gûdib erningata nâlegauwinganik, sâlakarninga-niglo ômigijiminik.

SOG nellojut perajarludlarkât, innuillo sullinatik okâladlarkât?

2 Attannersuit nuname akkerartorput, nâlekallo kachimio-kattigêlerput, Nâlegak mingoartangalo akkerartorlugik.

3 Kellarutingit kiktoralerlavut, aklunângillo egidlarlavut.

4 Killangmêtuple ijutigivait, Nâlekablo mittautigivait.

5 Sukkutsiane okarvigijomârpait ningadlarlune, kaningau-majarnerminullo koaksârtitsomârpait.

6 Uvangale attannekotiga mingoarlugo attanningortilaukpara kakkakotimne ivsornaitome Zioneme.

7 Illusek taimaitok okâlautigijomavara, Nâlekab okauti-laungmanga: Ernerivagit uvlome ernetârivagit.

8 Kennuviginga, tagva nellojut kingormgutijaksautitsomavakka illingnut, sillaksublo issungit perkutautitsomavakka illingnut;

9 Ajaupiamut (opigijautiksaujomut) kikkiangojomut serkomitaksarivâttit, machaktitut serkallijaksarivâttit.

10 Tagva manna attanniojose sillatoleritse, tennersartaukolerluselo erkartuijose nuname!

11 Nâlegak kivgartorsiuk sivôraluse, kувiasuleritselo sa-jukluse.

12 Ernek kunnissiuk, ningarkonago, nungutaukonaselo apkome; ningarninga ikkoalasarainiarmat; pilloridlarpulle illunatik tettekartut tapsominga.

IMGERUT III.

Tettekarnek Gûdemik nangiarnartome unangmiklertut pivlugit.

Davidib imgerutâ, taipsomane ernine Absalome kemâgamiuk.

2 **NALEGAKE!** ila unnuktoksôvut ômigijikka, unnuktullo akkerartorpânga!

3 Unnuktut tarniga okautigivât: Ikajortiksakangilak Gûdeme! Sêla.

4 Igville Nâlegak sappulutaksauvotit uvamnut, nâlengnar-titsijok uvamnik, niakumniglo kagvertitsijok.

5 Nippimnut Nâlegak nipliavigivara, tâpsomalo tussarpânga kakkaminit ivsornaitomit. Sêla.

6 Inangavunga, sinniklungalo, tuppaklungalo; NâleKab na-jumingmanga.

7 Innuït 100000 dit avatimne nangeriartortut akkerartor-lunga, erksigingilakka.

8 Attê Nâlegak! ikajulaunga Gûdik! Igvit ômigijikka illunaita erksarangne, Gûdekangitullo kigutingit serkomidlar-pâttit.

9 Nâlekame ikajortiksarsiviksauvok, saimartitsinillo innu-kotingnut pile! Sêla.

IMGERUT IV.

Davidib tuksiarninga pitsartutitaunermik okpernerme, ômigi-jingit kallêviotillugit sunatuinarnik tâpsomunga.

Davidib imgerutâ imgerutigilugo nokakseralingnut.

2 TUSSALAUNGA nipliarraiguma, Gûdik, idluarutigijara, mannigoi jotit uvamnik kappiaktoajarangama; saimavigilaunga, tussalaulutillo tuksiarnimnik!

3 Kittorngaujose innungnut, kannok sivitutigijomik opinar-nera kangusuktitaujuksauvâ? kannok akkunêrtigijomik suk-saungitut nagligivissigik? okkigilugillo sæglonerit? Sêla.

4 Illitarksileritsetôk NâleKab idluartitane tessiormagit tat-tamnadlartomik; Nâlegak tussarpok nipliavigijarangapko.

5 Ningaleraigupse idluitulliniarase. Omattise okarkattigis-siuk innangâvipsingne innilangaluselo, Sêla.

6 Idluarnermik tunnijititse, Nâlegarlo tettigissiuk.

7 Unnuktut okarput: Kia tækkotiniarpâtigut ajungitomik? Nâlegarle kollangiarvigittigut kênâvit kaumaninganik!

8 Igvit ômattiga kувiasuktipet, ipkoa Weinekadlaralloar-matta, kakkôjaksakadlaralloarlutiglo.

9 Innangavunga, sinniklungalo ullapirsautekarlunga; igvit kissivit Nâlegak ikajoramga, innekarkovlunga ussornarnar-tomik.

IMGERUT V.

*Tuksiarnek ikajortaujomamut Gûdekangitut
akkerartorungnarlugit.*

Davidib imgerutâ idluartut Gudekangitullo kingormgutijak-sangit imgerutigilugit.

2 NÁLEGAK, okautsikka tussarkit, okâlanikkalo kamagitsiarlugit pît!

3 Niplianera tussalauruk, attanik, Gudîklo! sângne tuk-siaromagama.

4 Nâlegak uvlârârsukut nippiga tussalauruk; uvlârârsukut sâvigijomavagit naipertoromalungalo.

5 Gûdeunginavit kuvasutekartok Gudekangitut illusinginik; ajortok sângnêtsungnangilak.

6 Pimariutertut ijkpît sângangnêtsungnangilât; idluitullijut illunaita ômigivâttit.

7 Sæglojut nungupâttit; NâleKab aungnik pinasuartut, nellangaitullo makkojugivait.

8 Uvangale iglungnut itteromavunga pitsiartoksônît pivlugo, tuksiaromalungalo Tempelekotit ivsornaitok sângalugo sivuranerme illingnik.

9 Nâlegak tessiorlaunga idluarnerne, omigijikka pivlugit; apkosinît âkiksolauruk sivunimne.

10 Taipkoa kanningine miksekârnekangimat; illumigijangit idluitoksôvut, torklungit illuvektut angmarsimajotun îput, okamingnullo takkomôrput.

11 Passikit Gûde, kajusimanernmingnik allaikovlugit, aják-torkit tappatojoksôningit pivlugit, kepêservigingmattit.

12 Illunatik tettekartut illingnik kuvasuglît; soraijuitomik nertordlerlît, igvit serngnigigangne; serrilerlît illingne, atternik naglingniktut.

13 Igvit Nâlegak idluartut pitsartutigangne; niakoserpâttit saimarvionermik sappulutarmut sorlo.

IMGERUT VI.

Tuksiarnek kappiasungnerme.

Davidib imgerutâ, imgerutigilugo nôkakseralingnut.

2 NÁLEGAK ningarlutit pitlarniarnangatôk, sugiarnangalo kaningaumajarlutit.

3 Nâlegak saimarvigilaunga, sangêdlarama; innûlilaunga Nâlegâk, saunikka koaksârsimangmatta;

4 || Tarnigalo koaksârsimadlarpok. Igvit Nâlegâk kannok sivitutigijomik?

5 Sâviginga Nâlegâk, tarnigalo piulilauruk; ikajulaunga nâpkigosungnît pivlugo.

6 Tokkome erkaumajaulunginavit; kialo kujalivigijomavâtit annernerit inningæne?

7 Annersaumingudlarpunga, aumitikkalo kausertipakka unuak nâlugo, kugvimnullo innangaviga mitsuktipara.

8 Kiksarnermut kênara tautorlukpok, itolerlunelo, illunane kappiasuktitaugama.

9 Allarsinga idluitullijose illunase! NâleKab kêanera tus-sarmago;

10 NâleKab kennunera tussarpâ, tuksiarneralo NâleKab illaliorpâ.

11 Omigijikka illunamassiatik kangusulârput, koaksâdlarlârlutiglo; niverlârput, kangusulârlutiglo tagvainak.

IMGERUT VII.

Tuksiarnek ômisuktut akkerartorlugit.

Davidib passijaksaungininga, imgerutigilugo Nâlekamut, Kusib Benjamineôjub okausingit pivlugit.

2 NALEGAK Gûdik, igvit tettigivagit. Ikajulaunga unangmijimnit illunainit, piulilungalo!

3 Loevititut anguserkonagit tarnimnik, alliktuilutiglo piu-liklertekangimat.

4 Nâlegak Gudik! taimailiulauruma, idluinekalaukpâllo aggamne;

5 Idluitomik akkililaurupkit taipkoa ullapirsautekarlutik inukattigilauktakka; taipkoalonêt pitjutekaratik ômisulauktut uvamnik akkunarlarupkit:

6 Tagva ômigijima tarniga unangmiliuk, tiguliuk, inôseralo tulerlugo nunamut, opinarneralo tarniga pitilugo sannermut pile! Sêla.

7 Makkitit Nâlegak ningarnerne, kagverlutillo ômigijima kanningaumajarningit akkerartorlugit, ikajulungalo, erkartuiner-mik pititsilerit.

8 Innukattigêksuit kattimalerkokit avatingnut! tâpkoalo kollânut kagvalaungmît.

9 Nâlegak erkartuijôvok innungnik. Erkartunga Nâlegâk, ajunginera idluarneralo malliklugik.

10 Gûdekangitut kassêningit nungutaulit, idluartullo sullit-siartikit; igvit idluartôlutit Gûdeôjotit ômattit taktullo naut-sertorangne.

11 Sappulutara Gûdemêpok ômattinnik idluitailijunik ika-jortome.

12 Gûde erkartuijôvok idluartok, Gûdeôlunelo uvlut tamaita tennersarijok.

13 Sâleromangitokarpât, tagva saviksoane kênaksarsimavâ, kellumalâlo pittiksinne, orlertorlunelo;

14 Torârtitsilunelo tâpsomunga sakkunnik tokkonartunnik; karkjune âkiksorlaukpait asseroerkovlugit.

15 Ahâk taimna idluiluktomik issumalerpok; singailunelo sorlo kannoêtomik; tammartovinermigle erniniarpok.

16 Assine ittersalliorpait, aggasorlugolo, nangminerlo kagitakpok ittersamut sennalauktaminut.

17 Kanoêninga niakoanut piniarpok, pinniarlungningalo kabsinganut kattangniarpok.

18 Nâlegak kujagivara idluarninga pivlugo, nertoromavalaro Nâlekab kotsingnerpângôjub attinga.

IMGERUT VIII.

Nâlekab pingortitsijub angininga pitsiarningalo.

Davidib imgerutâ, imgerutigilugo Gititemut.

2 **N**ALEGAK attannerijavut, ila ânanaudlartoksôvok attit, nunanne illunaine, kujalinermik illingnik torârtitsijokartunne killangmut!

3 Sorrusiârsuit amâmaktullo kanningittigut nertordlernek illingnik âkikpet, ômigijitit pivlugit, nungutserkovlutit ômisuktomik kiglugosuktomiglo.

4 Tækkonârupkit killait aggakpit sennamaningit, takkerlo uvloritsallo pingortilauktattit:

5 Innuk sunauvâ, erkarangne, inublo kittornganga naipertorangne?

6 Annikitomik Gûdemit kemaktaukolaukpet; opinarnermulle, pinarnarnermullo niakoseromârpel.

7 Nâlegangortitsomârpel aggakpit senamajanginut; tamaita aggangita attânut pitilaukpâttit:

8 Saukat tuktuvaillô tamaita, tappilugillo omajut nujuartut.

9 Tingmitjet killaub attâne, mingeritjello imarbingme, tamaitalo imarbingme aulajut.

10 Nâlegak attannerijavut, ila ânanaudlartoksôvok attit nunanne illunaine!

IMGERUT IX.

Davidib imgerutâ kujalinelik piulijaunek ômisuktunit pivlugo, tuksiarnerlo ikajortauganeromavlune.

Davidib imgerutâ innuosuktunnut imgertaukovlugo.

2 NÁLEGAK kujagijomavara ômamut illunânut, tattam-nartullinitillo tamaita unipkauserilugit.

3 Kuviasugomavunga serrijomavlungalo illingne, attillo ner-torlugo imgerutigijomavara kotsingnerpângôjotit.

4 Omigijikka ungomalaurangne, ochosimavut asserorsima-lutiglo sângne.

5 Igvit idluarnera illiorneralo âkiksorangne; igvit iksivavo-tit iksivautame, erkartuijôvlutit idluartok.

6 Nellojut suarpáttit, Gudekangitullo tokkopáttit; attingit nungupattit issokangitomut.

7 Omisuktut saviksoangit nungusimavut; iglugaseksuit pus-sitilaukpáttit; erkaumajauningæt nungutaumavok, tapkoa illa-gilugit.

8 Nâlegak issokangitomut itsainarpok, iksivautane âkikpa erkartuijomavlune;

9 Tâpsomalo nunamiut erkartoromârpait idluartomik, innu-illo aulatitsomârpait namaktomik.

10 Nâlegarlo sappulutaavok aklujunnut, sappulutak nangi-arnartomê.

11 Taimaimát tettigivâtit atternik illitarksijut; igvit kema-lunginangne illingnik Nâlegak kennertut.

12 Nâlegak nertorsiuk, Zionemê innekartok; pinniarningit okautigissigik innukattigêksuit akkorngænc!

13 Tâpsoma tâpkoa aungit erkaromangmagit apperkutigi-laitalo; aklujut niplianingit puigorlungilait.

14 Nâlegak nâpkigilaunga, ânianikka ômigijimnut tækko-nârkit, kagvertitsijotit uvamnik tokkub itterviksoanginnit.

15 Unipkârkovlunga nertornarnernik tamât Zionib panniata itterviksoanginne, kuviasorkovlunga ikajornît pivlugo.

16 Nellojut kivisimavut ittersame sennalauktamingne; ittig-gangit pijauvut nulltjennut ningitilauktamingnut.

17 Nâlegak illitarijauvok, idluarnermik sakkêmat. Gûde-kangitok illakutjauvok aggame pinniarninginnut. Higgajon, Sêla.

18 Gûdekangitut kappianartovingmut torârtitaujuksau-vut, nellojullo tamaita Gûdemik puigortut.

19 Tâpsoma aklujok puigormaringniangimago, pattangajullo neriungningæt assioniangilak issokangitomut.

20 Nâlegak makkitit, innuit attanniolerkonagit; nellojut illunaita erkartortaulit sângne.

21 Nâlegak koaksârtikit, nellojut illitarksilerkovlugit innôgamik. Sêla.

IMGERUT X.

Tuksiarnek ikajortaunermik, ômisuktut alckerartorungnarlugit.

NALEGAK, sôg kaningitome nangerkît, ijerlutillo nelliutome kappianartome?

2 Gûdekangitub pimariuterlune pattangajok unangmivâ; pijauvut illuserlungnut taipkoa issumertulauktanginnut.

3 Gûdekangitok uivênerminik nertutekarmat ingminik, illipaujublo Nâlegak okarnerlutigilugolo nachogivâ.

4 Gûdekangitok issumamine piojorijome (okarpok): apperkutigingilâ; illuserlungnermine tamaine Gûde sunaunginasugivâ?

5 Apkosingit sokkosijuitsainarput; erkartuinivît pôktôningæt kanningilak tâpsomunga; angutauserlune ômigijine illunaita pinniarvigivait.

6 Ômamigut okarpok: Aulaniatsengilanga; kanoêtokarniatsengimarikpok.

7 Kanninga tættæpok okauselungmik, nellangainermiglo uivêriklernermiglo; okangata attâne kannoêtokarpok kappianartokalunelo.

8 Iksivavok uttakilunelo iglugasait terliarsivinginne, passijaksaungitullo tokkopait, angigutsivlune ijikita aklujut kenânasuarpait.

9 Sagvangitome uttakvivok Loevetut sittimine; uttakvivok pattangajok angujomavlugo; anguvâ nulluaminut nussukuniuk.

10 Annaujaulune ochovok, pitsartuninganullo aklujut ochotitauvut,

11 Ômâmigut okarpok: Gûdib puigorpâ, kênane ijerpâ, tækkoniangitsainarpâ.

12 Nâlegak Gûde makkitit, aggaktit kongmuartikit; pattangajut puigortailikit.

13 Sôg idluitoâlub Gûde nachogijaksarivaûk, okartuksaulunelo ômamigut apperkutigingilet?

14 Tækkolaukpotit; kannoêtut kappianartullo tautukpâttit; illijaksauvut aggangnut; aklujut perkovât illingnut; ikajorteôvotit illiârsungnik.

15 Gûdekangitub tallinga serkomitsuk, idluitullo pinniarlungningit apperkutigikit, nachvarniangilettillo.

16 Nâlegak attanniotsainarpok issokangitomut; nellojut nunanganit nungutaujômârupt.

17 Pattangajut tussuningit tussalaukpâttit, Nâlegâk; igvit ômattingit kollarungnaitimarikpâttit, siutivît kamagingmagit.

18 Illiârsuk aklujorlo idluarnermik sakkêvigigangne, innuk tettitosarungnaikovlugo nuname.

IMGERUT XI.

*Tettekarnek Gûdemik idluartôjomik unangnijaunerme
ômîsuktunnut.*

Davidib imgerutâ imgerutigilugo.

NALEGAK tettigivara; kannok tagva tarnimnut okarkisê; Kemâleritse tingmiatut kakkapsingnut?

2 Ahâgle Gûdekangitut pittikse kelluvât, karkjakotitiglo illivait nokaktemut, angigutsivlutik idluitailijut pittijomavlugit tâpkonunga.

3 Tungavingmik asseroingmatta; sunamik tagva idluartok piniarungnarkâ?

4 Nâlegak Tempelekotiminêpok ivsornaitome; Nâlekab iksivautanga killangmêpok; ijigik tautukpuk, ijingminullo nautsertorpait innuit kittorngangit.

5 Nâlekab idluartok nautsertorpâ; tarningatale Gudekangitok pinniarlungnerniglo naglingniktut ômigivait.

6 Sillalukojijomârpok Gûdekangitunnut kaumalangnik; ikkoma, orksoruglo, annorelo ônadlartok, ermgusiangæta piksarivait.

7 Nâlegak idluarmat, idluarnerlo kuviagivâ, kênangata idluitailijut tækkonârpait.

IMGERUT XII.

Tuksiarnek okpertokattigêngnek piganerkojomavlugo.

Davidib imgerutâ imgerutigilugo nokakseralingnut.

2 **IKAJULAURIT** Nâlegak, ivsornaitut illangersimangmatta, okpertullo ikkitôlerput innut kittorngangita akkorngane.

3 Sæglojunik okautiutivut; kangasinângnut piangnartunnut, ômamullo maggogusertomut okarput.

4 Nâlekab pêjarligit kangasinângnerit piangnartut illunaita, okarlo pimariuterlune okartok.

5 Okartut: Okaptingnut attanniotijomavogut, kangasinâpta illigivâtigut, kina nalegarivitigô?

6 Pattangajut tagva asserortaungmatta, aklujullo anner-saungmingmatta, parngnaileromavunga, Nâlegak okarpok; ika-jornermik sakkêvigijomavara tāmna kêmitiktok tamattominga.

7 Nâlekab okausingit illakangilet Silberetut 7 êrtorlune illakarungnaititaumajotut ukkusingme maggaujome.

8 Igvit Nâlegak udsertorniarpâtitt, sapputiniarlugillo king-uvarênit ipkonangât issokangitomut.

9 Illûnane Gûdekangitokadlarpok saksârtunik, uivênek sugalulerpât innuit kittorngangita akkorngæne.

IMGERUT XIII.

Arusungnek kemaktaunek Gûdemut pivlugo.

Davidib imgerutâ imgerutigilugo.

2 NÂLEGAK, kannok sivitutigijomik puigormarigomavingâ? Kannok sivitutigijomik kênaat ijerpiuk uvamnit?

3 Kannok sivitutigijomik issumajârtuksauvîk tarnimne, kap-piasuktuksaulungalo ômattimne uvlut tamaita? Kannok sivitutigijomik ômigijima kagvervigijaksarivângâ?

4 Tækkosalaurittôk, tussalungalo Nâlegak Gûdik; ijîka kaumaksarlaufik tokkolunga sinnisilerkonnanga.

5 Omigijiga okarkonnago: ajugaulaukpunga tâpsomunga, akkerartortikkalo kuviasulerkonnagit majangagama.

6 Tettigivarale saimavekarosudlaravit; ômattima ikajornit kuviagivâ; Nâlegak imgervigijomavara, taimak ajungitullivijomangama.

IMGERUT XIV.

Sillaksoarmiut asserorsimaningit, okpertullo piulijauningæt asserornartomit.

Davidib imgerutâ imgerutigilugo.

SILLAITUT ômattimingne okarput: Gûdekangilak! Piungilet, makkojungnartôlutiglo pinniarninginnut; tagvane ajungitullijokangilak.

2 Nâlekab killangmit innuit kittorngangit tækkonârpait, tækkojomamut, kina sillatômangât, Gûdelo apperkutigingmanâgo.

3 Illunatigle uniorsivut, illunamassiatiglo ajulerput; tagvane ajungitullijokangilak, attautsemiglonét.

4 Idluitullijut illangallonét mallugosugomangilak tamattomínga? innukotimnik nerrijut, innúgutigilugit, Nálegarle nipliarvigingilát?

5 Tagvane erksivut; Gúde idluartut kinguvarênginêmat.

6 Aklujub kajúsimaningit mittautigivasse; Gúdele tettigivâ.

7 Kannoktôk ikajortiksamik tikkitokarle Zionemit Israelitinut, Nálekablo innukotine parngnanairsortat piuliligit! Tagva Jako kuviasugajarpok, Israelelo serridlarajarpok.

IMGERUT XV.

Nálekamik opigosuktub illinganínga.

Davidib imgerutâ.

NALEGAK kina innekarniarkâ tuppíngne? Kina kakkakotingnêtsainaromârkâ ivsornaitome?

2 Nangarnangitomik arvertartok, namaktullijorlo, ômamullo mikselingnik okausekartok;

3 Okaminut mangatsilungitok, assiminullo idluitullilungitok, innukattiminiglo okarnerlotjilungitok.

4 Ajáktorsimajunnik nachojok, opiguktorle Gúdemik sivôrajunnik; innukattiminut angernermik malliktok;

5 Kênaudjakotiminik taukteliksarsiviolungitok illakaromavlu-ne, pilliusiamiglo tigusilungitok passijaksaungitok pivlugo; tamakkoninga pinniartok, tâмна issokangitomut ituatsainaromârpok.

IMGERUT XVI.

Kristusib âniájub Gúde, sapputsijok ânanausêjorlo tâpsomínga, nertorpâ.

Davidib ivlerijanga.

SAPPUTILAUNGA Gúde, igvit tettigigapkit.

2 Okarpotit Nálekamut: Igvit nálegauvotit, pilloringnekan-gilak uvamnút assingne;

3 Ivsornaitut nunamétut, ânanausijaujullo, tâpkoa illunaita kuviagivakka.

4 Taipkoa assianik pinasuartut, âniakarniarput unnuktunik; tunnergutingænik imiksamik aungôjomik tunnijijomalungilanga, attingillonét tajjomalungilakka kannimnut.

5 Nâlegarle perkutigivara, illangiusiarijaralo ermgusiâr-sungmit; igvit kingormgutijara udsertorpet.

6 Imerautib nellaupânga namatsiartomik; ila kingormguti-jamik ânanaudlartomik pivunga.

7 Nâlegak nertorpara attanertortiga; unnuamêtauk taktuma kaiblarpânga.

8 Nâlegak tautukôtsainarpara; tallerpimnêmât aulaniangi-
langa.

9 Tamanna pivlugo ômattiga kuviasukpok, annerneralo, opinarneralo (tarniga) serridlarpok; uvinigalotauk ussornar-nartome innekaromârpok.

10 Tarniga annernerit inninginêtsainarkojomânginangne, perkojjimângilatillo ajunginerit asserornermik (illuverme) tæk-kokovlugo.

11 Igvit innôtsib apkosininganik nellojungnaitiparma; ku-viasungnekadlarpok arklingnartomik kênavit sângane, illior-nekalunelo inerkonartomik tallerpit senniane issokangitomot.

IMGERUT XVII.

*Tuksiarnek sapputijaujomamut sillaksoarmiut sugaluktut
akkorngænne.*

Davidib imgerutâ.

NALEGAK idluarnekk tussalauruk, kaggudlarnera kamagilau-
ruk, tuksiarnera timerolauruk, kannermitt nellangaitomit pi-
ngitok.

2 Illingnit idluarsartaunera pile, ijjikik tækkonâlaulik nel-
lâgôrnermik.

3 Igvit ômattiga ôktorlaukpet, unnuamelô nellipsarlaukpet,
kiglissiniarlungalo nachvângilattillo sumik; kajusimalaukpunga
kannera tappajuksaungimat.

4 Innuit illiorninginne kangasinâkpit okausingit malligak-
sarilaukpakka, sapputilungalo aksorornermut idluitullijub ap-
kotinganit.

5 Arvertarnera apkosinernêtsainartilauruk, ablornikka uni-
orkserkonnagit.

6 Illingnut nipliadlarpunga, igvit Gude tussaramga; siu-
tikik mannikk. uvamnut, okautsikka tussarkit.

7 Pitsiarnit tattamnartok sakkertilauruk, piuliklerteôjotit
tettekartunnik illingnik, tâpkonangat akkerartortunnit aggan-
nut tallerpingnut.

8 Sappumijalaunga ijib tækkonatingatut sorlo, ijertilaunga esarokpit tachaliningane;

9 Gûdekangitunnit asserorsartimnit ômigijîmnit tarnimnik pinasuartunnit avatimne illûnane.

10 Omattitik ikpiginekangitut pallangairpait; kannermingnut pimariuterlutik okarput.

11 Nane arvertarvippingne illumavâtigut, ijitik torârtipait tagvunga, ochotitsomavluta nunamut;

12 Loevetut îput nerkiksasiortotut, Loeviaraktullo inimine akkopijotut.

13 Nâlegak oppalungairit, ingiariartoruk, manigotitilugolo Nâlegâk; tarniga piulilauruk Gûdekangitunnit saviksoakotingnut.

14 Innungnit aggangnut, Nâlegâk, sillaksub innunginnit, illangiusiamingnik pekartunit inôtseme, akkeartortitarnit pingnik, kittorngakartunit unnuktunnik, amiakomingniglo kemaijunnit kittorngamingnut.

15 Uvangale kênét tautugomârpara idluarnerme; kâgung-nairomârlungalo tuppagomâruma adsekarlunga illingnik.

IMGERUT XVIII.

Davidib kujalininga, ikajortauninga tattamnadllartok

piulijauningalo ômigijînginit tamainit, pivlugo.

Imgerut imgerutigilugo. Davidemit NâleKab kivganganit, okalauktomit NâleKamut imgerutsib tamattoma okauser-tanginnik, nelliutome Nalekab piulilaungmago ômigijîngita illunatik agganginnit, Sauliblo agganginnit;

2 OKARPORLO: Omamut nagligivagit, Nâlegak, pitsartu-nerijara;

3 Nâlegak kairtorijara, serngnigijiksakautigijaralo, piulijigalo; Gûdiga torkorviksakautigijara tettigijara, sappulutak-sarijara, piulijauviksamalo sakkunga, sapputsijigalo.

4 Nâlegak nertoromavara nipliavigijomalugolo, tagva ômigijîmnit piulijauniarpunga.

5 Tokkub kellarutingita illumalaungmanga, Beliablo kôngita koaksârtilaukpânga;

6 Kappianartoviub kellarutingita nappilaukpânga, tokkublo aklunângita opingalaukpânga.

7 Kappiasungnimne Nâlegak nipliavigivara, kaigarsuklungalo Gudimnut; tagva nippiga tussarpâ Tempelektiminit, kaigarsungneralo sânanganut siutikingnut, pivok.

8 Nuna sajukpilulaukpok, aulatitaulunelo, kakkello tungavingit aulavut sajukpilulutiglo ningaumajartillugo.

9 Iserluk kongmualaukpok kinganganit, ikkomalo nungut-sijok kanninganit, auma annilaukpok tâpsomangat.

10 Killak nakiglilitlaukpâ akkarlunelo, tâktokalaukporlo ittiggangita attâne.

11 Kêrubib kângane ablângavok, tingilunelo tagvunga; ikkiakilaukporlo annorib esarungine.

12 Tuppings avatâne tâktoksôniolaukpok, nuvujangolunelo kernertunnik silliktunniglo iersimavinga.

13 Kebliarlarnermut sânganêtomut nuvujangit alliktorput nettarkonâlungnut kaumalangnullo.

14 Nâlegarlo kallilaukpok killangme, kotsingnerpângojublo nippine annitipa nettarkonâluktigut aumatigullo ikkomalik-tigut.

15 Karkjokotinelo pittiksautilaukpait, siamartilaitalo, kaumalaktitsilaukporlo, koaksârtipaillo (Gudekangitut).

16 Tagva immiksuit kôdlartut tækkojaulaukput, nunaksublo tungavinga ulligêrtaumalaukpok, suadlarnermut Nâlegak, kingavillo annerningata annerneridlarninganut.

17 Tâmma tilliklilaukpok kôtsiktomit ailungalo; kakkilaukpângalo imaksoarnit.

18 Piulilaukpânga ômigijimnit pitsartujomit, ômigijimnit sangiluadlalaunktunnit uvamnut;

19 Opingailauktunnit uvamnik kannoênima nelliuningane; Nâlegarle sukkarilaukpara;

20 Tâpsomalo annitilaukpânga initojomit; nussulaukpânga kuviagilauraminga.

21 Nâlekar ajungitullivigivânga idluarnera malliklugo; akiniarpânga aggama ivsornainingæt malliklugo.

22 Uvanga Nâlekar apkosiningit attorapkit, idluiluklungalo nûlungilanga Gûdimnit.

23 Idluarijangit illunaita ijingma sângangnêmatta, perkojangillo egilungilakka uvamnit;

24 Idluinekalungilangalo sângane, ulloreasuklungalo ajornimnik.

25 Tamanna pivlugo Nâlekar akkiniarvigivânga idluarnera malliklugo, aggama ivsornainingæt ijikita sângangne malliklugo.

26 Hailigeôjunne hailigeôvotit, idluartunelo idluarpotit,

27 Ivsornaitunne ivsornaipotit, mumiksimajunne mumiksimavotit.

28 Innugiartoksuit ajulertut ikajorangne, ijillo pimariutertut manigotitipâttit.

29 Igvit kaumautiga kaumaksarangne, Nâlekama Gûdima tângnera kaumaniôtipâ.

30 Aiparilitit sorsuktut pittarungnarapkit, Gûdigalo aiparællugo avaloksuit aptusarvigijungnarpakka.

31 Gûdib apkosiningit kannoetokatsengilet; Nâlekab okausingit illakangilet. Sappulutauvok illunainut tettekartunnut tâpsominga.

32 Kinale Gûdeôva Nâlegak pinago? Kinalonêt torkorviksakautauvâ, Gûdivut pinago?

33 Gûdib pitsartunekartipânga, apkosinikkalo tammarnartokajuitipait.

34 Ittiggakka tuktut ittiggangititut îtipait, pitilungalo pôktojokotimnut.

35 Tâpsoma aggakka ajochertorpait sorsungnermik, talleralo ajochertorpâ pittikse kannujaujok kellulugo.

36 Igvit piuliklernivît sappulutanganik tunnitsivigivarma, tallerpikpillo pitsartutipânga; nikkanarsârnivillo angijorortipânga.

37 Attimne inniksakartitsivotit pissungnermut, kamgakka uniorterkonnagik.

38 Omigijikka udlatsomavakka, tigujomalugillo, utteromalungilangalo tokkotserkârnanga tâpkoninga.

39 Egilugit serkomitsomavakka makkitsungnarkonnagit; ittikkama attânut ochojuksauvut.

40 Pitsartunekartitsungnarparma sorsungnermut, akkerartortikka ochotipâtitt attimnut.

41 Omigijikka kemâtipâtitt, asseroerkovlunga ômisuktunik uvamnik.

42 Nipliavut, tagvanele ikajortekangilak; Nâlekamut, tâpsomale kiolungilait.

43 Toggarlugit serkalitipakka sanniktitut annoreme, pêjarpakka allorluktitut apkosinerme.

44 Ikajorparma inugiartoksuit annârtorninginit, angajokângortiparma nellojut akkorngæne, innukattigêksuit illitarilau-ngitama kivgartorpânga.

45 Nâlekpânga siutinnut nâletsartunnut; tujormitjet kit-torngangita illanersârlutik okarvigivânga.

46 Tujormitjet perlerput nimâjalutiglo igloksoamingnit sôngojunnit.

47 Nâlegak ômavok, torkorviksakautigalo nertortaule; piu-lijauviksamalo Gûdinga angijorortitaule.

48 Gûde tâmna, akkiniarnermik tunnijijok uvamnut, innukattigêksoarniglo ajoringorsaijok attimnut;

49 Piuliklerte uvamnik ômigijimnit, kagvertigalo tâpkona-ngat akkerartortimnit; igvit ikajorparma koksalaîtunnit.

50 Tamanna pivlugo kujagijomavagit Nâlegak nellojut akkorngæne, attillo imgervigilugo nertordlerutiksenik;

51 Attannekotiminut piulijaunekartitsijok angijoksoarmik, ajungitullijorlo mingoartitaminut Davidemut, tâpsomalo kinguvânginnut sorajuitomik.

IMGERUT XIX.

*Gudib ânanaudllarninga, sakkejârtok pingortitannit
perkojannillo.*

Davidib ingerutâ ingerutigilugo.

2 **KILLAIT** Gûdib opinarninga unipkautigivât, aulangi-tublo aggangita pinniarningit okautigivait.

3 Uvlut illangaeta assiminut okautigivâ, unnuablo assiminut akpautigivâ.

4 Okarnekangilak okausekaranelo nippinganik tussarviolungitomik.

5 Nokakservalautinga annivok nunet illunaita kângagôrvigivlugit, okarningalo sillaksub issuanut pivok; sekkinnek tuppekartilaukpâ taipkonane;

6 Tâmnalo annivok uiksatur inniminit, kuviasuklunelo sâlakartotut, apkosinek akpangervigilugolo.

7 Nuilerpok killaub issuata aipâne, kaivalailunelo ingergavok ama tâpsoma issua tikkilugo; sagvangitokangilarlo ônarnganut.

8 Nâlekab malligaksaukojangit kanoêtokatsengilet, tarnelo nekkoksitipât. Nâlekab kigligiudsiningit nellâgôrput, sillatutipaillo sillaitut.

9 Nâlekab piniartaukojangit tammartovinekajuiput, kuviasuktilâlo ômat. Nâlekab perkojangit illakangilet, kaumaksartipaillo ijit.

10 Nâlekab sivuranarninga ivsornaipok itsainarlunelo issokangitomut. Nâlekab idluarijangit miksekartôvut, idluartôlutiglo illunatik.

11 Pivianarnersauvut Goldemit, unuktunnillo Goldenit illakangitunnit; mamarnersauvut igupsaujârtut orksunginnit, tâpkoalo orksungita ingningenit.

12 Kivgaittauk tâpkonunga kaumaksartauvok; malliktorlo tamakkonina angijomik akkilertauvok.

13 Kina tammarnime unnurninginik kaujimava? Issumagijungnaivigilaunga tammarnimnit kaujimangitamnit.

14 Kivgait sapputilauruk piojorijunnit, attanioterkonngagit uvamnut; tagva tammartovinekarniangilanga, passijaksaungitsainarniarpungalo idluitullinersoarnut.

15 Kannerma okausingit, ômattimalo unipkausingit kuvia-
gijaulit sângne, Nâlegâk, torkorviksakautigijara, piulijigalo.

IMGERUT XX.

*Inugiartoksuit tuksiutjiningit attanermingnik unatadlarnernub
nelliuningane.*

Davidib imgerutâ imgerutigilugo.

2 **NALEKAB** tussarlitit kappianarnernub uvlungane; Jakob
Gûdingata attingata sappumijarlitit.

3 Tâpsoma ikajortaunermik tilliklervigilitit ivsornaitoving-
mit, pitsartutilitillo Zionemit.

4 Tâpsoma tunnergutitit nerkikset tamaita erkaumaligit,
tunnergutitillo ôtaksak kuinilerle. Sêla.

5 Tunnitsivigilitit ômattivit kajungervigijanganik, kajusima-
nitillo tamaita nellautsitiligit.

6 Igiakomijaromavogut sâlakarnît pitjutigællugo, Gûdiptalo
attingane saimat nappautivavut. Nâlekab tuksiarkilitit ken-
nunernik tamainik.

7 Mâna tukkisivunga Nâlekab mingoartane ikajormago,
tussarlugolo killangminit ivsornaitomit; tallerpinga ikajorpok
angijoksoarmik.

8 Ipkoa aksalloalingnik tettiksakarput, ipkoalo horsinik;
uvagulle Nâlekab Gûdipta attingannik.

9 Ipkoa ochosimavut pâlaklutiglo; uvagulle makkipogut
nangerlutalo nappalutalo.

10 Nâlegak ikajorit! Attaniub tussarlitigit nipliarangapta.

IMGERUT XXI.

Kujaktiksak attaniub sâlakarninga pivlugo.

Davidib imgerutâ imgerutigilugo.

2 **NALEGAK**, attanek kuviasukpok pitsartunerne, ila angij-
omik serridlarpok ikajornît pivlugo!

3 Tunnitsivigivet ômattingata pijomajanganik, kippilulungi-
lattillo ômattingata tuksiararijanganik. Sêla.

4 Igvit koverigangne saimartitsinernik ajungitomik, niaku-
telo Goldeojok illivet niakoanut.

5 Tuksiarvigilaukpâtît innôtsemik sivitojomik, tagva tunsivigilaukpet inôtsemik sivitojomik îtsainartomik issokangitomot.

6 Opigijaunersoakarpok ikajornernut; nertortaunermiglo pinarnarermiglo illitsivigivet.

7 Saimanartungortigangne issokangitomot; kuviasuktivet kuvianartunnut kênavit sângane.

8 Attaniub Nâlegak tettigingmago, kotsingnerpângôjublo pitsiarninganut aulatailiniarpok.

9 Aggakpît ômigijitit illunaita nachvarniarpait; tallerpikpît ômisuktut illingnik nenniniarpait.

10 Kiaksautitut ikkomaliktut illingatinarpâtît tækkonârniarunge; NâleKab ningarlune êniarpait, ikkomablo nerridlariniarpait.

11 Kinguvângit nunguniarpâtît nunamit, kittorngangillo innuit kittornganginnit.

12 Issumâlukalaungmatta illingnik, kajusimaneliorlutiglo, nellautsititsungnarlaungilaille.

13 Kemâtiniarangne, nokaktingnut kênangit orlertorniarpâtît.

14 Kagvarit Nalegak pitsartunerne; tagva ajugakanginit imgerutigilugo nertoromavavut.

IMGERUT XXII.

Kristusib ânianginik ânanauninganiglo.

Davidib imgerutâ, tuktu imgerutigilugo, uvlâkut pina-suartaujuk.

2 GUDIK, Gûdik, sôg kemakpingâ? Ungasikpotit ikajortaunimnit, ârusungnimalo okausinginnit.

3 Gûdik uvlôtillugo nipliadlarpunga, tagva kiolungilattit; unnuangotillugolo nippangerlunginivunga.

4 Igville hailigeôvotit, innekarlutillo Israelitit nertordlerninginne.

5 Atâtagijapta tettigilaukpâtît, tettekartillugillo ikajorlaukpâtît.

6 Illingnut kaigarsulaukput, piulijaulutiglo; tettigivâtit kangusuktitaunatiglo.

7 Uvangle pâmgortôvunga, inônangalo, mittautiksauvunga innungnut, nachogijaksaulungalo innugiartoksoarnut.

8 Illunatik tækkojut uvamnik mittautigivânga; kanermingnik aitarput, illekettamarlutiglo:

9 Illinganine ârusutigiliuk Nâlekamut, tâpsoma ikajorliuk, piulilugolo, kuviagikpago.

10 Ila igvit anânama timinganit nussulaukparma, sunger-tutigilaukpagit anânama iviangigingnêlaulunga sulle.

11 Illingnut pititaulaukpunga anânama timinganit; igvit Gûdigivagit anânama timinganit.

12 Ungasingniarnak uvamnît, kappiasungnek kannidlarmat; mâne ikajortiksakalungimat.

13 Tuktuvait parngnît unnuktut illumavânga, angusalloâluit koinijut avatimnêput.

14 Kanersoarmingnik aitarvigivânga, Loevetut kallingoar-totut kêsuktoksoatullo.

15 Kovijaumavunga imektut, avatikka illunatik uniortiput; ômåttiga timimne igupsaujârtut orksungita tangingatut auler-simajotut ipok.

16 Nukkika pannersimavut machavinertut sorlo, okaralo nippipok killamnût; igvillo illivarma tokkub sanninginnut.

17 Kingmit illumangmanga; idluitoâluit, pikablajoksuit avatimnôrsimavut; aggakka ittiggakkalo puttorpait.

18 Saunikka illunaita kittipakkæ; tâpkoale tækkonârput, kувiasutigivângalo.

19 Anorâka avikpait ingmingnut, ulligalo immerautigivât.

20 Igville Nâlegak ungasingniarnak; pitsartutiga errinesu-git ikajoromavlunga!

21 Tarniga piulilauruk saviksoarmit, pituara kingminît!

22 Ikajunga Loevib torkluanit, piulilungalo tuktuvâluit nakjunginnit.

23 Attit unipkautigijomavara kattangutimnut, illagêktunnelo nertoromavagit.

24 Nâlegak nakorissiuk sivurajose tâpsominga; Jakob kingu-vângita illunatik opigilitsuk, Israeliblo kinguvângita illunatik illeragilitsuk!

25 Tâpsoma aklujub pattanganinga nochogilaungimago, allangoarnagolonêt; kênanelo ijilaungilâ tâpsomangat, kaigar-sugvigingmagolo tussalaukpâ.

26 Nertordlernera illagêksoarne illingnit pivok. Angersima-nikka nellautsititsomavakka, sivôrajut tapsominga sânginne.

27 Pattangajut nerrijuksavut, kâgungnaituksaulutiglo; Nâlekamiglo apperkutekartut nakorijomârpât; ômåttise innô-juksavut issokangitomot.

28 Erkaïjomârpût, sâleromârlutiglo Nâlekamut sillaksub issunginêtut, sângnelo tuksiaromârpût nellojut kinguvârêngit illunatik.

29 Nâlegak nâlegauvekarmat, attanniotilunelo nellojut ak-korngæne.

30 Koinijut nuname illunatik nerrijomârput, opigosugomâr-lutiglo; sângane sêrkut sêrkortoromârput illunatik, sannermut ununga ijukartut, inôserminiglo piuliklerungnalaungitok.

31 Kinguvâkaromârpok kivgartortunnik tâpsominga; Nâlegak unipkautigijaujomârpok kittorngæt kittornganginnut.

32 Kaijomârput, idluarningalo unipkautigijomârpât inugiar-toksoarnut erniangojomârtunnut, tâmna piniarlaungmat tamat-tominga.

IMGERUT XXIII.

Tettekarnek Nâlekab sapputsininganik tessiorninganiglo.

Davidib imgerutâ.

NALEGAK pairijigivara; ajoksarniangilanga sunamik.

2 Natername iviksukatolingme tungojoktannik tangmârter-pânga, tessiorlunga merngoêrsernerub iminginut.

3 Tâpsoma tarniga nekoksitipâ, tessiorpânga idluarnerub apkosiningane attine pivlugo.

4 Koroksioralloarajarumalo tâktokut, kannoêtomik illimasu-lungilanga; igvit najoramga, ajaupiaktovit tessiornivillo man-nigorpânga.

5 Igvit sâmne sâmik (nerrimavingmik) âkiksoivotit ômigi-jima tækkoæne. Igvit niakora mingoarpet orksomut, imilar-malo namaktomik.

6 Ajungitullivionerit nâpkigijaunerillo illagitsainarniarpânga inôsimne tamât, uvangalo Nâlekab iglunganêtuatsainaromârpunga.

IMGERUT XXIV.

Attanniub nâlengnartub nâlegauvinga, kivgangillo itternigalo.

Davidib imgerutâ.

NALEKAB nuna pingillo pigivait; nunaksoak, nunakartullo tâpsomane.

2 Tâpsoma imarbiksuit kânginut tunganektalaungmago, ingerganerillo kânginnut atsungilaukpa.

3 Kina Nâlekab kakkanganut aimiarkâ? Kinalo nangitsai-naromârkâ tâpsoma inningane ivsornaitomê?

4 Passijaksaungitunnik aggalik, ivsornaitomiglo ômattelik; illusilungnik kuvasutekangitok, angilulungitorlo.

5 Tâмна pitsartutitaunermik Nâlekamit piniarpok, idluar-nermiglo piulijauningata Gudinganit.

6 Tamadsa kinguvârêt tâpsomina apperkutekartut; ken-nertut kênarnik, Jakokunit, Sêla.

7 Upkoaksuit nerrotosigik, upkoello sillaksoarme pôktosisi-gik, attannek nâlengnartok itterkovlugo!

8 Kinauva attannek nâlengnartok taimna? Nâlegauvok pitsartujok sôngolunelo, Nâlegak sôngojojok sorsungnerme.

9 Upkoaksuit nerrotosigik, upkoello sillaksoarme pôktosisi-gik, attannek nâlengnartok itterkovlugo.

10 Kinauva attannek nâlengnartok taimna? Tagva Nâle-gak Zebaot, tâмна attanniôvok nâlengnartok! Sêla.

IMGERUT XXV.

Kêmitingnel: ajochertortaunermik nâpkigijaunermiglo Gûdemut.

Davidib imgerutâ.

IGVIT Nâlegak killanârivagit.

2 Gûdik tettigivagit! Kangusuktitaukoniarnanga, ômigi-jikka kuvasutekarkonagit uvamnik.

3 Illunatik illingnik nerriuktut kangusuktitaungimatta, kangusuktitaujariakarpulle pitjutekaratik nertornangitomik pi-niartut.

4 Nâlegâk, apkosinernik unertutilaunga, apkotingniglo ajo-chertorlaunga!

5 Tessiunga miksekârnerne, ajochertorlungalo; igvit Gûdiô-gavit tâмна, ikajorte uvamnik; uvlut tamaita nerriugivagit.

6 Nâlegak nâpkoarnît, pitsiarnillo erkaumakik, issokangito-mit pingmanik.

7 Inuosungnima idluitulliningit, tappaikkalo issumagitaili-kit; nâpkinignille malliklugo issumagilaunga, pitsiarnît pivlugo.

8 Nâlegak ajungitôvok, idluitailijôlunelo, tamanna pivlugo ajortuggit ajochertorpait apkosinerme.

9 Pattangajut tessiorpait namaktomik, ajochertorpaillo pat-tangajut apkosinerninik.

10 Nâlekab apkosiningit pitsiarniotuinarput, miksekârniô-tuinarlutiglo, tâpkonunga angerninganik kigligiudsininginniglo nâlektunnu.

11 Attit pivlugo Nâlegak namangitullinikka unnuktoksôjut saimarvigikit.

12 Kinauva tâмна Nalekamik sivôrajok? Tâpsoma uner-tutiniarpâ apkosinermik idluarnerpâmik, annerijaksarijanganik.

13 Tarninga ajungitome inekarniarpok, kinguvângitalo nuna pigijomârpât.

14 Nâlekab illanâkarninga tâpkonanêpok sivôrajunne tâpsom-inga, angernerminiglo kaujitipait.

15 Ijingma Nâlegak tækkonâtsainarpâk, tâpsoma ittiggakka nussungniarmagit nullutjennit.

16 Sâvinginga nâpkigilungalo; inutôgama pattangalungalo.

17 Omattima kappiasungninga angijôvok; nussulaunga kan-noênimnit!

18 Kappiaktoadlarnera pattanganeralo tækkonârkik, issu-magijungnaivigilungalo ajornimnit illunainit.

19 Tækkolerit ômigijikka unnuktôngmatta, ômigilungalo uivêmut.

20 Tarniga udserteruk, piulilungalo; kangusuktitaukoniarnanga tettigigapkit.

21 Passijaksaunginerub idluarnerublo sapputilinga; nerriugigapkit.

22 Gûde, Israele piulilauruk kannoêninginnit tamainit.

IMGERUT XXVI.

Tuksiarnek passijaksaunginek sâlakarkojomavlugo.

Davidib imgerutâ.

NALEGAK, idluartomik sakkêvigilaunga, arvertaraurama passijaksaunanga. Nâlegak tettigivara, tamanna pivlugo au-laniangilanga.

2 Kiglissinialaunga Nâlegâk, ôktorlungalo; taktûkka ômat-tigalo illakarungnaitikit.

3 Saimarvekarit ijingma sângangnêmat, arvertarpungalo miksekârnerne.

4 Innuvit nellangaitut iksivakattigilungilakka, illagêngnekar-nangalo angêjijunnik.

5 Kassêut kattimaniksangit ômigivakka, Gûdekangitullo iksivakattigingilakka.

6 Aggakka ubvarpakka passijaksaunginerme; Altarekotillo, Nâlegâk, ungagivara;

7 Tussartaukovlugo kujalinerub nippinga, tattamnantulli-nitillo tamaita unipkautigilugit.

8 Nâlegak iglovit ininga ivlerivara, innelo opinarnivît najugâ.

9 Tarniga idluitullijut illagilugit pējarkassiutiniarnago, innôseralonêt aungmik pinasuartut illagilugit.

10 Illusiálungnik attorpaktut, aggamingniglo tættætaukojijut pilliusianik.

11 Uvangale arvertarpunga passijaksaunginimne. Piuli-launga saimarvigilungalo!

12 Ittigakka nangerput apkosinerme manniktome. Nâlegak nertoromavara kattimaniksanne.

IMGERUT XXVII.

*Kajungersartaunek kuviásungnermut Nâlekamik
tettekarnermullo tâpsominga.*

Davidib imgerutâ.

NALEGAK kaumanerivara piulijaunerilugolo, kina erksigijak-sarivigô? Inôtsima Nâlegak pitsartutigivâ, kina kêungomivigi-jaksarivigô?

2 Idlunit akkerartortima, ômigijimalo pinasuarunga, uvini-ga nerrijomavlugo, apportuksauvut ochojuksaulutiglo.

3 Kattigajoksuit akkerartorlunga tikkigalloarpanga, tagva ômattiga erksilungilak; unatadlartokalerangat akkerartorlunga, tagva tamattomane maksoavunga.

4 Attausek kennuarivara Nâlekamit, pijomadlartara; Nâle-kab iglunganêtsainarungnarkovlunga, Nâlekab innerkonarninga tautuklugo, Tempelekotingalo kemergolugo.

5 Tâpsoma serngningmanga iglomine nelliunerluktome, ijerpângalo tuppungmine, kagvertipângalo kairtub kânganut.

6 Mânnalo niakungma ômigijikka illumajikka kagvervigivait, tunnergutiniglo nertordlerutiksennik tunnijijomavunga tuppungne, Nâlegak imgervigijomavara nipliajorvigijomalugolo.

7 Nâlegâk, nippiga tussaruk, nipliaraignuma; saimarviginga tussarlungalo.

8 Omattima okausernik erkaitipâtit: Kênara kenneraksari-vasse. Tamanna pivlugo uvangatauk, Nâlegâk kênait, kenner-para.

9 Kênait ijertaililugo pît uvamnit; ningarlutillo kivgait ajâktorniarnago; ikajortigigapkit. Ipperarniarnanga, aggaktillo pêrniarnagit uvamnit, Gûde piulijiksarijara!

10 Atâtama, anânamalo kemalaungmanga, Nâlekable illali-orpânga.

11 Nâlegâk, apkosinernik unertutilaunga, tessiorlungalo apkosinerme tammarnangitome, akkerartortikka pivlugit.

12 Tunnitailaunga ômigijima pijomajanginnut; passikler-tokalermt sæglojunnik akkerartorlunga, annenterijuniglo pin-niarlungnernik.

13 Okperalloarpungale sulle, tækkoniarama Nâlekab ajungitullininginnik inôjut nunangæne.

14 Nâlegak nerriugiuk; maksoalerit, tâpsomalo ômattit pitsartutuliuk, Nâlegarlo nerriugiuk.

IMGERUT XXVIII.

Attaniub tuksiutjininga innukotiminik idluartunik.

Davidib imgerutâ.

NIPLIALERANGAMA illingnut Nâlegâk, kairtorijara, tagva niplertailiviginiarnanga; taipkotitunak îlerkonanga, niplervigingikunga, ittersâlungmut ijukartutitut.

2 Kennunima nippinga tussaruk, kaigarsugvigigupkit, ag-gakka kongmuartileraigupkit ivsornaitovekotingnut takkamanê-nerpâmut.

3 Nussukassiutiniarnanga Gûdekangitut illagilugit, idluitullijullo, illanârnartunnik okausekartut inukattimingnut, idluitomiglo ômamiutiggit.

4 Tunnitsivigikit pinniarningit illusiâlungillo malliklugit; aggangita pinniarningit malliklugit tunnitsivigikit; akkiniarvigikit, sorlo sennaningit ikajusekariakarmatta.

5 Kamajomangimatta Nâlekab pinniarninginik, aggangita sullîhanginiglonêt; tamanna pivlugo serkomitsomârpait, âkiniarnagillo.

6 Nâlegak nertortaule kennunima nippinga tussarmago.

7 Nâlegak pitsartutigivara, sappulutarilugolo; ômattima tâmna tettigiva, ikajortaumalungalo; ômattigalo kuviasukpok; kutsaservigijomavaralo imgerumut.

8 Nâlegak pitsartutigivât; pitsartuniôvok mingoartanganik ikajortok.

9 Innugiartoksoakotitit ikajorkit, kingormgutijatillo pitsartutilaukit pairilugillo, kagvertilugillo issokangitomot.

IMGERUT XXIX.

Nâlekab opinarninga kallungnerme.

Davidib imgerutâ.

ERNIOJOSE Gûdemut, Nâlegak kaitsivigissiuk, kaitsivigissiuk opigosungnermik pitsartunermiglo!

2 Kaitsivigissiuk Nâlegak attingata opigijauninganik, Nâlegak tuksiarvigissiuk pinnarnarsiluse ivsornaitomik.

3 NâleKab nippinga imaksuit kângine ingergavok; Gûde opinartok kallerpok, Nâlegak imaksuit kângine.

4 NâleKab nippinga ingergavok pitsartolune, NâleKab nippinga ingergavok ânanaudlarlune.

5 NâleKab nippingata Cederit serkomipait; ila NâleKab Libanonib Cederingit serkomipait.

6 Kiggertartilaitalo nochaktut, Libanon, Sirionelo tuktuvaktut.

7 NâleKab nippinga nutiktartitsivok sorlo ikkomab ikkoalaninganik.

8 NâleKab nippingata sunakajuitok koksalaktipâ, NâleKab sunakajuitok Kades koksalaktipâ.

9 NâleKab nippingata tuktut ernisuktupait erritârlaitalo nappârtut, Tempelekotinganelo illunatik okarput: opinak!

10 Nâlegak iksivalaukpok ullitornivaksoakartillugo, Nâlegarlo attanniovlune iksivajomârpok issokangitomot.

11 NâleKab innukotine pitsartunekartiniarpait, NâleKab innukotine pitsartutiniarpait ullapirsaumut.

IMGERUT XXX.

Piulimajub kujaliningata imgerutinga.

Davidib imgerutâ, attortaujok iglotâminut ittertainarame.

2 NAKORIVAGIT Nâlegâk, igvit angijorortilunga kellulauramga, ômigijikkalo kuviasukolungiletit pivlunga.

3 Nâlegak Gûdiga, kaigarsuktillunga illingnut, pijungnaitilaukparma.

4 Nâlegak igvit tarniga tessiulaukpet kappianartovingmit; innôkolaukparma tâpkonangat ittersamut ijukartunnit.

5 Nertordlerluse Nâlegak ingervigissiuk illipse ivsornaitokutaujose tâpsomunga; nakorissiuglo opinarninga ivsornaidlartok.

6 Ningarninga ijib sikkungilarningatut attautsetut annikigtijôngmat, inûtsiarningale innôtsib sivitôngingatut akkunertigijôvok; unnungme kugviornekarpok, uvlârmele kuviasungnekarpok.

7 Uvangale kanoêngitsiarlunga issumalaukpunga: Aulaniatsengilanga.

8 Nâlegak nâmagijarnut kakkakotiga sôngotilaukpet: kissiane kênait ijilaurangne uvamnit, koaksâlaukpunga.

9 Illingnut Nâlegak, nipliavunga, Nâlegak kenuvigivara:

10 „Auga suksauva, asserornartomut ijukaruma? Sannit „kujaginiarolloarpâtît nertornarnillo okautigilugo?

11 „Tussalaurit Nâlegâk, saimarvigilungalo; Nâlegâk ika- „jorteôlaurit uvamnik!“

12 Tagva ârusungnera ablatsângortilaukpet okigêsernermut, annorâka pôksaijangojut pêjarpâtît uvamnit, tapserusijute-kartilungalo kuviásungnermik;

13 Opigosungnera nertordlerlune imgervigilutit perkovlugo, nippangerkonagolo. Nâlegak Gûdiga, kujagijomavagit isso-kangitomot.

IMGERUT XXXI.

*Tuksiarnek illinganerme kanoôtome, nertordlernerlo ikajortau-
nek pivlugo.*

Davidib imgerutâ imgerutigilugo.

2 NALEGAK igvit tettigivagit, kangusuktitaukoniarnanga issokangitomot; piulilaunga idluarnernut!

3 Siutit maniguk uvamnut, ikajorsâlaunga; kairtôlaurit sô-ngojob uvamnut, torkorviksakautaulutillo, ikajorkovlutit uvamnik.

4 Kairtorigapkit torkorviksakautigilutillo, attîllo pivlugo au-latiniarparma tessiorniarlungalo.

5 Nussungniarparma nullutjenit, taipkoa ningitilauktanginit pivlunga; igvit pitsartutigigapkit.

6 Aggangnut annernera perkovara; igvit piulilaukparma Nâlegak nertornartôjotit Gûde!

7 Omigivakka sæglonernik tangekangitunik ivlersijut uva-ngale Nâlegak tettigivara.

8 Erkiêrtorpunga kuviásuklungalo pitsiarnit pivlugo, pat-tanganera tautugangne, kamagigangnelo tarniga siorniortil-lugo.

9 Unertutiginangalo ômisuktub agganginnut, ittiggakkalo pitipâtît initojomut.

10 Nâlegâk napkigilaunga, kâppiasudlarama; ijiga perler-pok kiksarnermut, taimâktauk tarnigalo timigalo.

11 Inôsera illangersimangmat kiksarnermut, Jârikkalo an-nersauminernut; nukkingerotivunga idluitullinimnut, saunik-kalo perlersimavut.

12 Siorniortitimnut mittautiksangorsimavunga sillalimnut-taUK, makkojungnarsilungalo illamnut; tækkojut uvamnik ap-kosinerme iglut akkorngæne kemâvânga.

13 Puigortaumavunga tokkungajotut; illulerkutitut serkomisimajotut-ilersimavunga.

14 Tussarama unnuktut mangatsininginik, sivôranek illunanêpok avatimne; kachimiokattigêlerput pivlunga, issumaksarsiorlutiglo, inosêrotitsomavlunga.

15 Uvangale igvit Nâlegâk, tettigivagit, okarlungalo: Gudi-givagit;

16 Nelliunera aggangnêpok. Piulinga ômigijima aggangin-nit, tâpkonangallo unangmiklertunnit uvannik!

17 Kênavit kivgait kaumaksarliuk; ikajulaunga pitsiarnernut!

18 Nâlegâk, kangusuktitaukoniarnanga nipliavigigapkit; Gû-dekangitut kangusuktitaujariakarput, okausiksêrotitaujuksaulutiglo kappianartovingmut.

19 Kannit nellangaitut nippangertuksauvut, iktoriktaidlutik pimariuterlutiglo mittautekarlutiglo idluartok akkerartorlugo okausekartut.

20 Ila angijoksôvok pitsiarnît, ijertet sivôrajut illingnik, pivlugit sakkertello tettekartunut illingnik, innuit kittorngang-ita tækkoane!

21 Igvit ijertorpâttit sagvangitome illingne, innuit aklu-nânginnit, ullikpâttit tupperme okannit aivagosuktunnit.

22 Nâlegak nertortaule pitsiarnine tattamnartok sakkerti-laungmago uvamnut iglugaseksoarne sôngojunne.

23 Uvangale mungudlarlunga okalauktunga: Ijikipît sâng-an-nit nussuktaumavunga; sullele kennunima nippinga tussar-laukpet kaigarsudlartillunga illingnut.

24 Nâlegak nagligissiuk ivsornaitokutaujose tâpsomunga illunase! NâleKab okpertut sapputivait, nâmaktomiglo akkiniarpâ piojorinermik attortok.

25 Maksoatitse, tâpsomalo ômattisse nekkoksiliglit, illunase Nâlekamik nerriuktose.

IMGERUT XXXII.

Ajornerit issumagijaujungnainingita pilloringnarningat.

Davidib illissaininga.

PILLORIKPOK tappaanernit issumagijungnaiviôjok, ajortunnik mattoviôjok.

2 Pillorikpok innuk, NâleKab taisivigijungnaitanga idluitul-linernik, nellangainekangitorlo annernermine.

3 Angigutjutigijomalaupko, saunikka perlilaukput kēa-dlarnimnut uvlok nālugo.

4 Agaktit uvlōtillugo unnuamelō okumailaungmatta uvamne, iptiga ipterililaukpok, sorlo aujame ipteriliktitaungmat. Sēla.

5 Tagva ajornimnik kigligiksarvigilaukpagit, idluituulinikka-lo angiaritailivakka. Okalauktunga: Nālegak tappanimnik kigligiksarvigijomavara; tagva issumagijungnaivigilaukparma ajornima idluitoksōninginit, Sēla.

6 Tamanna pivlugo ivsornaitut illunatik tuksiarviginiarpātīt nellūtome nachvārviōnerne; tikkitokarniarpallo imaksoarnik, tāpkōa tikkitauñiangilet tāpkonunga.

7 Igviť serngnigijiksarivagit, sappumijartiniarparma kapiaktoarnermit, piulijauvlunga kuviāsuklunga nertordlerungnar-kovlunga, Sēla.

8 Ūvanga ajochertoromavagit apkosinermiglo unertutigijomavagit, agvertarvigijaksarijarnik; ijimnut attanertoromavagit.

9 Horsititut, horsejārtutitullo sillatunekangitutitut-iniarse, kingmiarangnik nokkilautiniglo kaningittigut pijariakartutitut, illingnut aijomangipatta.

10 Gūdekangitok kappianartokarpok unnuktunnik; Nālekamigle tettekartok pitsiarnerub erkiniarpā.

11 Idluartose Nālegak kuviāsutigissiuk, serridlarluselo; nertordleritselo illunase idluitailijose.

IMGERUT XXXIII.

Idluartitaumajut nertordlerningæt Gūdemik.

KUVIASUDLARITSE Nālekame idluartose; idluitailijut nertutsiaraksarivāt.

2 Nālegak kujagissiuk Harfesijarluse; nipliajorvigissiuk Psalterinnut nokakseralingnut tellimaujortunnik.

3 Imgervigissiuk imgerusertāmik; namaktomik pinniarsiuk nokakseralingnut, angijomik nippelingmut.

4 Nālekab okausingit miksekārtōngmatta, angersimaninelo nellautsītitsainarpait.

5 Idluarneť idluarsainerlo namagivak; nuna nāmavok Nālekab pitsiarninganik.

6 Killait Nālekab okausinginut pingortitauvut, tamaitalo katingajokotingit tāpsoma kaningata annerninganut.

7 Immarbiub imaksoangit kattorsorpait attautsemut sorlo, pivianartotalikotiminut malliksuit pitipait.

8 Sillaksoarmiut illunatik Nālegak sivuragilitsuk, tāmñalo illunamassiatik nunať nunať kartut illeragilitsuk.

9 Tåmnale sumik okarpát taimailerpok tâva; perkojikpat innerpok tâva.

10 Nâlekab nellojut kajusimaningit asserorpait, innukattigêksuillo issumangit sangutipait.

11 Nâlekable kajusimanginga issokangitomêtuatsainarpok, ômattingatalo issumangit soraijuitsainarput.

12 Pilloridlarput innukattigêksuit Nâlekamik Gûdekartut; innukattigêksuit tâpsoma annerimajangit kingorngutijaminut.

13 Nâlegak kenâvok killangmit, tautukpaillo inuit illunamassiatik kittorngangit;

14 Iksivautaksoaminut aulajuitomit illunaita tækkonârpait, nuname nunakartut.

15 Tâpsoma illunatik ômattingit sennavait, pinniarningit illunamassiatik kamagivait.

16 Attanniub pitsartunersoarne ikajortigingila; innuk sôngojok piulijaulungilak pitsartunersoanganut.

17 Horsit ikajorniôlungilettauk sullitsiartomik, sôgonersoamingnullo piuliklerlungilet.

18 Ahâk, Nâlekab ijingata sivuragijine tækkonârpait, pitsiarninganik nerriuktut.

19 Tarningit piulilugit tokkomit perkovlugo, nerritelugillo kâksoakartillugo.

20 Tarnipta Nâlegak nerriugivât, tâmna ikajortigivavut, sappulutarilugolo.

21 Omattipta kuviasutigingmatsuk, attingalo ajungitok tetti-givavut.

22 Pitsiarnivît, Nâlegak, kollangiarlittigut sorairane, sorlo nerriugigaptigit.

IMGERUT XXXIV.

Kajungersainek Gûde nertorlugo sivuragilugolo.

Davidib imgerutâ, issumaminik pissertorame Abimelechib sângane, aularkojjub tâpsominga, aularamelo.

2 NALEGAK nakorijomavara nelliutunne tamaine, nertortauninga kanimnêtsainartuksauvok sorairane.

3 Tarnima Nâlegak nertortigijaksarivâ, kennukaijuitut tus-sarkovlugit tamattominga, kuviasukovlugillo.

4 Illagilunga Nâlegak nakorissiuk, illagêklutalo attinga angi-jorortilavut!

5 Nâlegak kennilaurapko, tagva kiolaukpânga, piulilungalo kappiasungnimnit tamainit.

6 Kenâjut tâpsominga aijullo tâpsomunga, kaumaksartauvut kênangillo aupallerniangilet.

7 Ajulertok una niplialauktillugo, Nâlegak tussalaukpok, ikajorlâlo kannoëninginnit tamainit.

8 NâleKab Engelingata sivôragijine illumavait, ikajorlaitalo.

9 Ikpigileritse tækkoluselo kannok Nâlegak illannâkarmat! Pillorikpok tettekartok tâpsominga!

10 Nâlegak sivôragissiuk illipse ivsornaikutaujose tâpsomunga; sivôrajut tâpsominga ajoksalungimatta.

11 Loeviarkat ajoksariakarpot, kâdlariakarlutiglo; Nâlekamigle kennertut ajoksalungilât perkutinnik sunatuinarnik.

12 Kaititse kittorngaujose tamaunga, tussanârissinga, sivôranermik Nâlekamik ajochertoromavapse.

13 Kina inôtsiarnermik tussuvâ, uvlokaromalunelo ajungitunnik?

14 Okait sapputiuk idluitomit, kangasinâkiglo, nellâgôngitomik okarkonagik.

15 Idluinek allaruk, ajungitulliluttilo; ullapirsauunik kenneruk unangmilugolo.

16 NâleKab ijikita idluartut kamagivait, siutikitaklo niplia-dlarningit.

17 Nâlekable kênangata idluitullijut akkingerpait erkauma-jauninginnik pêjairkovlugo nunamit.

18 Ipkoa (idluartut) nipliaraihpatta, tagva Nâlegak tussarpok, piulilugillo kanoëninginnit tamainit.

19 Nâlegak kannipok serkomisimajunnik ômattelingnut, ika-jorpaillo issumamikut kappiasuktut.

20 Idluartok kappiagijâkarpok unnuktunnik, Nâlekable ika-jorpâ tamakkonangat tamainit.

21 Sauningit illunaita sapputivait, tâpkoa illangâllonêt serkomitaukonago.

22 Kanoënerub Gûdekangitok tokkoniarpâ, idluartomiglo ômisuktut, passijaksauniarput.

23 NâleKab kivgame tarningit piulivait; illunatiglo tettek-artut tâpsominga passijaksauniangilet.

IMGERUT XXXV.

Tuksiarnel piulijaujomamut ômisuktunnit mittautelingnît.

Davidib imgerutâ.

NALEGAK akkerartortikka akkerartorkit; sorsuktikka

2 Sappulutak, sakkutillo tigukit, oppalungairlutillo ikajoromavlunga.

3 Kallugiak aksorotiuk, apkosinerlo pallangairuk unangmijimnit. Tarnimnut okarit: Ikajortigivarma.

4 Sillasiortitaulit mittautaulillo unangmiklertut tarnimnik; uttertitautilit kangusuktitautillo kanoénimnik issumaksarsiorutekartut.

5 Sanniktitut, annoremot tiktaumajutitut ilerlit, Nálekablo Engelingata ajáktorligit!

6 Apkotingæt táktólerle koaitarnalerlelo, Nálekablo Engelingata unangmiligit!

7 Pitjutekaratik angigutsivlutik nulluakotimingnik ningitit-sivigilaungmanga, asseroromavlunga, pitjutekaratiglo tarniga ittersalliorutigilaukpât.

8 Taimaitok, asseroinerub opingârliuk tagvainak, nulluakotimelo ningitilauktame nulluartiliuk, asserornartomullo ijukarle.

9 Tagva tarnima Nálegak kувiasutiginiarpâ, serriðlarniarlunelo ikajorninga pivlugo.

10 Saunikka illunatik okartuksauvut: Nálegâk, kia adsigivât? ajulertomik piuliklertotit tâpsomangat pitsartuluartomit tâpsomunga, pattangajorlo aklujorlo arktartinginnit.

11 Tikkitokalerpok passiklertunnik sæglojunnik; passivânga kaujimangitamnik.

12 Idlutomik akkiniarpânga ajungitomut, tarniga illiârsukojomavlugo.

13 Uvangale kanimalaurangatta annorângmik pôksaijamik attilaukpunga, okumaitilungalo nerriðailinermut, tuksiatsainalauktungalo illungertorlunga.

14 Illusekalaukpunga illanârinajarupko, kattangutiginajarupkolonêt sorlo; kiksarlunga okkungavlunga arvertarlaukpunga, taimaitotut anânaminik kiksarutekartotut.

15 Tâpkoale kannoêtokarnera kувiasutigivât pikabladlarlutiglo kattingalerput; akkerartoromavlunga egissimajut kattingalerput illitarilaungitakka; aksorotjivut nokarlungilello.

16 Taipkoa takkomortut mittautekartullo natjak pivlugik illagilugit, kigutitik kêtipait pivlunga.

17 Nálegâk, kannok sivitutigijomik tækkonâromavît? Tarniga piulilauruktôk pêrajaludlarnernit tamattomangat, petuara Loeviarkennit!

18 Kujagijomavagit illagêktoksoarne; innugiartoksuit akkorngæne nertoromavagit.

19 Kувiasukoniarnagit pivlunga, sullinatik ômigijikka; ijinginnullo allêkutekarkoniarnagillo uvamnik, pitjutekaratik ômisuktut uvamnik.

20 Kanoêtokartitsinasuarmatta, patsitiksarsiorlutiglo taimângolungitunnik sinaungaitunnut nuname;

21 Kannermingnullo aitaldarvigivânga, okarlutiglo: Takka, takka! tamanna tækkoranerivavut!

22 Igviit Nâlegak tækkovet, niplinginiarnak! Nâlegak unga-singniarnangatôk.

23 Tuppaksarit, tuppaklutillo idluarkutiksamnut, illuseri-jaralo pivlugo, Gûdiga Nâlegaralo!

24 Erkartunga idluarnît malliklugo Nâlegak Gudîk, kuvia-sutiksakarkonagit uvamnîk.

25 Okartailitikit ômattingine: Takka, takka! tamattominga pijomalaukpogut. Okarkoniarnagit: Emavavut.

26 Kangusulerlît, kangusuktitautillo illunaita kanoênimnik kuviasutekartut; kangusuktitaunermik kangunartomiglo anorar-titautil angutauservigijikka!

27 Opiigosuglît, kuviasulerlillo idluarnimnik naglingniktut; okatsainarlît: Nâlegak nertortaudlarle kivgaminik ikatsoriktok.

28 Okamalo idluarnît okautigijaksariva, nakorijaksarivâtillô uvlut tamaita.

IMGERUT XXXVI.

Arusutiksak Gûdekangitub pivlugit. Nertordlernek Gûdib pitsiarnînganîk idluartunnut.

Davidib NâleKab kivgangata imgerutâ imgerutigilugo.

2 OMATTIMNE okausiksakarpok Gûdekangitub illusing-innik; sivuranekalungilak Gûdemik ijikita sângangne.

3 Ingminik ijingmine nertortingmat, idluitullinerminik atoromaylune ômisugomavulunelo.

4 Kaningata okausingit kannoêtôvut, uivêriklerniôlutiglo; sillatojungnairpok, ajungitullijungnairlunelo.

5 Kannoênek issumaksarsiorutigivâ inangavingmine; sokko-sijuidlune nangerpok apkutiâlungme, idluitomiglo sunamiglonêt ulloreasulungilak.

6 Nâlegak pitsiarnît killangmut tôrpok, miksekârnillo nuvat tikkiningit tikkidlugit pivok.

7 Idluarnît Gûdib kakkangititub ipok, idluarsainitillo inger-garnertut angijoksoatut iput. Nâlegak igvit ikajorpotit tamangnik; innungnik, ômajuniglo.

8 Pitsiarnît ila ivlernartoksôvok Gude, innuit kittorngangit esarokpit tachaliningane inilangangmatta!

9 Nâmaksititavut iglovit perkutsaringninginnut akluinartunnut; immerpattillo iklinartokotivît kôksoanganut.

10 Inôtsib puailavinga illingnêmat; kaumasernelo kaumasek tækkovavut.

11 Pitsiarnît piganerle tâpkonunga illitarksijunnut illingnik, idluarnîllo idluitailijut ômattinginnut.

12 Piojorijunnut tullerartaukoniarnanga, Gûdekangitullo aggangita ochotiniarnanga.

13 Tagvane idluitullijut ochovut, nellalutiglo ochotisimavlutik, makkitsungnangimatta.

IMGERUT XXXVII.

Idluitullijut idluartullo akkilertauningit.

Davidib imgerutâ.

IDLUITUT ningarutiginiarnagit pît, idluitullijullo annerutitailikit.

2 Iviksukatitut nakkartausârniarmatta, perorsajutitullo tungojoktutitut kunnulersârniarput.

3 Nâlegak tettigiuk ajungitullilutillo; nunamêtuarit, nertornarnermiglo serrijutekarit!

4 Nâlegak kuviasutigiuk; tâpsoma tunnitsiviginiarpâtit ômattivît tussugijanganik.

5 Apkotiksarnik Nâlekamut perkojilerit, nerriugilugolo, tâmna idluartomik illingatitsiniarpok.

6 Idluarnillo sakkerniarpâ kaumanertut sorlo, namaksinillo uvlub ketterarningatut sorlo.

7 Inilangalerit Nâlekame, uttakkilugolo. Ningarutigitailiuk tâmna uivênermine sullidlartok.

8 Ningarne allaruk, kaningarnerlo ipperaruk; ningarnak idluitullerkonak!

9 Idluitut pêjartauniarmatta, Nâlekamigle nerriuktut nuna kingormgutigijomârpât.

10 Killamiârsôvok sulle, tagva Gûdekangitok îtsungnaipok; innigijangalo nautsertorniarungne, tagvanêtsungnainiarpok.

11 Sinaungaitulle nunamik kingormgujiniarput, erkiêrtornekarniarlutiglo ullapirsauame angijome.

12 Gûdekangitub idluartok issumaksarsiorutigiva akkerar-toromavlugo, nierkolârutigivâ kigutiminut.

13 Nâlekable ijorivâ; tækkogame uvlunga tikkiniarmat.

14 Gudekangitub saviksoak amuarpât, pittiksitiglo kellumivât, pattangajok aklujorlo ochotitsomavlugit, tokkotsomavlugillo arvertartut apkosinerne ajungitunne.

15 Saviksoangille ômattinginnut kibligutiniarput, pittiksi-ngillo navingniarput.

16 Idluartub perkuteársunga pigijanga namanersauvok Gûdekangitut unnuktut perkutevaksoanginit.

17 Gûdekangitut tallingit naviktauniarmatta; Nâlekable idluartut innôsavaît.

18 Nâlekab idluitailijut uvlungit illitarivait, kingormgutijangillo itsainaromârput issokangitomut.

19 Kangusuktitauniangilet nelliunerlungme, kâviksoakar-tillugolo pekarniarput namaktomik.

20 Gûdekangitut nungutaujomârmatta, Nâlekablo ômigijingit, naternaub tungojoktub ânanauningatut nungujomârput, sorlo isserluk nungusârmattut.

21 Gûdekangitok akkiliksarsivok akkilênanelo, idluartorle nâpkigosukpok aitugolunelo.

22 Tâpsoma saimartitangita nuna kingormgutiniarmatsuk; ôminarnerartangille pêjartauniarput.

23 Nâlekamut angutib taimaitub arvertarninga piganerti-tauvok, apkosininga kuviasutigivâ.

24 Pâlakune, tagva egitaulungilak, Nâlekab tigumingmago aggangittigut.

25 Junuôsuktôlaukpunga inutokaulerlarmalo, tækkolautse-ngilangalo sulle, idluartok kemaktaulaungmat, kinguvângillonêt kennujartoriakalaungmatta nerkiksannik.

26 Uvlut tamaita pillitsivok attarksiakititsilunelo, kinguvângillo saimartisimavut.

27 Idluinek ipperaruk ajungitullilutillo, innilangatsainar-lutillo.

28 Nâlekab idluarneke nagligingmago, ivsornaitokotinelo kemalungilait, issokangitomut sapputijauvut; Gûdekangitulle kinguvângit pêjartaujomârput.

29 Idluartut nuna kingormgutivât, tagvanêtsainarlutiglo issokangitomut.

30 Idluartub kaningata illissimaneke okarutigivâ, okangatalo idluarneke ajoçertutigivâ.

31 Gûdingata malligaksaukojangit ômattinganêput; abloringit uniorksilungilet.

32 Gûdekangitub idluartok uttakkivâ tokkoniarasugivâlo.

33 Nâlekable tâpsoma agganginêtsainarkolungilâ; pitlarak-saunerarlungilâlo erkartortaukpât.

34 Nâlegak nerriugiuk, apkosiningalo attutsainarlugo pît, tagva kagvertiniarpâtit, nunamik kingormgujerkovlutit; tæk-kojomârpotit Gûdekangitut pêjartauninginnik.

35 Gûdekangitut illangât tækkolaukpara; tâmna tettitosar-tôlaukpok, siamarterlunelo, tungajoksilunelo nappârtotut, nuna-mine nangminerijaminêtotut;

36 Senerkutaugamele, ahâk tagvanêtsungnailaupok; ap-perkutigilaukpara, nanelonêlle nachvârtaulaungilak.

37 Idluitailijok kemergoleruk, nertornartorlo tækkonaruk; taimaitok kingorlermik pilloridlaromârmat.

38 Tappajulle nungutaujomârput attautsekut; Gûdekangitullo kingorlermik pêjartaujomârput.

39 Idluartullo tikkitauput ikajornermut Nâlekamit; tâmna kappianartome pitsartutigivât.

40 Nâlekablo illiginiaipait piuliniarlugillo, Gûdekangitunmit piuliniarpait, ikajorniarlaitalo tettigingmatsuk.

IMGERUT XXXVIII.

*Tuksiarnek ikajortaujomamut, piulijaujomamullo pitlartaunermi
t ômisuktunnillo.*

Davidib imgerutâ erkaumanermut.

2 NALEGAK ningarlutit pitlarniarnanga, sugiarnangalo kaningajarlutit.

3 Karkjutit illumnêmatta, aggakpillo akkarvigimavânga.

4 Atsuilijokangilak timimne ningarosungnît pivlugo, ulla-pirsautekangilak saunimne ajornikka pivlugit.

5 Idluitullinima niakora kângagôrvigingmatsuk; nangmak-tut okumaitotut okumaigidlalerpakka.

6 Ikkika tippelukput, marnekarlutiglo sillainera pivlugo.

7 Pissukpunga kallangavlunga okkungadlarlungalo; uvlok nâvlugo arvertarpunga kiksarlunga.

8 Okpetikka pannidlarparingmannik, atsuilijokangilarlo timimne.

9 Nukkingêrotivunga toggarsimadlarlungalo. Kêavunga ômattima uimajâdlarninga pivlugo.

10 Nâlegak kajungiutikka tamaita sângnêput, annersaumi-nikka ijersimangilet sângne.

11 Omattiga sajukpok, nukkingma kemaksimavânga; iâng-malo kaumaningak, tamannatauk uvamnêngilak.

12 Nagliktama illanârijamalo okumainera akkingerpât, illakkalo nangerput allivasiktome.

13 Tarnimiglo pinnasuartut nigartorpânga; idluivekaroma-jullo uvamnîk, kassênermik okautekarput, attorpullo uivêrik-lernermik uvlut tamaita.

14 Uvangale tussangitotun îpunga, tussarlungilangalo; oka-juitotullo, kannermanik angmailungitotut.

15 Tussangitotun îpunga, akkiornekalungitotullo kanermine.

16 Igviť Nálegak nerriugigapkit; igviť Nálegak Gudík tus-sarniarpotit!

17 Uvanga okarama: Kuviasutekarkoniarnagit uvamnik! Ittiggakka majanganajarpatta, angijomik nertotinajarput akkerartorlunga.

18 Aniajuksaliortaumagama, ânianikkalo sâmnêtsainarput.

19 Idluitullinera kighigiutigigapko; ajornikkalo sannikterijutigivakka.

20 Omigijikkalo inôvut pitsartolutiglo; pitjutekaratiglo illuluktut uvamnik unnuktôvut.

21 Idluitomiglo akkiniartut uvamnik ajungitomut, akkerartorpânga, tamanna pivlugo, ajunginek ivlerigapko.

22 Kemaktaililaunga Nâlegâk; Gudík ungasingniarnak uvamnit!

23 Errinesugit illilertoromavlunga, Nâlegak ikajortiga!

IMGERUT XXXIX.

*Kajusimanek kenuêrsarlune nippangeromavlune, Tuksiarnek
manigortaujomamut Gûdemut.*

Davidib imgerutâ, imgerutigilugo Jedutunemut.

2 **K**AJUSIMALAUKPUNGA, apkosinikka udsertoromavakka, idluitullerkonnanga okapkut. Kanera nippangertitsomavara, Gûdekangitok sâmne tækkojariakarpoko sulle.

3 Nippangersimavunga innutôlungalo, niplingilungalo, kanningitome pilloringnermit, kappiaktoadlarneralo uimajâdlarpok illumne.

4 Omattiga ônadlalerpok illumne, issumaksarsioritillungalo ikkoma ikkoalalerpok; tagva okapkut okalerpunga:

5 Ajochertorlaungatôk Nâlegak naggatiksamnik, kannorlo inôtsima sivitôninganik, illitarksitilaunga sunamik ajoksarnimnik sulle.

6 Ahâk uvlukka, aggait igluinait senimutôningititut itipât-tit, innôtsimalo nelliuninga sunaungitotun-îpok sângne; sunaungimariktotun innuit illunamassiatik îput tagvane. Sêla.

7 Tachaktut kissiane innuk arvertarpok, sunaungitotuinak pivlugo perajarnekartitsivut; kattersuivut kaujimanatiglo kia piginiarmangâgit.

8 Mânnalo Nâlegak sunamik nerriuktuksauvîk? Nerriungnera illingnêpok.

9 Piulilaunga ajornimnit tamainit, mittautiksaukoniarnangalo sillaitunnut!

10 Nippangerpunga, kanneralo angmarlungilara; igvit pialauravit tamattominga.

11 Pagvisarnit péruk uvamnit, perlersimagama aggakpît pitlarningningænnut.

12 Igvit nelliat sugiarungne ajornerit pivlugit, tagva ânaunaunga nungutaulerpok kettulapiktunnut sorlo. Ila sunaungimarikput innuit illunamassiatik! Sêla.

13 Nâlegak tuksiarnera tussalauruk, kaigarsungneralo timerolauruk; niplingitailigit kugvinimnut; ingergajôgama illingne, tujormijangôlungalo atâtagijaptut illunaititut.

14 Allangoanga, nekkoksilerkovlunga nûlerkârnanga îtsungaikârnangalo.

IMGERUT XXXX.

Nellautainek Kristusib tunergutauninganik pijarællune.

Davidib imgerutâ imgerutigilugo.

2 NÂLEGAK nerriugilaukpara, tâpsomalo okkungavigivânga, tussalâlo kêanera.

3 Kellulaukpângalo ittersâlungmit asserornartomit, akkilupiub maujanganit, ittiggakkalo pitipait kairtomut, ablornikkalo nakkimarnijuitipait.

4 Imgerusertâmiglo tunnitsivigilaukpânga kannimnut Gûdivut nertorlugo. Unnuktut tamanna tækkojomârpât Nâlegarlo sivuragijomârpât nerriugilugolo.

5 Pillorikpok tâмна Nâlekamik sungertutekartok, sâlungitorlo piôjorijunnut, sæglonerniglo attorpaktunnut.

6 Nâlegak Gudik tattamnartullinitit issumattillo sakker-tettit uvaptingnut unnuktôvut; illiktut îtokangilak: akpautigijomavakka, okautigijomalugillo; kittiksaungilelle.

7 Tunnergutikset tokkotakset tunnergutiksallo nerkikset kuvigagingilettit; siutimnigle angmaivigimavarma. Tunnergutiksatsat ôtaksat, tunnergutiksallonêt ajortoêrutiksatsat pijomangilettit.

8 Tagva uvanga okalaukpunga: Ahâk aggerpunga aglait makperningæne aglaksimavok uvamnik;

9 Pijomajat Gudiga piniarânerivara, malligaksaukojattillo ômattimnéput.

10 Idluarneka okalautigijomavara illagêktoksoarne; kangasinâka epumertitsomangilâka, Nâlegak tamana nellungilet!

11 Idluarnit ijertorlungilara ômattimne; miksekârnit piu-liklernillo okautigivâka illagêktoksuit sângine.

12 Igville Nâlegak napkiningsnît nokkartitailiuk uvamnut; saimarvekarnivît miksekârnivillo sapputitsainarlinga.

13 Anianerit kittiksaungitut illumangmanga; ajornima ti-gumavânga tautugungnarkonanga; tapkoa unnurnersauvut nut-janit niakumnetunnit, ômattimalo kemakpânga.

14 Kuviagiliuktôk Nâlegak piulivlunga; errinesugit Nâlegak ikajoromavlunga!

15 Kangusulerlît, kangusuktitaulerlillo tarnimnik pinasuartut tokkotsomavlugu; kingorpiosarlutik niverlît nachonartungor-lutik, kannoênimnik annerpagijikka.

16 Koaksârlît kangunarnermingne nipliajutigijikka: Takka, takka!

17 Kuviasuglît serrilillo illingnik appertsutekartut; piuliklernerniglo ivlersijut okatsainarlît: Nâlegak angijomik nertortaule!

18 Uvanga akluvunga pattangalungalo, Nâlekable anga-jokauvigivânga; igvit ikajortigivagit piulijigilutillo; Gudik mulluniarnak!

IMGERUT XXXXI.

Arusungnek: ômisuktut annerpallijut pivlugit, illanârlo nellangaitok pivlugo. Tuksiarnek ikajortaujo-mamut Gûdemut.

Davidib imgerutâ imgerutigilugo.

2 **P**ILLORIKPOK ajoksartomik ikajorte; Nâlekab piuliniarpâ nelliunerluktome.

3 Nâlekab sappumijarniarpâ innûkoniarlâlo, illinganitsiakarkoniarlâlo nuname, igvillo tunniniangilet ômigijingita pjomajanginnut.

4 Nâlekab nekkoksitiniarpâ kanimaningata inangaviane; igvit piulivet kanimasinganit illunânit.

5 Uvanga okarpunga: Nâlegak saimavigilaunga; tarniga innulilauruk, illingnut idluitullilaurama.

6 Omigijima okautigilukpânga akkerartorlunga: Kakkugo tokkoniarkâ attingalo nunguniarkâ?

7 Tikkitokarangallo tækkojartorlunga, tagva ômattinga okarpok nellangainermik; kassênermik kattersuivok, annivok okautigilâlo.

8 Omigijima illunatik issivsorkattigêgutigivânga akkerartorlunga, issunâlugutigivângalo.

9 Asserornermik nâvitsiviôvok (okarput); nellavok makkit-sungnainiarlungelo.

10 Illanârijamatauk tettigilauktama kakkôjaktorkattima it-tikaminut tullerarpânga.

11 Igville Nâlegak saimarvinginga makkitilungalo, tagva ak-kiniarpakka.

12 Tamanna mallugosugutigivara kuviagigamga, ômigijima igiakomijarutiginiangimanga.

13 Uvângale najumivarma idluitailinera pivlugo, pitilungalo kênavit sânganut issokangitomot.

14 Nertortaule Nâlegak Israelib Gûdinga issokangitomit issokangitomot. Amen. Amen.

IMGERUT XXXXII.

Idluartub kappiasuktub kippininga Gûdib Tempelekotinganut.

Kôrab erningita kaiblainingæt imgerutigilugo.

2 SORLO tuktu nipliamat imekaromamut, nigliktomik, tai-mak tarniga nipliavok illingnut Gûde.

3 Tarniga kêlerpok Gûdemut, Gûdemut ômatsainartomot. Kakkugo tagvunga tikkitsomârkik Gûdib kênangata sângane sakkijârlunga perkovlunga?

4 Kugvikka nerkigivakka uvlôtillugo unnuamelô, uvlut ta-maita okautsaugama: Gûdit nanêka manna?

5 Tamanna issûmagigupko, tagva ômattiga nâvipara illum-ne; aikattaujomadlarama kattimgajunnut, agvertarkattigijomav-lugillo Gûdib iglunganut, kувiasudlarlunga kujalidlarlungalo kattimgajut uvloksiortut akkorngæne.

6 Sôg kiksârtikît, tarník, uimajâdlarlutillô illumne? Gûde nerriugiuk; kujaginiarapko sulle, ikajormanga kênaminut.

7 Gûdik tarniga kiksarpok illumne; tamanna pivlugo er-kaumavagit nunamê Jordanemêtomê, Hermonemelo kakkârsô-jome.

8 Ullitornersuit kajumiklutik nippalâkput, mâne ittinersoak, ikkanelo ittinersoak iktulliarmarik; ingiulekotivit illunatik, malliksoakotivillo ittipsoarpânga.

9 NâleKab pitsiarnine angerutigilaukpa uvlôtillugo, unua-melo imgervigivara, tuksiarpungalo inôtsima Gûdinganut.

10 Okarpunga Gûdemut kairtorijamnút: Sôg puigomavingâ? Sôg taimak kiksarlunga arvertariakarkik ômigijima tettik-panga?

11 Innuartaunertut saunimne, ômigijima mittautekarningit iput uvamnut, okautitsainarpánga: Gúdit nanêka mánna?

12 Sôg kiksartikít tarník uimajádlarlutillo illumne? Gúde nerriugiuk: kujaginiarapko sulle, kênama ikajortigingmago Gúdígigapkolo.

IMGERUT XXXXIII.

Tuksiarnek piulijaujomamut.

IDLUARSARLAUNGA Gúde, illiorneralo aulatiuk innugiartoksuit ivsornartut akkerartorlugit, piulilaunga inungnit nellingaitunit idluitunnillo!

2 Igvit Gúdeôgavit pitsartutigijara; sôg ajáktorpingá? Sôg taimak kiksarlunga arvertariakarkík ômigijima tettikpánga?

3 Kaumanít miksekárnílló tillikík, tessiornerkovlugik uvamnik, álungalo kakkakotingnut ivsornaitomut, iglokotingnullo;

4 Itterkovlunga Gúdib Altarekotinganut, Gúdemut, kuviastutigijamnut, serrijutigijamnulló, kujagilutilló Harfinik attorlunga, Gúde, Gudík,

5 Sôg kiksartikít, tarník, uimajárlutilló illumne? Gúde nerriugiuk; kujaginiarapko sulle, kênama ikajortigingmago Gúdígigapkolo.

IMGERUT XXXXIV.

Gúdib inukotingita árusungningit ômisuktut okumaititsiningæt pívlugo.

Kôrab erningita illisainingæt imgerutigilugo.

2 **GUDE** siutiptigut tussalaukpavut, atâtagijapta unipkautigilaukpait uvaptingnut, pinniarnirilauktáttit taipkoa nelliuningine itsaksoarme.

3 Aggangnut nellojut aulartilaukpáttit, taipkoale inekartilaukpáttit; innukattigéksuit asserterlaukpáttit, taipkoale siamartilaukpáttit.

4 Nuna saviksoarmingnut nangmineliutiluangimatsuk, tallingitalo ikajulaungilait, tallerpikpílle, tallivílló kênavílló kaumaningata; igvit kuviagilaurangne.

5 Igvit támnatsainak attannerivagit, Gúdík; Jakokut ikajornekartikít!

6 Illikut ômigijivut toggarlugit serkalitsomavavut; atterne tullerlugit serkomitsomavavut akkerartortivut.

7 Pittiksiga tettiksaringinapko, saviksoakotimalo ikajorong-nangilânga;

8 Igville ikajorpaptigut ômigijiptingnit, kangusuktipáttillo illulugvigijivut.

9 Uvlut tamaita Gûde nertordlerutigijomavavut, attillo kujagijomavavut issokangitomut, Sêla.

10 Mânnaale ajáktorpaptigut, kangusuktitaukulutalo, kattim-gajokotivullo aularkattigingilettit.

11 Utterkokovaptigut ômigijipta sânginnit, arkaikovlugit uvaptingnik illulugvigijivut.

12 Saukatitut tokkotaksatitut ítípaptigut, siamartilutalo innukattigêksuit akkorngænut.

13 Inukotitut niorgotigiváttit akkekangitotmik, akkekar-kolungilettillo angijotmik.

14 Kangusuktitaksangortipaptigut sillaliptingnut, mittautik-sangortilutalo, allêkutiksangortilaptalo illumagijiptingnut.

15 Okausiksangortipaptigut nellojut akkorngæne, illekettamarutiksangortilutalo innukattigêksuit akkorngæne.

16 Uvlok nâlugo mittautauñera samnêpok kênaralo ulliksi-mavok kangusungnermut.

17 Mittautekartut, okauteluktullo tussariakarapkit, ômisuk-tullo, kiglugosuktullo tækkojariakarapkit.

18 Tamakkoa tamaita tikkisimavátigut; puigorlungigalloa-raptigit, nertornangitotmiglonêt pinnialaungilagut angerutingne.

19 Omattivut allailungilet, arvertarnivullo sangulaungilet apkosinernit.

20 Taimak annaulerluta serkaligaptigut terrianiat akkor-ngæne, ulliklutalo tâktotmut.

21 Gûdipta attinga puigorajalauruptigo, aggavullo kong-muartinajalauruptigo Gûdemut tækkorngartamut:

22 Gûdib tamanna nautsertorajangikaûk? tâpsoma ômat-tib sagyangitôningit illitarigalloarmagit.

23 Pivlutille uvlok nâvlugo tokkotauvogut, inasugijaulutalo saukatitut tokkotaksatitut.

24 Tuppaksarit Nâlegak, sôg sinnikît? Tuppalaurit aják-tormáringniaratigullo!

25 Sôg kênait ijerkiuk puigorlutillo kanoêníptingnik, tetti-jauníptingniglo?

26 Tarnivut okkungangmatta sannermut, nâvullo nippinga-vut nunamut.

27 Oppalungaijarit ikajortigut, piulilutalo, pitsiarnît pivlugo!

IMGERUT XXXV.

Nálekab saimartitangata imgerutâ nullianiksiut.

Kôrab erningita imgerutât imgerutigilugo, paunaujaujartut pivlugit, illissainek, nagligijaujut imgerutât.

2 OMATTIGA auladlarlune imgerusiorpok ânanâmik; attannek imgerutigijomavara; okara aglatsiartib aglautigiva.

3 Igvit ânanaunerpangôjotit innuit kittorngangita akkorngæne, pitsiarnek kovijaumavok kangasinângnut; tamanna pivlugo Gûdib saimartipâtit issokangitomot.

4 Saviksuit tapseruserutigiuk makkitikut angutaudlartotit, pinnanarsitilutillo ânanâmik;

5 Sâlakarlutillo arvertarit miksekârnek idluarnerlo illaner-sârtok pivlugik; tagva tallit tattamnartunnik sakkênarpok.

6 Karkjukotit ikpikput, innukattigêksuit ochokovlugit attingnut; attaniub ômigijingita ômattinginnut kibligutivut.

7 Gûde iksivautet issokangitomit issokangitomot îtsainarpok; nâlegauvikpît ajaupianga opigijaujutiksak naggovlune opigijautiksauvok.

8 Idluarnek ivlerivet, illuserlungnerillo ômigivâttit; tamanna pivlugo Gûdib, Gûdivit mingoarlaukpâtit kuviasungnerub orksutânut, piluatomik illangnit.

9 Annorâtit illunatik Mjreôvut, Alloeôlutiglo, Kezeaôlar-miglo; igloksuit illuænit, Elefantit tôganginnit sennamajut, attornermut nokakseralingnik kuviasuktitauvotit.

10 Attanît panningit ânanaukotigivattit, nulliet nangerpok tallerpikpît tungâne anorârsimavljune Goldemik Ofiremit pijomik.

11 Pannik nâlagit, tækkonârlugo pît, siutikik mannîkik: innukattigijâttit atâtavillo iglomiokattingit puigorkit,

12 Tagva attanniub pinarnarnît kuviaginiarpâ; tâmna nâlegarigangne, igvillo tuksiarvigijaksarivet.

13 Zôrib paniata pilliutilijarlune kênait tuksiarviginiarpâ, akluitut innugiartoksuit akkorngæne.

14 Attanniub pannia ânanaudlarmarîkpok illuane; anno-rângit pinarnarsijauvut aglaksaijânnut Goldeojunnut;

15 Annorâlijarlune taksapatânik tessiortauvlune âtauvok attannermut; uigasuit mallikpât, illagijangit âtauvut illingnut.

16 Kuviasungmut igiakomijarnermullo tessiortauvok; itterpok attanniub igloksoanganut.

17 Ernitit atâtagilauktavit inninginnêtsomârpût, tâpkoa attaningortitsomârpâttit nunaksoarme illunane.

18 Attit erkaumajomavara kittorngânit kittorngât kittornganginut, tamanna pivlugo innukattigêksuit nakoritsainaromârpâtit issokangitomot.

IMGERUT XXXXVI.

Illagêktut manigorutiksangæt sw̄ngertutigijångællø.

Kôrab kittorngangita imgerutingat inuosuktunnut imgerutigilugo.

2 GUDE sungertutigivavut, pitsartutigilugolo; tukkisijauldarpok ikajorteôngmat kannoêtune.

3 Tamanna pivlugo nangiarlungilagut, sillaksoak nungunajaralloarpât, kakkello kivigalloarpâtta imarbiub kerkanut.

4 Imaksoangit iktulligalloarpatta, auladlaralloarpattalo, aulajadlarninganullo kakket sajukpiluktitaugalloarpattalo, Sêla.

5 Taimaigalloarpat kôksoab kôgârsungitalo illagilugit Gûdib iglugaseksoangit, najortekartut kotsiktub iglunginnik ivsornaitunnik kuviasutitaksarivait.

6 Gûde tâpkonanêpok, tamanna pivlugo aulaniatsengilet, Gûdib ikajorpait uvlarârsukut.

7 Nellojut perajalukput, attaniovillo aulavut; nuna auksilerpok tâpsoma nippine tussaktaukoguniuk.

8 NâleKab Zêbaotib illagivâtigut, Jakob Gûdinga sapputjigivavut. Sêla.

9 Kaititse tækkoluselo NâleKab pinniarninginnik, nuname asserrortaunermik taimaitomik pititsijub;

10 Unnatadlarnernik nokkartitsijub nuname illûnane; pitiksinnik naviksijub, kallugiarniglo serkomitsijub, aksalloalingniglo ikkitsijub.

11 Nippangeritse illitarksiluselo uvanga Gudeôgama. Uvanga angijorortitaujomavunga nellojut akkorngæne, angijorortitaujomavunga nuname.

12 NâleKab Zêbaotib illagivâtigut, Jakob Gûdinga sapputjigivavut.

IMGERUT XXXXVII.

Imgerusek sâlakarsiut.

Kôrab kittorngangita imgerutingæt imgerutigilugo.

2 AGGAPSINGNUT pattaktoritse inukattigêksoangojose illunase Gude igiakomijarvigissiuk nippemut kuvianartomut.

3 Nâlegak kotsingnerpângojok kappianadlarmat, attanersoangovlune nunaksoarmut illunânut.

4 Tâpsoma innukattigéksuit aksorotivait attiptingnut, innullo pitipait ittikapta attânut.

5 Kingormgutijaksaptingnik annerosugvigivâtigut, Jakob nagligijame ânanaudlarninganik, Sêla.

6 Gûde kongmuarpok igiakomijartokartillugo, Nâlegarlo tiptulausijartokartillugo.

7 Nertordlerluse imgeritse, Gûde nertordlerluse imgervigisiuk; nertordlerluse imgeritse, attannivut nertordlerluse imgervigissiuk.

8 Gûde attanniôngmat nunaksoarme illunâne; imgerutinnik imgervigissiuk.

9 Gûde attaniôvok nellojunnut; Gûde iksivavok iksivautamine ivsornaitome.

10 Innukattigéksuit attaningit kattimavut Abrahâb Gûdingata innukotinginnut; Gûdib nunaksub sapputjingit pigingmagit; angijomik angijorortitaumavok.

IMGERUT XXXXVIII.

Zionib kuviasungninga Nâlekab ikajorninga sapputsiningalo tâpkoninga pivlugik.

Kôrab kittorngangita imgerutingæt.

2 NALEGAK angijôvok, okausiongînadlarlunelo Gûdipta iglugaseksoakotinginne, kakkakotingane.

3 Zionib kakkanga nuitatsiarpok, nunab illunât kuviasutigijanga, sivinganingane tachanêput attaniviksub iglugaseksoangit.

4 Gûde tâpkoa igloksoangine illitarijauvok sappulutatut.

5 Ahâgle attanît kattimalaukput illagêklutiglo (nuna) ulligarpât.

6 Tâpkoa tækkovut, tagva tattaminiarput; kakkilâdlarput kemâlutiglo.

7 Sajungnermut tikkitaulaukput tagvane, kappiasungnermullo ernisuktotut sorlo,

8 Unangârmut, umiaksoarnik serkomitsijomut.

9 Sorlo tussalaurapta tækkovavut mânna Nâlekab Zêbaotib iglugaseksoakotingine, Gûdipta iglugaseksoakotingine; Gûdib tâpkoa pairitsainarpait issokangitomut. Sêla.

10 Gûde pitsiarnît erkaumavavut Tempelekotingne.

11 Gûde sorlo attertut, taimaktauk nertornarnît tôkpok sillaksub issuanut; tallerpît tættæpok idluarnermik.

12 Zionib kakkanga kuviasukpok, Judablo panningit serri-vut, idluarsainitit pivlugit.

13 Zione illumagissiuk, kaivalerlugolo, nuvogusingit kittis-sigik;

14 Avaluksoangit kemergosigik, igloksoangit arvertarvigis-sigik, okautigilugit perkovluse kinguvâksannut, pijomârtomê-tunnut.

15 Gûde tâмна Gûdigitsainaraptigo issokangitomut: tâp-soma tessiorpâtigut tokko tikkidlugo.

IMGERUT IL.

Sillaksub innungita pilloringningæt tokkome naggatekarpok.

Kôrab kittorngangita imgerutingæt imgerutigilugo.

NALAGITSE inukattigêksoangôjose illunase;

3 Kamatsiaritse sillaksoarmiôjose illunase, tamarmik inutu-inait, angajokajallo, akluitut aklujullo illagêkluse:

4 Kanera illissimanermik okartuksauvok, ômattimalo issu-maksarsiorutingit sillatuniôvut.

5 Siutiga manijomavara adsiujunnut. Harfelo attorlugo nellaupsarutiksakka nellonairtitsomavakka.

6 Sôg erksijuksauvîk uvlune idluitune, tullerartima idluitul-liningita illumakpânga?

7 Perkutimingnik sungertutekartut, akluinermingniglo pima-riuterutiksakârtut.

8 Taipkoa nelliatalonêt kattangutine piulijungnangimago; sattutiksamiglonêt Gûde tunitsivigijungnangilâ tâмна pivlugo.

9 Akkitoluadlarmat sattutiksak tarningit pivlugit, sapper-paillo issokangitomut;

10 Innôtsainarmarkovlugo ittersamiglo tækkokonago.

11 Tækkogame sillatôjut tokkomattatauk sillaitutitut illis-simaitutitullo, perkutitiglo kemagariakarmagit assimingnut.

12 Tamadsa omattingita issumangit iglutik issokangitomut itsainarniarmatta, innitiglo soraijuitsainarniarmatta, attingif nertortauniarmatta nuname illunâne.

13 Taimaigalloarmat taimak nakorijautsainarungnangilet, nergjutitulle përtaujuksauvut.

14 Pinniarningit tâpkoka sillainiotuinauvut; taimaigalloar-mallo kinguvângita nertorutigivât kannermingnut. Sêla.

15 Nellavut kappianartovingme saukatitut, tokkub mikkik-pait; idluitaillijulle attanniotivut tâpkonunga uvlarârsukut; tau-tungit nungutauvut kappianartovingmut, tokkaviksakarutiglo.

16 Gûdible tarniga piuliniarpâ kappianartoviub pitsartuninganit; illaliormanga, Sêla.

17 Sivôrajutiginiarnago, kina akluileralloarpat, iglungata ânanaudlarninga angijoksôgalloarpat.

18 Tokkomine sunamik neksarniangimat, ânanaudlarninga-talo mallingniangilâ.

19 Tarnine saimartigalloaruniuk inosermine, nertoralloarpattillo ajungitullivigilauravit.

20 Ainiarpok atâtagijame kinguvânginut, kaumajomik tækkojomâtsengitunnut.

21 Ila inuk opigijaugune sillatunekaranelo, tagva nergjuti-tun ipok nungutauniartotun.

IMGERUT L.

Kivgartornek nellâgôrtok Gûdemik.

Assafib imgerutâ.

GUDE Nâlegak pitsartojok okarpok, sillaksoarmiullo kaikovait sekkerngub nuilerninganit nippininga tikkidlugo.

2 Zionemit, ânanaumaringniojomit, Gûde keblidlarnernmik kaulerkojivok.

3 Gûdivut aggerpok nippangertaililunelo; ikkoma nerriðlar-tok sivurlerivâ, sillarnerluksblo kaivalerpâ.

4 Killak takpâne kaikovâ, nunalo, inukotine erkartoromav-lugit.

5 Ivsornaitokotikka kattersorsigik uvamnut, angilauktut uvamnut tunnergutiksak pitjutigællugo.

6 Killaillo idluarninga okautiginiarpât; Gûde erkartuijông-mat. Sêla.

7 Inukotikka nâlagitse, uvanga okaromavunga; Israeli-tiôjose, uvanga kigligiudsivigijomavapse; uvanga Gûdeôjunga Gûdigivapsinga.

8 Tunergutise pivlugit pitlarlungilapse; tunnergutise ôtak-sât sâmnêtsainaralloarmatta.

9 Tuktuvait pijomangilakka iglupsingnit, angusalluillonêt avalukotipse illuanit.

10 Omajut tamaita nappârtunêtut perkutigigapkit, nergju-tillo kakkane, tagvane tausendeokattarlutik pissuktut.

11 Tingmitjat tamaita kakkanêtut illitarivakka, ômajullo nujoartut natername illunamassiatik sâmnêput.

12 Kâgajaruma, okautijomanajangilapse; nunaksoak per-kutigigapko, tâpsomanêtullo tamaita.

13 Tuktuvavinetoromanasugivingâ, angusallublonêt aunganik imeromanasugællunga?

14 Kujalinermik tunnijilerit Gûdemut, angersimanerillo namaksitikit kotsingnerpângôjomut;

15 Kannoêtokarnerublo uvlungane nipliaviginga, tagva piulijomavagit, igvillo nakorijaksarivarma.

16 Idluangitomulle Gûde okarpok: Sôg igvit idluarijakka okautigivigît, angersimaneralo okkomilugo kannernut?

17 Illisainermik ômisugalloartotit egitsilutillo okausimnik tunnungnut.

18 Tigliktomik tækkoleraiguvit, tagva akpangerkattigivet, nulliarêngnermiglo asseroijut illagivâttit.

19 Kannît okarkovet idluitomik, okello pergaivok nellainermik.

20 Iksivavotit kattanguttillo okautigilukpet; anânavillo erninga mangarpet.

21 Taimailiorpotit, uvangalo niplingilanga; tagva illiktuninasugivarma. Kissianele pitlaromavagit, pititsomavara ijikpît sângangnut.

22 Kamagitsetôk tamattominga Gûdemik puigortose, suksiane sugautjerkonanga, piuliklertekarungnairkonnagolo.

23 Kujalinermik tunnijijub, tâpsoma nakorivânga, tamanalo apktauvok Gûdib piuliklarninganik sakkertitserkovlunga tâpsomunga.

IMGERUT LI.

Tuksiarnek issumagijaujungnainek ajortunnit pivlugo.

Davidib imgerutâ imgerutigilugo;

2 Nellautaijub Natanib tikkingmago, Batsebamut ittilaukârmat.

3 GUDIK saimarvinginga pitsiarnît malliklugo, tappanikalo pøjarkit napkinungûtangijoksoak malliklugo!

4 Ubvatsialaunga idluitullinimnit, êpkejarlungalo ajornimnit

5 Idluitullimanera illitarilerapko ajortullimaneralo sâmnêtsainarpok.

6 Illingnut kissiane ajortullilaukpunga, idluitullilarmalo sângne, igvit idluatsainarkovlutit okauserne ivsornaitsiarkovlutillo erkartortauguvit.

7 Ahâk kinguvângnit ajortolingnit ernertarijaulaukpunga anânamalo ajornekarlune erniarilaukpânga.

8 Ahâk, miksekârnek sagvangitomêtok kuviagivet; illisim-
nermik ijersimajomik kaujimatiparma.

9 Ajortoêrotilaunga Isopemut ivsornaikovlunga; ubvalau-
nga kakornersaulerkovlunga apumit.

10 Tussarkolaunga kuviasungnermik erkiêrtornermiglo, sau-
nit serkomilauktâttit kuviasulermervovlugit.

11 Kênait ijilauruk ajornimnit, idluitullinikkalo illunaita
pêjarkit.

12 Gûde ômamik ivsornaitomik sennalaurit illumne, tun-
nitsivigilungalo annernermik nutâmik nakkimarnijuitomik.

13 Pingujarniarnanga kênarnit, aksârtaililaungalo anner-
nernik ajunginermik.

14 Manigulaungminga ikajornernut, annernermullo kuvi-
nartomut maksoatilaunga!

15 Tagva tappatôjut apkosinernik ajochertoromavakka,
idluitullijut sâlerkovlugit illingnut.

16 Piulilaunga akkiliksakarnermit aungmik, Gûde, Gûdigi-
jagit, piulijigijagillo, okara idluarnermik nakorsarkovlugo.

17 Nâlegak kangasinâka aitartikik, kannera nertornarner-
mik okâlakovlugo.

18 Tunnergutit kuviaginginangne, taimainajarpai taimai-
tunnik tunnitsivigijomagalloarpagit; tunnergutillo ôtaksat na-
magingilettit.

19 Tunnergutit Gûdib kuviagijagit, annerniôvut serkomisi-
majok; ômamik kappiasuktomik serkomisimajomiglo igvit Gûde
nachoniangilatit.

20 Zione ajungitullivigiuk saimarvekarnit malliklugo; Je-
rusalemib avaluksoangit sennalaukit.

21 Tagva idluarnerub tunnergutingit kuviaginiarpâttit, tun-
nergutit ôtaksat, tunnergutillo illuitut; tagva tuktuvait tuni-
jauniarput Altarekotingnut.

IMGERUT LII.

*Arusungnek Doegib kassêninga pivlugo. Davidib tettekarninga
Gûdib sapputsininganik.*

Davidib illisaininga imgerutigilugo;

2 Doege Edomitereojok, tikkitillugo Saulelo okautingmago
okarlunelo: Davide tikkipok Ahimelechib iglunganut.

3 SOG tettitosârkit, attaneâlôjotit, pijaksaungitoâlungmik
piniarungnaravit; Gûdib pitsiarninga sorajuitsainaralloar-
tillugo?

4 Okait kassênermik issumalerpok, umgijautitut ipiktotut, annerpanaitotit!

5 Idluinek okautigingârpel ajungitomit, nellangainerlo idluartomit. Sêla.

6 Okautsit asserornartut illunaita ivlerivâttit, okaujotit nellangaitok.

7 Tamanna pivlugo Gûdib asserormaringniarpâtittauk, tigukallaniarpâtit nussungniarlutillo tuppermit, pêjarniarpâtillo inôjut nunangænit. Sêla.

8 Idluartullo tækkoniarpât, sivuraniarlutiglo, ijerutiginiarpållo.

9 Ahâk takka angut Gûdemik sappulutakalaungitok; aklui-nermigle tettekalaunktok, sôngolaukporlo kassênermine.

10 Uvangale nappârtotut orksoliktotut tungojortotut Gûdib iglunganêtuatsainaromârpunga; Gûdib pitsiarninga tettigitsainarpara issokangitomot.

11 Issokangitomot kujagijomavagit, igvit pinialaurangne namaktomik; attillo nerriugijomavara pivianadlarmat ivsornaitokotivît sângine.

IMGERUT LIII.

Inuit asserorsimaningæt, piulijauningælle.

Davidib illisaininga, imgernermik illissimajomot imgerutigilugo.

2 SILLAITUT ômattimingne okarput: Gûdekangilak. Piu-ngilet makkojungnartôlutiglo piniarlungninginnut. Tagvane ajungitullijokangilak attautsemiglonêt.

3 Gûdib killangmit innuit kittorngangit tækkonârpait, tækkomavljune kina sillatomangât Gûdelo apperkutigingmangâgo.

4 Illunatigle uniorsivut, illunamassiatiglo ajulerput. Tagvane ajungitullijokangilak attautsemiglonêt.

5 Idluttullijulle illitarsileromangilet? innukotimnik nerri-jut innûgutigilugit; Gûde nipliavigingilât.

6 Tagvanele erksivut erksijutiksakangitome; Gûdib tetjartivît sauningit siamartimagit. Kangusuktipâttit, Gûdib nachogingmagit.

7 Kannoktôk ikajortiksamik tikkitokarle Zionemit Israeli-tinnut, Nâlekablo innukotine parngnairsortât piuliligit! Tagva Jako kuviasugajarpok, Israelelo serridlarajarpok.

IMGERUT LIV.

Tuksiarnek piulijaujomamut.

Davidib illisaininga, imgerutigilugo nokakseralingnut;

2 Sifimiut tikkitillugit okarlutiglo Saulemut: Davide ijer-simavok uvaptingne.

3 GUDE attikikut ikajulaunga, idluartomiglo sakkêvigilau-nga aksorotjinernut.

4 Gûde tuksiarnera tussalauruk, kannerma okâlaningit ti-merolaukit.

5 Piojorijut makkitavigingmanga akkerartorlunga tettito-sartullo tarniga unangmivât, Gûdelo pigingilât ijimik sâ-ngine. Sêla.

6 Ahâk Gûdib illigivânga, Nâleka barniga pairivâ.

7 Kassênek utteromârpok ômigijimnut. Asserorkit mikse-kârnit malliklugo.

8 Tagva tunnergutiksamik pijarijomik âtsivigijomavagit, attillo Nâlegak kujagilugo, taimak ajungitôngmat.

9 Igvit piuligamga kappiagijamnit tamainit, ijika ômigi-jikka pivlugit kuviasutiksamik tækkokovlugik.

IMGERUT LV.

Arusungnek kattangutit nellangaitut pivlugit.

Davidib illisaininga imgerutigilugo nokakseralingnut.

2 GUDE tuksiarnera tussalauruk, kennunikalo erguti-niarnagit.

3 Kamagilaunga tussarlungalo, kannok ârusungnimne mak-soasuêrama kêadlarlungalo;

4 Omisukte taimak nipliadlarmat, Gûdekangitorlo tetting-mat; kanoetomik aksakâtitsivigingmanga, ômamullo ômigi-vânga.

5 Omattiga kappiasukpok timimne, tokkublo erksinarningita tupvigivânga.

6 Sivuranermut sajungnermullo pijauvunga, kêongomijarne-rublo ullikpânga.

7 Okalaukunga: Kannoktôk esarokarlanga Taubititut, ova-ngat tinginajarkovlunga utternangalo.

8 Ahâk, tagva kemâjomadlarajarpunga, sunakajuitomêtsai-naromalungalo. Sêla.

9 Errinisugajarpunga annigoerkovlunga akkonaksoarmit sillarnerlungmillo.

10 Ekit Nâlegak, okangillo adsigêgungnaitikit; pinniarlungnernik akkerartormermiglo tækkogama iglugaseksoarne;

11 Taimailiorsajokarpok uvlôtillugo unuamelo avaluksoangita kângine, siorniornekalunelo, sullijaksakalarmelo takkamane tâpkonane;

12 Kanoêtokartitsinek attanniotivok takkamane; sæglokit-sinek uivêriklernerlo nûlungilák apkesininginnit iglut akkorngænêtnnit.

13 Omigijimaungitub mamailisarmanga, tamana kenuêrsarutiginajartara; illulugvigijimaungitub angutauservigivânga, tagva ijerajarpunga.

14 Igville uvaptun înasugijauvotit, illanârijigivlutit, pairijigivlutillo, illagijigivagit.

15 Illanârêlunuk kachimiokattigêlauktoguk, arvertalauklunuglo kattingajut akkorngæne Gûdib iglunganut.

16 Tokkomut opingartaulit, inôvlutik kappianartovingmut ijukarlit; kassênekarmat iglungine, ômattinginne.

17 Uvangale Gûdemut kaigarsugomavunga, Nâlekablo ikajorniarpânga.

18 Unuktillugo uvlangotillugolo ketterærtillugolo ârusugomavunga kêajomalungalo; tagva nippiga tussarniarpâ.

19 Tâpsoma tarniga piulivâ merngoêrsernekartilâlo tâpkonangat uvamnûromajunnit; akkerartortikka unnudlarmatta.

20 Gûde tussarniarpok mannigotitiniarpaillo; tâpsoma ik-sivajub tagvane itsaksoarmit, Sêla. Ablatsângorniangimatta, Gûdelo sivuragingilât.

21 Aggatik illivait illanârijanginnut, angersimaningalo serkomipât.

22 Kanningit piarnarnersauvut imub orksuanit unatadlarnerlo ômattinginêpok; okausingit kettulinersauvut orksunit, saviksoatuinaugalloarpullo.

23 Tussunitit pitikit Nâlekamut, tâpsoma pattangaitiniarpât, idluartorlo inilangajuinermêtsainarkoniangilâ sorajuitomik.

24 Igville Gûde ijukartitsomârpâttit ittersâlungmut. Auruktut nellangaitullo inôtsimik ketterarningit angujomângilait; uvangale tettigivagit.

IMGERUT LVI.

Tuksiarnek piulijaujomamut unangmîklertunit.

Davidib ivlerijanga, Taube okajuitok pivlugo tækkorngartet akkorngæne; Filisterit tigulaungmatsuk Gateme.

2 GUDIK nâpkigilaunga inuit êjômangmanga, uvlok nâlugo ômigijima tettivânga.

3 Akkerartortima êjomavânga uvlok nâlugo; unnuktut sor-sungmanga, piojorijunik illusekarlutik.

4 Sivôrajarangama tagva tettigivagit.

5 Gûdib okausingit nertoromavakka; Gûde tettigijomavara, erksijomanangalo; uvingub suniarajarpângâ?

6 Uvlut tamaita okautsikka akkerartorasuarpait; issuma-ngit illunatik taimailingavut idluitullivigijomavlunga.

7 Unnuktôvlutik katteringalrput, uttakkilutiglo, kingmîkalo nautsertorpakit, kannok tarniga angugomavlugo.

8 Kassêtoksôvlutik piulijaujuksaunajarkât? Gûde ningarlutit innukattigêksuit tâpkoa ijukartikit unnunga.

9 Kemânera kittilauruk, kugvikka pôlerkit pôkotingnut. Ila aglakotingne aglaksimavut.

10 Tagva ômigijikka utteriakarniarput niplianiaruma. Tamana nellungilara, Gûdib illigingmanga.

11 Gûdib okausingit nertoromavakka, NâleKab okausingit nertoromavakka.

12 Gûde tettigivara erksitaililungalo inuit suniarungnar-pângâ?

13 Gûde angilaukpagit kujagijomagapkit.

14 Igvit tarniga piulilaurangne tokkomit, ila ittiggakka ko-itarnermit, agvertarungnarkovlunga Gûdib sângane inôjut kau-maningæne.

IMGERUT LVII.

Tuksiarnek ômisuktut piclugit.

Davidib ivlerijanga imgerutigilugo: Asserorkonago Saule kemâgamiuk kairosumgut.

2 NAPKIGILAUNGA, Gûde nâpkigilaunga: tarnima tetti-gingmattit, esarokpillo tachaliningane serngnigijauneksiorpunga, kanoênêk kânger-kârtinago.

3 Nipliadarpunga. Gûdemut kotsingnerpângôjomut Gûde-mut kappiagijamnik nungutsijomut.

4 Tilliklerpok killangmit ikajorlungalo, kangusuktitsivok êjimmik, Sêla. Gûde tilliklerpok saimanerminik miksekârner-miniglo.

5 Tarniga Loevit akkornganêpok, ikkomamik nutiktarne-kartitsijut akkorngæne nellavunga; innuit akkorngæne, kig-

gutiggit kallugiangojunnik, karkjôjunneglo, okaggillo savikso-angôjunnik.

6 Gûde killaub kollânut kangattarit, opinarnillo pile nuksoarmut illunanut.

7 Nullutjat ningitilaukpait arvertarnimnut, tarnigalo nênerpât kannunga; sânnelo ittersamik aggalaukput, ijukarvigilugolo nangminek, Sêla.

8 Omattiga oppallungêrsimavok, Gûde ômattiga oppalungêrsimavok ingeromavlunga, nertordlerlungalo pêrkovlunga.

9 Tuppalerit nertornarnik; tuppaleritik Psaltere Harfelo! Uvlarârsukut tuppagomavunga.

10 Nâlegak kujagijomavagit innukattigêksuit akkorngæne; nertorlutit imgervigijomavagit innuit akkorngæne.

11 Pitsiarnit pingmat killaub îninga tikkidlugo, miksekârnillo nuvujât tikkinigit tikkidlugit.

12 Gûde killaub kollânut kangattarit, opinarnillo pile nuksoarmut illunanut.

IMGERUT LVIII.

Arusungnek mangatsijut idluitut pivlugit.

Davidib ivlerijanga imgerutîgilugo, asserorkonago.

2 OKAJUIKISE, okaromanginapse idluartomik, erkartuijomanaselo nertornartomik, illipse kittorngaujose innungnut?

3 Ila pijarêlluse idluitullivose nuname, nokaraselo aggap-singnut piniarlungnernik attorpose.

4 Gûdekangitut mumiksimavut anânab timinganit; sægløjullo tammarput anânab timinganit.

5 Tokkonartungæt kuglugitsab tokkonartungatut-îpok; otteretut (kuglugiak) tussajuitotut siutitik simikpait;

6 Tussarlungitotut angakoktortub nippinganik, namaktomik angakoktorungaralloartub.

7 Gûde kigutingit kaninginne serkomikit; Nâlegak Loeviarkat tulloriangit tuggarlugit serkomikit.

8 Auksarlit immektut kôktotut tagvunga. Karkjumingnut orlertorput, tâpkoale kippisimajutitut îput.

9 Nungulerput sorlo akkopijok auksarmat; arnab alliktuangatat sekkinnek tækkolungilât.

10 Ukkusikotisse missigerkârtinagit orpinik kakkilauteling-nik pêjarniarpait tagvainak ullajujaksoarmut.

11 Idluartok kuviasungniarpok akkiniarnermik taimaitomik tækkogune, ittikkânelo mitsuktiniarpait Gûdekangitub aunga-nut;

12 Innuït okarniarkovlugit: Ahamarik idluartok akkekar-alloarpok! ila Gûde erkartuijôvok nuname.

IMGERUT LIX.

Tuksiarnek ikajortaujomamut Gûdemut ômisuktut sôngojut akkerartorlugit.

Davidib ivlerijanga, asserorkonago; Saul tilliklertillugo, iglungalo udsertortaukongmago, tokkotsomavlugo.

2 **PIULILAUNGA** Gûdik, ômigijimnit, sappumijarlungalo akkerartortimnit.

3 Piulilaunga idluitullijunnit, ikajorlungalo auruktunnit!

4 Ahâgle Nâlegak, tarniga terliarasuarpât; sôngojut kat-timalerput akkerartorlunga, idluitullinekarnanga ajornekarna-ngalo.

5 Pitjutaunanga akpangerput, oppalungaijarlutiglo. Tuppa-git pachrearovlunga tækkolutillo!

6 Ila igvit Nâlegak Gûde Zêbaot, Israelib Gûdinga, tuppa-git, nellojullo illunaita nellipsarkit; idluitullijut nertornangitut tâpkoa nelliallonêt saimarviginiarnago pît, Sêla.

7 Unnungme utterniarput, miagôr lutiglo kingmititut, akpa-ngerniarlutiglo sunatuinarnut iglugaseksoarne.

8 Ahâk okagallakput kannekadlarlutik; saviksoakarpok kangasinângine: kiale tussaralloarkaûk?

9 Igville Nâlegak ijinariarpâtît, nellojullo illunaita mittau-tiginiarpâtît.

10 Pitsartuningit pivlugit tettigivagit; Gûde sapputsauvi-gigapko.

11 Gûdima pitsiarningata pachrearpânga; Gûdib kuviasu-tiksammnik tækkokovânga ômigijikka pivlugit:

12 Tokkotailikit, innukotikka puigorkonnagit tamattominga, siamartikille pitsartunernut, ijukartilugillo unnunga, Nâlegak sappulutarijavut.

13 Kangasinângita okausingit ajornetuinauvut; tamanna pivlugo angujaujuksauvut pimariuterninginne, okarnerlotjini-ngit, sæglonerillo unipkautigijangit pivlugit.

14 Kaningajârlutit nungukit; nungukit sunaungerkovlugit tukkiserkovlugillo Gûde attaniojôngmat Jakokune sillaksub nâninga tikkidlugo. Sêla.

15 Unnungme utterniarput miagôr lutiglo kingmititut, ak-pangerniarlutiglo sunatuinarnut iglugaseksoarne.

16 Akpangerniarput sunatuinarnut, nerkiksat pivlugit, okalokiniarlutiglo akkeartorlungikunnik.

17 Uvangale pitsartunit imgerutigijomavara uvlákullo pitsiarnit nertoromavara; igvit sapputsauvigigapkit, kemáviksarlutillo kappiasungnimne.

18 Igvit pitsartutigijagit imgervigijomavagit; Gûde sapputsauvigigapko, Gûdigivaralo nâpkigosuktok uvamnik.

IMGERUT LX.

Tuksiarnek sâlakaromamut ômisuktunik.

Davidib ivlerijanga imgerutigilugo ajochertutiksarilugolo.

2 Sôrsulaukârdlune Siriamiunut Mesopotamiamétunnut, Siriamiunullo Zobamétunnut; Joabe utterlune Edomiterit 12000 dit ullimârmagit naksarme sioraujalingme.

3 GUDE ajáktuilauktotit siamartitsilauktotillo uvaptingnik, ningalauktotillo, ama mannigortigut.

4 Nunamik koksâlâtitsilauktotit, koplulilauktotillo napvangit ákilaukit; aulangmat.

5 Igvit innukotitit okumaitomik tukkiserkolaukpáttit, imertilaukpaptigut Weinemik amainartomik.

6 Taimaigalloarmat saimat tunnilaukpet sivoragijingnut, nappaulerkovlugo miksekârnek pivlugo, Sêla.

7 Nægligijattit piulijaukovlugit, ikajulaurit tallerpingnut, tussalutalo!

8 Gûde okarpok ivsornaitovingmine, tamanna pivlugo kuviasukpunga: Sicheme avitsomavara, Suchotiblo naksanga ôktoromavara.

9 Gilead perkutigivara, perkutigivara Manasse; Efram sapputsauviksauvok niakumnut; Juda tunnijijigivara perkojannik.

10 Moabe ubvarvigivara; ittigagutiga egipara Edomib kânganut; Filistêab igiakomijarvigilinga!

11 Kia tessioromavânga iglugaseksoarnut sôngojunnut? Kia aiparivânga Edomemut?

12 Igvit piniarniangilatit Gûde, ajáktuilauktotit uvaptingnik, aulalungitotillo, Gûde, kattimgajokotivut illagilugit?

13 Ikajornekartitigut kappiasungniptingne; innuit ikajorni ngæt piutsengimat.

14 Gûde illagilugo pinniarnersoarnik piniaromavogut; tâpsoma ômigijivut tullerniarpait.

IMGERUT LXI.

Attanniub tuksiarninga sapputsaujomamut.

Davidib imgerutâ imgerutigilugo nokakseralingnut.

2 GUDE nipliadlarnera tussalauruk; tuksiarnera kamagi-lauruk.

3 Nunab issuanit nipliavigivagit ômattiga kappiasulerangat; tessiorlaunga kairtomut innornartomut uvamnut.

4 Igvit sungertutigigapkit, nuvgosengovlutit sôngojok, ômi-suktub sângane.

5 Tuppit iglomêvigitsainaromavara issokangitomut, tettekaromalungalo esarokpît sapputsauvingata attâne, Sêla.

6 Igvit Gûde angernera tussalaurangne; tunnitsivigivarma tâpkoa atternik sivôrajut kingormgutijangænik.

7 Attannek tunnitsivigivet innôtsemik sivitôjomik, Jâringit soraijuerkovlugit issokangitomut;

8 Gûdib sângane iksivatsainarkovlugo; saimanermut miksekârnermullo sapputsaukolauruk.

9 Tagva attit nertorlugo ingervigijomavara issokangitomut, angernikka akkilerlugit perkovlunga uvlut tamaita.

IMGERUT LXII.

Ingilanganele Gûdib sângane.

Davidib imgerutâ imgerutigilugo Jedutunemut.

2 TARNIGA innilangavlune uttakkivok Gûdemik; tâpsomangat ikajortaunera pivok.

3 Tâmma kairtorivara, ikajortigilugolo, sapputsauvigilugolo, angijomik aulaniarkonanga.

4 Kannok akkunêrtigijomik illunase attausek unangmivisiuk, inosêrotitsomavlugu, iglub sennerangatut ochungajotut, karmaktullo serkomisimajotut?

5 Kachimiokattigêtuinarput kannok pôktoninganit ajâktoromavlugu, sæglonernik attaruilivlutik, saimartitsivut kanermut, ômamele ôkarnerlotjivut, Sêla.

6 Tarnîk, innilangalutit Gûdemik uttakkituinart; nerriungnera tâpsomangat pingmat.

7 Tâмна kissiat kairtorivara, ikajortigilugolo, sapputsau-
vigivaralo aulaniarkonanga.

8 Piulijauviksara nertornautiksaralo Gûdemêpûk; pitsartu-
nima kairtunga, tettiksara Gûdemêpok.

9 Inôjose tettigitsainarsiuk sorairase; ômattise nâvissigik
sânganut; Gûde tettigivavut, Séla.

10 Innuille kittorngangit sunaungimarikput; innuit pijaria-
kortojut sæglopakputtauk; kiktitauningne okinersauvut sunau-
ngitomit unnuktôgalloarlutik.

11 Aksorornermut aksâr nigaujut sungertutiginiarassigik,
tettekaraselo ivartaujunik. Akluinermik tunnitsiviogupse, ômat-
tise ungakoniarassigik tamattominga.

12 Gûde okausekalaukpok tussakattartamnik: Gûdib pit-
sartunek pigingmago.

13 Igvillo Nâlegak saimarvikarpoit; illunaita attunit akki-
lêvigigangne pinniarningit malliklugit.

IMGERUT LXIII.

Tussunek Ivgartornermik Gûdemik, idluartomik.

Davidib imgerutâ, Judakut sunakajuitunganêdlune.

2 GUDE, igvit Gûdigivagit; uvlârârsukut kenneromavagit;
tarnima kênarvigivâtît, uvinigma kêmigvigivâtît nuname
ipterilingajome, pannertomelo immekangitome.

3 Tagvane illingnut tækkosarpunga ivsornaitovingmêtotit,
tækkojomadlarama ajugakanginernik, opinarnerniglo.

4 Saimarvekarnît namanersaungmat innôtsemit. Kangasi-
nângma nakorijomadlarpâtît.

5 Taimak nertoromanajarpagit innôsera nâvlugo, aggakkalo
kollangiutitilugit atterne.

6 Tagva tarniga namaksinajarpok orksunut orksulingmullo
sorlo, kanneralo kangasinângnut kuviasuktungnut nertordlara-
jarpok.

7 Erkaumajarangapkit inangavimne, tagva okautigivagit
unnuab pigârvingit nâlugit.

8 Igvit ikajortigigapkit, esarokpîllo tachaliningane nertor-
dlerpunga.

9 Tarnima ungagivâtît, aggakpît tallerpikpît pattangaiti-
pânga.

10 Taipkoale asseroinasuartut tarnimnik, ijukariakarpot
nunab ittininginnut.

11 Tunnijauniarput sâviksoarmut, terrianianut illinganiarput.

12 Attannerle kuviasungniarpok Gûdeme; illunatik nertor-
niarput angerutekartut tâpsominga; kannit sæglojut simiktau-
juksaungmatta.

IMGERUT LXIV.

Davidib tulksiarninga sapputijajomamut.

Davidib imgerutâ imgerutigilugo.

2 GUDE ârusuktillunga nippiga tussalauruk; inôsera sap-
putilauruk ômisuktub kappianarninganit.

3 Ijilaunga idlunit kachimioningænît, idluitullijut unurni-
nginnit,

4 Okarmingnik kênaksaijut saviksoatut, okautsinnullo orler-
tortut karkjunnut sorlo,

5 Angigutsivlutik idluitailijok pittigomavlugo; tagvainak
pittikpât illerasugatik.

6 Nekkoksitiput ingmingnik idluitomut; unipkârlutik kan-
nok nikkanik illijijomagamik, okarlutiglo: Kia tækkojung-
narpagît?

7 Nellangainermik sagvaivut: Pijarêrpogut nachvârtautsiar-
tomik pingitsertortomik (okarput). Illunatiglo attunnit ômat-
tingit illungillo ittersangôvut nettekangitut.

8 Gûdible tagvainak pittingniarpait karkjumut, âniakov-
lugit.

9 Okangita nangminingita ochotitsomârpait; tâpkoninga
tækkojut illekettamaromârpait.

10 Innuillo illunatik sivôrajomârpait unipkausekarniarlu-
tiglo Gûdib pinniarninginnik, kamaniarlutiglo tâpsoma pinniar-
ninginnik.

11 Idluartut Nâlegak kuviasutigijomârpât, tettigijomârlu-
golo, ômattillo idluitailijut illunatik tamna nertordlerutigijo-
mârpât.

IMGERUT LXV.

*Kujalîtiksât nertordlerutiksållo Gûdib ajugitulliningit
pivlugit.*

Davidib imgeruta imgerutigilugo.

2 IGVIT, Gûde nertortauvotit innilanganerme Zioneme, igvillo akkilêvigijauvotit angervionernik.

3 Igvit tuksiarnernik tussarpotit, tamanna pivlugo uviniggit illunætik opakpâtit.

4 Idluitullinipta nênidlarpâtigut; igvit ajornivut issumagi-jungnailaukittôk.

5 Pilloridlarpok igvit annerijet, innekarkojello igloringne. Namaksijautitigut iglovit, Tempelektovit perkutinginut.

6 Kappianarlutit idluarnerme, kiojomavaptigut, Gûde piulijaujutiksavut, sungertutiksaujotit nunaksub issunginnut kanningitunnut tamainut, imarbiksoarmullo.

7 Kakkanik atsungersijok pitsartunerminut, tapserusersimajorlo sôgonernik.

8 Imarbiksub iktullijaninginik saimarsaijotit, mallingita iktullijarninginik, innukattigêksuillo perajarludlarninginik.

9 Nunakartut issungne nellonaikutetit kakkilârutigilugit perkovlugit. Nertordlertipâtît aulajut, tamangne uvlâkut unnukullo.

10 Nuna nellipsarpet, imekartilugolo, akluitidlarlugolo. Gûdib puailaviârsunga imekarpok nâmamariktomik. Tâpkoa kakkôjaksakotingit perutsiakovâtît, tâmna nunna taimak âkiksolaukârungne.

11 Perorsêviub ittersangit imertipâtît, makpiterarsima-ningillo manniksarpâtît; sillalungmut akkitipet, perortungillo pitsornartipâtît.

12 Igvit Jare pinarnartipet pitsiarnernut, ittikkavillo tumingit orksunik kusserput.

13 Sunakangitub perorsêvingit orksuliovut kuttekarlutik, kakkârulaillo kuviasukput.

14 Naternait nâmavut saukânik naksallo kakkôjaksakarput akkulaidlartunnik; igiakomijartokarpok imgertokarlunelo.

IMGERUT LXVI.

Kajungersainek Gûde opigilugo kujagilugolo tessiorningninga innukutiminik pivlugo.

Imgerusek imgerutigilugo.

NUNAUJOSE illunase Gûde igiakomijarvigissiuk,

2 Attingata opinarninga imgerutigissiuk, nakorissiuk âna-naudlartomik:

3 Gûde okautissiuk: Ila' tattamnadlarpur pinniarnitit! Omigijivit kennuviginiarpâtit pitsartunersoarnit pivlugo.

4 Nunab illunât tuksiarvigilitit, imgervigilitillo nertordlerutiksani; attit imgervigilitsuk nertordlerutiksânnik, Sela.

5 Kaititse tamaunga tækkonârluselo Gûdib pinniarninginik, tattamnadlartub pinniarnermine innuit kittorngangita akkorngæne.

6 Tâpsoma imarbik ablatsangortipâ ipterilingajomut; kôksoakut pissuklutik pivut; tamanna kuviasutigivavut tâpsomane.

7 Attanniôtivok pitsartunerninut issokangitomot, ijikita innukattigêksuit tækkonârpait. Kemaijut tâpsominga angijorortitsungnarniangilet, Sêla.

8 Innukattigêksoangojose Gûdivut nertorsiuk, nertortauninga tussartaule.

9 Tarniptingnik inôsekainartitsijok, ittikaptigniglo koitartailititsilune.

10 Igvit Gûde ôktulauraptigut êpkejarlutalo sorlo Silbere illakarungnaititaungmat.

11 Nuvogusermut parngnanairsortautilaukpaptigut, okumailutamik illijilaukpotit makkitiptingnut.

12 Innungnut pergaukolaukpaptigut niakuptigut, ikkomame imânelo ilaukpogut; igville annilaukpaptigut, nekkoksitilutalo.

13 Tamanna pivlugo iglungnut aijomavunga tunnergutiksaliarlunga ôtaksanik, akkilêvigijomavlutillo angernerilauktamnik;

14 Sorlo kangasinâka aitarlaurapkik, sorlolo kannera okalaungmat kappiasungnimne.

15 Tunnergutinnik ôtaksanik orksulingnik tunnitsivigijomavagit, saukat angusallunginut pujôktunit; tunnijiomavunga tuktuvângnik, angusalluit illautillugit. Sela.

16 Kaititse tamaunga, tussaluselo, illunase Gûdemik siyôrajose, unipkâromavunga sumik tâpsoma pinnialauktanginnik tarnimnut.

17 Kanimnut nipliavigilaukpara, nakorsarnerlo mâna okamnêpok.

18 Omattimne idluangitotomik kajusimanajaruma, Nâlekab tussarajatsengilânga.

19 Gûdible tussalaukpânga, kamagilugolo kennunima nipinga.

20 Nertortaule Gûde tuksiarnimnik nacholungitok pitsiarnerniniglonêt allailungitok uvamnik.

IMGERUT LXVII.

*Gûdib saimarsainingata innukattigêksoarnik tamainik
nakorijauninga.*

Davidib imgerutâ imgerutigilugo nokakseralingnut.

2 GUDE saimarvigigit, pitsartutilutalo; tâpsoma kênaminut kaumaksarlitigut, Sêla.

3 Apkosininga illitarijaukovlugo nuname, nellojullo akorngane piuliklerna.

4 Gûde innukattigêksuit kujagivâtit; innukattigêksuit illunatik kujagivâtit.

5 Innuut kuviasukput igiakomijarlutiglo, innukattigêksuit namaktomik idluarsarangne, innuillo nuname aulagangne, Sêla.

6 Gûde, innukattigêksuit kujagivâtit, innukattigêksuit illunatik kujagivâtit.

7 Nuna perortuminik sakkêvok. Gûdib Gûdipta saimartilittigut.

8 Gûdib saimartilittigut, nunablo issungita illunatik sivôragijaksarivât.

IMGERUT LXVIII.

*Gûdib nellojungnaititsininginik ânânânik. Tækkosarne
Kristusib killaliarninganik ânanaudlartomik.*

Davidib imgerutâ imgerutigilugo.

2 GUDE makkile, ômigijingit siamartitaukovlugit, illulugvigijingillo kemâlugo perkovlugit.

3 Pêjarkit, sorlo isserluk pêjartaungmat; sorlo igupsaujârtut orksungita tangit auksilermatta ikkomamut, taimak Gûdekangitut nungutaujuksauvut Gûdib sângane.

4 Idluartulle kuviasuktuksauvut, serrijariakarlutiglo Gûdib sângane, ômamullo erkiértoriakarp.

5 Gûde imgervigissiuk, attinga nertorlugo imgervigissiuk, Apkosineliorsiuk, tâmna sunakajuitutigut pijok tamaunga; Nâlekamik attekarpok; igiakomijaritselo sângane.

6 Atâtaujok illiârsungnut, idluarsaijôjorlo uigarnernut; Gûdeojok inimine ivsornaitome.

7 Gûdeôjok kittorngisuitunnik tunnijjok kittornganik iglungit tættælugit; parngnanairsortaujunnik annitsijok nellitome idluartome, kemaijuniglo (Nålekamik) ajoksarnartovingmêtsainarkojjok.

8 Gûde inukotivît sivurngæne ingergalauravit, arvertalauravit, sunakajuitome, Sêla.

9 Tagva nuna sajukpilulaukpok, killaillo kussilaukput Gûdib sângane; Sinai tâмна, Gûdib, Israelib Gûdigijangata sângane.

10 Sillalungnermik nekkoksinaratomik kovisilaukpotit Gûde, kingormgutijallo nukkingerotisimalauktut nukkiksalaukpâtitt.

11 Kattimgajokotitit innekalaukput tagvane. Gûde patangajut nekkoksitipâtitt pitsiarnernut.

12 Nålekab okautsit tunnivait okalajutigut okautsinik tussarnertunnik amisutigut.

13 Kattimgajoksuit attaningit kemâmavut, kemâmavut! arnablo aulatsijub iglome aksârnigaujut aviklugit aitutigivait.

14 Avalut illuane merngoêrserupse, tagva keblernekarpok Taubit esarungititut, Silberemik sillapârsimajut, merkokartullo, Goldemik tungojortamik sillapârsimajunnik.

15 Ajugakangitok attannernik siamartitsikpat tagvane, tagva kannerpok Zalmonib kakkangane.

16 Gûdib kakkanga kakkauvok pitsornartok, kakkauvok kingiktok pitsornartorlo.

17 Kakkaujose kingiktose sôg tækkosarkise? Gûde kuviasutekarpok kakkame ômane inekaromavlune, Nålegarlo tagvanêtuatsainarivok.

18 Gûdib aksalloalekotingit, tausendit tausendertorlugit unnuktigijôvut; Nålegak tâpkoa akkornganêpok Sinaimêtut ivsornaitome sorlo.

19 Igvit kongmuarsimavotit, parngnanairsimavik parngnanairsortaulaukpet, tunnergusiannik pilaukpotit innungnut illingajuksanik, kemaimajunnuttauk, Gûde Nålegak tagvane inne-karkovlugo.

20 Nålegak nertortaule uvlut tamaita. Gûdib nangmagakartipâtigut, ikajorpâtigulletauk, Sêla.

21 Gûdekarpegut ikajortemik, Nålegakarlutalo Nålekamik, piuliklertemik tokkomit.

22 Gûdible ômigijime niakungit egilugit serkomitsomârpait, tâpkoa kabsingit, agvertaranertut passijaksaunermingne.

23 Nålegak okarpok: Basanemit uttertitsomavakka; uttertitsomavakka imarbiksub ittininginnit.

24 Ittigarnik missukserkovlutit aungmut, kingmikotivillo okangit alluktorkovlugit tamattôminga ômisuktunnit.

25 Tækkuksauvok kannok igvit Gûde ingeraravit, kannok igvit Gudiga attanneralo ingeraravit ivsornaitovingme.

26 Imgertut sivurliovlutik arvertarput, tungâne nokakseralingnik attortut niviersijat killausijartut akkorngæne.

27 Gûde nertorsiuk kattimaniksane, Nâlegak, illipse Israelib puailavinganit pijose.

28 Tagvanêpok Benjamin mikkijok attaningæt, Judakut angajokângit, kattimgajoksoatik illagilugit; Sebulonekut angajokângit, Naftalikut angajokângit.

29 Gudivit nâlegauvit âkilaukpâ; sôngolerit Gûde piniarnerne uvaptingnut.

30 Tempelekitot Jerusalemêtok pivlugo attannît pilliutitik âtsiviginiarpâtit.

31 Omajok ivît suvluggit akkorngænêtok suaruk, angasalluit unurningit, innukattigêksuit nochangita akkorngæne pâmakterkovlugit, kênaujanik Silbereôjunik najortekarlutik. Tâpsoma innukattigêksuit unatarosuktut siamartipait.

32 Egiptenemiut angajokângit tikkitsomârput, Etiopiamiut aggatik issagomârpait Gûdemut.

33 Attaniôviôjose nuname, Gûde imgervigissiuk, nertordlerluse Nâlegak imgervigissiuk, Séla.

34 Tâmma ingergajok killait killangita kângine pigiarnermit. Ahâk kallungne aularkoniarpâ, pitsartunerub kallunga.

35 Gûde pitsartunekarle. Tâpsoma ânanauninga Israelib kanganêpok, pitsartuningalo nuvujanêpok.

36 Gûde tattamnarpotit ivsornaitovekotingne. Gudeôvok Israelemut, sôngonermik pitsartunermiglo tunnijijok inugiar-toksoarnut. Gûde nertortaule.

IMGERUT LXIX.

Messiase âniâjok.

Davidib imgerutâ imgerutigilugo.

2 GUDE ikajunga; imek tarniga tikkilugo pingmat.

3 Kivivunga akkilupingmut ittijomut tungaverkangitomot; tikkipunga imiksuit pârpalatsijut illuænut, ulliublo ipititso-mavânga.

4 Nipliangorpunga, torkluga katjaráksimavok, tautugara nungulerpok, taimak akkunêrtigijomik uttakkijariakarama Gûdimnik.

5 Pitjutekaratik illuluktut ômisuktut uṽamnik, tâpkoa unurnersauvut nutjánit pigijamnit niakumne. Sullinatik ômisuktut uvamnik asseroijullo, pitsartojoksôvut. Akkilêjariakarpunga aksârnerilaungitamnik.

6 Gûde sillainera kaujimavet, akkiliksakkalo iersimangilet sângne.

7 Nerriuktut illingnik kangusuktitaunkiarnagit uvamne, Nâlegak, Nâlegak Zêbaot; kangusumut aupalerkoniarnagit uvamne, kennertut illingnik, Israelib Gûdinganik.

8 Pivlutit mamailisartaunelijarama, kênara nânavok kangusuktitaunermik.

9 Tujormijangolerpunga kattangutimnut, illitarijaunangalo anânama kittornganginnut.

10 Illungertornerub igluit pivlugo nungutimanga, okautekaluktullo illingnik okarnerlungningita tupvigivânga.

11 Kêajungalo nerritaililungalo illapsungnartomik; mittautigijauvungalo tappilugo aglât.

12 Attisimavunga pôksaijamik, okausiovakpungalo tâpkonunga.

13 Ittertarvingme iksivajut kannekadlarvigivânga, immerkattauvingnelo imertigivânga.

14 Uvangale tuksiarpunga, Nâlegak illingnut nellitome kuvianartome; Gûde pitsiatoksonit pivlugo tussalaunga ika-jornernut nertornartomut.

15 Piulilaunga akkilupingmit, kiverkonanga; piulijaukovlunga illulugvigijimnit, imânillo ittijomit.

16 Ullitornek ippititserkonago, ittinerlo êserkonago uvamnik, ittersâlublo pânga kollimne kôkonago.

17 Tussalaunga Nâlegak, pitsiarnit mannigornarmat; sâvinginga nâpkiningsersoarnit malliklugo.

18 Kênaillo ijerniarnago pît kivgakotingnit; kappiasukama tussasâlaunga.

19 Tarniga najulauruk piulilugolo, kippaludjarlaunga ômigijikka pivlugit.

20 Mamailisartaunera kangusuktitauneralo illerasuktitauneralo nellungilettit; akkerartortikka illunaita sângnêput.

21 Mamailisartaunerub ômattiga serkomipâ kappiasuktilungalo. Uttakkivunga illapsugosuktokaralloarmangât uvamnik, pittakangilarle; mannigoijunnglo, nachvâtsengitungale taimaitunnik.

22 Sungarmik nerripânga, sêrnartomiglo immertipânga imerungnimne.

23 Nerrivingæt nigangortuksaule sângine, akkiniarutigilugolo, mikkigiarilugo pigilitsuk.

24 Ijingit takpêlit tautukonagit; koktorangillo ajalutsainarlit.

25 Nâpkigosujuinernik koverikit, ningarnivillo illungertortub tiguligit.

26 Iglungit innuêrutsaulit, innukaranelo tuppingtonne iglokartunnik.

27 Annaulilauktet unangmingmatsuk, ikkilertavillo ániangi-
ngit akpautigivait.

28 Ajortunnut kattakattarlit, perkonagit idluarnernut.

29 Péjartaulit inôjut aglanginnit makpertanit, idluartullo
aglakassiutitaukonarnagit.

30 Uvangale pattangavunga, ániadlarlungalo. Gûde ikajor-
nivit sapputilinga!

31 Gûdib attinga nertoromavara imgerumut, angijomiglo
opigijomavara kujalinermut.

32 Tamana Nâlekab kuvianarnersariniarpâ tuktuvangmit,
naksulingmit kukkilingmillo.

33 Pattangajut tækkovât kuviasulutiglo; Gûdemiglo ken-
nertut ômattingit ômaniarput.

34 Nâlekab aklujut tussarmagit, parngnanairsortaumajoko-
tinnelo nachogingilait.

35 Killaublo nunablo, imarbiksublo, tamaitalo aulajut tâp-
konane nertorlitsuk.

36 Gûdib Zione ikajorniarmago Judablo iglugaseksoangit
iglugaseliorniarpait, tagvane iglokartokarkovlugo, perkutigijau-
kovlugillo.

37 Kivgangitalo kinguvângita kingormgutijomârpait; attinga-
niglo naglingniktut tâpkonanêtuatsainaromârpait.

IMGERUT LXX.

Tuksiarnek ikajortaujomamut.

Davidib imgerutâ imgerutigilugo erkaumanermut.

2 ERRINISUGIT Gûde piulijomavlunga, Nâlegak, ikajor-
lunga.

3 Kangusuglit, kangusuktitautillo tarnimnik pijugaklertut;
kingorpiosartitautilt mittautaulillo idluitomik pekarkojijut
uvamnik.

4 Utteriakarlit kangusumut, nipliajutekartut uvamnik:
Takka, takka!

5 Kuviasuglit, serrilillo illingne, illingnik appertsutekartut;
piuliklernerniglo naglingniktut, okatsainarlit: Gûde nertor-
taudlarle!

6 Uvangale pattangavunga, akludlarlungalo; Gûde kaisâr-
vinga. Igvit ikajortigivagit, piulijigilutillo; Nâlegak mullu-
niarnak!

IMGERUT LXXI.

Tuksiarnek piulijajomamut.

NALEGAK tettigivagit; kangusuktitaukoniatsengilaungatôk.

2 Piulilaunga idluarnernut, ikajorlungalo; siutit manniuk uvamnnt, piulilungalo.

3 Torkorviksakauteôlaurit sôngojok uvamnnt, kemâvigitt-sainarungnartara, angilauktotit ikajoromaganga; igvit kairtorigapkit, serngnigijiksakautigigapkillô.

4 Gûdik ikajulaunga Gûdekangitut agganginnit, idluitub attanniâlojub aggâlunginnit.

5 Igvit nerriungnerivagit, Nâlegak, Nâlegak sungertutigijara innuosungnimnit.

6 Igvit tettigilaukpagit anânab timinganit, igvit anânama timinganit nussulaukparma. Nertordlernerâ sângnêtsainarpok.

7 Unnuktunnut tattamnartotut ipunga; igville sungertutigivagit sôngojok.

8 Kanera tættæle nertordlernermik illingnik, nakorsarnermiglo illingnik uvlut tamaita.

9 Eginiaarnanga innutokaunimne; kemangniarnanga sangênaruma.

10 Omigijikka okarmatta akkerartorlunga, tarnimniglo pinasuartut, kachimiokattigêkput,

11 Okarlutiglo: Gûdib kemakpâ; udlanigitse, tigulugolo, piuliklertekangimat tagvane.

12 Gûde ungasingniarnak uvamnnt; Gudik errinisugit ikajoromavlunga.

13 Kangusuglit nungutaulillo tarnimnik akkerartortut; kangusuktitaunermut mittautaunermullo imusertaulit, kanoênimnik kennertut.

14 Uvangale nerriutsainaromavunga, nertortaunillo tamât angijorortitsomavara.

15 Kanerma idluarnit okautigijaksarivâ, uvlut tamaita piuliklernit; kittitsungnangitakka.

16 Arvertaromavunga NâleKab, NâleKab pitsartuningane; idluarnit nertoratuarijomavara.

17 Gûde igvit innuosungnimnit ajochertorlaukparma; manalo tikkidlugo tattamnartullinitit okautigivakka.

18 Kemangniarnangatauk innutokaunimne kêrtônaruma; tallit okautigilugo perkârtinanga kittorngat kittornganginut, pitsartunillo, illunainut tikkitsomârtunnut sulle.

19 Gûde idluarnit pôktovok, pinniarnersoarnik piniartotit. Gûde kia adsigivâtit?

20 Igvit tukkisitilauramga kappiaktoanermik akkulaitomik angijomiglo, annapiktiparmalo, kagvertilungalo nunab ittining-innit.

21 Angijorortidlarparma, mannigormilungalo.

22 Tagva kujagivagittauk Psalterisijarnermut nertornarnît pivlugo; imgerlunga nertorpagit Harfesijarlunga, igvit hailigeô-jotit Israeleme.

23 Kangasinâka igiakomijarpûk nipliajorvigigupkit, tarnigalo piulilauktet.

24 Okamatauk uvlut tamaita idluarnît imgerusiorutigivâ. Illerasuktuksaungmatta kangusuktitaujuksaungmattalo kanoë-nimnik kennertut.

IMGERUT LXXII.

Nellautainek Kristusemik tâpsomalo nâlegauvinganik.

Salomomut

GUDE, idluarsainît tunnilauruk attanermut, idluarnillo attan-
niub erninganut.

2 Idluarsaikovlugo inugiartoksoakotingnik idluarnermut, ajulertokotingniglo nâmanermut.

3 Kakkat ullapirsauumik kaitsilaulit inugiartoksoarnut, kak-kârulaillo idluarnermik.

4 Tâpsoma pattangajut inugiartoksuit akkorngæne idluar-
nermik sakkêviginiarpait, aklujullo ikajorniarpait, okumaik-
sartitsijullo egilugit serkomitsomârpait.

5 Sîvuragijaujomârpotit sekkinekartillugo tækkekarninga-
nelo, kinguvârênut illunainut.

6 Akkaromârpok sillaluktut nunamut iviksukatalingmut
nakkarsimaviojomut sorlo, kutititut nunamik kausertitsijutitut.

7 Tâpsoma nelliuningane idluartok nuvugolâtâromârpok
ullapirsautekaromârlunelo angijomik, takkekarungnaininga tik-
kilugo

8 Attanniotijomârpok imarbingmit imarbiksub aipâ tikki-
dlugo, kôksoarmillo nunaksub issungit tikkidlugit.

9 Sângane okkoleromârpok sunakajuitomêtut; ômigijingillo
sanningnik alluktoromârpok.

10 Attannît Tarsisemit, kikkertennillo pilliutinnik kaitsijo-
mârpok; attannillo Arabiab, Sebablo attaniovingangnit tunner-
gutitik âtsijomârpok.

11 Attannît illunatik tuksiarvigijomârpât, nellojullo illuna-
tik kivgartoromârpât.

12 Piulijomârmago aklujok nipliajok, pattangajorlo ika-jortekangitok.

13 Erkanangitut aklujullo nikkagijomârpait, aklujullo tar-ningit ikajoromârpait.

14 Tâpkoa tarnangit uivêrijaunermi namangitullivionermillo piulijomârpait; aungæлло akkitonasugijaujomârpok tâpsoma sângane.

15 Inôjomârpok, tunitsiviojomârlunelo Goldemik Arabiamib attaniovanganit pijomik. Tuksiarviotsainaromârpok, uvlut tamaita nertortaujomârpok.

16 Kakkôjaksallo akkulaitôjomârpok nuname, kakket kemerdluanguine; perorkterningillo aulajomârpok Libanonetut; nuilerlutiglo tungujoksileromârpok iglugaseksoarnit, iviksukatitut nunamit sorlo.

17 Attinga itsainaromârpok issokangitomut; sekkiniekarningane attinga kinguvângnut tôgomârpok, saimausertaujomârpullo tâpsomunga; nellojut illunatik nakorijomârpât.

18 Nertortaule Gûde Nâlegak Israelib Gûdinga, tattamnar-tullitotôjok!

19 Nertortaule attinga ânanaudlartok issokangitomut; nunello illunaita nâmalerlit nertortauninganik, Amen, Amen.

20 Davidib Isaib erningata tuksiarningit sorairput.

IMGERUT LXXIII.

Gûdib nellonarninga idluartut idluitullo pîvlugit.

Assafib imgerutâ.

ISRAELIB sulle Gûde mannigorneriva, ômattekartuinarpat ivsornaitomik.

2 Uvanguale akpalektorkasalaukpunga ittikamnut, ablornera siargikasalaukpok.

3 Nertortinasuartut sinaungalaungmatta uvamnut, tækko-laurama Gûdekangitut kannoêngitsiarlaungmatta.

4 Serlekilungimatta tokkotik tikkidlugit, pitsartuningæлло nukkiksasimatsiarpok.

5 Kannoêtomêlungilet innuktitut assingitut, innuktitulo assingitut pagvisartaulungilet.

6 Taimaimat tappatonitik pinnarnarutigivât, uivênitiglo annorâritsiarpât.

7 Kênangit ðingomavut kuinimut; ômattib issumagituinar-tangit pinniarpait.

8 Tamainik asseroivut, kassélutiglo okausekarput aksoror-
nermik; sôngojunnik okausekarput.

9 Okarningæt killangmit pijotut ituksauvok; okausingillo
nâlektajuksauvut nuname.

10 Tamana pivlugo innukotingit tagvunga sâlerput, tavane-
lo imiksoatik amigangitomic nachvârpât;

11 Okarlutiglo: Kannok Gûde kaujijuksauva sunamik?
Kotsingnerpâglo nellojungnaituksauvâ?

12 Ahâk, tagva Gûdekangitôvut, tâpkoa pillorikput sillak-
soarme, kattersoilutiglo akuinermik.

13 Sullinanga ômattiga ivsornaitipara, ubvarlugillo aggakka
passijaksaunginerme.

14 Pagvisartaulungalo uvlut tamaita, pitlartaunera uvlâne
illunaine tagvanêpok.

15 Taimak okaromanajalaurumatauk, ahâk, tagva kit-
torngavit kinguvârêngit erkartorajarpakka.

16 Issumaksarsiorutigilaukpara ipaksijomavlugo; ajurlauk-
parale.

17 Itterkârtinnanga Gûdib ivsornaitovekotinganut, tâpkoalo
nâningit kamagilugit.

18 Siarginartomulle pitituinarpâtît, ochotilugillo serko-
merkovlugit.

19 Ila tagvainak nungutauvut! Sutairput naggatekarlutiglo
kappianadlartomic.

20 Sinektomanertut tuppaksimanerub kingorngane, taimak
igvit Nâlegak tâpkoa tautungit nachonartipâtît iglugasek-
soarme.

21 Omattinne taimak kaivitillugo, kakkitilugolo taktumne:

22 Tagva sillaitôlaukpunga, kaujimalaungilangalo sunamik;
ômajotun-ilaukpunga sângne.

23 Sulle illingnêtuatsainalaukpunga; igvit tigumilauramga
aggangnut tallerpingnut.

24 Igvit tessiorparma attanertuinît malliklugo illaliorsinar-
niarparma nertornauserlunga.

25 Igvit pigituinarupkit, tagva killak nunalo kujanarutigi-
vâka.

26 Timigalo tarnigalo perleralloarpannik, tagva igvit Gûde
sulle ômattima mannigornerivâtît illangiusiarivagillo.

27 Ahâgle, illingnit nûlertut nungujomârmatta, illunaita
idluitullivigijitit nungupâtît.

28 Tamanale kuvasutigivara, Gûde ungagilugo pigama,
sungertutekarlungalo Nâlekamik Nâlekamik piniarnitit tamaita
okautigilugit.

IMGERUT LXXIV.

Nellautainek okpertokattigêt siorniörningit pivlugit.

Assafib illisaininga.

GUDE sôg ajáktormarikipittigût? ningarnillo isserluka saugakotitit pairijáttit pivlugit?

2 Illagêktokotitit erkarkit, itsaksoarmit pinialauktáttit, kingormgutijaksarnullo piulilauktáttit; kakkak Zion innigiját (erkaruk)!

3 Ittikketit kivikit serkomakunut sorajuitunnut. Omisukte tamainik asseroimavok ivsornaitovingme.

4 Akkerartortitit iglokotivit kattimaviksaujub illuane kal-lingoarput, nellonaikutatiglo illivait, nellonaikutaukovlugit.

5 Tâмна (ômisukte) sakkerpok kinatut ullimautekotiminik kongmuartitsijotut nappártut akkulaitut kângine.

6 Manale senangoarsimaningit kepperoksimajut (Tempelib) illunaita serkomilugit ullimârpait ullimautinut ujaratsiarnullo.

7 Ivsornaitovekotit ikkipât atterpillo iglunga ivsornaijung-naitipât.

8 Okarput ômattimingne: Asserorlavut illunaita! Gûdib kattimavikotingit nuname illunaita ikkipait.

9 Nellunaikutavut tækkolungilavut; nellautaijokarrungnai-pok; kinakangilarlo uvaptingne kaujimajomik namût.

10 Gûdik kanok sivitutigijomik akkerartorte suartuksauvâ, ômisuktiblo attit taimak okarnerlotigijaksarivaûk?

11 Sôg aggaktit tallerpillo allarpigît? Amukit ikkiarnit nungutsilutillotók!

12 Gûde attanerigapko itsarnit, ikajornernik sunatuiner-nik pinniartok nunab kerkane.

13 Igvit imarbik avikpet pitsartunernut, ômajoáluillo nia-kungit serkomikpáttit imâne.

14 Igvit arvit niakungit avârlugit serkomipáttit, tunnilu-gillo nerkiksautilugit innugiartoksoarnut sunakajuitomêtunnut.

15 Igvit puailavingnik kôgniglo puailakojivotit; igvit kôk-suit kôtsainarlauktut imekarungnaitipáttit.

16 Uvlok perkutigivet, unnuak perkutigivet; igvit uvloritset sekkinerlo ákiksulaukpáttit.

17 Igvit nunab kigililervingit illunaita illiváttit; aujarlo ok-kiorlo pingortipakik.

18 Tagva erkailerittok, ômisuktib Nâlegak mamailisarmago, innukattigêllo sillaitut attit okarnerlotigingmatsuk.

19 Taubekotivit tarninga tuniniarnago pît, ômajoâlungmut, pattangajokotivillo inôsingit puigormaringniarnagit!

20 Angernekk tækkosaruk; nunab târninginne nâ mangmat inninik uivênellingnik.

21 Erkanangitok kangusuktitaavlune aularkotailiuk; pat-tangajut aklujullo attit nakorilitsuk!

22 Makkilerit Gûde, pinniaraksatillo pinniarkit; mamaili-sartaunek erkaruk, uvlut tamaita tukkisijet sillaitunnit.

23 Omigijivit nipliadlarningat puigorniarnago; akkerartor-tivit perajaludlarningæt pivalliatsainarpok.

IMGERUT LXXV.

Kujalinekk Gûdemikk, innuit piojorijut uivêtullo mannigotititau-ningæt pivlugo.

Assafib imgerutâ tuksiarutâlo imgerutigilugo: Asseroiniarnak.

2 KUJAGIVAPTIGIT Gûde, kujagivaptigit, attit kannid-larmat; tattamnantullinitit okautigijauvut.

3 Nelliunera tikkisimakpât, tagva nâ maktomik erkartuijo-mârpunga.

4 Nuna sajukpilukpok, illunatiglo iglokartut tâpsomane; uvangale sukkangit najumivakka Sêla.

5 Nertotigosuktunnut okalaukpunga: Nertotiniarase taimak; Gûdekangitunnullo: naksut tellijiniarassigik.

6 Nakjuse kongmuartiniarassigik taimak; keppêserluse okarniarase.

7 Illimanartokangilak, sekkerngub nuininganillonêt, nippi-ninganillonêt, kakkanillonêt sunakangitomêtunnit.

8 Gûde idluarsaijôngmat, ôminga miklilertitsijok, ipsoming-alo angijorortitsijok.

9 Nâlegak ermgiarsungmik tigumiarmat aggangminut, Weinellingmik pitsartujomik aituilunelo tâpsomangat; Gûdekang-itulle nuname illunatik puvjupsautingit alluktoraksarivait, imeraksarilugillo.

10 Uvangale nellonêrsijomavunga soraijunanga, Jakoblo Gûdinga imgervigijomavara.

11 Gûdekangitullo naksungit illunaita serkomitsomavakka, idluartut naksungit kongmuartitaukovlugit.

IMGERUT LXXVI.

Kujalijutiksak piulijaunek ômisuktunit pitsartujunnit pivlugo.

Assafib imgerutâ nokakseralingnut imgerutigilugo.

2 **GUDE** Judame illitarijauvok, Israelemelo attinga angijôvok.

3 Tuppunga Salemêpok, iglungalo Zionemêpok.

4 Tagvane pittiksib karkjungit, sappulutât, saviksuit, unatarnerlo navikpait, Sêla.

5 Igvit ânanaunersauvotit, sôgonersaulutillo arktaijut opingaijoâluit kakkagijanginnit.

6 Sivurajuitut aksârnigaujungorsimavut, sinnisilerlutiglo sinimingnik; sôngojuillo illunatik aggairsivut.

7 Suarnernut Gûdeôjotit Jakomut, sinisilerput tamarnik Horsit kemuksertullo.

8 Igvit kappianadlarkotit, kina sângne nangerungnarka ningaleruvit?

9 Idluarsainêrub kajusimaninga tussartaukogungne killangmit, tagva nuna koaksârpok innilangalunelo;

10 Gûde makkilerpât idluarsailune, pattangajut nunname ikajoromavlugit, Sêla.

11 Inuit kenajungninginut igvit nertornartigavit, tapseruserutekarpotillo kanningajârnernub amiakunganik.

12 Nâlegak Gûdise angervigissiuk pinniarvigilugolo tamatominga. Illunatik tâpsoma illumajingit pilliutitik kaitsilerlit koaksârnartomut,

13 Attannernik maksoajungnaititsijomut, sivôranartomullo attannersoarnut nuname.

IMGERUT LXXVII.

Okpertut ôktortauningânnik manigorutiksanginiglo.

Assafib imgerutâ imgerutigilugo Jedutunemut.

2 **NIPLIADLARPUNGA** nippimnut Gûdemut; Gûdemut nipliadlarpunga, tâpsomalo tussarpânga.

3 Kappiaktoadlarnima nelliuningane Nâlegak kennerpara; aggakka unnuame issangavut katsunganatiglo, tarniga manni-gortaukojomangimat.

4 Gûde erkaumavara uimajâdlarlungalo; issumaksarsiorpunga, annerneralo illungudlarpok, Sêla.

5 Ijika taimailingatipakik pigârkovlugik; taimâk koksala-ngavunga okarungnanginama.

6 Nelliutok itsanitak, Jârillo kângertut erkaumavakka.

7 Unnuarme nokakseralijarnera erkarpara, okausekarpunga ômattimnut, annernera issumaksarsiorpok.

8 Nâlegak tagva issokangitomut ajâktuijomârkâ, illanêr-sarnekarungnailunelo?

9 Pitsiarninga soraimarikâ? angersimanerlo naggatekarka soraijuitomik?

10 Gûdib saimarvikarneku puigoromavauk nâpkinisingninelo ningarlune parngnanairkaûk? Sêla.

11 Sulle okarpunga: Tamattominga tukkisijariakarpunga; kotsingnerpâb aggangita tallerpingita tamaita ablatsângortit-sungnarpaik.

12 Tamanna pivlugo Nâleka pinniarningit erkarpakka, ila tattamnartullinilauktât it itsaksoarme erkaumavakka.

13 Pingortitât it tamaita okauserivakka, issumaksarsiorutigilugillo piniarnit.

14 Gûde apkosinerijât ivsornaitôvok. Nane Gûdekarkâ taimak angitigijomik, illiktut Gûdeôjotit itomik?

15 Igvit Gûdeôvotit, tattamnartullijok; pitsartunît sakker-tilaukpet innukattigêksoarne.

16 Igvit innugiartoksoakotitit piulilaupât it tallermut pitsartudlartomut, Jakob Josefibo kittorngangit, Sêla.

17 Immaksuit tækkolaukpât it, Gûde immaksuit tækkolaukpât it, kappiasulerlutiglo, ittinerillo iktullijâlaukput.

18 Nuvujat immermik kovisilaukput, nuvujat kallilaukput, karkjutillo ingergausadlilaukput tagvunga.

19 Kallukotit tussaksaulaukpok kilangme; kaumalait sillaksoak kaumartilaukpât; nuna koaksâdlilaukpok sajukpiludlar-lunelo.

20 Apkut imarbingmêlaukpok apkosinillo imaksoarne, sullele ittikkatit mallugijaulaungilet.

21 Inugiartoksoakotitit tessilaukpât it saukatitut kattimga-jutitut Mosekut Aronekullo.

IMGERUT LXXVIII.

Gûdib tessiørningninganik nertornartomik innugiartoksoakotiminik tappatôjunik.

Assafib illisaininga.

INNUGIARTOKSOAKOTIKKA malligaksaukojakka tussarsigik, siutise mannisigik okama okausinginnut.

2 Kannerä angmaromavara issumaksarsiorutiksannut; nel-laupsarutiksannik itsaksoarnitanik nellonaijajomavunga;

3 Tussalauktaptingnik, tukkisilauktaptingniglo, atâtagijap-talo unipkâlauktanginik uvaptingnut.

4 Kittorngangit unipkautitaililugit tamakkoninga pijuk-saunginapta, kinguvârêllo nellojungnaititaksarigaptigik Nâleka-b nertornarninganik, pitsartuninganiglo, tattamnartullininginniglo, pinnialauktanginnik.

5 Tâpsoma kigligiudsinek âkiksulaukpa Jakokune malli-gaksallo tunnivait Israeleme, perkolauktangit atâtagijaptingnut, ajochertorutigilugit kittorngamingnut perkovlugit.

6 Kinguvât kaujimakovlugit tamakkoninga, sorrutsillo innu-leromârtuksat sulle; inunariolerunik kittorngatiktauk nello-jungnaitilugit tamakkoninga perkovlugit.

7 Tettiksamingnik tungakovlutik Gûdemut, puigornatiglo Gûdib pinniarninginnik, perkojanginniglo nalekovlugit.

8 Atâtagijangititullo îlerkonagit, kittorngarêngolauktutitut kemaijut Nâlekamik, tappatojullo; ômattekalaungitut sokkosi-juitunik, anernekalaungitullo nertornartomik ungajomik Gûdemik.

9 Eframib kittorngangititut sakkolijarlutik pittikselijarlut-iglo kemaijut sorsungnerub nelliuningane,

10 Gûdib angersimaningit nâlelaungilait, malligaksauko-janginnelo arvertaromalaungilet.

11 Pinniarningillo tattamnartulliningillo puigorpait, sakker-tilauktangit tâpkonunga.

12 Atâtagilauktangita sânginne tattamnartullilaukpok Egîp-tenib nunangane, Zoanib naternangane.

13 Imarbik avikpâ pissukolugillo tagvûna, imaklo kakkâ-rulaktitun îtipâ.

14 Uvlôtillugo tessiulaukpait nuvujakut, unnuarmelo ikko-makut kaumajokut.

15 Kairtut koppilaukpait sunakajuitome, imertipaillo kông-nut sorlo, amigangitomik.

16 Kôgut kôlertilaukpait kairtunnit, immiksuillo kajumikti-laukpait unnunga, kôksoatut îtut.

17 Sulle idluitulliganilaukput tâpsomunga, kotsingnerpâk ningaksarlugo sunakajuitome.

18 Gûdelo ôktorpât ômattimikut, nerkiksakarkojinermut tarnemingnut.

19 Gûdelo akkerartorlugo okautigivât okarlutiglo: Gûde nerrimaraksamik âkiksuijungnaralloarkâ sunakangitome?

20 Ahâk, kairtok annaulauralloarpâ imiksuit kôlerkovlugit, kôgullo iggerkovlugit, kissianele innukotine kakkôjanik nerke-miglo sakkêvigijungnaralloarivagît?

21 Nâlekablo mâna tamanna tussaramiuk illungertulerpok ikkomakalerporlo Jakokut akkerartorlugit ningarnerlo kong-mualerpok Israelekut akkerartorlugit;

22 Gûde okperilungimatsuk, ikajorningalo sungertutiginago pingmatta.

23 Nuvujallo takpâne perkovait, killaublo upkuanga angmarpâ;

24 Sillalugviokovaillo Mananik, nerkiksanginut illingajunik, tunnitsivigivaillo killaub kakkôjanginnik.

25 Illunatik Engelit kakkôjanginnik nerrilaukput, tilliklervigivait nerkiksannik amigangitunnik.

26 Unangâk unangârkovâ killaub attâne, pitsartunerminullo uarngrnerluak annordlertipâ.

27 Nerkemiglo sillalugviotipait sanniktitut tingmianiglo merkolingnik siorkatitut imarbiksub sikjanganêttitut itunnik.

28 Kattaktipaillo tâpkoa tangmârvingæta kerkanut iglungita avatânut illunane.

29 Tagva nerrilaukput namaksimaridlarlutiglo, ikligosungningit namaktomik attortaukovait tâpkonunga.

30 Ikligosungnitiglo attorêrlaungimatsuk sulle, nerkitiglo kanninginnêtillugit:

31 Tagva Cûdib ningarningata makkitavigivait naktertitsilunelo kuinijunginit ochotilaitalo Israelib angutingit innuosuktut.

32 Taimailauralloarmat, idluitulliganerput sulle, okperatiglo tattamnartullininginnut.

33 Tamanna pivlugo maungatuinak tokkolaukpait, sunamik anguserkonagit, inôtsitiglo nâvlugit kappiasugariakalaukput.

34 Naktertilaurangagit tagva apperkutigivât, sâlerlutiglo, Gûdelo kennerpât.

35 Erkailerlutiglo Gûde kairtorigamitsuk, Gûdelo kotsingnerpâk piulijigigamitsuk.

36 Takkomôrvigivâllo kannermingnut, saglokilugolo okamingnut.

37 Omattingille sokkoseratik tâpsomanêlaungilet, nertornarlutiglo angersimaninga kamagilaungilât.

38 Tâmnale nâpkigosulaukpok, idluitullinerillo issumagijungnaipait, nungutailivailo; ningarninelo allartikattarpâ, kainingajarninelo illunât tuppakolaungilâ.

39 Erkaigame, uviniôngmatta, annore ingergausadlartok, utterniatsengitorlo.

40 Kannok unnuktoêrtorlutik ningaksalaukpât sunakajuitome, illuluktilugolo innukajuitome!

41 Gûdelo ôktutsainalaurivât, sannikteritilugolo Hailigeôjok Israeleme.

42 Tâpsoma aggangit erkaumalaungilait uvlorme taipso-
mane piulilaungmagit ômisuktunnit;

43 Kanok nellonaikutane pinnialauramigit Egipteneme, tattamnartullininelo Zoanib naternangane;

44 Taipkoa kôngit ablatsângortilaungmagit aungmut, immerungnarkonagit kôngmingnit;

45 Omajokulluit pagvisartokulluit tillilaungmagit tâpkoa akkorngænut nerrijut tâpkoninga, narnâjillo asseroijut tâpkoninga;

46 Perortokotingillo tunningmagit aubvinnut, kângasutekotingillo piglertaujærtunnut;

47 Nappârtokotingit Weinelihsat annaulermagit nettarkonarnut, nappârtokotingillo Maulberigit nettarkonâlungnut;

48 Nergjutekotingit tunnilaungmagit nettarkonarnut, kattimgajokotingit kaumalangnut.

49 Ningarnime aumauninga, kanningajârnek, saimajuinek, kappiasungnerlo tillilaungmagit akkorngænut, Engelit idluitut kattimgajut illaliudlugit;

50 Ningarnine apkosinelior timago, tarningillo ivlerilaungmagit tokkomit, nergjutekotingillo tunnilaungmagit nussilingnartomut;

51 Erniangokârtut illunaita Egipteneme annaulilaungmagit, pitsartunerub sivurlingit Hamib iglunginne;

52 Innugiartoksoakotinnelo aulartimagit saukatitut, tessiulaungmagillo kattimgajutitut sunnakajuitome.

53 Ussornarnartomik tessiulaukpait, erksilerkonagit; ômigijingille ullutsaumalaukput imânut.

54 Alaukpaillo kigililervekotime ivsornaitut illuænut, kakkamut ômunga, tallerpingame piniarnerilauktanganut.

55 Aulartilaukpait, tâpkoa sivurngæne innukattigêksuillo kingormgutijakartilugillo imeraut malliklugo, taipkoalo iglunginne Israelib kinguvârêngit innekarkovait.

56 Kissianele Gûde kotsingnerpâk ôktorlugolo ningaksarpât kigligiutsiningillo nâlelaungilait;

57 Tunnulaukpullo, nertornartaililutiglo atâtamiktut, katsungainatiglo, pittiksetut kassungajotut;

58 Ningaksarlaukpâllo pôktojojokotimingnut, illungertortilugolo Gûdingoakotimingnut.

59 Gûdiblo tamana tussaramiuk illungertudlalaupok egildarpaillo angijomik Israelitit;

60 Iglune Silome ipperaramiuk, tuppek, inuit akkorngane innekarutigijane;

61 Pitsartuningallo tunnivâ parngnanairsimavingmut, ânauningalo ômisuktub agganginnut;

62 Innugiartoksoakotinnelo tunnivait saviksoarmut, kingormgutijanelo ikkoâlajutigivâ.

63 Ikkomab angutingit innuosuktut nerrilaukpait, uigasukotingillo aipakarungnalaungilet.

64 Ajochertuijungit ochotitauvut saviksoarmut, uigarningillo kêajungnalaungilet.

65 Nálegarle tuppalaupok sinniktotut; sorlo sôngojok igi-
akomijarmat Weinetulauktok.

66 Omigijinelo anaulerpait tunuanit, kangusungnekartipaillo
soraijuitomik.

67 Josefiblo tuppinga ipperarpâ, kinguvârêllo Efraimekut
annerilaungilait;

68 Annerilaukpaille kinguvârêt Judakut, kakkak Zion nag-
ligijane.

69 Sennavâlo ivsornaitovekotine killaub pôktoningatut, nu-
natut tunganilitilauktamitut soraijuitomik.

70 Annerilaukpâlo kivgane Davide, tiguvâlo saukat iglu-
nginnit.

71 Saukanit sârliartunnit ailaukpâ, innukotingit Jakokut
pairilugit pijuksaungmat, kingormgutijangalo Israelitit.

72 Tâpsomalo pairilaukpait ômamut idluitailijomut, tessior-
laitalo aggangnut sillatojunnut.

IMGERUT LXXIX.

*Arusungnek ômisuktut pivlugit, Gûdemik mittautekartut,
idluitullijullo tâpsoma innukotinginut.*

Assafib imgerutâ.

GUDE nellojut ittârsimavut kingormgutijarnut, Tempeleko-
tillo ivsornaitok ivsornartilaukpât, Jerusalemelo ujarangortilaukpait
kallerêktunnik patsalungajunik.

2 Kivgakotivit timingit annernengertut tunnilaukpait ting-
mitsenut killaub attânêtunut nerkiksaukovlugit tâpkonunga,
ivsornaitokotivillo uvinigut ômajunnut nunamêtunnut.

3 Tâpkoa aungit kovilaukpait imektut Jerusalemib avatâne;
illuverksijokalaungilarlo.

4 Sillalipientun kangusuktitaksangorpogut, mittautiksang-
orlutalo, allêkutiksangorlaptalo avatipientunêtunnut.

5 Nâlegak kannok sivitutigijomik ningaromamarikit, illu-
ngertornillo ikkomatut ikkoalakojomaviûk?

6 Kaningajárnit nâviuk nellojunnut illitarksingitunnut illi-
ngnik, attaniovningnullo nipialungitunut atternut.

7 Tâpkoa Jakokut nerrilugit nungulaungmagit, iglungillo
asserormagit.

8 Idluitullinerilauktavut issumagitailikit, pârtaukosârtigut
nâpkingingnertut; akkutôjungorapta.

9 Ikajortigut Gûde, ikajortivut atterpît nertornauta pivlugo;
piulitigut ajornivullo ullapkoserkit attit pivlugo.

10 Sôg nellojut okartuksauvât: Gûdingæt nanêka mânia? Nellojut akkorngæne iijpta sângine, nellonairtaule kiygakotivît aungita kovijaumajut akkiniartauningæt.

11 Parnngnanairsortet annersaumingit tikkilaulit sângnut tallivît angininga malliklugo, kittorngat tokkotaksat sapputikit.

12 Sillalivullo akkiniarkit ikkianginut 7 ertorlugit, mamailisainingit, mamailisaijutigilauktangit illingnik Nâlegak.

13 Uvagulle innukotitit pairksinivillo saugangit kujagijomavaptigit issokangitomot, nertornarnillo okautigijomavavut soraijuitomik.

IMGERUT LXXX.

*Tuksiarnek nappârtok Weineliaks, Gûdib illilauktanga
(okpertokattigêt) sapputijaukovlugo.*

Assafib ingerutâ ingerutigilugo.

2 IGVIT Israelib mianerijinga tussalaurit Josefekunik pairksijotit saukatitut; sakkijâlaurit iksivajotit Kêrubit kângine.

3 Pitsartunnit tuppaksaruk Efraimekut Benjaminekullo Manassekullo sângine, ikajoriartorlutalo.

4 Gûde mannigortigit, kênailo kaumalerle, tagva nekkoksiniarpogut.

5 Nâlegak Gûd Zebaot, kannok sivitutigijomik ningarosugomavît innukotivit tuksiarningit pivlugit?

6 Nerritipâttit kakkôjanik kugvinelingnik, imertilugillo ôktomot angijomot ullipkitomot kugvinnik.

7 Aivaniksangortipaptigit sillaliptingnut, ômigijiptalo mit-tautigivâtigit.

8 Gûde Zêbaot mannigortigit; kênait kaumalerle, tagva nekkoksiniarpogut.

9 Nappârtok Weineliaks ailaukpet Egiptenemit, nellojut aulartilaukpâttit, tâmnalo illilaukpet.

10 Sângane inniksakartitsilaukpotit amângillo siamaseriarkolaukpâttit; nunamik nâjimangmat.

11 Kakkât tachanganut ulliktaulaukput, akkerunginnullo Gûdib Cederekotingit.

12 Igvit perortungit siamartilaukpâttit immarbik tikkidlugo, akkerungillo kôksoak tikkidlugo.

13 Sôgle tagva avalungit serkomilauklaupigît nussuijaukovlugo illunainut senerkotunnut?

14 Kuingêngit nujuartut siggumingnut aggasorpât, nater-nablo ômajungita nerridlarpât.

15 Gûde Zêbaot sâlaurittôk; tækkosarit killangmit, tækko-nârlutillo, nappârtorlo Weinelihsak tâmna nellipsaruk;

16 Weinelihsak aggakpît tallerpikpît illilauktanga, ernerlo sokkosijuitomik anerilauktât.

17 Ikkomamut ikkitaumavok, ullimârtaumavlunelo asseror-taavok; kênavit suarninganut nungulerput.

18 Aggakpît, kollangiarlitsuk tallerpikpît angutinga, innub ernalinga sokkosijuitomik annerilauktat.

19 Tagva nûtsomalungilagut illingnit. Innôkolauktigut tagva attit nipliavigijomavavut.

20 Nâlegak Gûde Zêbaot manigortigut; kênait kaumalerle, tagva nekkoksiniarpogut.

IMGERUT LXXXI.

Kaiblainek: wloksiorvît wloksiorutigillugit Gûdelo nâleklugo.

Assafib imgerutâ nokakseralingnut imgerutigilugo.

2 **K**UVIASUKLUSE Gûde pitsartutigijavut imgervigissiuk; Jakob Gûdinga igiakomijarvigissiuk.

3 Tuksiarutsit pigiarsigik, killautillo kailersigik, Harfit tus-sarnertut, Psalterillo illagællugit.

4 Takkêlame tiptulausijaritse: takkiub angmaloriksini-ngane, uvloksiorvipta uvlungane.

5 Taimaitomik illusekarmat Israeleme, perkojangôlunelo Jakob Gûdinganit.

6 Taimaitomik pititsilaukpok Josefekut akkorngænnut kig-ligiudsinermit, aulalaurame Egiptenib nunanga akkerartorlugo, okautsinik tussarngârtanik tussalauktilluta.

7 Tuingit erksugakaêrutilaukpakka; aggangillo ukkusingê-rutitaulaukput.

8 Kappiasungnerne nipliavigilauramga tagva ikajulaukpagit; tussalaukpagit sillarnerlungme, ôktulaukpagillo Meribab imi-ngane, Sêla.

9 Okokse innukotikka, akkonapsingne kigligiudsijomavunga; Israelitiôjose kanoktôk nâleksinga!

10 Akkonapsingne Gûdekartuksaungilak assianik, Gûdelo tækkorngartak tuksiarvigijaksaringilasse.

11 Uvanga Nâlegauvunga Gûdise, aulartitsilauktok illip-singnik nunamit Egiptenemit. Kanise aitarsigik angijomik tættætilakka.

12 Innukotimale nippiga nâlelungilât, Israelitillo pijoma-lungilânga.

13 Taimak issumainâkitilaukpakka, agvertarkovlugit attannertuinitik malliklugit.

14 Innukotima nâlegomanajarpânga Israelitillo arvertaromakpatta apkosinimne.

15 Tagva ômigijingit nukingêrotisâromanajarpakka, aggakalo torârtitsomavlugit akkerartôrtinginnut.

16 Nâlekamik ômisuktut kenuvigijaksarinajarpait; tâpkoale nelliuningæt sorainiatsenginajarpok issokangitomut.

17 Uvangelo nerritinajarpakka kakkajaksanik nûmanerpânik, namaksitinajarlugillo igupsaujârtut orksuanut kairtomit pijomut.

IMGERUT LXXXII.

Kaiblainerit attannernik.

Assafib imgerutâ.

GUDE nangerpok Gûdib illagêktokotinginne, idluarsaijôlunelo Gûdit akkorngæne.

2 Kannok sivitutigijomik nâmangitomik idluarsaijomavisê, Gûdekangitullo kinauningit erkaginersarilugit? Sêla.

3 Aklujok illiârsuglo idluarnermik sakkêvigissigik, ajulerlorlo pêtôrlo ikajorsigik idluarnermik perkôvlugit.

4 Erkanangitok aklujorlo piulissigik, kellarudjarlugolo Gûdekangitut pitsartuningimit.

5 Kissianele illitarksingilet, kamalungilello tamattominga; tâksiutsainarput; tamanna pivlugo nunab tungavingit illunatik aulajariakarput.

6 Okalauralloarpunga; Gûdeôvose, kittorngauluselo illunase kotsingnerpâmut;

7 Tokkojomârposele innuktitut, sorlolo attannit assingit ochungmatta.

8 Gûde parngnailaurit nunalo idluarsaruk; igvit nellojut illunaita kingormgutijaksarigangne.

IMGERUT LXXXIII.

Tuksiarnek ikajortaujomamut ômisuktut akkerartorungnarlugit.

Assafib imgerutâ.

2 **GUDE** nippangerniarnaktôk, niplingitaililutillo taimak; Gûde inilanganiarnak taimak.

3 Ahâgle ômigijitit perajaludlarmatta, illuluktullo illingnik niakotik kagverpait.

4 Pingitsertortunik kajusimaneliorput innukotitit akkerartorlugit, kachimiokattigêlutiglo iersimajâttit akkerartorlugit.

5 Attê okarput, nungulavut innukattigêksoangojungnaikovlugit, Israelib attinga erkaumajaujungnaikovlugo.

6 Ila issumakarkattigêkput angerkattigêngnekartitsilutigo akkerartorlutit.

7 Edomiterit iglungit, Ismaeliterillo, Moabiterillo Hagariterillo.

8 Gebaliterit, Amoniterit, Amalekiterillo, Filisterit Tirusemiut illagilugit;

9 Assiriamiut illauvuttauk tâpkonunga, ikajorlutiglo Lotib kittornganginnik, Sêla.

10 Pinniarvigikit Midianiterititut, Siseratut, Jabinetut kôngme Kisoneme.

11 Nungutaulauktut Endoreme allorlungorlutiglo nuname.

12 Attaningit Orebetut Seebetullo itikit, angajokângit illûnaita Sebatut, Zalmunatullo.

13 Okartut: Gûdib iglungit aksârnigarijomavavut.

14 Gûde ullajujaktut itikit, ivît kippangititut annordlerpât.

15 Sorlo ikkomab nappârtut ikkingmagit, sorlolo ikkoalanerub kakkat ikkingmagit;

16 Taimak unangmikit sillarnerlukotingnut, koaksârtilugillo akkonaksoakotingnut.

17 Kênangit kangusungnekartikit illûnâne, attit apperkutiligugo pijuksaukovlûgit, Nâlegak!

18 Kangusuktuksavut, koaksâtsainartuksaulutiglo kangusuktitauksaularmiglo, nungujksaulutiglo.

19 Tagva illitarksiniarput, igvit attikkut atserartaumagavit Nâlegaujotôjomik, kotsingnerpâmiglo, sillaksoarme illûnane.

IMGERUT LXXXIV.

Gûdib iglungata kuvianarningit.

Kôrab kittorngangita imgerutingæt nokakseralingnut imgerutigilugo.

2 **K**ANNOK iglotit ânanauvaksôvut Nâlegak Zebaot!

3 Tarnima Nâlekab iglorusingit tussugivait, kêmigvigilugilo; timimalo tarnimalo Gûde ômatsainartok igiakomijarvigivâk.

4 Tingmiabtauk iglo nachvârpâ, tullugarnaublo uvlokarvine ivavigijane piarkaminik; Altarekotitit Nâlegak Zêbaot, attanerijara Gûdigalo.

5 Pillorikput iglungne iglokartut, tâpkoa nertutsainarpâtît, Sêla.

6 Pillorikput inuit pitsartunekartut illingnik; tâpkoa ômattingine apkosinekarpok sennamatsiartunnik.

7 Naksakôrtut kugvinelikut, puailavekartipât unnuktunnik; sillalungnerublo okkiaksanitab pitsornartipâ.

8 Arvertarput pitsartunermît pitsartunermut, illûnatik attunît sakkerkâratik Gûbib sângane Zioneme.

9 Nâlegak Gûde Zêbaot, tuksiarnera tussaruk; timeroleruk Jakob Gûdinga, Sêla.

10 Gûde sappulutarijavut, tækkosarittôk; mingoartavît kênanga tækkonâlauruk.

11 Uvlok attausek iglorosingnêdlune namanersaungmat uvlunnit assinginit tausendinnit. Upkuamik udsertorteôjomangârpunga. Gûdima iglungane, akkunît innekarnermit Gûdekangitut iglunginne.

12 Gûde Nâlegak sekkiniôngmat, sappulutaungmallo; Nâlegak saimarvekarnermik, nertornarnermiglo tunnijivok; idluitailijut ajoksarkoniangilait ajungitomik.

13 Nâlegak Zêbaot, pillorikpok innuk sungertutekartok illingnik.

IMGERUT LXXXV.

Tuksiarnek saimavionek nutângortitaukojomavluo.

Kôrab kittorngangita imgerutât imgerutigilugo.

2 NALEGAK nunakotit saimarvigilaukpet, parngnanairsortaumajullo Jakokut piulilaukpâtît.

3 Inukotitit issumagijungnaivigilaukpâtît idluitullinermît, ajorningillo illûnaita ullilaukpâtît, Sêla;

4 Kaningajârnît tamât sorailaukpet, allarlutillo ningarnivit aumauninganit;

5 Mannigortigut, Gûde, piulijivut, saimarvekajuinerlo uvaptingnik ipperaruk.

6 Issokangitomot ningarijomavittigût, ningarnillo soraijuerkojomaviük?

7 Nekkoksititsomanginivittigût, inukotitit kувiasugungnar-kovlugit pivlutit?

8 Nâlegak saimarvekarnît sakkijârle uvaptingnut, tunnitsivigilutalo piuliklernernik.

9 Tussaromavunga Gûdib NâleKab okauserijanganik; inukotine iysornaitovekotinelo ullapirsauunik angervigingmagit, amalô sillainartomot illingajuksaungilet.

10 Ila ikajorninga kannipok sivôrajunnt tâpsominga; nunaptingne opinarnekarkovlugo;

11 Pitsiarnek nertornarnerlo pârtigêkovlugik, idluarnerlo ullapirsaullo kunniktigêkovlugik;

12 Miksekârnek nuilerkovlugo nunamit, idluarnerlo tækko-sarkovlugo killangmit.

13 Ilâ Nâlekab ajungitomik tunnitsiviginiarpâtigut; tagva nunavut tunijiniarpok perortuminik.

14 Idluarnek arvertarniarpok tâpsoma kênangata sângane, tutininelo pitiniarpait apkosinermut.

IMGERUT LXXXVI.

Tuksiarnek siorniørnerme.

Dâvidib tuksiarninga.

NALEGAK siut manilauruk, tussalungalo, pattangagama aklulungalo.

2 Tarniga sapputiuk ivsornainama. Igvit Gûdik kivgaḡotit ikajolauruk, illingnik sungertutekartok.

3 Nâlegak saimarviginga; uvlut tamaita nipliavigigapkit.

4 Kivgavit tarninga kuviasuktilauruk; igvit Nâlegak kajungervigigapkit.

5 Igvit Nâlegak ajunginavit illaneksârlutillo; saimarvekarlutit angijomik, illânainut nipliavigijingnut.

6 Timerolauruk tuksiarnera Nâlegak, kennunermalo nippi-nga kamagilauruk.

7 Siorniornima uvlungane nipliavigivagit; igvit tussaramga.

8 Nâlegak illiktut-itokangilak Gûdit akkorngane, pittakan-
ngilarlo illiktut piniarungnartomik.

9 Nellojut illunatik pingortilauktattit tikkitsomârput, tuk-
siaromârlutiglo sângne Nâlegak, attillo opigilugo;

10 Angijoksôgavit taimak tattamnartullilutillo, Gûdeojotô-
gavillo.

11 Unertutilaunga Nâlegak apkosinernik, agvertarkovlunga miksekârnerne; ômattiga pituarijamêtitsainaruk atternik sivurakovlunga.

12 Kujagivagit Nâlegak Gûdiga, ômamut tamânut, attillo opigivara issokangitomot,

13 Pitsiarnît angidlarmat uvamnut, tarnigalo piulilaukpet kappianartovingmit ittijomit.

14 Gûde piojorijut akkerartorpânga, attanniâluillo unnur-
ningita tarniga unangmivât, illingniglo pekangilât ijimik sânginê.

15 Igville Nálegak Gûd, nâpkigosukpotit, saimarvekarosuk-lutillo, kennuêlutillo takopsoajoksôlutillo nertornartoksôlarpillo.

16 Sâviginga, saimarvigilungalo; pitsartunît tunnilauruk kivgakotingnut, ikajorlugolo kivgavît arnab erninga.

17 Nellonailiviginga, kanoêngitsiarkovlunga, tækkuksaukov-lugo ômigijimnut, kangusugariakarkovlugillo, igvit illilertoram-ga Nálegak, manigoramgalo.

IMGERUT LXXXVII.

Okpertokattigêt illinganingit ânanauningillo.

Kôrab kittorngangita imgerutât.

AULAJUITOMIK tungænilititaumavok kakkane ivsornaitunne.

2 Nálekab Zionib itterviksoangit ivleriluarpait Jakokut iglunginit tamainit.

3 Pijokartunnik ânanaudlartunnik okâlatigijauvut illingne iglugaseksoangojotit Gûdemut, Sêla.

4 Erkaromavakka Rahabekut Babelekullo, illitarksijut uvammik akkorngæne. Ahâk Filisterit, Tirusemiullo, kernertet illaliudlugit, erniangojomârput tagvane.

5 Zioneme okartokaromârpok, innuit sunatuinait erniang-ôngmatta tagvane, tâpsomalo kotsingnerpâb iglugaselliormagit.

6 Nálekab nippisiorutinne innukattigêksuit taijomârpait: Tâpkoa erniangomavut tagvane, Sêla.

7 Imgeromârpullo nellekârlutik: Puailavekotikka illûnatik illingnêput.

IMGERUT LXXXVIII.

Tuksiarnekk, tukkisivekartune okumaitomik.

Kôrab kittorngangita imgerutingæt imgerutigilugo, nellekârlutik Machalatemut. Hemanib Esrahitêôjub illisaininga.

2 **N**ALEGAK Gûde; piulijiga, nipliadlarpunga sângne, uvlotillugo unnuamelô:

3 Tuksiarnera sângnut tikkilerle, siut manniuk nipliadlarnimnut.

4 Tarniga tættæmat kappianarnermik, innôseralo kannidlar-pok kappianartovingmut.

5 Taipkotitunak inasugijauvunga ittersamut ijukartutitut; angutitut ipunga nukkekangitotut.

6 Nellavunga kemaktauvlungalo tokkungajut akkorngæne, annaulertauvlutik tokkotaumajutitut, illuverme nellajutitut erkaumajungnaitaktut, aggangnillo avisimajutitut.

7 Ittersamut atsingerpâmut illilaukparma, tâktomut itti-
nermullo.

8 Kaningajârnivît nênerpânga, tettivarmalo ullinernut ta-
mainut.

9 Illannârijakka ungasiktilaukpâttit uvamnit, kuinangnartu-
ngortilaukparma tâpkonunga. Parngnanairsortauvlunga nella-
vunga annijungnangilangalo.

10 Tautuga ogguarnarpok ajulernermut. Nâlegak uvlut ta-
maita nipliavigidlarpagit, aggakkalo issakpakka illingnut.

11 Tokkungajunnele tattamnartulliniarkit? ubvalo inô-
jungnaitut makkiniarkât kujalivigilutillo? Sêla.

12 Illuverne pitsiarnît unipkautigijauniarkâ, nertornarnillo
asserornartovingme?

13 Tattamnartullinitit illitarijauniarkât tâktome idluarnillo-
nêt puigornerub nunangane?

14 Uvangale nipliadlarpunga illingnut Nâlegak, tuksiarni-
malo uvlârârsukut sângerpâtît.

15 Nâlegak, sôg tarniga egipiûk, kênaillo ijerpiûk uvamnit?

16 Ajulerpunga nukkingêrotilungalo taimak ajâktortauma-
gama; koksanarnît attorpara mungomariklungalo.

17 Kaningajârnivît kângagôrvigivânga, koksanarnivît nungu-
pânga.

18 Uvlut tamaita illumavânga immehtut, illagêklutiglo ava-
timnôrput.

19 Illanârijakka, illakkalo ungasiktilaukpâttit uvamnit;
kaujimajikka tâktomêput.

IMGERUT LXXXIX.

Nellautainek Messiasemik nâlegauvinganiglo.

Etanib Esrahiteôjub illisaininga.

2 NALEKAB saimarvêkarninga imgervigijomavara issoka-
ngitomot, miksekârningalo kannimnut okautigijomavara sorai-
junanga.

3 Okarama: Saimavekarnek sokkosijuitsomârpok issokangi-
tomut, killangmelo miksekârni aulajuitiniarpet.

4 Anerijara angerkattigilaukpara; Davide kivgara angermarilaukpara:

5 Issokangitomot kinguváksatit nakkiteromavakka, iksivautakotillo aulajuititsomatsainarpara, Sêla.

6 Killaillo Nâlegak tattamnartullinitit nertoromârpait, miksekârnîllo ivsornaitut illagêngninginne.

7 Kiale nuvujanne Nâlegak adsigivaúk? kinalo Nâlegaktun itsungnarka Gûdit kittorngangita akkorngæne?

8 Gûde sivôranadlarpok ivsornaitut kattimaniksangine, opinadlarlunelo illunainut illumajiminut.

9 Nâlegak Gûde Zebaot, kina illiktut Gûdeôva ajugakangitok? miksekârnîllo avatiptingnêpok.

10 Igvit attaniotivotit imarbingmut aulajadlartomot; igvit mallingit saimarpáttit makkitalerangæta.

11 Igvit Rahabe serkalivet annaulertaumavlutik tokkotaumajutitut; igvit ômigijitit siamartipáttit tallernut sôngojomot.

12 Killaklo nunalo perkotigivakik; igvit nuna tunganektálaukpet, tâpsomanêtullo.

13 Tachâ sekkerngalo pingortilaukpakik; Tabor Hermonelo igiakomijarpuk atterne;

14 Tallekarpotit sangijoksosoarmik; aggaktit pitsartôvut, tallerpîllo pôktovok.

15 Idluarnerub idluarsainerublo iksivautet aulajuitipák; saimavekarnek miksekârnerlo kênavit sânganêpuk.

16 Pillorikput innukattigêksuit igiakomijarungnartut. Nâlegak, arvertarniarput kênavit kaumaningane.

17 Kaut tamât attit pivlugo kувiasugomârput, kagveromârlutiglo idluarnerne.

18 Igvit pitsartuningæta nertornarutigingmattit, saimavekarnenullo naksuvut kongmuartiniarpet.

19 Nâlegak sappulutarigaptigo, Hailigeôjorlo Israeleme attannerivavut.

20 Taipsothane tækkotitjutikut okalaukpotit ivsornaitokotingnut okalutillo: Ikajornermik pititsilaukpunga sôngojomot; annerimajok angijorortipara inugiar toksoarnit.

21 Kivgara Davide nachvârsimavara; mingoalaukpara orksokotimmut ivsornaitomot.

22 Aggakka sokkosijuilutik tâpsomanêtuksauvut tallermalo pitsartutitaksarivâ.

23 Omisuktib tettijaksaringilâ, idluitublo nokartitaksaringilâ.

24 Uvangale akkerartortingit annauleromavakka sivurngane; ômigijingillo okumaiksartitsomavakka,

25 Miksekârnimalo, saimavikarnimalo illagijaksarivâk; naksungalo attimne kongmuartitaujuksauvok.

26 Aggangit pititsomavakka imarbingmut, tallerpingalo kôksoarnut.

27 Tâpsoma taijomârpânga: Igvit atâtagivagit, Gûdigilutillo, piulijaunimalo kairtorivât.

28 Uvangelo erniangokârtungortitsomavara, anginersaumlune attannernit nunamêtunnit.

29 Saimarvékarnera tâpsominga sokkosijuitsainarkojomavara issokangitomut, angerneralo aulajuitsainartuksauvok tâpsomunga.

30 Kinguvângit sorajjuitsomavakka issokangitomut, iksivautangalo, killakarningane.

31 Kittorngangita, malligaksaukojakka kemagalloarpagit, idluarnerijakkalo malliklugit arvertarlungipatta;

32 Illusiokojakka ivsornaijungnaitipagit, perkojakkalo mallilungipapit:

33 Tagva ajorningit nellipsaromavakka issakaumut, idluttulliningillo sugiarnernut.

34 Saimarvekarnera allartitsomangilara tâpsomangat, miksekârnimniglo pekartailikojomangilara.

35 Angersimanera ivsornaijungnaititsomangilara, kannimnillo annisimajut sokkoseromalungilakka.

36 Sukkutsiane okamarilaukpunga ivsornainera malliklugo: Davide sæglokitsomangilara;

37 Kinguvâksanga issokangituksauvok, iksivautangalo sâmneseekinertut ituksauvok;

38 Takkertut sorajjuituksauvok; sorlolo kigligiudsijok nuvujanne nellonangitôjuksauvok, Sêla.

39 Mannale mingoalauktet ajâktorpet, egilugolo ningarivet.

40 Kivgavit angervioninga attornarungnaitipêt, niakotingalo, ivsornaijungnaitilaukpet eginernut nunamut.

41 Avalungit ujaraggit illunaita serkomipâttit, igloksoangillo sôngojut serkomakungortipâttit.

42 Sennerkotut illûnatik arkaivigivât, mittautiksangorpok sillalerninut.

43 Akkerartortingita tallerpingit kongmuartipâttit, ômigijingit illûnaita kuvasuktipâttit.

44 Saviksoangata kênanga ipkêtilaukpet najumitaililugolo sorsungnerme.

45 Ivsornaininga sujukpet, iksivautangalo ochotipet nunamut.

46 Inuosungningata uvlungit sivikitipâttit, ulliklugolo mittautaunermik, Sêla.

47 Nâlegak kannok akkunêrtigijomik ijeromamarikât taimak, kaningajârnillo ikkomatut ikkoalakojomaviûk?

48 Erkaigit inôtsima nelliuningata sunauninganik; kannok erkanangitigijomik innuit kittorngangit illunaita pingortilaurangne.

49 Nanêtokarka innôjomik, tokkomiglo tækkoniangitomik? tarniminik piulijomik kappianartoviub agganginnit? Sêla.

50 Nâlegak saimarvikarnerilauktat sivurnganitak, angernerimarilauktât Davidemut miksekârnerne, nanêkâ?

51 Erkaigit Nâlegak kivgavit mamailisartauninginik, akjartamnik sâmnne inukattigêksoarnit unnuktunnit,

52 Omigijivît Nâlegak mamailisaijutigijanginnik, mamailisaijutigijanginik mingoarlauktavît tuminginnik.

53 Nâlegak nertortaule issokangitomot, Amen, Amen.

IMGERUT XC.

Inuit inôsingita sujusarainingit.

Môsesib Gûdib angutekotingata tuksiarninga.

2 NÂLEGAK igvit uneksiorviksaritsainarpagit issokangitomot. Kakkat pilerkârtinagit, nunalo sillaksoarlo pingortitaukârtinagik, igvit Gûde îpotit issokangitomit issokangitomot.

3 Innungnik sanningortitsijotit, okarlutillo: Utteritse innuit kittorngangit.

4 Jârit tausendit sângne îmatta uvloktut ikpeksak annigulauktotut, unnuablo pigârvingatut attautsetut.

5 Sâptautipâttit sorlo, siniktut îput; uvlârme nuilerput iviksukatitut;

6 Uvlâkut nuvgolâkartutitut, tungojoksijutitullo, unnuarmelo nakkartaujutitut, kunnulertutitullo.

7 Ningarnît pitjutauvok taimak nungusarainapta, kaningajârnillo, taimak tagvainak nûtaujariakarapta.

8 Idluitullinivut pitipâttit sângnut; ajornivut illitaringitavut kênarpit kaumaninganut.

9 Uvluvut tamaita nungulermatta ningarnît pivlugo. Jârivut nâvavut okâlagallânektitut.

10 Inôsivut Jârititut 70 gitut sivitutigijôvut, unnuktôkpat-talo Jârititut 80 gitut; ânanautsialaukpattalo, tagva siorniorne-liolaulaukput, sullijaksakarneliolutiglo. Anigorsaraidlarmatta tinginajaraptatut sorlo.

11 Kiale ningarnivît pitsartuninga illitarivaûk? kialo kainingajárnît taimaitok namaktomik sivôragivaûk?

12 Tagva ajochertortigut issumaksarsiornermik tokkojukauniptingnik, sillatulerkovluta.

13 Uttilaurittók Nâlegak! kannok sivitutigijomik? Kivgakotitit illapsugikit!

14 Uvlarârsukut namaksititigut saimarvekarnernik, nakorsarungnarkovluta kuviasugungnarkovlutalo inôtsivut nâlugit.

15 Kuviasuktilaungmittigut, taimak akkunêrtigijomik okumaiksartilaukârluta, taimak akkunêrtigijomik kannoêtomik tækkolaukârluta.

16 Pinniarnitit tækkojautikit kivgarnut, opinarnillo kit-tornganginnut.

17 Nâlekablo Gûdipta illanâkarningata kollangiarlitigut; aggapalo pinniarningit igvit sullitilaukittók!

IMGERUT XCI.

Manigoïnek nangiarnartome.

KOTSINGNERPAB sapputsiningata attânêtok, ajugakangitublo tachalingninganêtsainartok:

2 Tâмна Nâlekamut okarpok: Sungertutiga, serngnigijiksakautiga, Gûdiga nerriugijara.

3 Tâpsoma piulingmattit ômajoksiortib aklunânganit, nussilinartomillo kanoênartomit.

4 Esarungminut ullingniarpâtit, sungertutigijallo esarungita attânêniarpok, miksekârninga serngnigiksauvok; sappulutaksaulunelo.

5 Unnuab erksinarninganik koaksârutekariakarkonak, pit-tiksiniglo ingergajunik uvlôtillugo;

6 Nussilingnartomik tâktome terrêstarmik; nunalungnermik uvlub ketterarningane asserorterijomik.

7 Tausendit ochogalloarpatta senningne, zehntausendillo tallerpingne; igville uvigartauniangilatit.

8 Ijikingnut taututuarniarpet, tækkolugolo, kannok Gudekangitut akkiniartaungmatta.

9 Nâlegak sungertutigigangne; kotsingnerpâk uneksiorviksarigangne.

10 Idluitomut nellianullonêt tikkitauuniangilatit, pagvinartullo nelliallonêt kaglilerniangilak iglokotingnut.

11 Tâpsoma Engelekotine perkolaukpait pivlutit, sapputserkovlugit illingnik, apkosinerne illunaine.

12 Aggangnut kivgumiarniarpâtît ittikkattit apporkona-
git ujarkamut.

13 Loevillo kuglugiarâluillo pissugviginiarpâtît, Loeviar-
kâllo Drachillo tullerarniarpâtît.

14 Killanârivânga, tamanna pivlugo ikajoromavara; attim-
nik illitarksivok, tamanna pivlugo sappunijaromavara.

15 Nipliavigivânga, tamanna pivlugo tussaromavara; kap-
pianartome najorpara; nussugomavara opinartilugolo.

16 Namaksititsomavara inôtsemik sivitôjomik, tækkotitso-
mavlugolo piuliklernimnik.

IMGERUT XCII.

Nertordlernek Gûdib pinniarninginnik.

Imgerut Sabbatib uvlunganut.

2 **T**AMANNA pivianartôvok, Nâlegak kujagilugo, attillo
nertorlugo imgervigilugo kotsingnerpangôjotit;

3 Uvlâkut saimarvikarnit, unnuarmelo miksekârnît okauti-
gilugik;

4 Nokakseralingnut tellimaujortunik Psalterinnullo Harfesi-
jarnermullo.

5 Igvit kувiasuktigamga, Nâlegak, piniarnernut; aggakpît
sennaningit nertordlerutigivakka.

6 Nâlegak pinniarnitit ila angijôvaksôvut! issumattit kan-
nok ittijôksovlutik!

7 Sillaitub tamanna kaujimangilâ illissimaitublo mallu-
gingilâ.

8 Gûdekangitut tungojoksivut iviksukattitut, idluitullijullo
nuvugolâtârpût illûnatik; nungutaukârtinagit soraijuitomik.

9 Igville Nâlegak pôktojoksôvotit issokangitomut.

10 Ahâgle, ômigijitit, Nâlegak, ahâk, ômigijitit nungutau-
jariakarput; idluitullijullo illûnatik siamariakarput.

11 Naksugale kongmuartiniarpêt, tuktûjârtub naksungatut;
mingoartauniarpungalo orksunut nutâmut.

12 Ijimalo kuviagijane tækkoniarpâ ômigijimne; siutimalo
kuviasutigijane tussarniarpâ kassêtone, akkerartortimne.

13 Iduartok tungojoksijomârpok nappartotut Palmetut;
perorsajomârlunelo Cederetut Libanonemêtotut.

14 Illijaumajut Nâlekab iglungane, Gûdipta igloringine
tungojoksijomârpût.

15 Inutokaunermingne sulle perorteromârpût, iptekarlutiglo
kûnuliujitsomârpût.

16 Okarkovlugit Nâlegak idluarmat, kairtorijara, idluine-kangilarlo tâpsomane.

IMGERUT XCIII.

Gûdib nâlegauvingata ânanaudlarninga.

NALEGAK attaniôvok, ânanaunelijarlunelo pinarnadlartomik, Nâlegak ânanaunelijarpok, tapseruserutekarporlo pitsartunermik; tamanna pivlugo nunaksoak pallangilak aularanelo.

2 Iksivautât nappatsainarpok; igvit issokangitomit îpotit.

3 Imaksuit ingergarningit makkitalerput Nâlegak; imaksuit ingergarningita nippalâdlarnitik tussartautilerpât; imaksuit ingergarningit iklullijâlerput.

4 Imarbiksub malliksoangit sôngonersauvut imaksuit nippalâdlarninginnit, Nâlegarle kotsiktomêtok sôngonersauvok sulle.

5 Kigligiudsinitit miksekartôvut; iglokotivit ivsornainek pinarnarutigivâ issokangitomot.

IMGERUT XCIV.

Tuksiarnek okpertut ômigijingit akkerartortaulcovlugit.

NALEGAK Gûde, akkiniarnermik pilik, Gûde akkiniarnermik pilik, sakkijârittôk.

2 Nikkovilerit idluarsaijôjotit sillaksoarmiunik; piojorijut akkiniarkit pijuksauningit malliklugit.

3 Kannok sivitutigijomik Gûdekangitut, Nâlegak, kannok sivitutigijomik okâlagallaktuksauvât?

4 Okausekartuksaulutiglo keppêsertunnik, idluitullijullo illûnatik nertotijuksauvât?

5 Nâlegak inugiartoksoakotitit annaulerlugit serkomipait, kingormgutijâllo okumaiksartipait.

6 Uigarnerit, tujormijallo naktertipait, illiarsuillo tokkopait.

7 Okarlutiglo: Nâlekab tækkolungilâ, Jakoblo Gûdingata kamagingilâ.

8 Illissimaitose innuit akkorngæne mallugosuleritsetôk; sillaitoselo, kanga sillatuleromavisé?

9 Siutemik illijilauktok, tâмна tussarungnarajangilâk? iji-mik sennalauktok, tâмна tautugajangilâk?

10 Nellojunik sugiarte, támna pitlarnigajangilák? Innungnik ajochertuije kaujimajanginnik.

11 Nálekab innuit issumangit kaujimavait sunautsengimatta.

12 Pillorikpok támna, igvit Nálegak sugiartát, ajochertortállo malligaksaukojarnut;

13 Kennuêrsarkovlugo idluitullivionekearangat Gúdekangitok ákiksimaviokártinago ittersálungmik.

14 Nálekab innugiartoksoakotine ajaktorniangimagit, kemangniatsenagillônét kingormgutijane.

15 Idluarnekk idluarniotsainariaakarmat; ômattillo idluitailijut illúnatik tamana ungagilerniarpát.

16 Kia illilertorpânga kassêtot akkerartorlugit? kia ablorvigivânga idluitullijut akkerartorlugit?

17 Nálekab ikajorajangipanga, tarniga nellanajarmarikipok tussarvikangitome.

18 Okalaukpunga: Ittigakka akpalektulaukput, saimarvekarniville Nálegak najumilaukpânga.

19 Issumajârnekalaukpunga unnuktunnik ômattimne; manigoiniville tarniga erkiêrtortilaukpát.

20 Iksivautak kanoénartok angerkattigijungnarniatsengilet, kanoétokartitsijok illusitsiakartuksauningane.

21 Kippalilutik kattimalerput idluartub tarninga akkerartoromavlugo, auglo passijaksaungitok passijaksaunerarpát.

22 Nálegarle sappulutijigivara, Gúdiga sungertutekarnima kairtorivâ.

23 Tâpsomalo namangitulliningit akkiniarutigijomârpait tâpkoninga, kasséninginnullo nungutsomârpait; Nálekab Gúdipta nungutsomârpait.

IMGERUT XCV.

Gúdib niplianinga innuit ômattínginnut.

KAILAURITSE, erkiêrtorluta Nálegak nertorlavut, piulijau-niptalo kairtunga igiakomijarvigilavut.

2 Kujaliluta kênangata sânganut tikkilerta, imgerutinnullo igiakomijarvigilavut.

3 Nálegak Gudeôjoksôngmat, attannersoangôlunelo Gúdinut tamainut.

4 Nunab illua tâpsoma agganginêmat; kakkállo pôktoningit perkutigivait.

5 Imarbik perkutigivâ, tâpsomalo sennalaukpâ, aggangita ipterilingajok ákilaukpát.

6 Kaititse, opigosukta, sêrkortorlutalo, pâmakterlutalo Nâle-kab sennajipta sângane.

7 Tâмна Gûdigigaptigo, pairilutalo innukutigivâtigut, ag-gangitalo saugakutigivâtigut. Uvlome nippinga tussarupsiuk,

8 Omattise mangaitinassigik, sorlo Meribame pijokalaung-mat, sorlolo Massame sunakajuitome;

9 Atâtagilauktapse ôktulaungmanga, nautsertulaukpânga, pinniarnimmik tækkogallorlutik.

10 Jârinnik 40ginnik innukattigêt taipkoa kuvianailijutigi-laukpakka, okarlungalo: Inûvut ômattiggit apkome tammar-nartome arvertaromatsainartunnik; apkosinikkalo illiniaroma-laungilait.

11 Ningarlunga okamarilaurama: Merngoêrservimnut tik-kituksaungilet.

IMGERUT XCVI.

*Kaiblainek Nâlegak nertorlugo, angininga, nâlegauvinga,
idluarsainingalo pivlugit.*

IMGERUSERTAMIK Nâlegak imgervigissiuk; sillaksoarmiut illûnatik imgervigilitsuk.

2 Nâlegak imgervigissiuk, attingalo nertorlugo pititse; uvlormit uvlormut piuliklarninga okâlatigissiuk.

3 Nellojut akkorngæne opinarninga unipkautigissiuk; innukattigêksuit illûnatik akkorngæne tattamnartulliningit.

4 Nâlegak angijôngmat, angijomiglo nertortaujuksauvok; sivuranarnersauvlune Gûdinnit tamainit.

5 Innukattigêksuit Gûdingit Gûdingoangôvut; Nâlekable killak sennalaukpâ.

6 Pinnarnarne, ânanaunerlo tâpsoma kênangata sânganêpuk, sôgonerlo innerkonadlarnerlo ivsornaitovekotinganêpuk.

7 Nâlegak kaitsivigissiuk, kittorngarêktose innukattigêksoarne, Nâlegak kaitsivigissiuk opigijaunermik, pitsartunermiglo.

8 Nâlegak kaitsivigissiuk attingata opigijauninganik; pilliut-inik kaitsileritse tikkiluselo iglorusinginnut!

9 Nâlegak tuksiarvigissiuk ivsornainerub pinnarnarsin-ingane; sillaksoarmiut illûnatik sivuragilitsuk.

10 Nellojut akkorngæne okaritse: Nâlegak attanniôvok; tamana pivlugo nuna pallangilak aularanelo. Tâpsoma innukattigêksuit idluarsarpait namaktomik.

11 Killak kuviasugit, nunalo serrilerit; imarbik tâpsomanê-tullo iktullijârlit.

12 Perorsêvit, tamaitalo tâpkonanêtit erkiêrtorlît; nappâr-tullo nappârtungit illûnatik nertorlît!

13 Nâlekab sângane, aggermat, aggermat nunaksoak erkartoromavlugo. Tâpsoma sillaksoak erkartoromârpâ idluarnermut, innukattigêksuillo miksekârnerminut.

IMGERUT XCVII.

Nâlekab ajugakangitub nâlegauvinga.

NALEGAK attanniovok, nunaksub tamanna kuviasutigiliuk kikkertello umurningit tamaita serrilerlît.

2 Nuvujat, târniublo illumavât idluarnerlo idluarsainerlo iksivautavit aulajuijutigivak.

3 Ikkomab sivurlerivâ ikkitsilunelo avatâne ômigijinginik.

4 Kaumalakutingita nunaksoak kaumarpât; nuna tækkovok tamattominga koaksârlunelo.

5 Kakkat auksilerput igupsaujârtut orksungita tangitit, Nâlekab sângane, nunab illunât attannertangata sângane.

6 Killait idluarninga okautigivât, inukattigêksuillo illûnatik opinarninga tækkovât.

7 Kangusugariakarput illûnatik adsingoanik kivgartortut, Gûdingoeniglo nertutekartut. Gûdiojose illûnase tâmna tuk-siarvigissiuk!

8 Zione tussarpok tamattominga, kuviasuklunelo; Judablo panningit serridlarput Nâlegak attanniotinît pitjutigællugo.

9 Igvit Nâlegak kotsingnerpângôgavit nunanit tamainit, angijororsimanerpauvotit Gûdinnit tamainit.

10 Nâlekamik næglingniktose, idluinek ômigissiuk! Tâpsoma ivsornaikotime tarningit udsertorpait; Gûdekangitub ag-ganginnit piulijomârpait.

11 Idluartok nuviotsainariakarivok kaumajomut kuviasung-nermullo ômattit idluitailijut.

12 Idluartose Nâlegak kuviasutigissiuk, kujaliluselo, ivsor-nainingalo nakorissiuk.

IMGERUT XCVIII.

*Kajungersainek Nâlegak nertorlugo, nuname illûnâne
nâlegauvingminik âkiksoijok.*

Imgerut.

IMGERUSER TAMIK Nâlegak ingervigissiuk, tâмна tattam-nartullingmat. Sâlakarpok tallerpingminut, tallerminullo ivsornaitomut.

2 Nâlekab piuliklernine okautigijaukovâ; innukattigêksuit sânginne idluarnine nellonairpâ.

3 Saimarvekarnine, miksekârninelo erkarpak Israelib iglunnga pitjutigællugo. Sillaksub issungita tamaita Gûdipta piuliklerninga tækkovât.

4 Sillaksoarmiojose illûnase Nâlegak igiakomijarvigissiuk; imgeritse, nakorsarluselo, nertordlerluselo!

5 Nâlegak nertorsiuk, nertorsiuk Harfinnut, Harfit Psalterillo nippinginut.

6 Trompetit tiptulautillo nippinginut; igiakomijaritse Nâlekab attanniub sângane.

7 Immarbik iktullijârle tâpsomanêtullo; nuna innekartullo tâpsoma kângane.

8 Imaksuit ingerganingit erkiêrtorlit; kakkat kuviasuglit illunamassiatik.

9 Nâlekab sângane, aggermat nunaksoak erkartoromavlugo. Tâpsoma sillaksoak erkartoromârpâ idluarnermut, innukattigêksuillo namanermut.

IMGERUT IC.

Ivsornainek saimarvekernerlo Nâlekab nâlegauvinganêpuk.

NALEGAK attanniôvok, tamanna pivlugo innukattigêksuit sajukput; iksivavok Kêrubit kângine, tamanna pivlugo sillaksoak aulavok.

2 Nâlegak angijôvok Zioneme, kotsingnerpângôvok innukattigêksoarnit tamainit.

3 Attit angijok sivuranartorlo nakorijaule, ivsornaitôjok;

4 Attanniublo pitsartuninga, idluarnermik nagligosuktub. Illusitsiakarne aulajuitipet; idluarnermik idluarsainermiglo pekartitsivotit Jakokune.

5 Nâlegak Gûdivut angijorortissiuk, opigosugitse ittigga-ngita ikovrangane; ivsornaimat.

6 Mose Aronelo ajochertuijungita akkorngæne, Samuelelo taipkoa akkorngæne attinganut niplialauktut; Nâlekamut niplialaukput, tâpsomalo tussarpait.

7 Okarkattigivait nappajome nuvujaujome; kigligiutsiningit perkojangillo tunnijangit tâpkonunga nâlekpaît.

8 Nâlegak Gûdivut tussalaukpâtît; Gudeôlaukpotit tâpkonunga issumagijungnainiktok, akkiniartelo pinniarninginnik.

9 Nâlegak Gûdivut angijorortissiuk, opigosugitselo kakkan-gane ivsornaitome; Nâlegak Gûdivut ivsornaimat.

IMGERUT C.

Kajungersainek Gûde kujagilugo.

Imgerut kujalijutiksak.

NALEGAK igiakomijarvigissiuk sillaksoarmiôjose illûnase.

2 Nâlegak kivgartorsiuk kувiasukluse; kaititse kênangata sânganut erkiêrtorluse.

3 Illitarksileritse Nâlegak Gudeôngmat. Tâpsoma sennalaukpâtigut, nangmineungitogullo, innukotautiluta ingminut saugakutautilutalo mianersinermiut.

4 Itteritse itterviksoanginut kujaliluse, iglorusinginnullo nertordlerluse; kujagissiuk attinga nakorissiuk.

5 Nâlegak illanâkarmat, saimarvekarninga issokangitôvok, miksekârningalo sorajuitôvok.

IMGERUT CI.

Attanniub tachartûtâ.

Davidib imgerutâ.

SAIMARVEKARNEK idluârnerlo imgerutigijomavâka; igvit Nâlegak nipliajorvigijomavagit.

2 Ittaktorlunga nellâgôrlungalo arvertaromavunga tikki-leraiguma; ômattelijarlunga idluitailijomik arvertaromavunga iglumne.

3 Idluitomik kajusilungilanga. Tappatôjut piniarningit ômigivakka, taimaitorlo uvamnêtsainarkolungilara.

4 Omattelik mumiksimajomik nûleriakarpok uvamnit; idluitok illitarijomangilara.

5 Inukattiminik angigutsivlune kiggiojok nungupara. Tâmma pijomalungilara piojorijomik tautugakartok, angutausertomiglo ômattelik.

6 Ijingma nertornartut nunamêtot kenâvait, tâpkoa uvam-nêkovlugit; apkosinernik idluartunik attortok kivgarijomavara.

7 Innuit nellâgôngitut iglumnêtsainarlungilet, sæglojut perorsalungilet uvamne.

8 Uvlarârsukut Gûdekangitut nuname illûnaita nungutso-mavakka, pêjairkovlunga idluitullijunik illûnainik Nâleka iglugaseksoakotinginit.

IMGERUT CII.

Imgerut ârutiksak.

Patangajub tuksiarninga, angijomik kiksarune, ârusungner-miniglo nâvitsigune Nâleka sâganut.

2 **NALEGAK** tuksiarnera tussalauruk, nipliadlarneralo tikkile illingnut.

3 Kênait ijerniarnagotôk sâmnit kappianartokartillugo, siut maniuk uvamnut; kaigarsukuma tussarsâlaunga!

4 Uvlukka annigorsimangmatta isserluktut sorlo, saunik-kalo ôtaumavut aumaliktutitut.

5 Omattiga annaulersimavok pannersimalunelo iviksukatitut, puigorama aglât nerrijaksakka nerrilugit.

6 Saunikka nippingavut uvinimnut, kêamut annersauming-mullo.

7 Tûliojartotut sunakangitomêtotut îpunga; imaingertau-jârtotullo iglugaseksoarnêtotut asserorsimajune.

8 Pigârpunga, tingmiatullo innutôjotut iglub kângane îpunga.

9 Uvlut tamaita ômigijima okarnerlutigivânga uimajâdlar-lutiglo akkerartortikka, angerput taivlunga.

10 Argjat nerrigapkit kakkôjaktut, imiksaralo akkupara kugviornermik.

11 Illulungnît ningarnîllo pivlugik, kivilauramga egilungalo nunamut.

12 Uvlukka tachaktut nakiglilerpalliajotut îput, panniler-pungalo iviksukatitut.

13 Igville Nâlegâk itsainarpotit issokangitomut, erkauma-jauNILLO soraijuitsainaromârpok.

14 Igvit makkilaurittók, Zionelo nâpkigilugo; nelliutingmat saimarvigilugo perkovlutit; nelliutok kajusimaviojok tikksimavok.

15 Kivgakotivit ujarangit kuviasutigingmagit, sanningillo illapsugivait.

16 Tagva nellojut Nâlekab attinga sivuragijomârpât, attanillo nunamêtot illûnatik opinarnît;

17 Nâlekab Zion iglugaselliormagit sakkermallo opinarnermine.

18 Tâpsoma kemaksimajut tuksiarningit sâvigivait, tuksiarningillo nachogingilait.

19 Tamanna aglaktaule kinguvâksannut; innugiartoksuillo pingortitaujuksat, Nâlegak nertoromârpât.

20 Tâmma tækkosarmat kotsiktonerminit ivsornaitomit; Nâlegak tækkonârpok killangmit nunamut;

21 Tussaromavlune parngnanairsortat annersaumininginnik, kellarudjarijomavulunelo kittorngannik tokkotaujuksannik.

22 Zioneme okâlakovlugit Nâlekab attinganik, nertornarninganiglo Jerusaleme;

23 Inukattigêksuit kattijomârpâtta, attaniovillo, Nâlegak kivgartoromavlugo.

24 Tâpsoma pitsartunera mannigotitipâ apkome, uvlukka nailivait.

~25 Okarpunga: Gûdîk pèrniarnanga uvluma ketterkangæne. Jâritit itsainarput soraijuitomik.

26 Igvit sivurngane nuna tunganektâlaukpet, aggakpîllo killait sennagivait.

27 Tâpkoa nungujomârpût, igville itsainaromârpôtit. Illûnatik nutaungitôvalliajomârpût ulliktut; âblatsângoromârpût anorâktut, igvit âblatsângortitsomârungne.

28 Igville sorlo illingagavittut itsainarpotit, Jâritillo naggaserniatsengilet.

29 Kivgakotivit kittorngangit itsainaromârpût, kinguvângillo sângne pitsornaromârpût.

IMGERUT CIII.

Imgerut nertordlerutiksak Gûdemik nâpkigosuktomik.

Davidib imgerutâ.

TARNIK Nâlegak nertoruk, illumalo tamât attinga hailigeojok;

2 Tarník Nâlegak nertoruk, puigorniarnaglo sunamik aju-
ngitullivigilaungmattit.

3 Issumagijungnainiktok ajornernik tamainik; inûliklertorlo
kannoênernik tamainik;

4 Piuliklertok inôsernik asserornermit; niakosêjok illingnik,
saimarvekarnermik nâpkiningnermiglo.

5 Kanernik namaksititsijok ajungitomik, inuosungormerkov-
lutit nektoraliktut.

6 Nâlekab illûnaita idluitulliviôjut idluarnermik idluarsainer-
miglo sakkêvigivait.

7 Tâpsoma Môse apkotiminik kaujitalaukpâ, Israeliblo kit-
torngangit pinniarnerninik.

8 Nâlegak nâpkigosukpok, saimarvekarosuklunelo, kenuêpok
pitsiartoksôlarmelo.

9 Suatsainarniangilak, issokangitomullonêt ningarosugo-
mângilak.

10 Piniarvingingilâtigut ajornivut malliklugit, akkilungilâti-
gullo idluitullinivut malliklugit.

11 Killaub pôktoningatut nunamit, taimak angitigijôvok
saimarvekarninga, sivôragijinginut.

12 Uvlâb ungasingningatut unnungmit, taimak ungasiktigi-
tipait tappanivut uvaptingnit.

13 Sorlo atâtab kittorngat nâpkigingmagit, taimak Nâlekab
sivôragijine nâpkigivait.

14 Illitarksingmat kannok sennajaumangâpta, erkaumavok
sanniôgapta.

15 Innub uvlungit iviksukatitut îput; nuvugolâktârpok nu-
vugolâktut natername.

16 Anorib kângagôrvigikpago, tagva tagvanêtsungnaipok,
innigilauktangalo illitarijaujungaipok.

17 Nâlekable saimavekarninga soraijuipok issokangitomit
issokangtomut, sivôragijinginnut; idluarningallo kittorngat kit-
tornganginut;

18 Tâpkonane angersimanginganik nâlektunne, erkaumajun-
nelo perkojanginik, tâpkoa malliklugit arvertaromavlutik.

19 Nâlekab iksivautane âkiksimavâ killangme, attaniôvi-
ngalo attanniotivok tamaitaksoarnut.

20 Nâlegak nertorsiuk, illipse Engelekotingit, sôngojojksô-
jose, perkojanginnik pinniartose, okausingita nippingæt tussar-
taukovlugo.

21 Nâlegak nertorsiuk kattimgajokotingit illûnase, kivgau-
jose tâpsomunga pijomajanganik pinniartose.

22 Nâlegak nertorsiuk, pinniarningit illûnase, nâlegauvi-
ngane illûnâne. Tarník Nâlegak nertoruk!

IMGERUT CIV.

Gûdib nertortauninga pingortitangit pivlugit.

TARNIK Nâlegak nertoruk! Nâlegak Gûdik angijovaksôvotit; ânanauvotit, ânanaunelijarlutillo inerkonadlartomik.

2 Annorâkotit attortat kaumaniôvok; killak issivipet tulle-rarakttut.

3 Igvit iglokotitit kattigoliungatipattit imermut; igvit nuvujat aksalloaligivâttit; agvertarpotit annorib esarungita kângine.

4 Engelekotingnik annoringortitsijotit, kivgakotingniglo ikkoalajungortitsijotit.

5 Nunamik tunganektârilauktotit tungavinganut, aulajuerkovlugo issokangitomut.

6 Ittinnermut ullilaukpet annorâmut serlo, immaksuillo kakkat kânginêlaukput.

7 Suarnernulle kemâlaukput; kallungnivit nippinganut, aulâsâdlalaukput.

8 Kakkat kongmualilaukput, naksat kivilaukput unnunga innemut tunganektârlauktarnut tâpkonunga.

9 Igvit kigililvervekartsilaukpotit, tâpsoma kângagut pingilet; amalo nunna ulligaksaringilât.

10 Igvit puailakojivotit puailavingnik naksarne kakkat akkorngæne kôkovlugit.

11 Immertitserkovlugit naternaub ômajunginnik illûnainik, ômajullo nujuartut imerugungnaiterkovlugit ingmingnik.

12 Tâpkoa senniane killaub tingmiangit nunakarpud, nippjarlutiglo akkerkut attâne.

13 Igvit kakkat immertipâttit iglokotingnit pângat; peror-tunnillo pingortitarnit nuna namaksititauvok.

14 Iviksukanik perorkojivotit nergjutinnut perortutsianiglo innuit attoraksanginik, nerkiksannik kaitsilutit nunab illuanit;

15 Weinelo kuviasuktitserkovlugo innub ômattinganik, tau-tualo keblidlarkovlugo orksunut; kakkôjarlo nekkokserkovlugo innub ômattinganik.

16 Nâlekab nappârtokotingit iptekadlarkovlugit; Libanonib Cederekotingit tâpsoma illilauktangit.

17 Tagvane tingmitjat uvlokarput, Reigerillo (tingmitjat angijut) keblariktut innigivait.

18 Kakkat kingiktut kemâviksauvut tuktujuartunnut, kairtullo kairusuggit ukkalliaitsijannut.

19 Takkek taimailingatipet nellunaikutaikovlugo nelliuner-nut; sekknernub nippivine nellungilâ.

20 Tárnekartitsivotit unnuangolerkovlugo; tagva nappártut ômajungit tamaita aularput.

21 Loeviarkat kallingoartut aksárnigakaromamut, nerkiksarssiortullo Gûdemit.

22 Sekkinerle nuilerangat angerarput, innarlutiglo sittimngnut.

23 Tagva innuk aularpok sullijaksaminut, perorsainerminullo unnuk tikkilugo.

24 Nâlegak pinniarnitit angijovaksôvut, ila unudlartoksôv-lutiglo. Illûnaita sillatôvlutit âkiksulaukpâttit, nunalo nâma-vok perkutingnik.

25 Imarbingme angijome nerrotôjoksôjomelo, tagvane aula-vut kittiksaungitut, tamarmik, ômajut angijut, mikkijullo.

26 Tagvane umiaksuit umiaktorput; tagvane arvekarpok, igvit sennalauktattit, tagvane kettikovlugit.

27 Illûnatik miperpâttit nerkiksamik tunnitsivigilugit perkov-lutit nelliutome idluartome.

28 Tunnitsivigijaraigungne, tagva kattersoivut; aggaktit issivigungne tagva perkutinnik namaksititauvut.

29 Kênait ijerungne tagva koaksârput; annerningit pêr-pâttit, tagva nungulerput, saningormilutiglo.

30 Igvit annernit aulartipet, tagva pingortitauvut; nunablo tautua nutângortipet.

31 NâleKab opinarninga issokangitôvok; NâleKab piniarnine kuviagivait.

32 Nuna tækkosarpâ, tagva sajukpilukpok; kakkat aktor-pait, tagva isserlukput.

33 Nâlegak imgervigijomavara inôsera nâlugo, Gûdigalo nertoromavara înera nâlugo.

34 Okautigijakka kuviagilerligit tâpsoma. Nâlegak kuvia-sutigivara.

35 Ajortullijut nungutaulerlit nuname, Gûdekangitullo sorairlit. Tarnik Nâlegak nertoruk! Halleluja!

IMGERUT CV.

Kujalijutiksats Gûdib ajungitulliningit atâtagilauktanut pivlugit.

NALEGAK kujagissiuk, attingalo okâlautigissiuk pinniarningit akpautigissigik inukattigêksuit akkorngæne.

2 Imgervigissiuk nertorlugolo; tattamnartulliningit tamaita okautigissigik.

3 Attinga hailigeojok nertorutigissiuk; tâpkoa Nâlekamik kennerasuartut ômattingit kuviasuglit.

4 Nâlegak sôngoningalo apperkutigissigik; kênanga kennit-sainarsiuk.

5 Erkaumalersigik tattamnartulliningit, pinnialauktangit; nellunaikutangit kaningatalo idluarsainingit.

6 Illipse kivgangata Abrahamib kinguvângit; illipse aneri-majangata Jakob kittorngangit.

7 Tâмна Nâlegauvok Gûdigijavut; tâмна idluarsaivok sil-laksoarme illûnâne.

8 Angersimanine erkaumavâ issokangitomut, okautsit angerutigilauktane kinguvârênut 1000 dinut.

9 Angerutigilauktane Abrahamut, okarmaringninelo Isaang-mut.

10 Tamannalo idluarningortipâ Jakomut angerkattigêng-ningortilâlo issokangitomic Israelemut.

11 Okarlunelo: Igvit tunnitivigijomavagit Kanaanib nu-nanganik, kingormgutijapse imerautinganik.

12 Ikkitôtillugit erkanangitotillugillo tujormijangotillugillo tâpsomâne.

13 Nûkattalaukpullo innukattigêksoarnit innukattigêksoar-nut; attaniovingnit innukattigêksuit assinginnut.

14 Akkonartautailitilaukpaillo innuit nellianullonêt, attan-nillo pitlalaupkait pivlugit,

15 Saimartitakka aktorniarassigik, nellautaijokotikkalo kik-sartiniarassigik.

16 Kâksoarlo kaikovâ nunamut, kakkôjakarungnaimarikit-silunelo.

17 Angut tillivâ tâpkoa sivurngane; Josefe niorvgutigijau-vok kivgaulerkovlugo.

18 Ittigangit kejuksoarmut ajoringortipait; timinga nella-jariakalaukpok kikkiangme.

19 Okausingit tikkerkârtinagit, NâleKab okauserijangit, na-maksititsikartinagit tâpsominga.

20 Tagva attannek tilliklerpok parngnanairutjarkolâlo; attaniojub innukattigêksoarnut annititaukovâ.

21 Tâpsoma angajokângortipâ iglototiminut, pimajingorti-lâlo perkutiminik tamainik;

22 Angajokâkotinginik aksorotjerkovlulugo issumaminik, sillatunermiglo ajochertuerkovlugo angajukliokotinginik.

23 Israelelo aulalaukpok Egipthenemut, Jakolo tækkorngar-taulaukpok Hamib nunangane.

24 Innukotinelô unnuksivalliatipait angijomik, sôngonersau-tipaillo ômigijinginît.

25 Taipkoa ômattingit mumiktipait ômisukovlugit innukotinginik, pingitserterlutiglo illusiâlungnik attorkovlugit kivganginnut.

26 Tâpsoma kivgane Môse tillilaukpâ, Aron annerilauktane.

27 Tâpkoa tâpsoma nellunaikutangit pinialaukpait akkorgæne, tattamnartulliningillo Hamib nunangane.

28 Târmik tikkerkojilaukpok tâktitsilunelo; okausingillo tappagilaungilait.

29 Imingæt ablatsângortipâ aungmut, tokkotsilunelo mingeriakotinginik.

30 Nunangæt narrâjinik unuktovaksoarnik sakkêvok, attaningita inningine.

31 Okalaukpok, tagva ômajokulluit tikkiput, komait kigilervingine illûnaine.

32 Nettarkonarnik tunnitsivigivait sillalub inningane, ikkomablo ikkoalaninganik nunangæne;

33 Annaulerpaillo nappârtungit Weineliaksak, Feigeliaksallo, navikpaillo nappârtut kigilervinginêktut.

34 Okalaukpok, tagva piglertaujârtut, mingôjârtullo kittiksaungitut tikkiput,

35 Nerrilaukpaillo iviksukkat tamaita nunangæne nerridlarlutiglo perorsêvikotingita perortunginik.

36 Annaulerpaillo nunangæne erniangokârtut illûnaita; pitsartuningita sivurlingit tamaita.

37 Aularutivaillo, Silberemik Goldemiglo neksilugit; tâpkoalo kinguvârêngine, kannoêtolikkalaungilak attautsemiglonêt.

38 Egiptenemiut kувiasulaukput aularmatta; erksinariningæta tupvigilaungmagit.

39 Tâpsoma nuvuja issivilaukpâ ulliaksaukovlugo, ikkomalo kaumaikovlugo unuarne.

40 Tuksiarpût, tagva Wachtelinik tikkerkojilaukpok, namaksitipaillo killaub kakkôjanginik.

41 Kairtok angmarpâ, tagva imiksuit kôlaukput tagvangat, kôgut kôlaungmatta sunakajuitome pannertome.

42 Okautsinne ivsornaitut erkaumangmagit kivgaminut Abrahamut okauserilauktane.

43 Taimak innugiartoksoakotine aularutivait kuviasuklune, annerimajangillo erkiêrtorlune.

44 Tunitsivigivaillo nellojut nunanginnik; innukattigêksuit perkutingit nangmineliutilugit pikovlugit.

45 Nâletsartuksaukovlugit idluarijanginnik, ivlersijuksaukovlugillo malligaksaukojanginnik. Halleluja.

IMGERUT CVI.

*Kujalijutiksak Gûdib ajungitulliningit pivlugit, inukotine
tappatôjut nâpkigitsainarlaungmagit.*

Halléluga.

NALEGAK kujagissiuk illanâkarmat, pitsiarningalo itsainar-pok issokangitomot.

2 Kia NâleKab pinniarnersoangit nâlugit okautigijungnar-pagit, nakorijungnarlugo nertornarninga tamât?

3 Pillorikput perkojamik nâlektut, piniatsainartullo idluar-tomik.

4 Nâlegak erkaringa, saimavekarnît, angerutigilauktat innu-kotingnut malliklugo. Nellipsalaunga ikajornernut.

5 Tækkojungnarkovlunga annerimajavit illingatsiarninginik, innukotivillo kuviasungningænik, kuviasutekarkovlunga, ner-tortitsungnarlungalo kingcirmgutijattit illagællugit.

6 Ajortullilaukpogut atâtagilauktavut illagilugit; namangi-tullilaukpogut, Gûdekangitôlauklutalo.

7 Atâtagilauktapta Egipteneme tattamnartullinitit tukkisi-jomalaungilait; pitsiarnersoarnît erkalaungilât, tappatôlaukpullo imarbingme, imarbingme iviktalingme suvlulingnik.

8 Ikkajulaukpaillo attinne pivlugo, sôngonine sakkertitso-mavlugo.

9 Imarbiglo iviktalik suvlolingnik suarpâ, tagva ipterilinga-lerpok; tessiorpaillo ittinertigut, sorlo sunakajuitokut.

10 Ikajulaukpaillo tâpsoma illulugvigijingæta agganginnit.

11 Immaksuillo akkerartortingit ullikpait, attauserlonêllo amiakolaungilak.

12 Tagva okausingit okperivait nertornarningalo imgeruti-givât.

13 Pinniarningille puigorsârpait; uttakkilaungilello attaner-tuininganik.

14 Ikligosulerpullo sunnakajuitome, Gûdelo ôktorpat innu-kangitome.

15 Tâpsomalo tuksiarkipait, nûsilingnartorlo tillivâ ikligo-sungningita akkorngænnut.

16 Môsemullo kippalilaukput tangmârvingme; Aronemut ivsornaitokotinganut.

17 Nuna ingminik angmarpok êlugolo Datane, ullikpaillo Abiramib kippalikattigijangit.

18 Ikkoma ikkilertaulaukpok kippalidlartokattigêt akkor-gæne; ikkoalaniub Gûdekangitut ikkipait.

19 Nochangoak sennalaukpât Horebeme, tuksiarvigivâllo, adsingoak kovijaumajok.

20 Nertornautigijatiglo ablatsângortipât tuktuvangmut ivik-sukkanik nerrijomut.

21 Gûde piulijitik puigorpât, taimak angijôtigijomik pinnia-lauktok Egipteneme;

22 Tattamnartullilauktok Hamib nunangane, kappianadlar-tunniglo pinnialauktok imarbingme iviktalingme.

23 Okalaukporlo, nungutsomavlugit; Môsesib tâpsoma ar-nerimajangata koppak sângerlaungipago sângane, kaningajâr-ninga sangutilugo, asseroimarerkonago.

24 Nunalo ivlernartok nachogilaukpât; okausingit okperi-ngilait.

25 Okalokivullo tuppermingne; Nâlekab nippinga nâlelau-ngilât.

26 Agganelo kongmuartipait akkerartorlugit, ochotitsomav-lugit sunakajuitome;

27 Kinguvângit egilugit nellojut akkorngænut, nunannut siamartillugit.

28 Baal-Peorelo ungagivât, nerrilutiglo Gûdingoat innôse-kangitut tunnergusianginit;

29 Ningaksarpâllo pinniarnernmingnut; tagva kappianartok tikkitalâvok akkorngænut.

30 Tagva Pinehase tikkipok, idluarsailunelo pijokartomik tamattominga; tagva kappianartok nokkartitauvok;

31 Tamannalo idluarsititajutigijanganut illingatitautsainar-laukpok issokangitomut.

32 Ningaksarpâllo imektarvingme akkerartornermik atte-lingme, Môse aglât kanoétitaulaungmat pivlugit.

33 Annerninga ningaksarmatsuk, opallortornermullo okaut-sit illangit annivut tâpsomangat.

34 Inukattigêksuillo taipkoa nungulaungilait, Nâlekab per-kolauralloarmagit.

35 Akkupulle ingminik nellojut akkorngænut, illiniarlutiglo tâpkoa pinniarninginnik.

36 Kivgartorlutiglo tâpkoa gudingoanginik, tâpoalo niga-rutigivait ingmingnut.

37 Ernitiglo pannitiglo tunnergutautipait Sâtanasinut.

38 Auglo passijaksaungitok kovilaukpât, ernimik pannimiglo aungit, tunnergutautilauktamik Kanaanemiut Gûdingoanut, nuna akkiliksannut aungmik ulliktaulaungmat;

39 Ivsornartipullo pinniarnernmingnut, ajortullilutiglo illu-sermingnut.

40 Tagva Nâlekab ningarninga illungertulerpok innugiar-toksoakotine pivlugit, kingormgutijanelo makkojugililaukpait.

41 Tunnivaillo nellojut agganginut, ômigijingit attanioterkovlugit tâpkonunga.

42 Omigijingitalo, nênerlaukpait; manigotititaulutiglo tâpkoa agganginnut.

43 Tâpsoma piulekattalaukpait; ningaksarlaukpâlles kajusinnermingnut, ikkitôlerpallialaukpullo idluitullinitik pivlugit.

44 Kappiagijangællo tækkosarpâ, ârusungningit tussaramigit;

45 Erkaumalaukporlo pivlugit angersimanerminik, kakkialerporlo pitsiartoksônine malliklugo.

46 Nâpkigijautilaukpaillo illûnainut parngnanairsortinginnut.

47 Ikajortigut Nâlegak Gûdivut, kattersortigullo nellojunnit; nertordlerkovluta atternik hailigeôjomik, nakorsarkovlutalo nertornarnernik.

48 Nertortaule Nâlegak Israelib Gûdinga issokangitomit issokangitomot; innugiartoksuillo illûnamassiatik okarlît: Amen Halleluja.

IMGERUT CVII.

Kujalijutiksak Gûdemut piuliklerna kappianartunnit sunatuinarnit pivlugo.

NALEGAK kujagissiuk, illanâkarmat, pitsiarningalo îtsainarmat issokangitomot.

2 Taimak okarlît NâleKab piulijangit, tâpsoma kappianartomit piulilauktangit;

3 Nunannillo kattersulauktangit unangat, pângat, avangat imarbingmillo;

4 Tammarlutik arvertalauktut sunakangitome apkosiniôlungitome, iglugaseksoasilauratiglo iglokarvigijungnartamingnuik;

5 Kâklutik immerudlarlutiglo, tarningillo perlilerlutik illungine;

6 Nâlekamullo niplialauktut kappiagijamingne, tâpsomalo piulilauktangit kappiasungninginnit;

7 Tessiulauktangillo apkosinekut tamarnangitokut, aikovlugit iglugaseksoarnut, iglokarvigijungnartamingnut:

8 Tâpkoa Nâlegak kuviagijaksarivât, pitsiarninga, tattamartulliningillo pinniarnierijangit innuit kittornganginut pivlugit.

9 Tarne imeruktok namaksitimago; tarnelo kâktok illumertimago ajungitomik.

10 Iksivajuksaulauktut tåktome tåksinermelo, parngnanair-sortauvlutik ajoringorsiume, kikkiangmelo;

11 Gûdib ôkausingit nålelaunginamigit, kotsingnerpångojublo attannertuininga nachogilauramitsuk;

12 Tamanna pivlugo tâpsoma ômattingit kannoêtomut miklilertimagit, nellakovlugit tagvane, ikajortaunatiglo kinamut;

13 Nålekamullo niplialertut kappiagijamingne; tâpsomalo ikajulauktangit kappiasungninginit.

14 Tessiorlugillo târmit, tåksinermillo, kellarutingillo kiktoralugit:

15 Tâpkoa Nålegak kujagijaksarivât, pitsiarninga tattam-nartulliningilo innuit kittornganginne pinianerijangit pivlugit.

16 Upkoat kanujaujut pittarmagit, senneroallo kikkiangojut annaulugit navingmagit.

17 Sillaitut okumaiksartitaulauktut, arvertarnitik tappanitik, ajornitiglo pivlugit;

18 Tarningita nerkiksat tamaita makkojugilaungmagit, kanilauktullo tokkub ittervinginnut;

19 Mannalo niplialauktut Nålekamut kappiagijamingne, tâpsomalo ikajulauktangit kappiasungninginnit;

20 Okautsine tillikliutivait, pijungnaitilugillo; piulilugillo ittersålungninit:

21 Tâpkoa Nålegak kujagijaksarivât, pitsiarninga tattam-nartulliningillo pinniarnierijangit innuit kittornganginne pivlugit;

22 Tunnijajuksaulutiglo tunnergutinnik kujalijutiksannik, pinniarningillo unnipkautigilugit igiakomijarlutik.

23 Umiaksoakut umiaktortut imarbiksoarme, niuveriartortullo imaksoakut;

24 Nålekab piniarninginik tækkolauktut, tækkolauktullo tâpsoma tattam-nartullininginnik ittinnerme;

25 Okalaurangame akkonaksoakartitsilunelo, makkitatitsijomik mallingnik.

26 Tâpkoa kongmuartitaungmatta killangmut, sittotitaulutiglo ittinnermut, tarningit kappiasumut mungolermatta;

27 Tallangajotut aulajoksiormatta sennepiktorarmattalo, illisimaililermattalo;

28 Niplialermattalo Nålekamut kappiagijamingne, tâpsomalo tessiortangit kappiasungninginnit,

29 Saimarlugolo sillarnerluksoak, aklairartuinarkovlugo, maggillo nokkarmatta;

30 Kuviasulertullo kassungangmat, tâpsomalo kissarvingmut âmagit tussugijangat malliklugo:

31 Tâpkoa Nålegak kujagijaksarivât, pitsiarninga, tattam-nartulliningillo pinniarnierijangit innuit kittornganginne pivlugit;

32 Nakorijaksarilugolo innugiartoksuit illagêngninginne, nertorlugolo angajuklit kachimioningæne.

33 Tâpsoma kôgut sunakajuitungortipait, puailavillo immermik imerungnárvingortipait;

34 Nunalo perutsianartok naksangortipâ sioraujalingmut, tâpkoa nunakartut tagvane kassêningit pivlugit.

35 Sunakajutorlo tessingortipâ imektalingmut, nunnalo pannertok puailavingortipâ imilingnik.

36 Kâktullo pitipait tagvunga, iglugaseksoarnik âkiksoerkovlugit iglokarvigijungnartamingnik;

37 Perorsévillo kangasuivigilugit perkovlugit, Weinelihsenniglo illijerkovlugit, Jârinelo tamaine perortunnik perkovlugit.

38 Pitsartutipaillo unnuksivalliadlarkovlugit, nergjutingillo ikkitôtilungilait;

39 Nukkingerotilaukârmagit, okkungatilaukârmagillo kanoêttub tettinganut, issumajârnermullo.

40 Nachonarnek nâvipâ attannernut, saksartilaitalo inukangitome apkosinekangitome;

41 Aklujorlo kakkitipa pattanganinganit, kinguvângillo kattingajutitut îtipait.

42 Tamanna idluitailijut tækkoniarpât, kuviasungniarlutiglo; kassênerlo tamât nippangertitauniarpok.

43 Kina sillatôva puigortaililunelo tamattominga? Tagva tukkisiniarput, kannok unnuktigijunik ajungitullinernik Nâlegak sakkémat.

IMGERUT CVIII.

Nertordlernek Gâdib pitsiarninganik, nertornarninganiglo;

tuksiarnerlo ikajortanijomamut.

Davidib imgerutâ.

2 GUDE ômattiga oppalungairsimavok; ingeromavunga, nipliajogomalungalo, nertornarneratauk (tarniga).

3 Atte Psaltere Harfelo! uvlarârsukut makkitsomavunga.

4 Kujagijomavagit Nâlegak innukattigéksuit akkorngæne, nertorlutit imgervigijomavagit innuit akkorngaene.

5 Saimavekarnit pingmat killaub îninga tikkidlugo, miksekârnîllo nuvujat tikkiningit tikkidlugit.

6 Kangattarit Gûde killaub kollânut, nertornarnîllo pile nunnannut illûnainut;

7 Nagligijattit piulijaukovlugit. Ikajolaurit tallerpingnut, tussarlungalo.

8 Gûde okarpok ivsornaitovekotimine, tamana pivlugo ku-
viasukpunga; Sicheme avigomavara, Suchotiblo ôktoromavara.

9 Gilead perkutigivara, perkutigivara Mannasse, Efraimelo
sapputsauviksauvok niakumnut; Juda tunnijigivara perkojanik.

10 Moabe ubvarvigivara; ittiggagutiga tessiutijomavara
Edomib kânganut; Filistêa igiakomijarutigijomavara.

11 Kia tessioromavânga iglugaseksoarnut sôngojunut?
Kia aiparijomavânga Edomemut?

12 Igvit pinniarniangilatit Gûde, ajaktuijotit uvaptingnik,
aularlungilatillo Gûde kattimgajokotivut illagilugit?

13 Ikajornekartitigut kappiasungnerme, innuit ikajorningæt
piutsengimat.

14 Gûde illagællugo pinniarnersoarnik pinniaromavogut.
Tâpsoma ômigijivut tullerniarpait.

IMGERUT CIX.

Nellautainek Messiasib ômigijîngit pivlugit.

Davidib imgerutâ imgerutigilugo.

GUDE nertornarutigijara, nippangerniarnak.

2 Kannitik Gûdekangitut nellangaitoksôjullo angmarmagit
akkerartorlunga, okarlutiglo uvamnnt okannut sæglojunnut.

3 Illumavânga okautsinnut ômisungnelingnut, akkerartor-
pângalo pitjutekaratik.

4 Nagligigapkit, taimaimat kiglornipânga; uvangale tuk-
siarpunga.

5 Idluitomik akkiniarpânga ajungitomut, ômigijaunermiglo
naglingnermut.

6 Gûdekangitok angajokângortiuk tâpsomunga; Sâtanase-
llo nangerle tâpsoma tallerplane.

7 Erkartortaugune passijaksaunerartaule, tuksiarningalo
ajorningorle.

8 Uvlungit ikkitôlerlit, pinniarkojauningalo assianut pijaule.

9 Kittorningangit illiarsungorlît nulliangalo uigarningorle.

10 Kittorningangit tammarnartovingme saksârtôlit kennulu-
tiglo kennerlutiglo (nerkiksamingnik) sujuksimavlutik.

11 Pijomatudlartub pinnasuarligit perkutingit tamaita;
tækkorngartælo arktautigiligit perkutingit.

12 Ajungitullijokartailile kinamik tâpsomunga, kialonêllo
nâpkigitaililigit illiarsukotingit.

13 Kinguvángit nungutaulit; attingit kinguvarêt aipangine pèjartaulit.

14 Atâtagilauktangita idluitulliningit issumagijaulit Nâlekab sângane, anânangatalo ajorningit pèrtautaililit.

15 Nâlekab ijingme sângangnêitsainarligit, tâpkoalo erkau-majauningæt pèjarlerliuk nunamit.

16 Tamana pivlugo issumalaunginame nâpkigosugomavlune; ajulertorle, aklujorlo kiksartorlo unangmigamiuk tokkotsomavlugo.

17 Ominaut pijomalaukpâ, tikkitauniarivok tâpsomunga; saimartitaunek pijomalaungilâ, tagva ungasingniarivok tâpsomangat.

18 Ominaullo attilaukpâ uvinerungmitut; itterporlo illuanut immetut orksutullo sauninginnut.

19 Tagva taimaivigiliuk annorâktut attortamitut; tapserutitut, tapseruserutigitsainartamitut.

20 Taimak akkiltertaulit tâpkoa Nâlekamut akkerartortikka, idluitunniglo okausekartut tarniga akkerartorlugo.

21 Igville Nâlegak, Nâlegak, aiparilaunga, attit pivlugo; saimavekarnit manigornerigapko piulilaunga.

22 Aklugama, pattangalungalo, ômattigalo serkomisimavok illumne.

23 Nungusârpunga tachaktut nakigilertotut, aijaliktauvunga piglertaujærtutitut.

24 Sérkûka nukkingerôtivuk nerritailinermut; uvinigalo sallukpok kuinijungnairlune.

25 Mittautiksaujariakarpungalo tâpkonunga; tækkoleraiguninga illekettamârput.

26 Illilertulaunga Nâlegak Gûdik; ikajulaunga saimavekarnit malliklugo;

27 Tukkisilerkovlugit tamana igvit aggarigangne, igvit Nâlegaujotit tamattominga pinniaravit.

28 Okarnerlotjileraikpatta, tagva igvit saimartitsilaurit. Akkerartoraikpânga, tagva kangusuktitaulit; kivgakotille kuvasugle.

29 Akkerartortikka mamailisartaunermik attititaulit; kangusuktitaunermiglo annorârtitaulit ullingmik sorlo.

30 Nâlegak kujagidlaromavara kannimnut, nakorijomalugolo unnuktut akkorngæne.

31 Aklujub tallerplane nangermat ikajoromavlugo tâpkonangat, innôsinganik pitlaraksauneraijunnit.

IMGERUT CX.

*Nellautainek Kristusemik attanniôjomik issokangitomik,
ajochertuijersoangôjomiglo.*

Davidib ingerutâ.

NALEGAK okalaukpok Nâlekamnut: Tallerpingma tungânut ingitit, ômigijingnik illijerkârtinanga ittikavit ikovrangænut.

2 Nâlekab nâlegauvikpît opigijaujutiksanga tillijomârpâ Zionemit: Attanniotilerit ômigijivit akkorngæne.

3 Sâlakarnivit uvloksoangane inukotivit malligomârpâtît kunnutuidlutik, ânanausijaunelijarlutik ivsornaitomik. Inût-sûkotitit tikkilerput illingnut mitsuksoaktut kaub aupalungningata sânganit sorlo.

4 Nâlegak okamarilaukpok, kakkialerniangilarlo tamatto-minga: Ajochertuijôvotit issokangitomot, Melchisidekib illinganingattut,

5 Nâlekab tallerpingnêutub attannît egilugit serkomitsomârpait ningarnime nelliuningane.

6 Erkartuijomârpok nellojut akkorngæne, (nunna) tættætitsomârpâ tokkungajunnik; nunaksuit attanningat egilugo serkomitsomârpâ.

7 Apkomêdlune kôngmit immeromârpok; tamanna pivlugo niakone kagveromârpâ.

IMGERUT CXI.

*Kujalijutiksak Gûdib ajungitulliningit timiptingnut
tarniptingnullo pivlugit*

Hallêluja.

NALEGAK kujagivara ômamut tamânut, idluitailijut kachimioningine illagêktunnelo.

2 Nâlekab pinniarningit angijôvut, makkoninga kamajub kuviagidlarpait.

3 Tâpsoma pinniarninga nertornarpok ânanaudlarlunelo, idluarningalo itsainaromârpok issokangitomot.

4 Tattamnatullinime erkaumajauninganik âkiksoilaukpok Nâlegak saimarvekarosuktok nâpkigosuktorlo.

5 Nerkiksamik tunnijivok tâpkonunga sivoragijiminut; angersimanine erkaumatsainarpâ issokangitomut.

6 Pinniarnersoane okautigivait inukotiminut, tunnijerkovlugo tâpkonunga nellojut kingormgutijangænik.

7 Aggangita pinniarningit miksekârniôvut, idluarneôlutiglo, perkojangit illûnatik sokkosijuiput.

8 Itsainartitauvut issokangitomut; malliktaulutiglo nertornartomik nellâgôrtomiglo.

9 Piuliklernek tillikliutivâ innukotiminut; angerpok angersimaninga itsainartuksaungmat issokangitomut, Attinga ivsornaitoksôvok, opinartoksôlarmelo.

10 Sivôranek Nâlekamik pigiarneôvok illissimanernmut; tamanna sillatutsiarniôvok, taimailiorlune pijub, tâpsoma nertortauninga itsainarpok issokangitomut.

IMGERUT CXII.

Idluartut aitorrigajuktullo pillorîngningæt.

Hallêluja.

PILLORIKPOK Nâlekamik sivôrajok, kuviasutekadlartok tâpsoma perkojanginnik.

2 Tâpsoma kinguvângit sôngojomârput nuname; idluitailijut kinguvârêngit pitsartutisimajomârput.

3 Akluinek pittakaloringnerlo iglunginêtsomârpuk, idluaringælo itsainaromârpok issokangitomut.

4 Idluitailijut nuiviôvut kaumajomik târtome, saimarvekarosuktomit nâpkoarosuktomillo idluartomillo.

5 Pillorikpok nâpkoarosuktok, attarksiviôjorlo kununane, pinniaraksaminiglo pinniartok idluarnerme.

6 Itsainaromârame issokangitomut; idluartok puigortauniat-sengilak.

7 Tussaumajaujut kappianartut erksigingilait; ômattinga mungojuidlune sungertutekarpok Nâlekamik.

8 Ômattinga maksoavok sivôrajuilunelo; tækkokârane kuviasutiksaminik ômigijimine.

9 Kangasuivok tunnijilunelo aklujunut; idluarninga itsainarpok issokangitomut; naksunga kongmuartitauvok nertortaumlune.

10 Gûdekangitub tamanna tækkojomârpâ kangârutigijomârpâlo; kiggutine kêtitsomârpait nungujomârlunelo. Gûdekangitut tussuningæt assiômangmat.

IMGERUT CXIII.

Nertordlernek Gûdemik piĵoorijuitunnik saimarsaijomik.

Halléluja.

KIVGAUJOSE Nálekamut nertordleritse, Nálekaŋ attinga nertorsiuk!

2 Nálekaŋ attinga nertortaule mánnamit issokangitomut.

3 Sekkerngub nuininganit nippininga tikkidlugo Nálekaŋ attinga nertortaule!

4 Nellojut illúnatik Nálegak kotsingnerpárivát; opinarninga pivok killaub íninga tikkidlugo.

5 Kina Nálegaktut Gûdiptitut-íka? Kotsiktomut ingilauktok;

6 Tækkonârtorlo erkanangitunnut killangme nunamelo.

7 Makkititsijok erkanangitomik saningnit kakkititisijorlo aklujomik akkilupingmit;

8 Ingititserkovlugo tâpsominga attanít senniænut, innukotime attaningita senniænut.

9 Iglokartitsijok kittorngisuitomut, anânangorkovlugo kuviasuktok kittorngænut Halléluja.

IMGERUT CXIV.

Gûdib ânanausijauninga aulartitsininganut

Israelitinik Egiptenemit.

ISRAELITIT aularmatta Egiptenemit, Jakokut innukattigéksoarnit tækkorngartannit:

2 Tagva Judakut ísornaitoviðlaukput tâpsomunga, Israelekullo nálegauviðlaukput.

3 Immarbi tækkolaukpok tamattominga kemâlunelo; Jordane uttilaukpok;

4 Kakkat kiggertalaukput saugârsuktitut, kakkârulaillo saugarkatitut.

5 Sulaukit igvit immarbiðjotit kemâlauravit? igvillo Jordaneðjotit uttiðrlauravit?

6 Illipse kakkaujose, kiggertarlaurapse saugârsuktitut? kakkâraulaujose saugarkatitut?

7 Nâlekab kênangata sângane sajukpiludlarit nunnaujotit, Jakob Gûdingata kênangata sângane;

8 Kairtomik ablatsângortitsijub tetsermut immilingmut, ujarkamiglo immehtarvingnut.

IMGERUT CXV.

*Gûdiojub nellâgôrtub pitsiarninga ojugakangitok; nellojut
Gûdingoangita suksaunginingit.*

UVAGUUNGITOK Nâlegak, uvaguungitok, attille opigijau-nekartiuk, saimarvikarnît miksekârnîllo pivlugik.

2 Sôg nellojut okartuksauvât Gûdingat nanêka mâna?

3 Gûdivulle killangmêpok; pingortitsijungnarpok issumagijaminik.

4 Taipkoa gûdingoangit Silbereôvut, Goldeôlutiglo senna-jaumajut innuit agganginnut.

5 Kannekarput okaratiglo; ijekarput tautugatiglo;

6 Siutekarput tussaratiglo; kingakarput nainatiglo;

7 Aggakarput tigussinatiglo; ittiggakarput, pissugatiglo; nippekaratiglo torklumikut.

8 Taimaitunnik sennajut taimaikoarivait; illûnatiglo sungertutekartut tâpkoninga.

9 Israelitille Nâlegak sungertutigilitsuk; tâмна ikajortigivât, sappulutarilugolo.

10 Aronekut Nâlegak sungertutigilitsuk; tâмна ikajortigivât sappulutarilugolo.

11 Nâlekamik sivurajut Nâlegak sungertutigilitsuk; tâмна ikajortigivât sappulutarilugolo.

12 Nâlekab erkaumavâtigut pitsartutilutalo; Israelekut pitsartutipait, Aronekut pitsartutipait;

13 Nâlekamik sivurajut pitsartutipait, tamarmik, mikkijut angijullo.

14 Nâlekab pitsartutipallialerlise, illipse kittorngaselo.

15 Illipse pitsartutitauvose Nâlekamut, killangmik nuna-miglo pingortitsijomut.

16 Killait tamaita Nâlekab perkutigivait, nunale tunnilaukpâ innuit kittornganginnut.

17 Tokkungajut Nâlegak nertorniangelât, tâpkoealonêt unngartut tussarvikangitomut.

18 Uvagulle Nâlegak nertoromavavut mânnamit issokangitomut. Hallêluja.

IMGERUT CXVI.

Kujalijutiksak piulijaunek kanoêtomit pivlugo.

KUVIASUTIGIVARA Nâlekab nippiga kennunikkalô tussarmagit;

2 Siutinga manningmago uvamnut; tamanna pivlugo inôsera nâvlugo nipliavigijomavara.

3 Tokkub aklunângita napperlaukpânga, kappianartoviublo kappianarningata uvigalaukpânga, ogguarnartomut kappianartomullo pilaukpunga.

4 Nâlekable attinga nipliavigilaukpara: Nâlegak, tarniga piulilauruktôk!

5 Nâlegak saimarvekarpok idluarlunelo; Gûdivullo nâpkoarosukpok.

6 Nâlekab issumalingasuitut sapputivait. Sâlagijauleraiguma, tagva tâpsoma ikajorpânga.

7 Manna sailalermît tarnik, Nâlekab, ajungitullivigingmattit.

8 Igviit tarniga nussulaurangne tokkomit iijikka kugvekarnermit, ittiggakka koitarnermit.

9 Arvertarniarpunga Nâlekab sângane inôjut nunangæne.

10 Okperpunga, tamanna pivlugo okarpunga. Angijomigle siorniortitauvunga.

11 Mungoninne okalaukpunga: Inuit illûnatik sæglotôvut.

12 Kannok Nâlegak akkiniarvigijaksarivigo ajungitullininginik tamainik piniarnerijanginik uvamnut?

13 Ermgusiârsuk innûlijaunartok tigujomavara, Nâlekablo attinga okâlatigijomavara.

14 Angernerilauktamnik Nâlegak akkilêvigijomavara, innugiartoksoakotingita illûnatik sânginne.

15 Ivsornaitokotingita tokkungit ivlerijauvut Nâlekab sângane.

16 Nâlegâk, kivgarivarma: kivgarivarma kivgavit arnab ernerivânga. Kellarutikka kellarudjarlaukpattit.

17 Igviit kujalinermik tunitsivigijomavagit, Nâlekablo attinga okâlatigijomavara.

18 Angernerilauktamnik Nâlegak akkilêvigijomavara, innugiartoksoakotingita illûnatik sângine.

19 Nâlekab iglungata avalungita illuane, illingne Jerusalem. Hallêluja.

IMGERUT CXVII.

*Kajungersainek innukattigêksoarnik illûnainik Gûde
nertorlugo.*

NELLOJOSE tamapse Nâlegak nertorsiuk; innukattigengô-joselo tamapse nakorissiuk.

2 Tâpsoma saimarvekaningata, miksekârningatalo kollangi-armattigut issokangitomot.

IMGERUT CXVIII.

Kujalijutiksak tæhkonârnerme Messiasemik.

NÂLEGAK kujagissiuk illanâkarmat, pitsiarningalo itsainarpok issokangitomot.

2 Israelitit manna okarlît: Pitsiarninga itsainarpok issokangitomot.

3 Aronekut manna okarlit: Pitsiarninga itsainarpok issokangitomot.

4 Nâlekamik sivôrajut manna okarlît: Pitsiarninga itsainarpok issokangitomot.

5 Kappiasungnerme Nâlegak nipliavigilaukpara, Nâlekablo tussalaukpânga piulilungalo.

6 Nâlekab aiparivânga, tamanna pivlugo sivôralungitunga; sunamik innuit pinniarvigijungnarpângâ?

7 Nâlekab aiparivânga ikajoromavlunga; kuviasutiksaralo tækkojomavara ômigijimne.

8 Namanersauvok Nâlegak tettigilugo, sungertutekarnermit innungnik.

9 Namanersauvok Nâlegak tettigilugo sungertutekarnermit attannernik.

10 Nellojut illûnatik illumavânga; Nâlekable attingane ullimârlugit serkomitsomavakka.

11 Illumavânga illûnâne; Nâlekable attingane ullimârlugit serkomitsomavakka.

12 Illumavânga igupsaujærtutitut; isserlukput ikkomatut orpine kakkilautilingne; Nâlekable attingane ullimârlugit serkomitsomavakka.

13 Pingujartauvunga ochokojomavlunga; Nâlekable ikajorpânga.

- 14 Nâlegak sôngonerivara, imgerutigivaralo, piulijigilâlo.
- 15 Igiakomijarnermut piulijaunek imgerutigijauvok idluartut iglunginne; Nâlekab tallerpia sâlakatsainarpok.
- 16 Nâlekab tallerpia kongmuartitaumavok; Nâlekab tallerpia sâlakatsainarpok.
- 17 Tokkoniangilanga, innônialungale, Nâlekablo pinniarnigit okautigilugit.
- 18 Nâlekab kaujisaralloarpânga tunnilungilângale tokkomut.
- 19 Idluarnerub upkoaksoangit upkoêsigik uvamnut, tagvunga itterkovlunga, Nâlegarlo kujagilugo perkovlunga.
- 20 Tagva Nâlekab upkoaksoango; idluartut tagvunga itteromârput.
- 21 Kujagivagit manigotitigamga, ikajulungalo.
- 22 Ujarak igluliorut nachogijangat, tâмна ujarangornerpok terrekomet.
- 23 Nâlekab tamanna pinialaukpâ tattamnartôlunelo ijipta sângine.
- 24 Tagva uvlôvok Nâlekab sennajanga; kuviasukta serri-lutalo tâpsomane.
- 25 Nâlegak ikajulaurittôk! Nâlegak sullitsiartitsilaurittôk!
- 26 Nertortaule tikkitok Nâlekab attingane! Saimausertaukovapse illipse Nâlekab iglunganut illingajose.
- 27 Nâlegak Gudeôvok, kaumaksartivut. Uvloksiorvik pin-narnarsisiuk kessertutini millukattalingnik, Altarib naksungit tikkidlugit.
- 28 Igvit Gûdigivagit, kujagivagillo, Gûdik nakorijomavagit.
- 29 Nâlegak kujagissiuk illanâkarmat, pitsiarningalo itsainarpok issokangitomet.

IMGERUT CIXX.

Omattib kigligiudsiningit Gûdib okausingitanekkoksinarningæt pivlugo.

PILLORIKPUT tâpkoa passijaksaunatik innôjut, arvertartut Nâlekab malligaksaukojangit malliklugit.

2 Pillorikput tâpsoma kigligiutsininginik nâlektut, kenner-tut tâpsomina ômamut tamânut.

3 Tâpsoma apkosiningane arvertartut idluitullilunginamik.

4 Perkojilaukpotit pinniartaukojattit mallitsiarlugit attaruilijomik.

5 Kannoktôk inôtsima idluarijattit nâlekligit koksasungnermut nellâgôrtomet!

6 Perkojattit illûnaita nautsertorupkit, tagva kangusukti-tauniangilanga.

7 Kujagivagit ômamut nellâgôrtomut, idluarnivît idluarijan-
ngit illiniarupkit.

8 Malliktaukojattit nâlegomavakka; kemmaniarnanga sorai-
junak.

9 Kannok innuosuktok apkosinermine passijaksaunane ar-
vertarniarkâ? Okautsitet malliklugit piniarune.

10 Kennerpagit ômamut tamânut; tappagitailitilaunga per-
kojarnik.

11 Okautsitet torkorpakka ômattimne, idluitullerkonanga
illingnut.

12 Nertortait Nâlegak! Ajochertulaunga idluarijarnik.

13 Kangasinâmnut kannerpit idluarijangit tamaita unipkau-
tigijomavakka.

14 Kigligiutsinivît apkotingæt kuviagivara, akluinartutitut
sunatuinatitut pivlugit sorlo.

15 Piniartaukojattit issumaksarsiorutigivakka apkosinitillo
kamagivakka.

16 Idluarijattit kuviasutigivakka, okautsitillo puigorlungi-
lakka.

17 Kivgait ajungitullivigiuk, innôkovlunga, nâletsiarkov-
lungalo okausernik.

18 Ijikka uitâtikik tækkokovlunga malligaksaukojavît tat-
tamnartullininginik.

19 Tujormijangôvunga nuname; perkojattit ijerniarnagit
sâmnit!

20 Tarniga serkomisimavok kilianâtsainarmut idluarijarnik.

21 Piojorijut suarpattit; ôminartôvut perkojarnik tappajut.

22 Kângunarnek nachonarnerlo sangutikik, kigligiutsinitit
nalegapkit.

23 Attannît iksivakattigêkputtauk okautigilungalo akkerar-
torlunga; kivgakotiville idluarijattit okautigivait.

24 Ilâ kigligiutsinitit alliagivakka, attannertortigivakkalo.

25 Tarniga nellavok sanningne; nekkoksitilaunga okautsitet
malliklugit.

26 Apkosinitit unnipkautigivakka, igvillo tussarparma;
ajochertulaunga idluarijarnik.

27 Illisalaunga piniartaukojavît apkosininginnik; tagva
tattamnartullinitit okautigijomavakka.

28 Tarniga auksilerpok issumajârnermut; maksoatilaunga
okautsitet malliklugit.

29 Apkut tammarnartok sangutilauruk uvamnit, anner-
pagilaungalo malligaksaukojarnik.

30 Miksekârnerub apkosininga annerilaukpara, idluarijattit
pitilaukpakka sâmnut.

31 Kigligiutsinitit ungagivakka; Nâlegak kangusuktitauko-niarnangatôk.

32 Igvit ômattiga manigorungne, tagva perkojavit apkosini-ngæt akpangervigivara.

33 Unertutilaunga Nâlegak idluarijavit apkosiningænnik, ivlarserkovlunga tâpsominga naggatiksak tikkilugo.

34 Illisalaunga, ivlarserkovlunga malligaksaukojarnik, nâle-kovlungalo makkoninga ômamut tamânut.

35 Tessiulaunga perkojavit apkosiningæne; tamanna kuvia-gigapko.

36 Omattiga kajungertilauruk kigligiutsinernut, pijomatu-dlarnermuungitorlo.

37 Ijikka keviartikik tækkokonnagik suksaungitomut; nek-koksitilaungale apkosinerne.

38 Okautsitit nakkiterkit kivgarnut, tunijaumajut sivuragi-jingnut.

39 Kangusuktitaunek illimagijara sangutiuk uvamnit; idlu-arijattit inerkonarmatta.

40 Ahâk pinniartaukojattit kajungervigivakka; nekkoksiti-launga idluarnernut.

41 Nâlegak saimavekarnit pigilago, ikajornit, okautsitit malliklugit;

42 Kiojungnarkovlunga okarnerlotigijimnik; okautsitit su-ngertutigigapkit.

43 Kannimnillo miksekârnerub okausingit pêrniarnagittôk; idluarijattit nerriugigapkit.

44 Malligaksaukojattit nâletsainaromavakka sorairnanga issokangitomut.

45 Arvertarpungalo kувiasuklunga; pinniartaukojattit ken-nerapkit.

46 Kigligiutsinitit okautigivakka attanit sângine, sillasiu-ngilangalo;

47 Kувiasutigivakkalo perkojattit ivlerilugillo.

48 Aggakkalo kongmuartipakka perkojarnut ivlerijamnut, idluarijattillo okautigivakka.

49 Kivgait erkaumavigiuk okausernik sungertutigijaukojar-nik uvamnut.

50 Tamanna manigornerivara pattanganime, okautsivit nekkoksitimanga.

51 Piojorijut mittautigidlarpânga; sullele nûlungilanga malligaksaukojarnit.

52 Nâlegak erkarangama, kannok igvit sillaksoakarninganit idluarsailauravit, tagva manigortauvunga.

53 Gûdekangitut, malligaksaukojarnik kemaijut illuluguti-givakka.

54 Idluarijattit imgerutigivakka arvertarnima iglungane.

55 Nâlegak unnuarme attit erkaumavara, malligaksaukojattillo nâlekpakka.

56 Tamanna pivianartokutigivara, pinniartaukojattit nâlegapkit.

57 „Nâlegak illangiusiarivara,“ taimak okarkattarpunga okautsittit ivleritsainaromavlugit.

58 Kennuvunga illingnut ômamut tamânut, 'saimarviginga angernît malliklugo.

59 Apkosinikka nautsertorpakka; ittigakkalo torârtipakka kiglīgiutsinernut.

60 Errinesukpunga, siglontonangalo perkojattit malligomavlugit.

61 Gûdekangitokattigêt illumavânga; uvanga malligaksaukojattit puigorlungilakka.

62 Unnuab ketterarningane makkipunga, igvit kujalivigivlutit idluarnivît idluarijangit pivlugit.

63 Illûnainut illingnik sivurajunut piniartaukojarniglo nâlektunut illaukattauvunga.

64 Nâlegak, nuna nâmavok pitsiarnernik.

65 Kivgait ajungitullivigivet, Nâlegak, okautsittit malliklugit.

66 Ajochertulaunga illutsinik innûlingnartunnik, illitarksinermiglo; perkojattit okperigapkit.

67 Mannigotititaulaukârtinanga tammalaukpunga; mannale okautsittit nâlekpakka.

68 Igvit pitsiarpotit illanâkarlutillo, ajochertulaunga idluarijarnik.

69 Piojorijut sæglonernik issumertorpânga; uvangale piniartaukojâttit nâlekpakka ômamut tamânut.

70 Omattingit kinerput pujotut; uvangale malligaksaukojattit kuviasutigivakka.

71 Kuviasukpunga manigotititaulaurama, illinialaukovlunga idluarijarnik.

72 Kanerpît malligaksaukojangit oeriginersarivakka kênaujannit Goldeojunnit Silbereojunnillo tausendinnit.

73 Aggakpît sennalaukpânga âkilungalo; illisalaunga perkojarnik illiniarkovlunga.

74 Sivurajut illingnik tækkovânga, kuviasuklutiglo; okautsittit tettigigapkit.

75 Nâlegak kaujimavunga idluarsainittit idluarmatta, nertornarlutillo nikkansarsârtilauramga.

76 Saimarvekarnît mannigortiksarilago, sorlo kivgait angervigilaurangne.

77 Nâpkiningnît pigilerlago innôkovlunga; malligaksaukojâttit kuviasutigigapkit.

78 Piojorijut sæglonernut okkungatitikka kangusuktitaullit; uvangale pinniartaukojattit okautigivakka.

79 Illingnik sivurajut, illitarksijullo kigligiutsinernik sâvigilinga.

80 Omattiga nellâgôrlune idluarijarnêtsainarle kangusuktitaikonanga.

81 Tarnima piuliklernit kêmitigvigivâ; okautsitit tettigivakka.

82 Ijngma okautsitit kêmitigvigigivait okarlutiglo: Kakkugo mannigorniarpingâ?

83 Pôktut amivineôjotut isserlungmêtotut-ilerajaralloaruma; idluarijattit puigorlungilakka.

84 Kannok akkunêrtigijomik kivgait uttakkijuksauvâ? Kakkugo ômigijikka erkartoromavigit?

85 Piojorijut ittersalliorpânga, malligaksaukojattit malliklugit illingalungitunik.

86 Perkojattit miksekârnetuinauvut. Tâpkoa unangmivânga sæglonernut; ikajulaunga.

87 Nungukasalaukpânga nuname; uvangale piniartaukojattit kemmalungilakka.

88 Nekkoksilaunga saimarvêkarnit malliklugo, kannerpit kigligiutsininginnik nâlekovlunga.

89 Nâlegak okautsitit issokangitomut sokkosijuitsainarput killangme.

90 Miksekârnit îtsainaromârpok sorairane. Igvit nuna âkiksulaukpet, tâmnalo sokkosijuidlune tagvanêtsainarpok.

91 Sulle uvlome idluarijattit malliklugit illingavut; illûnamassiatik kivgartoriakarmattit.

92 Malligaksaukojattit manigornerilaungikupkit, nungutau-najalaukpunga pattanganime.

93 Pinniartaukojattit puigoromatsengilakka; igvit nekkok-sitigamga tâpkonunga.

94 Perkotigivarma, ikajulaunga; pinniartaukojattit kennerasuarapkit.

95 Gûdekangitut uttakkivânga innuaromavlunga; uvangale kigligiutsinitit kamagivakka.

96 Tamaita pijut naggatiksangit tækkolaukpakka; perkojattile îtsainarput.

97 Ila angijomik malligaksaukojattit ivlerivakka! uvlut tamaita okautigivakka.

98 Perkojavit illissimanersautipânga ômigijimnit; perkutigitsainarapkit issokangitomut.

99 Kaujimanersauvunga ajochertortimnit tamainit; kigligiutsinitit issumaksarsiorutigigapkit.

100 Sillatunersauvunga inutokaujunnit; piniartaukojattit torkorapkit.

101 Ittiggakka attortailitipakka apkosinernik idluitunnik tamainik, nâlekovlunga okausernik.

102 Nâlungilanga idluarijarnit; igvit ajochertoramga.

103 Okautsilit kannimnut mamananersauvut igupsaujârtut orksunginnit.

104 Piniartaukojarnut sillatotitauvunga; tamanna pivlugo apkutit tammarnartut tamaita ômigivakka.

105 Ittikkama okautsilit kaumaksaitigivait, kaumaniolutiglo apkosinimne.

106 Angermarikpunga malligomavaralo, idluarnivit idluarijantit torkoromagapkit.

107 Angijomik manigotititaumavunga; Nâlegak nekkoksitilaunga okautsilit malliklugit.

108 Nâlegak kanerma tunnergutingit pijarijut kuviagijaulit illingnut; ajochertulaungalo idluarijarnik.

109 Tarniga tigumiatsainarlugo akjarpara; malligaksaukojattillo puigorlungilakka.

110 Gûdekangitut nigartorpânga; uvangale tammarlungilanga pinniartaukojarnit.

111 Kigligiutsinitit kingormgutijarivakka issokangitomut ômattima erkiêrtorutigingmagit.

112 Omattiga sangutipara, idluarijattit malliklugit piniatsainaromavlunga issokangitomut.

113 Annerneggit nakkimârnijunik ômigivakka, malligaksaukojattillo ivlerivakka.

114 Igvit serngnigijigivagit sappulutariluttillo; okautsilit tettigivakka.

115 Aularitse uvamnit kassêtose; Gûdima perkojangit nâlegomavakka.

116 Angernerilauktat malliklugo inôsekainartilaunga; kangusuktitaukoniarnangalo tettekarnera pivlugo.

117 Nekkoksitilaunga atsuilerkovlunga; tagva idluarijattit kamagitsainaromavakka.

118 Tullerarpattit illûnaita idluarijarnik tammaiut; uivêriklerningit sægloniôtuinaumatta.

119 Gûdekangitut nunamêtot illûnaita pêjarpattit piunginerlukutitut; tamanna pivlugo kigligiutsinitit ivlerivakka.

120 Erksigapkit kêungomivunga idluarijatillo kakkilârutigivakka.

121 Idluarnekk idluarsainerlo attorpâka; illingatiniarnanga aksorortitimnut.

122 Igvit kivgait akkisartutsialauruk namanerpângôjomik, piojorijut aksorotjikonnagit uvamnik.

123 Ijîngma piuliklernît kêmitigvigivâk, idluarnivillo okausertangit.

124 Kivgait pinniarvigiuk saimarvikarnît malliklugo, ajo-chertorlaungalo idluarijarnik.

125 Kivgarivarma; illisalaunga, kigligiutsinernik illitarksi-lerkovlunga.

126 Nâlekab piniârvinga nellusimavok; malligaksaukojattit serkomilaukpait.

127 Tamanna pivlugo perkojattit ivlerinersarivakka Golde-mit, Goldemillo illakangimariktomit.

128 Tamanna pivlugo piniartaukojaujut illûnâne nâlemarik-pakka, apkosinerlo tammarnartok tamât ômigivara.

129 Kigligiutsinitit tattamnadlarput, tamana pivlugo tar-nima nâlekpait.

130 Nellonarungnaititaunek okausernik kaumaksaivok, sil-latotitsilunelo illissimailingajunik.

131 Kanera aitarpara kêlerlungalo; perkojattit kajunger-vigigapkit.

132 Sâvinginga saimarvigilungalo; sorlo tâpkoa pinniarvi-givakangne atternik naglingniktut.

133 Arvertnera nellonangilerle okauserne, idluanginerlo nelliallonêt attanniotitailitiuk uvamnû.

134 Piulilaunga innuit pinniarlungninginit; tagva pinniar-taukojattit nâlegomavakka.

135 Nâlegak kênavît kivgait kaumaksarliuk, ajochertulau-ngalo idluarijarnik.

136 Ijika kôktitsivuk kôngnik malligaksaukojattit nâlektau-lungimatta.

137 Nâlegak igvit idluarpotit, idluarsainitillo idluarput.

138 Idluarnivît kigligiutsiningit, miksekârnerlo angijomik perkolaukpattit.

139 Tôkkokasalaukpunga illungertornermut, akkerartortima okautsitit puigormagit.

140 Okautsitit illakarungnaitisimatsiarput, kivgavîllo ivleri-vait.

141 Erkanangitôvunga nachogijaulungalo; pinniartaukojattit puigorlungilakka.

142 Idluarnît idluarniôvok issokangitok, malligaksaukojat-tillo miksekârniôvut.

143 Kappiasungnerub siorniornerublo uvigalaukpânga; per-kojattille kuviasutigivakka.

144 Kigligiutsinivît idluarningæt issokangitôvok; illisalaun-ga, innôniarpunga tagva.

145 Omamut tamânut nipliadlarpunga; tussalaunga Nâle-gak, idluarijarnik mallerkovlunga.

146 Nipliadlarpunga illingnut, ikajulaunga kigligiutsinernik nâlekovlunga.

147 Uvlarârsukut kaugiarneme kaivunga, nipliadlalongalo; okautsitit tettigivakka.

148 Uvlogatârnekut unnuarme tuppakpunga, okautsitit okautigijomavlugit.

149 Nippiga tussalauruk saimarvêkarnît malliklugo; Nâlegak nekkoksilaunga idluarnît malliklugo.

150 Unangmijikka kassêtut uvamnûromavut, ungasiklutiglo malligaksaukojarnit.

151 Nâlegak igvit kannipotit, perkojattillo miksekârnetuinavut.

152 Akkunît kaujimavunga kigligiutsinernit, issokangitome tunganilitilaurangne.

153 Pattanganera tækkonâruk ikajorlungalo tamattomangat; malligaksaukojattit puigorlunginapkit.

154 Illiornera aulatilauruk, piulilungalo; nekkoksitilaunga okautsitit malliklugit.

155 Piulijaunek ungasikpok Gûdekangitunnit; idluarijattit kennerlungimagit.

156 Nâlegak nâpkoarosungnît angijôvok; nekkoksitilaunga idluarijattit malliklugit.

157 Unangmijikka akkerartortikkalo unnuktôvut; uvangale nûlungilanga kigligiutsinernit.

158 Nachojut tækkovakka, kassilinarporlo uvamnut, okautsitit nâlelungimagit.

159 Ahâk pinniartaukojattit ivlerivakka; Nâlegak nekkoksilaunga saimarvikarnît malliklugo.

160 Okautsitit miksekârnetuinavut; idluarnivîllo idluarijangit issokangitôvut illûnatik.

161 Attanît pitjutekaratik unangmivânga, ômattimale okautsitit sivuragivait.

162 Okautsitit kuviasutigivakka, kinatut perkutevaksoasi-jotut.

163 Sæglonerit ômigivakka makkojugilugillo; malligaksaukojattille ivlerivakka.

164 Uvlorme attautseme nertorpagit 7 êrtorlunga, idluarnivît idluarijangit pivlugit.

165 Angijomik ullapirsautekarput malligaksaukojarnik ivlersijut, koitarniangilello.

166 Nâlegak piuliklernit uttakkivara, pinniarlungalo perkojattit malliklugit.

167 Tarnima kigligiutsinitit nâlekpait, ivleridlalaitalo.

168 Piniartaukojattit kigligiutsinitillo nâlekpakka; apkosinerijakka illûnatik sângnêmatta.

169 Nâlegak ârusungnera kaglilerle sângnut; illisalaunga okautsitit malliklugit.

170 Kennunera tikkile sângnut; piulilaunga angernît mal-
liklugo.

171 Kangasinâka kôktitsijuksauvuk nertordlerner-
mik, igvit ajochertorunga idluarijarnik.

172 Okama okautsitit okauserijaksarivait; perkojattit illû-
natik idluarniôngmatta.

173 Aggakpît illilertorlinga; pinniartaukojattit annerilau-
rapkit.

174 Nâlegak piuliklernit kajungervigivara, malligaksauko-
jattilo erkiértorutigivakka.

175 Tarniga innôle, nertordlerkovlugo illingnik, idluarijat-
tillo ikajorkovlugit uvamnîk.

176 Sanguerpunga saugaktut assiomaotut, kivgait kenni-
lauruk; perkojattit puigorlunginapkit.

IMGERUT CXX.

Arusungnek ômisuktut kassêttut pivhugit.

Imgerut imgerutigilugo uvloksioriartortunnut Jerusalem.

SIORNIORNIMNE kaigarsukpunga Nâlekamut, tâpsomalo tus-
sarpânga.

2 Nâlegak, tarniga piulilauruk kannernit sæglonelingnit,
okannit nellagôngitunnit.

3 Sunamik okab nellagôngitub pinniarvigijungnarpâtît?
sumiglo sullijungharalloarkâ?

4 Sôgojub karkjungititut ipiktutitut îpok, ikkomatut kigu-
tangernaujakutit akkorngænêtotut.

5 Kappianamêk uvanga tujormiangôgama Mêsechit akkor-
ngæne, iglokariakaramalo Kêdarit tuppingtona akkorngæne!

6 Tarniga sivituksarpok akkunît iglokarlune tâpkonane ul-
lapirsautekarnermik ômisuktunne.

7 Uvanga ullapirsautekainarasuarpunga, uvangale okarai-
guma tagva tâpkoa unatadlalerput.

IMGERUT CXXI.

Israelitit udsertortingæt.

Imgerut imgerutigilugo uvloksioriartortunnut Jerusalem.

ARLORPUNGA kakkannut ikajortaunermik tikkiutjivigijammut.

2 Ikajortaunera Nâlekamit pivok killangmik nunamiglo sen-
nalauktomit.

3 Tåpsoma ittikkattit koitarkoniangilait, serngnigijillo sin-
nilungilak.

4 Ahák Israelitit udsertortingæt sinningilak sikkungingilar-
lonêt.

5 Nálekab sappumijarpåttit; Nálegak tachalinerivet aggak-
pît tallerpikpît kângæne.

6 Uvlôtillugo sekkinnermut kappijaukonak, takkermullonet
unuarme.

7 Nálekab sapputivåttit kannoêtunmit tamainit; tarnît sap-
pumijarpå.

8 Nálekab anninît sapputivå itternillo mannarnit issokangi-
tomut.

IMGERUT CXXII.

Jerusalemib ånanaudlarninga.

Davidib imgeruta imgerutigilugo uvloksioriartortunnut Jerusa-
lemut.

KUVIASUKPUNGA okautileraikpånga: Nálekab iglunganut
itterta.

2 Ittikkavut Jerusalemiôjotit itterviksoarne nangerput.

3 Jerusaleme iglugaselliorsimatsiartotit iglugaseksoatitut
attausingortitaumajutitut.

4 Kinguvårêt majorarvigijaksangæt, Nálekab kinguvårêngita,
(Gûdib) perkojanga Israelitinnut (malliklugo), Nálekab attinga
kujagilugo.

5 Tagvanele iksivautet nappatitauvut idluarsainermut, Dâvi-
dib iglungata iksivautangit.

6 Jerusaleme pilloringnarmik pekarkogissigik. Kanoêngit-
siarlit naglingniktut illingvik.

7 Ullapirsautekarle avaloksoarpît illuæne, iglutsiakotingnelo
pilloringnartokarle.

8 Kattangutikka illanârijakkalo pivlugit ullapirsautekarko-
jomavagit.

9 Nálegapta Gûdipta iglunga pivlugo, idluarkutiksarnik kên-
nerasuaromavunga.

IMGERUT CXXIII.

Tussunek ikajortaunermik.

Imgerut imgerutigilugo uvloksioriartortunnut Jerusalemut.

ARLORPUNGA illingnut, killangme iksivajotit.

2 Ahâk, sorlo kivgat angutit ijingita angajôkamik aggangit kamagingmagit, sorlolo kivgat arnat angajokâmik aggangit kamagingmagit: taimak ijivut Nâlekamut Gûdiptingnut tækko-nârput saimarvikakârtinago uvaptingnik.

3 Saimarvegigitut, saimarvigigitut; angijomik nachogijaugapta.

4 Tarnivut tættædlarput piojorijut mittautekarninginnik pingijaitullo nachoningænik.

IMGERUT CXXIV.

Gûde ikajortivut.

Davidib imgerutâ imgerutigilugo uvloksioriartortunut Jerusalem.

NALEKAB illagingipattigut, taimak Israelitit okarlît;

2 NâleKab illagingipattigut, inuit kippalijarangattigut;

3 Tagva ênajarpâtigut inôtilluta, ningarningata illungertorvigikpattigut;

4 Tagva imersuit ippitinajarpâtigut, kôksuit tarnivut ullutsautinajarpait.

5 Tagva imersuit angijut tarnivut ullutsautinajarpait.

6 Nâlegak nertortaule, tunijilaungitok uvaptingnik aksâr-nigaksauvluta tâpkoa kigutinginnut.

7 Tarnivut anigoimavut, sorlo tingmiab nigartortib nigananît; nigak kictorarsimavak uvagullo piulijaumavogut.

8 Ikajortaunivut NâleKab attinganêpok, killangmik nuna-miglo sennalauktub.

IMGERUT CXXV.

Nâlegak sappulutaurok innukotiminut.

Imgerut imgerutigilugo uvloksioriartortunnut Jerusalem.

NALEKAMIK tettekartut aulaniangilet, itsainaromârpullo issokangitomut, Zionib kakkangatut.

2 Jerusalemib avatâne kakkakarpok; Nâlegarlo innukotime avatinginêpok mânnamit issokangitomut.

3 Gûdekangitut ajaupiangæt opigijautiksak idluartut imernautingænut attanniôtitsainaromângimat, idluartut aggamingnut issakonagit idluitullinermut.

4 Nálegak, ômattit ajungitut idlultailijullo ajungitullivigikit.

5 Sangulertulle apkosinermingnut niungapattekeamingnut, Nálekab aulartitsomârpait idlultullijut illagilugit. Israelitit ullapirsautekarlit.

IMGERUT CXXVI.

*Parngnanairsortauimalauktut Zionemiut piulijauningcet
kuvianartok.*

Imgerut imgerutigilugo uvloksioriartortunnut Jerusalem.

NALEKAB parngnanairsortauimajut Zionemiut piulijomârpagit, tagva sinnektomajutitut illingajomârpogut.

2 Tagva kannivut kungatsungudlaromârpud, okavullo nertordlerutiksakadlaromârpud. Tagva nellojut akkorngane okartokaromârpok: Nálekab angijomik piniarvigilaukpait.

3 Nálekab angijomik pinniarvigilaukpâtigut; tamanna kuviasutigivavut.

4 Nálegak parngnanairsortauinivut uttertilauruk kôktutitut nuname sekernganêtomêtitut!

5 Kugviorlutik kangasuijut, kuviasuklutik kattersijojomârpud.

6 Arvertarput kugviorlutiglo, perortokalerlutiglo pivianartunnik, kailutiglo kuviasuklutik, kaitsilarmiglo kippitamingnik.

IMGERUT CXXVII.

Gûdið sullititsininga tamainik pivok.

Salomob imgerutâ imgerutigilugo uvloksioriartortunut Jerusalem.

NALEKAB iglo sennangipago, tagva sullinatik sennavut sennanasuartut tâpsominga. Nálekab iglugaseksuit sappumijarlungipagit, tagva pigârte sullinane pigârpok.

2 Sullingilak uvlarasukut makkinapse, akkunillo iksivagapase, nerriluselo nerikiksapsingnik siarklerluse; illanârijane tunnit-sivigingmagit tamattominga sinniktillugit (sorlo),

3 Ahâk, kittorngat Nálekab tunnergutigivait, timiblo singainga pilliusiangôvok.

4 Sorlo karkjut pitsartojub agganginêtit, taimak nukapiarârsuit aglissikput.

5 Pillorikpok pittiksitaminik tættætjutekartok taimaitunnik; tåpkoa kangusuktitauniangilet, ômigijimingnik kachimiokattigê- leraigunik itterviksoarme.

IMGERUT CXXVIII.

Idluaitilijut iglungata illinganinga.

Imgerut imgerutigilugo uvloksioriartortunnut Jerusalem.

PILLORIKPOK tåmna Nålekamik sivôrajok, arvertartorlo tåpsoma apkosiningane.

2 Aggakpît sullijangit inogutiksariniarpåttit; pilloringnar- mék igvit, issumanårpotit.

3 Nulliat nappårtotut Weinelihsatut pitsornartotut iniar- pok iglokotivît kinguane; kittorngattit nappårtub orksuliub akkerungititut iniarput nerrimårvekotivît avatåne.

4 Ahåk, taimak angut pitsartutitauniarpok Nålekamik si- vôrajok.

5 NåleKab pitsartutiniarpåtit Zionemit, tækkokovlutit Jeru- salemib pilloringningænik inôsingne tamåt.

6 Tækkokovlutillo kittorngavit kittornganginik. Israelitit ullapirsautekarlit.

IMGERUT CXXIX.

Gåde piuliklerteôvok innukotiminik okkungatitaujunnik.

Imgerut imgerutigilugo uvloksioriartortunnut Jerusalem.

TETTEKATTALAUKPANGA inuosungnimnit, taimak Israe- litit okarlit.

2 Tettekattalaukpånga inuosungnimnit; sålágilaungilångale.

3 Makpiteraijut tunnumne makpiterailaukput, ittersakotitiglo takkijorortilaukpait.

4 NåleKab idluartôjub Gådekangitut aklunångit kippilaukpait.

5 Illúnatik Zionemik illuluktut, kangusuktitaulit, uttimuar- titaulillo.

6 Ilerlit iviksukatitut, iglut kânginétutitut, kunnulertutitut nutsuktaukårtinagit.

7 Kibluijut tigumiarungnangitangit, kattersoijullonêt erkit- sungnangitangit kellaksörlugit;

8 Sennerkotullo okarniaratik: Nâlekab pitsartutitsiningata kollangiarlise, saimausertaukovapse Nâlekab attingane!

IMGERUT CXXX.

Tuksiarnek issumagijaunekaromamut ajortunnit.

Imgerut imgerutigilugo uvloksioriartortunnut Jerusalemut.

ITTINERMIT nipliadlarpunga Nâlegak illingnut.

2 Nâlegak nippiga tussalauruk, siutikik kamalik kennunima nippinganik.

3 Nâlegak igvit ajornerit akkileromagungne: Nâlegak ki-na itsungnarniarkâ?

4 Illingne issumagijaujungnainekarmat, sivôragijaukovlutit.

5 Nâlegak nerriugivara, tarniga nerriukpok, okausingillo tettigivakka.

6 Tarnima Nâlegak uttakkivâ angiluartomik uvlâb pigârtinginit, uvlârmik uttakkijunnit.

7 Israelitit Nâlegak nerriugilitsuk; Nâlekame saimarvekar-mat, piulijaunekarlunelo angijomik tâpsomane.

8 Tâpsomalo Israelitit piulijomârpait ajorninginnit illû-nainit.

IMGERUT CXXXI.

Piojorïjuinek nellâgôrtok.

Davidib imgerutâ imgerutigilugo uvloksioriartortunnut Jeru-salemut.

NALEGAK ômattiga pingijailungilak, ijikalo piojorilungilâk, arvertarlungilangalo pijarialiksôjunne inortamne.

2 Ilâ tarniga uimajârungnaitilaukpara, nokkangatilugolo, sungiusimajungnaitisimavorlo uvamne, sorlo nelliat anânaminit sungiusimajungnaititaungmat.

3 Israelitit Nâlegak nerriugilitsuk mânnamit issokangitomut.

IMGERUT CXXXII.

*Tuksiarnek Davidib iglunga Gúdiblo kivgartortauninga
nellâgôrtok âkiktaukovlugik.*

Imgerut imgerutigilugo uvloksioriartortunnut Jerusalem.

NALEGAK Davide erkaumaguk, ânianingillo tamaita.

2 Okamarilauktok Nâlekamut, angilauktorlo Jakob pitsar-tojokotinganut:

3 Igluma pânganut itteromalungilanga, kagveromananga-lonêt inangavimnut.

4 Ijika sinnerkojomangilâka, sikkungerkojomangilâkalonêt.

5 Nachvârkârnanga inniksamik Nâlekamut, iglomik Jakob pitsartojokotinganut.

6 Ahâk, tamanna tussaumavavut Efrateme; nachvârpavut nappârtut naternangæne.

7 Iglunginnut itteromavogut, opigosugomalutalo ikovrangata sângane.

8 Nâlegak oppalungairit tikkitsomavlutit merngoêrserving-nut, igvit pitsartunivillo iklervinga.

9 Ajchertuijokotitit idluarnermik annorârlit ivsornaitokoti-tillo kuviasuglit.

10 Kivgait Davide pivlugo, mingoartavît kênanga allartini-arnago pît.

11 NâleKab Davide sokkoserungnangitomik angervigilaukpâ, tamanna allarniangilâ: Iksivautakotingnut ingititsijomavunga timivît kinguvâksanganik.

12 Kittorngakotivit angernera nâlengniarpatsuk, kigligiutsi-neralo ajochertutiginiartara tâpkonunga; tagva kittorngangit-tauk iksivajuksauvut iksivautarne sorairatik.

13 NâleKab Zione annerilaungmago, kuviasutekarporlo tag-vane inekaromavlune.

14 Tamanna merngoêrserviga soraijuitomik, mâne inekaro-mavunga; kuviagigapko.

15 Nerkiksangit pitsartutitsomavakka, aklujungillo nerkik-sakartitsomavakka namaktomik.

16 Ajochertuijungit piulijaunermik annorâromavakka, ivsor-naitungillo kuviasuktuksauvut.

17 Tagvane Davidib nakjunga nuerkojomavara, mingoarta-ralo kaumaumik âkiksoivigilaukpara.

18 Omigijingit kangusuktitaunermik annorâromavakka; tâp-somale kângane niakotâ nuvgolârtârtuksauvok.

IMGERUT CXXXIII.

Kattangutigêt issumakarkattigêngningæta ânanauninga.

Davidib imgerutâ imgerutigilugo uvloksioriartortunnut Jerusalem.

AHAK, ânanaudlarmék, tækkoranidlarméglo, kattangutigêt issumakarkattigêklutik iglomiokattigékpátta.

2 Mingoarutitut pivianartotut Aronib niakoanit korlortotut uminginnut tamainut, korlortotut pângat anorângata sinânut.

3 Hermonib mitsuksoangatut, pângat kattaktotut Zionib kækkangænut. Tagvane Nâlegak pittakatsainarkojingmat saimartitaunermik innôtsemiglo issokangitomut.

IMGERUT CXXXIV.

Pigârtib imgerutâ.

Imgerut imgerutigilugo uvloksioriartortunnut Jerusalem.

AHAK, Nâlegak nertorsiuk, kivgaujose Nâlekamut illûnase nangertose unnuangotillugo NâleKab iglungane.

2 Aggase kongmuartissigik ivsornaitovingme, Nâlegarlo nertorsiuk.

3 NâleKab pitsartutilitit Zionemit, killangmiglo nunamiglo sennalauktub.

IMGERUT CXXXV.

Nertordlerutiksak Gûdemut ajugakangitomut.

Hallêluja.

NALEKAB attinga nertorsiuk; kivgaujose Nâlekamut nertordleritse;

2 Nangertose NâleKab iglungane, Gudipta iglungata avalungita illuæne.

3 Nâlegak nertorsiuk Nâlegak illanâkarmat; attinga nertorgulo imgervigissiuk, tâmma innerkonarmat.

4 NâleKab Jako annerilaungmago ingminut, Israelelo perko-timinut.

5 Kaujimagama, Nâlegak angijôngmat, Nâlegaungmallo uvaptingnut, Gûdinit tamainit.

6 Nâlekab tamaita pijomajane piniarpait, killangme nuna-melo, imarbingme ittinersoanelo tamaine.

7 Nuvujannik kongmuartitsijub nunab issunginit; kaumalangnik sillalungortitsijub; annoremik sakkêjub perkutitalikotiminit,

8 Erniangokârtunik annaunilauktub Egipteneme, tamarmik inuit nergjutillo.

9 Nellonaikutaminik tattamnartullinerminiglo tikkerkojilauktub illingnut, Egiptenemiut nunangænnut, Faraomut kivganginullo illûnainut.

10 Innukattigêksoarnik unnuktunik annaunilauktub, tokkot-silauktublo attannernik pitsartunelingnik.

11 Sihonemik Amoriterit attanningænik, Ogemik attanniolauktomik Basaneme, Kanaaniblo attaniovinginnik tamainik.

12 Nunanginniglo tunijilauktub kingormgutijaukovlugo, inukotiminut Israelitinut kingormgutijaukovlugo.

13 Nâlegak, attit îtsainarpok issokangitomut; erkaumajau-nillo Nâlegak, îtsainaromârpok sorairane.

14 Nâlekab inukotine erkartoromârmagit kivgakotinelonâpkigilugit.

15 Nellojut Gûdingoangit Silbereôvut, Goldeôlarmiglo in-nuit aggangita sennamajangit.

16 Kanekarput okalungilello; ijekarput tautugatiglo;

17 Siutekarput, tussaratiglo, annernekangilarlo tâpkoa kanninginne.

18 Taimaitunik sennajut taimaikoarivait; illûnatik taimaitunnik tættekartut.

19 Israelekut Nâlegak nertorlitsuk; illipse Aronekunnit pijose, Nâlegak nertorsiuk;

20 Illipse Levikunnit pijose, Nâlegak nertorsiuk; Nâlekamik sivurajose, Nâlegak nertorsiuk.

21 Nâlegak nertortaule Zionemit, Jerusaleme inekartok. Hallêluja.

IMGERUT CXXXVI.

Gûdib pitsiarningata tattamnartulliningitalo nertortauningit.

NALEGAK kujagissiuk illanâkarmat; pitsiarninga îtsainarmat issokangitomut.

2 Gûdit tamaita Nâlegangæt kujagissiuk; pitsiarninga îtsainarmat issokangitomut.

3 Nâlekat tamaita Nâlegangæt kujagissiuk; pitsiarninga îtsainarmat issokangitomut.

4 Tattamnartullidartotôjok; pitsiarninga itsainarmat issokangitomut.

5 Sillatovlune killangmik senalauktok; pitsiarninga itsainarmat issokangitomut.

6 Nunamik issivititsilauktok imaksoarnut; pitsiarninga itsainarmat issokangitomut.

7 Kaumajunik angijunik sennalauktok; pitsiarninga itsainarmat issokangitomut.

8 Sekkinermik, aulatserkovlugo uvlormik; pitsiarninga itsainarmat issokangitomut.

9 Takkermik uvloritseniglo aulatserkovlugit unnuarmik; pitsiarninga itsainarmat issokangitomut.

10 Egiptenemik annaunilauktok erniarikârtangine; pitsiarninga itsainarmat issokangitomut.

11 Israelitiniglo aulartitsilauktok tagvangat; pitsiarninga itsainarmat issokangitomut.

12 Aggangnut pitsartojunut, tallermullo issamijomut; pitsiarninga itsainarmat issokangitomut.

13 Imarbingmik iviktalingmik maggolêlauktok; pitsiarninga itsainarmat issokangitomut.

14 Israelitinek pissuktitsilauktok tagvûna; pitsiarninga itsainarmat issokangitomut.

15 Faraomik katingajoksoakotinginiglo ajaktuilauktok imarbingmut iviktalingmut; pitsiarninga itsainarmat issokangitomut.

16 Inukotiminik tessiornilauktok sunakajuitokut; pitsiarninga itsainarmat issokangitomut.

17 Attannersoarnik annauniktok; pitsiarninga itsainarmat issokangitomut.

18 Tokkotsijorlo attanernik sôngonelingnik; pitsiarninga itsainarmat issokangitomut.

19 Sihonemik Amoriterit attaningænik; pitsiarninga itsainarmat issokangitomut.

20 Ogemiglo attanniolauctomik Basaneme; pitsiarninga itsainarmat issokangitomut.

21 Tunnijilauktok nunanginik kingormgutijaukovlugo; pitsiarninga itsainarmat issokangitomut.

22 Kingormgutijamut kivgaminut Israelitinut; pitsiarninga itsainarmat issokangitomut.

23 Erkaumalauktok uvaptingnik nikkanarsârtaumatilluta; pitsiarninga itsainarmat issokangitomut.

24 Piuliklilauktorlo uvaptingnik ômigijiptingnit; pitsiarninga itsainarmat issokangitomut.

25 Nerkiksamik tunijijok pingortitaminut tamainut; pitsiarninga itsainarmat issokangitomut.

26 Killaub Gûdinga kujagissiuk; pitsiarninga itsainarmat issokangitomut.

IMGERUT CXXXVII.

*Israelitit parngnanairsortaulauktut Babeleme imgerutingæt
ojuarutiksak.*

BABELIB kôngine iksivalaukpogut, kêalutalo Zione erkaumalaurangaptigo.

2 Harfekotivut nivingatilaukpavut nappârtunut tagvanêlauktunnut.

3 Tagvanele parngnanairsortautitipta imgerkolaukpâtigut, okumaititiptalo kuvasukolaukpâtigut: Imgervigittigut Zionib imgerutingita illangænik!

4 Kannok Nâlekab imgerutâ imgerutigijaksarivittigo nuna-me takkorngartame?

5 Igvi Jerusalem puigorupkit, tagva tallerpiga puigortaule.

6 Okara killamnut nippingalerle, igvit erkaumalungikupkit, Jerusalem anginerpaujomik kuvasutigijaukolungikupko uvamnut.

7 Nâlegak Edomiut kittorngangit erkaivigikit Jerusalemib uvlungænik, okartut: Pêmariklit, pêmariklit, nungumarerkovlugit!

8 Babelib pannia asserortamajotit, pilloringmêk akkiniarte illingnik pinnialauktarnik uvaptingnut.

9 Pilloringmêk kittorngârsukotingnik tigusijok serkomilugillo ujarkamut.

IMGERUT CXXXVIII.

Kujalijutiksak Gûdib ikajorninga pivlugo.

Davidib.

KUJAGIVAGIT ômamut tamânut, Gûdit sânginne nertorlutit imgervigijomavagit.

2 Opigosugomavunga Tempelekotingnut ivsornaitomut, sâlunga, attillo kujagilugo pitsiarnit nertornarîllo pivlugik; attit tamât tappilugo okautsitit ânanausitilaurangne.

3 Nipliavigijarangapkit, tagva tussarparma, tarnigalo tunitsivigivet maksoarnermik pitsartunermiglo.

4 Attannit nunamêtut illûnatik kujagijomârpâtit Nâlegak, tussaromârunik kannerpît okausinginnik;

5 Imgeromârlutiglo Nâlekab apkosininginne, Nâlekab opinarninga angijôngmat.

6 Nâlegak kotsingmat, tækkonârlunelo erkanangitunnik, pi-
ojoriorlo illitarivâ kanningitomit.

7 Kappiasungnerub kerkane arvertaruma, tagva nekkoksi-
tiparma, aggaktillo issakpattit ômigijima ningarningænut, ika-
jorlungalo tallerpingnut.

8 NâleKab scrêrtitsomârpâ pivlunga. Nâlegak pitsiarnît is-
sokangilak. Aggakpit pinniarningit kamagijungnaitaililaukit.

IMGERUT CXXXIX.

*Erkaumanek Gâdemik ajugakangitomik tamainiglo
kaujimajomik.*

Davidib imgerutâ imgerutigilugo.

NALEGAK igvit nautsertorparma illitarilungalo.

2 Iksivajarangama nikkovijarangamalonêt, tagva igvit kau-
jimavet; issumakka tukkisivâttit kaningitomit.

3 Pissugangama inangajarangamalonêt illumavarma; apko-
tigijakkalo tamaita illitarivâttit.

4 Ahâgle okautsemik attautsemiglonêt okamnêtokangilak,
igvit Nâlegak kaujimangitarnik.

5 Sivumut tunnumullo illumavarma, aggaktillo kollimnêti-
pattit.

6 Illitarksinek tamattominga tattaminiarnaluarpok innor-
narlungelo uvamnut, ipaksijungnangilara.

7 Namut aijuksauvik anernernit? nâmullo kemâjuksauvik?
kênarnit.

8 Killaliarajaruma, tagva tagvanêpotit; inniksarsiorajaruma
kappianartovingme, ahâk, tagva tagvanênivotit.

9 Kaub aupalungningata esarkunginik tigusinajaruma, inik-
sarsiorlungalo imarbiksub kaninginerpâb kiglingane;

10 Tagva tagvanetauk aggakpit tessiorajarpânga, tallerpik-
pillo najuminajarpânga.

11 Ôkarajaruma: Tâktub ulliklinga; tagva unnuaktauk
kaumajôjariakarpok avatimne.

12 Tâktauk tângimat illingne, unnuarlo kaumaivok uvlok-
tut; tâk kaumajotun-îpok.

13 Igvit tâktûka aulatikangne; igvit illumalaukparma anâ-
nab timingane.

14 Kujagivagit tamanna pivlugo kappianadlartomik tattam-
nadlartomik senajaumagama; pinniarnitit tattamnarput, taman-
nalo tarnima tukkisitsiarpâ.

15 Saunikka sângne iyersimalaungilet sagvangitome senna-
jautillunga; adsiliortautillunga nunab inningine atsinerpâne.

16 Ijkipit tækkolaukpânga sennajaukartinanga sulle; uvlullo illûnaita aglaksimalaukput aglakotingne pijuksaulauktut sulle, tâpkoele nelliat pilaungitok sulle.

17 Ila pivianartoksôvut sâmnne, Gûde issumattit! ila unnuk-tôvaksôvut.

18 Kittiksarinajarupkit, tagva unnumersaunajarpur sior-kannit. Tuppaleraiguma illingnêpunga sulle.

19 Kanoktôk Gûde Gûdekangitut tokkolaukit, auruktullo kemaijuksaulit uvamnik!

20 Mamaitomik okarnerlotigingmatit; ômigijitillo makkita-vut sullinatik.

21 Ilâ ômigivakka, Nâlegak illingnik ômisuktut, ningari-vakkalo kippalijut illingnik.

22 Omigivakka ômigosungnermut koksasumariktomut, omigijigivakkalo.

23 Nautsertulaunga Gûde, ômattigalo tukkisileruk; ôktor-launga, illitarsiluttilo kannok issumakarnimnik.

24 Tækkolutillo, apkomêmangârma idluitome; tessiulau-ngalo apkome issokangitome.

IMGERUT CXXXX.

*Tuksiarne*k* ikajortaujomamut ômisuktut unangmikliertillugit.*

Davidib imgerutâ imgerutigilugo.

PIULILAUNGA Nâlegak innungnit idluitunnit; sapputilaunga innungnit pinnialuktunnit;

3 Idluitomik issumaksarsiorut ômattimingne, uvlullo tamaita unataclarnekartitsijut.

4 Okatik ipiksarpait kuglugiangojârtotut, kuglugiarâlub tokkonartunga tâpkoe kangasinânginêpok, Sêla.

5 Sapputilaunga, Nâlegak, Gûdekangitut agganginit; udsertulaunga, innungnit pinnialuktunnit, arvertarnimnik ochotitsinasuurtunnit.

6 Piojôrijut nikannik akunâniglo illijivigivânga; nullutjet issivipait apkosiniub senniane, mikkigianniglo âkiksoivigivânga, Sêla.

7 Uvengale Nâlekamut okarpunga: Igvit Gûdigivagit; Nâlegak kennunima nippinga timerolauruk.

8 Nâlegak, Nâlegak, ikajortiga sôngojok, igvit niakora serngnigivet sorsungnerub nelluuningane.

9 Nâlegak Gûdekangitok kajungervigijanganik tunnitsivigitailiuk; koksalainginga sullitailitiuk piojorijutiginajarmatsuk, Sêla.

10 Illumajima niakunginnut kangasinângita siorniornar-ningæt kattagle.

11 Tâpsoma aumanik nâvitsivigijomârpait; kattaktitsomârpait ikkomamut ittinersoarnut, makkitsuitsainarkovlugit.

12 Kannelik idluitomik pilloringnekarniangilak nuname; innuk pinniarluktok idluitok aijaliktaujomârpok ochotitaujomârlunelo.

13 Kaujimavunga NâleKab pattangajub illiorninga aklujullo idluarningit âkijomârmagit.

14 Ila, idluartut attit kujagijomârpât, idluitailijullo kênavit sânganêtsainaromârpû.

IMGERUT CXXXXI.

Tuksiarnek sapputijaujomamut nangiarntome.

Davidib imgerutâ.

NALEGAK, illingnut kaigarsukpunga, kaisâlaurit uvamnut; nippiga tussalauruk, nipliavigigupkit.

2 Tuksiarnera idluarle sângne, tunergutitut isserluanitotut; aggama kongmuartitauningæt tunnergutitut unusiutitut.

3 Nâlegak kannera pigârtékartiuk, kangasinângmalo upkugak udsertortékartiuk.

4 Omattiga kajungertiniarnago sunamut idluitomut, Gûdekangitut illusingit attorlugit idluitullijut illagilugit, nerrerkonanga taipkoa oêrijanginnit.

5 Idluartub illanâkarlune annaulinga, pitlarlungalo; taman-na mingearutiksauvok niakumnut, niakorma kunnujutigijaksaringila tamanna; sullele tuksiarpunga taipkoa kassêningæt akkerartorlugit.

6 Taipkoa idluarsaijungit ijukartitaulit kairtomit; tagva okauserijakka tussartauniarput tussarnermatta.

7 Sorlo makpiteraijok perorsêvingmik, kangâsuimat perorsêviub ittersanginut, taimâk saunivut kattarartauvut kappiarnartoviub torkluanut.

8 Illingnulle Nâlegak, Nâlegak, ijika tækkonârpuk; tettigivagit, târniga pijautailitiuk.

9 Sapputilaunga aklunâmit tâpkoa illilauktanganit pivlunga, idluitullijullo niganginnit.

10 Gûdekangitut kattaglit nulluakotimingnut, uvanga kanoênanga kângertillunga.

IMGERUT CXXXXII.

Tuksiarnek, ikajortaujomamut kappiasungnerme.

Davidib illisaininga, tuksiarnek kairosungmêdlune.

2 **NALEKAMUT** nipliadlarpunga nippimnut; kenuvunga Nâlekamut nippimnut.

3 Arusungnera nâvipara sângane; siorniornera sakkertipara sângane.

4 Anernera kappiaktoalerangat, tagva igvit apkosinera illitarivet. Aklunânîk illijivigivânga apkosinermes arvertarvimne.

5 Tallerpingmut tækkosarpunga, ahâglo, tagva kialonêt illitarijomangilânga. Namut kemâjungnangilanga, kialonêt tarnigâ kamagingilâ.

6 Nâlegak illingnut nipliadlarpunga, okarlungalo: Igvit tettigivagit, illangiusiarivagit inôjut nunangæne.

7 Kaigarsungnera kamagiuk, nukkingêrotidlarama; piulilauunga unangmijimnit, sôngoluarmatta uvamnut.

8 Tarniga parngnanairsimavingmit annitilauruk, attit kujâgilugo perkovlunga. Idluartut kattilerniarput uvamnut, igvit ajungitullivigigumga.

IMGERUT CXXXXIII.

*Tuksiarnek piulijaujomamut ômisuktunnit, tessiortaujomamullo
apkome ajungitome.*

Davidib imgerutâ.

NALEGAK tuksiarnera tussalauruk, kennunera timerolauruk miksekârnit pivlugo.

2 Kivgaillo erkartorniarnago pît; sângne idluartokatsengimat inôjut akkorngæne.

3 Omisuktub tarniga unangmingmago, innôseralo anaulugo ochotipâ nunamut; nellatipânga tâktomut, tokkungajutitut silaksoarme.

4 Annerneralo illumne kappiasukpok; ômattiga illumne asserorsimavok.

5 Nelliunerit kangersimajut erkaumavakka, piniarnerijattit tamaita issumaksarsiorutigivakka, aggakpit pinniarningit issu-makut nautserorasuarpakka.

6 Aggakka issakpakka illingnut; tarnima imerugvigivâtit nunatut pannertotut, Sêla.

7 Nâlegak killamik tussaksâlaunga, annernera nunguvalli-angmat; kênait ijertailiuk sâmnit, adsekalerkonanga tâpkoni-nga ittersalliartunnik.

8 Uvlarârsukut tussarkovlunga saimarvekarnermik, tettigi-gapkit. Nellojungnaitilaunga apkosinermik arvertarviksamnik; kajungervigigapkit.

9 Nâlegak piulilaunga ômigijimnit, igvit kemâviginasu-arpagit.

10 Ajochertulaunga kuviagijarnik pinniarkovlunga, Gûdigi-gapkit; annernerpît ajungitub tessiorlinga apkome mannik-tome.

11 Nâlegak nekkoksitilaunga attit pivlugo; tarniga kappia-nartomit annitilauruk, idluarnit pivlugo.

12 Omigijikkalo asserorkit pitsiarnit pivlugo inuarlugillo illûnaita tarnimnik kappiasuktitsijut; kivgariganga.

IMGERUT CXXXXIV.

Tuksiarnek sapputijarjomamut, saimausertarjomamullo.

Davidib imgerutâ.

NERTORTAULE Nâlegak, kairtorijara, aggamnik illiniartit-sijok sorsungnermik unatarnermiglo.

2 Pitsiarvigijiga, serngnigijiksakautigijaralo, sapputsijigalo, piulijigalo, sappulutarijara, tettigijara, innukotimnik nâlektitsi-jok uvamnik.

3 Nâlegak, innuk sunauvâ, taimak naipertorangne? innublo erninga, taimak kamagigangne?

4 Innuk pujomik adsekaralloarmat; nelliuninga ingergavok tachaktut.

5 Nâlegak killakotitit nakiglilertikit akkarlutillo; kakkat aktorkit isserlukovlugit.

6 Kaumalâlerle siamartilugillo; karkjukotitit pittiksautikit, koaksâartilugillo.

7 Aggaktit kotsingnermut tillikit piulilungalo; kakkiti-launga imaksoarnit, tækkorngartet kittorngangita agganginnit;

8 Kannekartut tukkekangitomik okartunnik, tallerpingmiglo aggakartut nellâgôngitunik.

9 Gûde imgerusertâmik imgervigijomavagit; nipliajorvigijomavagit Psalteremut nokaksersalingmut tellimaujortunnik.

10 Attanernut sâlakarnermik tunnijijotit piuliklerlutillo kivgakotingnik Davidemik saviksoarmit innuarnartomit.

11 Kellulaunga piulilungalo kittorngat tækkorngartat agganinnit, kanekartut tukkekangitamik okartunnik, tallerpingmigo aggakartut nellâgôrlungitunnik.

12 Ernivut aglissivalliarkovlugit innuosungnermingne, perortutitut; pannivullo ilerkovlugit terrekut nappajungititut, iglok-suit illusingit malliklugit.

13 Iglupta aiparusingit tættækovlugit, annitsijungnarkovluta-
talo kematulliosimajunik sunatuinarnik; saugakotivut iviksukatalikotiptingne unnuksivalliakovlugit 1000 diærtortunnik 10000 diærtortunniglo.

14 Tuktuvakotivut angijomik nangmarkovlugit; kannoêto-karkonago, assiomasokarkonagolonêt, ârusuktokarkonagolonêt apkosiniptingne iglupta akkorngæne.

15 Pilloringnarmék innukattigêksuit taimaitunik illusekartut! Pilloringnarmék innukattigêksuit Nâlekamik Gûdekartut!

IMGERUT CXXXXV.

Nertordlerutiksak Gûdib angijônginga sôngonîngalo pivlugik.

Davidib nertordlerutiksanga.

ANGIJORORTITSOMAVAGIT, Gûdiga, attaniôjotit, attillo nertutsainaromavara issokangitomot.

2 Uvlut tamaita nertoromavagit, attillo nakoritsainarlugo sorairnanga issokangitomot.

3 Nâlegak angijôvok, nertornadlarlunelo, anginingalo nautsertortaujungnangilak.

4 Kittorngat kittorngangita pinniarnitit nakorijomârpait, okautigijomârlugolo pitsartunît.

5 Ananaunît pinarnartoksôjok tækkoranidlartok, tattamnartullinitillo imgerusiorutigijomavakka.

6 Pitsartunît kappianartok okautigijaukovlugo, angijônît unipkautigijomavara.

7 Pitsiarnivit unurninga nakorijauluarkovlugo, idluarnillo igiakomijarutigijaukovlugo.

8 Nâlegak saimarvekarpok, nâpkigosuklunelo, kennuêlunelo, pitsiarlunelo angijomik.

9 Nâlegak pitsiarpok illûnainut, piniartanelo tamaita nâp-kigivait.

10 Piniartavât illûnatik kujagijaksarivâtit Nâlegak, ivsornaitokotivillo nertoraksarivâtit;

11 Attaniovikpillo opinarninga nakorilugo, sôgojoksonillo okautigilugo.

12 Innuit kittorngangit pitsartunernik nellojungnailerkovlugit, attaniôvikpillo ânanauninganik pinnarnadlartomik.

13 Nâlegauvît nâlegauviôvok issokangitok, attanniôtinillo itsainarpok sorairane.

14 NâleKab pâlaktut tamaita najumivait, maksoatilaitalo illûnaita kattalungajut.

15 Illûnatik ijingita miperpâtit; igvillo nerkiksanginnik tunnitsivigivâtittit nelluuningine.

16 Igvit aggaktit issivitipâtittit, annerneggillo illûnaita namaksitipâtittit kuviasuklutit.

17 Nâlegak idluarpok apkotimine tamaine, ivsornailunelo pinniarnernine tamaine.

18 Nâlegak kannipok illûnainut nipliavigijiminut, illûnainut illungertorlutik nipliajunnut tâpsomunga.

19 Piniarpok Gûdemik sivôrajut kajungerninginnik, niplianingillo tussarpait ikajorlugillo.

20 NâleKab nagligijine illûnaita sapputivait, Gûdekangitullo tamaita nungutsomârpait.

21 Kanerma NâleKab nertornautâ okautigijaksarivâ, uvinigillo illûnatik attinga hailigeojok nertutsainarlitsuk sorairatik issokangitomut.

IMGERUT CXXXXVI.

Nertordlernek Gûdîb nertornarninganik issokangitomik.

Halleluja.

TARNIK Nâlegak nertoruk!

2 Nâlegak nertoromavara inôtsima sivitûningane tamât, Gûdigalo nertorlugo ingervigijomavara inime.

3 Attannît sungertutiginiarassigik; inuôvut, tâpkoa ikajorungnangilet ilâ.

4 Innub annerninga nûleriakarmat, ivjungortuksaumilunelo; tagva kajusimaningit tamaita assiovut.

5 Pilloringnarmêk, ikajortekartok Jakob Gûdinganik, sungertutekartok Nâlekamik Gûdiminik;

6 Sennalauktomik killangmik, nunamik, imarbingmik; taimainiglo tåpkonanêtunik; okpernartomiglo issokangitomut.

7 Idluarnermik sakkêjomik aksorutijaujunut; nerrititsijomik kåktunnik. NåleKab parngnanairsortat kellarudjarpait.

8 NåleKab tautungitut tautuktipait. NåleKab kattalungajut maksoatipait. NåleKab idluartut nagligivait.

9 NåleKab tujormitjat sapputivait, illiårsuillo uigarnerillo pattangaitipait, Gûdekangitullo apkosiningæt mumiktipå.

10 Nålegak attaniôvok issokangitomut, Gûdeotsainarpok illingnut Zion sorairane. Hallêluja.

IMGERUT CXXXXVII.

Nertordlernek Gûdib ajûngitulliningit tarnemut timemullo

pivlugit.

NALEGAK nertorsiuk; Gûdivut nertorlugo imgervigilugo pivianarmat; nertordlernek taimaitok tussarnidlartok ånanaulunelo.

2 NåleKab Jerusaleme sennavait, aijaliktaumajullo Israeleme kattorsorpait.

3 Serkomisimajunik ômattiggit innûlivait, mangipsertorlugillo ånianingit.

4 Uvloritsat kittipait, tailugillo illûnaita attingittigut.

5 Nålegavut angijôvok, pitsartojoksôlulunelo; sillatoningalo ôktortaujungnatsengilak.

6 NåleKab pattangajut makkitipait, Gûdekangitullo pinguvait nunamut.

7 Nellekårluse Nålegak kujagilugo imgervigissiuk; Gûdivut nipliajorvigissiuk Harfinnut.

8 Killangmik ulliksijok nuvujanut, sillalungmiglo åkiksoijok nunamut; iviksukannik perorsatitsijok kakkane.

9 Omajunnik nerkiksakartitsijok, tullugarkanik nipliajunnik tåpsomunga.

10 Horsib sôngoninga kuviagingilå, kувiasutigingilaillonêt kia sauningit.

11 NåleKab sivôragijine kuviagivait, pitsiarninganik sunger-tutekartut.

12 Jerusalem Nålêgak nakoriuk; Zione Gûdit nertoruk.

13 Tåpsoma upkoaksoavit senneroangit atsungertimagit, saimartipaillo kittorngattit illingne.

14 Ullapirsautekartitsivok kiglilervingne, namaksitipâttillo kakkôjaksatsiangonerpangôjunut.

15 Okâlanine tillivait nunamut; okausingit sukkalidlarput.

16 Appumik tunnijivok saukab merkungititut, kakkornait kattararpait arksatitut.

17 Nettarkonâlukotine serkitivait tamuaititut; kia itjinga sappingikaûk?

18 Tâмна okarpok, tagva auksarpok; annorekotine annor-derkovâ, tagva aukpok.

19 Okauserminik Jako kaujitipâ, Israele illusiokojaminik, idluarijaminiglo.

20 Nellojut nellillonêt taimailiorvigingilait, idluarijanglello illitarilungilait. Hallêluja.

IMGERUT CXXXXVIII.

Kajungersainek pingortitannik tamainik Gûde nertorlujo.

Hallêluja.

NALEGAK nertorsiuk killangmit; nertorsiuk kotsiktome.

2 Engelingit illûnase nertorsiuk; kattimgajokotingit illûnase nertorsiuk.

3 Sekkiniôjotit, takkiojotillo nertortiko; uvloriangojose kaumaijose illûnase nertorsiuk.

4 Killait killangit illûnase nertorsiuk, imiôjoselo killait kollânêtose.

5 Tâpkoa Nâlekab attinga nertoraksarivât; tâмна perkojilaungmat, tagva pingortissimalaukput.

6 Pitilaukpaillo sokkosijuikovlugit issokangitcmut; illusekartitsilaukporlo tappagijaulungitomik tâpkonunga.

7 Nâlegak nertorsiuk nunamit; arviôjose, ittiniôjoselo illûnase.

8 Ikkomab nettarkonâluillo, apputib, pujorablo; akkonak-suit, okausinginik nâlektut;

9 Kakkat, kakkârulaillo illûnatik; napârtut paungâluggit, Cederillo illûnatik.

10 Omajut nergjutilllo illûnatik, pâmgortut, tingmitjullo merkoggit;

11 Attanersoangojôse nuname, inôjoselo illûnase; attaniô-jut, idluarsaijullo nuname tamaita;

12 Nullêtit uigasuillo; innutokaujut innuosuktut illagilugit:


13 Tapkoa Nâlekab attinga nertoraksarivât; tâpsoma attinga kissime kotsingmat; ânanauningata killak nunalo pittikipak.

14 Innukotimelo naksungæt kongmuartipå, ivsornaitokotime illûnatik nertordlerningit kongmuartipait tagva Israelib kittorngangita, innugiartoksuit kannitut tâpsomunga. Halléluja.

IMGERUT CIL.

Gûdið nertortauninga inukotiminut saimarvigijaujunut.

Halléluja.

NALEGAKimgervigissiuk imgerusertâmik, nertortauninganik ivsornaitut illagêngninginne.

2 Israelitit sennajigilauktatik kuviagilitsuk; Zionib kittorngangita attannitik serrigilitsuk.

3 Attinga nertoraksarivât okigêserlutik; killautinut, Harfinnullo nipliajorvigijaksarivât.

4 Nâlekab innukotine kuviagingmagit; pattangajut pinarnarsitipait ikajortaunermik.

5 Ivsornaitut ânanaunek tamanna serrijutigijaksarivât, nertordlertuksaulutiglo inangavingmingnêdlutik.

6 Kaningita Gûde angijorortitaksarivât; tigumiartuksaulutiglo aggamingne saviksoarnik igluktut kênalingnik;

7 Akkiniarkovlugit nellojut akkorngæne;

8 Attanningit kellaksorlugit kellaumgujanut, opinartokotingillo kellarutinnut kikkiangôjunnut;

9 Pinniarvigilugit namanermik pikovlugit aglaksimajomik. Ivsornaitokotingit illûnatik taimaitomik opinarnekaromârput. Halléluja.

IMGERUT CL.

Kaïblainek Gûde nertorlugo.

Halléluja.

NALEGAKnertorsiuk ivsornaitovikotingane; nertorsiuk pitsartuningata aulangitungane.

2 Nertorsiuk piniarnersoanginne; nertorsiuk ânanaunersonga malliklugo.

3 Nertorsiuk tiptulausijarnermut, Harfesijarnermullo.

4 Nertorsiuk killausijarnermut, okigêsernermullo; nertorsiuk nokakseralisijarnermut, nipsausijarnermullo;

5 Nertorsiuk attornermut Cimbelinnik nippekortojunnik.

6 Illûnatik annerneggit Nâlegak nertorlitsuk. Halléluja!

SALOMOB OKALAGALANINGIT.



KAPITEL I.

Illissimanermik: tâpsomalo erdligosungninganik anânatut.

TAMÆDSA Salomob Davidib erningata, Israelitit attaningæta okâlagalaningit;

2 Illissimanek nalektitsinerlo illitarijaukovlugik, sillatutsiarnerublo okausertangit tukkisijaukovlugit;

3 Illisimanerub nalektitsiningit, idluarnerlo, nâmanerlo, nel-lagornerlo pigijaulerkovlugit;

4 Illissimaitut sillatunermik, innuosuktullo illitarksinermik, issumaksarsiornermiglo tunnitsiviolerkovlugit.

5 Illissimajub tussârniarpait, pivallianiarlunelo ajochertut-sinne, sillatôjorlo illissimanermik (attannertortautsiarnermik) illangiutititauniarpok;

6 Tukkisilerkovlugo okautsinik ajochertusetalingnik, tukki-sititsinermiglo; illissimajut okausinginik, nellaupsaraksanginiglo.

7 Sivôranek Nalekamik pigiarniôvok illitarksinermut. Sil-laitut nachovut illissimanermik nalektitsinermiglo.

8 Kittorngâk, atâtavit nalektitsininga malliguk, anânavillo perkojiningit allartaïlikit.

9 Tamakkoa pinarnarsijutitsiangongmatta niakungnut, kel-laumgoangongmattalo kongeserne.

10 Kittorngâk, uivêtut idluitut kajungertilerangagit, tagva malliktaïlikit.

11 Okaraigunik: Illagitigut aungmik uttakijomavogut, pas-sijaksaungitullo pitjutekarata unangmijomavavut;

12 Inôtillugit êjomavavut, kappianartovingmut pijauvlutik sorlo, idluitailijullo (êjomavavut) taipkotitunak ijukartutitut it-tersâlungmut;

13 Perkutinnik pivianartunik sunatuinarnik nachvaromavogut; iglovut aksarnigaujunnik tettætitsomavavut.

14 Oktolerit illagiluta; illunata adsigéktomik ikkupiktuk-saugapta tamakkoninga.

15 Kittorngák, apkut tamne illagilugit arvertarviginiarnago pît; ittikettit torartailitikit tapkoa apkotinginnut.

16 Ittigangit akpangermatta idluitomut, tuavipullo auk kovijomavlugo.

17 Sullingimat tingmiarniutit ákilugit tingmitjat ijingita sanginne.

18 Taimaktauk akkonermingne aungmingnik uttakiutivut, pijugautiluglo.

19 Illunatik pijomatudlarnermik ungajut taimailingavut; taimaitub angajokáne inoséjarpa.

20 Illissimanek árusukpok sillame, nippinelo tussartautipa apkosinerne iglut akkorngænne.

21 Kaigarsukpok kachimiovingne; okausine okauserivait iglulaseksuit itterviksoanginne:

22 Illissimaitose, kannok akkunértigijomik illissimaitso-mavisse? Mittautekartullo mittautekarosugomavát? Sillaitullo illitarksinék omigijomavatsuk?

23 Sátitse ákiksoinimnut. Ahák Annernera kovijomavara illipsingnut, okausimnik kaujititsomavapse.

24 Kaikojinimnigle kunugapse; aggakka issangagapkit, kamajokangimallo tapkoninga;

25 Kaiblainikkalo allarapsigik; ákiksoineralo pijomanginap-siuk:

26 Tagva uvangatauk ijomavunga kannoétokarnipsingne, mittautigiluselo, sivôragijapsingnut tikkitaugupse;

27 Sivôragijapse akkunaksoatut tikkipasse, kannoênipselo tikkipasse sillarnerluksoatut; kappianarnermut siorniornermullo tikkitaugupse.

28 Tagva nipliavigijomârpânga, uvangale kiojomângilanga; kennersaromârpânga nachvarnangale.

29 Illitarksinék omigilauramitsuk, sivôranermiglo Naleka-mik annerosunginamik;

30 Kaiblainikka pijomalaunginamigit, ákiksoineralo illunât okarnerlutigilauramitsuk:

31 Tamanna pivlugo nerrijuksavut illutsimik kaitanginnik, kajusinnermingniglo akkeartortuksavlutik.

32 Illissimaitut ikligijamingnut tokkotaungmatta, sillaitullo pillorikornermingnut nungutaulermatta.

33 Uvamnigle nalektok, ussornarnarlune nunakarniarpok, merngoêrsernekarniarnunelo, kannoétomiglo sivôraniangilak.

KAPITEL II.

Illangiutititaunermik illissimanermik.

KITTORNGAK, okausikka illalioromagungne, perkojakkalo illingnêtsainartitsomagungne;

2 Siutitik kamatsiarkogungne illissimanermik, omattillo to-rartigungne sillatunermut;

3 Ila illissimanermik kaikojiguvit, sillatunerlo nipliajutigi-gungne.

4 Kennerungne Silberetut, nautsertorungnelo pivianartokso-jutitut;

5 Tagva sivôranek Nalekamik tukkisilârpet, (timerolârpet) illitarksinerlo Gudemik nachvarniarpet.

6 Nalegak illissimanermik tunnijingmat; tapsoma kaninga-nit illitarksinek sillatunerlo pivuk.

7 Tapsoma nellagortut sullitsiartipait, idluitailinermelo ar-vertartut serngnigivait;

8 Sapputivaillo namaktullijut, ivsornaititamelo apkotingæt udsertorpa.

9 Tagva tukkisilârpotit idluarnermik nâmanermiglo, apko-miglo nachojomik ajungitomiglo illunânik.

10 Illissimanek ômamiutarigungne, tarnivillo illitarksinek kuviagikpago:

11 Tagva ajochertutsit idluartut serngniginiarpâtit, sillatu-nerublo sapputiniarpâtit;

12 Idluitut apkotingænut perkonnak, kannekadlartut mu-miksimajut akkorngænullonêt;

13 Apkosinermik idluartomik kemmajut, attortullo apkosi-nermik tâktunnik;

14 Idluitullinermik kувiasutekartut, serrijullo illusekarner-me idluitunnik mumiksimajunniglo;

15 Apkutekartut niungapattekeaktunnik, apkosinekartullo sangunartunnik.

16 Najorkonak assivît nullianganut, nulliarêngnermik as-serorsaijomut, piaktannik okausekarpaktomut;

17 Uigijaminik innuosungnermine kemaijomut, Gudimelo angerninganik puigortomut.

18 Tapsoma iglunga torarmat tokkomut, ainingillo assio-majunnut.

19 Illumatik ittertut tapsomunga utterungnairput, inôgutiblo apkotinga tigungilât.

20 Arvertarkovlutit apkome ajungitome, apkosinerlo idluar-tok attutsainarlugo perkovlutit.

21 Idluartut iglokaromârmatta nuname, idluitailijullo tag-vanêtsainaromârput.

22 Gudekangitulle pëjartaujomârput nunamit, nachojullo nungutaujomârput.

KAPITEL III.

Illissimanerub pilloringnarninganik.

KITTORNGAK, malligaksaukojamnik puigornak, omattivillo perkojakka torkorligit.

2 Kaitsiniarmatta illingnut inôtsemik akkunêrtomik, Jariniglo ajungitunnik, ullapirsaumiglo.

3 Saimanerub miksekârnerublo allarniatsengilât. Makkoa nivingatikit kongeserne, aglakillo omattivit illuanut.

4 Tagva namagijaunermik illissimanermiglo nachvarniarpo-tit, Gudemut innungnullo kuviagijaujunnik.

5 Nalegak tettigiuk ômamut illunânut, sillatunillo tettigi-nago pit.

6 Tamnale erkaumatsainaruk apkotingne tamaine: tagva nâmaktomik tessiorniarpât.

7 Illissimanasuginak; Nalegarle sivôragiuk, idluinerlo kem-maguk.

8 Tamattoma timit illunât atsuilitiniarpâ, saunillo nekkoksi-tiniarpait.

9 Nâlegak opigiuk perkutingnut, kattersivikpillo perorsê-jingita sivurlerpânginnut illunainut;

10 Tagva kemmatullivikotitit tetâtsomârput, paungakoti-villo iptējaivingit iptinnik ullipkittaromârput.

11 Kittorngâk NâleKab nalektitsininga nachoginiarnago pit, sugiarningalo kennutigitailiuk.

12 NâleKab nagligijane sugiarmago; kuviagivâlo sorlo atâ-tab ernine kuviagingmago.

13 Pilloringnarmêk innuk, illissimanermik nachvartok, in-nuglo sillatunekartitaujok.

14 Namanersaungmat tamana pinasuarutigilugo, pinasuar-nermit Silberemik; kaitangalo namanersauvok Goldemit.

15 Tamanna pivianarnersauvok sappangænnit; illunatiglo tussugijungnartavit nelligingilât.

16 Inôsek akkunêrtok mattoma tallerpianêpok; saumianelo akuinekarpok nertornarnekalarmelo.

17 Apkutingit apkutauvut inerkønartut, apkosiningillo ullapirsautauvut.

18 Napartôvok inogutelik, tigusijunut tamattominga; pil-loridlarpullo illunatik ivlersijut tamattominga.

19 Nalekab illissimanermut nuna tunganektálaukpa, sillatuneminullo killait pingortilaukpait.

20 Sillatuninganut ittinersuit sakkijartitauvut, nuvujallo kussertitsijungortitauvut missuksoannik.

21 Kittorngâk, (illissimanek) nûtailitiuk ijingnit; sillatunermiglo issumaksarsionermiglo ivlersilerit.

22 Tamanna tarnivît innogutiginiarpa, kannillo tussarominartokarniarpok.

23 Tagva ussornarnarlutit arvertarniarpotit apkotingne, ittikettit aporviksakarkonagit.

24 Inilaleruvit sivôraniangilatit; inanganarlutille, sinitsiarniarlutillo.

25 Sivôrajariakarkonnak koaksartitaunermik tikkisaraidlartomik, Gudekangitullonêt asserorsainingænik, tikkitokarpât.

26 Nâlegak tettekarvigigangne; tapsoma ittikettit sapputivait, pijaukonagit.

27 Kununiarnak ajoksartok ajungitullivigilugo, Gûdib agaktit perkutekartipagit, taimailiorungnarlutit.

28 Okarniarnak innukattingnut: Annit kailermilutillo, kaupât tunitsivigijomavagit; pijomajanganik pekaralloarlutit.

29 Idluitomik pinasuarnak innukattingnut, ullapirsautekarlune nunakartomut illingne.

30 Nelliallonêt akkerartorniarnago pitjutekarnak, tapsoma kiksartilaungipâttit.

31 Pinniarluktok malligasuartailiuk, apkotigijangitalo nelliallonêt anneriniarnago.

32 NâleKab kemaijut tapsominga makkojugingmagit; nello-narningalo idluitailijunnepok.

33 NâleKab ominarsikojininga Gudekangitub iglunganêpok; idluartulle iglungit pitsartutiniarpait.

34 Mittautekartut mittautiginiarpait; piojorijuitulle napkiniarpait.

35 Illissimajut opigijaunermik kingormgujijomârput; sillaitulle pingijaijutiksarsikpattalonêt, kangusuktitauniarput sulle.

KAPITEL IV.

Atatab ajochertusinginik.

KITTORNGAKKA tussaritse, atâtapse nalektitsininganik; kamatsialeritse, illiniarkovluse sillatulerkovluselo.

2 Ajochertutsemik ajungitomik tunnitsivigigapse; malligak-saukojakka kemangniaræssigik.

3 Atâtama nagligidlarlunga ernerilaungmanga erdligijaulunga ernetuaktun ilaukpunga anânama sângane.

4 Tapsomalo ajochertorlaukpânga, okarlunelo: Omattivit okausikka tigumiarligit; perkojakka torkorkit, tagva innôni-arpotit.

5 Pinasiarit illissimanermik, pinasualerit sillatunernik; puigortailikit uniornagillo kanerma okausingit.

6 (Illissimanek) kemaktailiuk, tagva pigitsainarniarpâtit; erdligiuk, tagva sapputiniarpatit.

7 Illissimanerub pigiarninga imaipok: Illissimaneksinialerit; perkutingnullo illunainut sillatuneksinialerit.

8 Angijônasugiuk, tagva angijorortiniarpâtit, nertornarti-niarlutillo-erkigungne.

9 Tapsoma niakoit ananâmik pinarnarsititsomârpâ, niakômiglo pinnarnadlartomik manijervigijomârpâtit.

10 Taimaimat kittorngâk tussarit, okausikkalo illalliorkit; tagva innôtsivit Jâringit unnuksivalliajomârpû.

11 Illissimanerub apkotinganik ajochertoromavagit, tessioromavagit apkosinerme idluartome.

12 Pissuleraiguvit pissungnît siorniornarkonago illingnut, akpangeraignuvillo apôrkonak.

13 Nalektitaunek tiguleruk, nippotitailiuk; torkoruk, inôgutigigangne.

14 Tikkiniarnak Gudekangitut apkosiningænut, tutiniarnaglo idluitut apkotingænut.

15 Kemmaguk, pissugviginiarnaglo; allivaruk uniorlugolo.

16 Sininginamik, idluitullilaukâratik, merngoêrsinginamiglo kannoêtokartitsilaukârlutik.

17 Kassênerub kakkojanga nerkiksaringmatsuk, immerlutiglo pinialungnerub Weininganik.

18 Idluartulle apkotingat kaumanerub keblarningatut ipok, sivumuartotut, kaumaksaijotullo uvlok sokkosijuitok tikkilugo.

19 Gudekangitulle apkotingat tâksinertun ipok, nellovullo nané pâlangniaramik.

20 Ernik okausikka kamagitsiarkit, siutikiglo mannikip okâlanimnut.

21 Nûlerkoniarnagit ijingnit; torkorkillo omattingnut.

22 Inôgutiksaungmatta nachvartunnut tamakkoninga, atsui-linarpullo timinginnut illûnanginnut.

23 Tamainit anginerpangojomik omattit udsertoruk: omangat innôsek anningmat.

24 Kannek mumiksimajok pêruk illingnit; kanekadlarnerlo mittautelik ungasigle illingnit.

25 Ijikik sivumumarik tækkolik, ijikpillo attâ kollâlo tækkosarik nacholutik sângnut.

26 Issumaksarsiolerit namaktomik ittikavit apkutiksanganik, tagva tamarnangitomut pissungniarpotit illunâne.

27 Sanguniarnak tallerpingmullonêt saumingmullonêt; itti-kettit sangutikit idluitomit.

KAPITEL V.

Uganermik ivsornaitomik.

KITTORNGAK, illisimanera kamagitsiaruk; siutikiglo manikik sillatunimnut.

2 Issumaksarsiornermik ajungitomi ivlirserkovlutit, kangasinâkiglo illitarksinermik udsertorkovlugik.

3 Anguniarpaktub kangasinâgik igupsaujartut orksuanik kussertokarpuk, killangalo piangnersauvok orksomit;

4 Kingorngagulle kassilingnarpok Wermutetut, ippiktokso-larmelo saviksoatut igluktut kênaliktut.

5 Ittiggangit akpangerput ununga tokkomut, ainingillo torarput kappianartovingmut.

6 Sivumuangilak inogutib apkutingane; ablorningit sangusaraiput, taimaimat nellovok nane pissungnerminik.

7 Tagva kittorngakka naleksinga manna. nûniarasselo kanerma okausinginnit.

8 Apkotigijattit ungasiglit tapsomangat (anguniarpaktomit) iglungalo upkoango kaglitailiuk.

9 Nertornautilksarnik tunijerkonak assingnut, Jâringniglo takopsoajuitomit;

10 Tækkorngartat akkeartorutekarkonagit perkutingnik, piniartatillo illingakonagit assivit iglunganut;

11 Kingornganelo annersaumijuksaunajarlutit timit uvinillo nungutaukpanik.

12 Okarlutillo: Kappê nalektitaunek omigilaurapko, omatimalo sugiartaunek nachogilaungmago;

13 Nalelaunginamalo ajochertortima nippinginnik, siutigalo manilaunginapko illiniartitsijunut uvamnîk!

14 Tagvainak kanoetunut tamainut tikkipunga, inuit illunatik, innugiartoksuillo illunatik sagine.

15 Imermik immerit imektarvekotingnit, kôkarillo puailavekotingnit pijunnik.

16 Imektarvekotitit anilugit kôlerlit, imiublo kôngit kôlerlit apkosinernut iglut akkorngænétunnut.

17 Igville kissivit perkutigiuk, assillo perkutekattiginianago.

18 Puailavekotit pitsartutitaule, nulliarijallo inuosungnerne kuviagiuk.

19 Inerkonarpok tuktutut, tækkoranidlarporlo tuktungajojartotut Tapsoma unganingata namaksititsainarlitit, naglingningalo alliarutigitsainaruk.

20 Kittorngâk, sôg nulliariningitât alliagijomaviuk, nulliavillo assia erkipiuk?

21 Illunamassiatik attunît apkotingit Nalekab ijikita sangangnêput, ainingillo tamaita nautsertorpait.

22 Gudekangitok idluitullinerminut pijaujomârpok, ajortullinimelo kellerutânut pittuktaujomârpok.

23 Tokkojomârpok nalektitaujomanginame; sillaitoksoninelo pitjutigællugo tamaromârpok.

KAPITEL VI.

Ulloreasungnermik, katsungainermiglo, nellagornermiglo,

ikliguktailinermiglo attorkojavut.

KITTORNGAK, innukattit akkisartoromavlugo angermarilaurvit, tækkorngârtarlo angermarigutigilaurungne;

2 Kannerpît okausinginnut kellaksortauguvit, kannerpîllo okausinginnut pijauguvit.

3 Tagva kittorngâk, imailiorittôk, piulilutillo illingnik; innukattivit agganginnut pijaumagavit; tuavilerit, katsungaitomiglo innukattit tuksiarvigilugo pit.

4 Ijingnik sinnerkojinak, kemeriangniglo sikkungerkojinaglonêt.

5 Piuligit illingnik tuktungajojartotut omajoksiortib agganginnit, tingmiatullo nigartortib agganginnit.

6 Erkeasuktotit, ailerit apkallajomut, tapsoma illusinga kemergoleruk, illinialerillo.

7 Tâmma attanekangigalloarame, aulatsijokangigalloarame-lonêt, angajokakanginamelonêt;

8 Sulle nerkiksalliorpok aujakarningane, nerkiksaminiglo kattersivok kattersiviub nelluiningane.

9 Erkeasuktotit kannok akkunêrtigijomik inangavit? Kak-kugo makkitsomavit sinigvingnit?

10 Ila sinnilârsulerit sulle, sikkungilârsulerit sulle, aggak-tit pârtigêklit kêta, merngoêrserkovlutit:

11 Tagva aklunerub tikkitsomârpâtit angutitut pissuktotut, ajoksarnerublo sangijoksojotut sakkuliktut.

12 Innuk koksalaïtok, angut uivêtok, kanellijarpok mumik-simajomik,

13 Ijingmikpakpok, ittikkannullo kairkojivok, aggangnullo nullorarpok.

14 Pinasuatsainarpok idluitomik mumiksimajomiglo omat-timine, aivanekartitsilunelo.

15 Tamanna pivlugo suilaminit kanoêtokanerminut tikkitaujomârpok; tuavitomiglo serkomitaujomârpok ikajortaunekaranelo.

16 Illutsit tapkoa 6it Nâlekab omigivait, 7ingælo makkojugiva:

17 Ijit pingijaitut, okkâllo nellangaitut, aggaillo aungmik passijaksaungitomik kovisijut;

18 Omat idluitunik issumaksarsiortok; ittikkâllo tuavitut idluitullijomamut;

19 Nellonailêjok nellangaitok, iktoriktailune sæglonernik okartok; aivanekartitsijorlo kattangutigêt akkorngæne.

20 Kittorngák, atátavit perkojangit torkorkit, anânavillo malligaksaukojangit sapkotailikit.

21 Kellaksorsimatsainarkit omattingne, nivingatikillo kongeserne;

22 Pissuleraivit, tapkonunga tessiortaukovlutit; inilaleraiguvit, tapkonunga sapputijaukovlutit; tuppaleraiguvit okausiksaukovlugit illingnut.

23 Perkojak kaumaniongmat, malligaksaukojaujullo kaumajovut; nalektitaunerublo sugiarninga apkosiniôvok innôtsemut.

24 Sapputijaukovlutit arnâlungmit, nulliaringingitavit okanganit piaktomit.

25 Ananauninga ikligiktailiuk omattingne, ijigingnullo uiverijauniarnak.

26 Anguniarpaktub angut nerkiksakarungnairtingmago; arnablo nulliarêngnermik asserorsaijub tarne aksarnigariva.

27 Nelliattauk ikkomakarungnaralloarka sagvime ikkia-ngane, anorâne ikkitautinagit?

28 Kannok nelliatt pissugungnarajarka aumane, ittikkenne ônagit?

29 Taimak illingavoktauks nelliatt, inukattime nullianganut aïjok; attauserlonêt pitlartautaililungilak tapsominga aktuajok.

30 Tigliktab nachonarninga, tiglikune nerrijomamut kâdlarame, mikkinersauvok.

31 Tigujaugunelo, tagva tigilauktane 7ertortorlugit uttertiniarpait, perkutnillo igluminênut tamaita tigujaukovait.

32 Nulliarêngnermigle asseroïjok, tâmma sillaitovaksôvok; taimailiortub innôsine pitipa asserornartomut.

33 Okkumainartoksoarmut mittautigijaunartomullo tikkitau-niarpok, nachonarninga pèjartauniangilak.

34 Arnab uingat ningaumajarninga illungertudlarmat, akki-niarnrublo nelluiningane pitlarniktailiniangilak.

35 Akkilerutiksamiglo kamangilak; sattomaniangilarlo un-nuktunnik pillitsivigijomanajarungnelonèt.

KAPITEL VII.

Arnamik assiniartomik.

KITTORNGAK okausikka puigortailikit, perkojakkalo torkor-kit illingne.

2 Perkojakka puigortailikit, tagva innôniarpotit, malligak-saukojakkalo ijivît tækkonatingatut ilerlit.

3 Kellaksorkit aggangnut, aglakillo omattivit illuanut.

4 Okalerit illissimanermut: najagivagit; sillatunerlo taile-ruk illanarijignik.

5 Sapputijaukovlutit arnamit nulliaringitarnit, assianit, pi-aktunnik okausekartomit.

6 Iglumale igalangane killapataktutigut ijainilaukpunga;

7 Tækkolungalo illissimaitut akkorngænut, missigilungalo ernerit akkorngæne innuosuktomik angumik;

8 Tâмна ailaukpok iglut akkorngæne, taipsoma arnalub terrekunga tikkilugo, pissulerlunelo apkosinerme tapsoma iglu-nganut.

9 Allajalertillugo, uvlub unulerningane, unnuangokasaler-mat tâksilertillugolo.

10 Ahâglo, tagva arnab assiniaromajotut annorarsimajub pâropa, pingitsertorlune.

11 Kuksalaidlarlune, uimajartoksovlunelo, ittiggangit iglo-mine kikkârungnalungimatta.

12 Manna sillamèpok, manna apkosinermepok iglut akkor-ngæne uttakkilunelo terrekunne illunaine.

13 Tigukallakpalo (innuosuktok angut) kunikpalo iktorik-tailune, okautilâlo:

14 Tunergutiksani kùjalitiksani najortekarpunga, uvlome angerutikka akkililaukpakka.

15 Tamanna pivlugo annilaukpunga pâromavlutit, kênait kennersaromavlugo, nachvarsimavagillo.

16 Sinigviga pinarnarsitilaukpara, karnut aglalingnut Egip-tenemit pijunnut.

17 Sinigviga tippitsiariktunut Mirinik Aloeniglo Zinnameniglo taijaujunut, serparsarlaukpara.

18 Kailerit, ajortullikattigélauluk uvlub kaulerninga tikki-lugo; naglingnermik kuviasutekalauluk.

19 Uiga igloméngimat, aularsimavok ungasiktomut.

20 Ikpiársuk kénaujatalik neksalaukpa, uvloksiorviub nel-luuningane kissiane uttileromârpok.

21 Inaurinersoarmut kajungertipa, kannerninullo piakto-mut sâlagiva.

22 Tâpsoma mannakut mallikpa, sorlo tuktuvâk tokkotau-vingminut ataungmat, sorlolo parngnanairsutitut sillaitut su-giartaujutigijanginut;

23 Karkjumut tingunga koppijaukârtinago, sorlo tingmiak tuavidlarmat nigarmut, nellovlunelo ômanekarungnaititauniar-nerminik.

24 Taimaimat neleksinga kittorngakka, kannermalo okau-singit kamagitsiarsigik.

25 Omattit sangutiniarnago taipsoma apkotinganut, tamar-titautailitilerillo taipsoma apkosininginnut.

26 Unuktut killerlaungmagit ochotilaungmagillo, pitsartune-lik-suillo sunatuinait taipsomunga kimitauvut.

27 Iglunga apkutauvok kappianartovingmut, kanungarvik tokkub inninginnut.

KAPITEL VIII.

Illissimanerub annerninganik.

ILLISSIMANEK kaigarsungilak, sillatunerublo nippine tussar-tautingipauk?

2 Kakkarulait kângine apkome, apkosinerillo aviktarviæne nangerpok.

3 Iglugaseksuit upkoaksoanginne, innuit itterviksangine nipliadlarpok:

4 Illipse angutaujose nipliavigivapse, innuillo kittorngangit kairkovakka.

5 Illipse illissimaitose kamatsialeritse sillatutsiarnartomik; sillaitoselo omamiutarksileritse.

6 Tussaleritse, pijariakarnerpângojomik okaromagama, kangasinâkalo ajoçertuijuksauvuk nellâgortomik.

7 Kanera miksekârtomik okausekartuksaungmat, kangasi-nârmalo Gudekanginek omigivâk.

8 Kannerma okausingit illunatik idluartovut; tapkonane tammartovinekangilak, nellangaitokaranelo.

9 Illunatik tukkisinarput sillatôjunut, idluartôvullo illitark-sinermik nachvartunnut.

10 Nalektitsinera illalliungarsiuk Silberemit; illitarksinerlo anginersaunasugissiuk Goldemit pivianartomit.

11 Illissimanek namanersaungmat sappangænnit; tussugijaujungnartullo illunatik nellegijungnangilât.

12 Uvanga illissimaniôjunga, sillatutsiarnartomik aipakarpunga, ajochertutsemiglo sillatutsiartomik nachvarungnarpunga.

13 Sivôranerub Nalekamik idluinek, pingijainerlo, piojorinerlo apkullo idluitok omigivait, kannerlo mumiksimajok ken-nugivara.

14 Ajochertusek, (attanertuinek) piniarnerlo tamarmik nangminerivâka; sillatunekarpunga, pitsartunekalarmalo.

15 Uvapkut attannit attanniotivut, attannertuijullo idluarsijutiksamik akikoivut.

16 Uvapkut angajokâksuit angajokajallo aulatsivut, attannillo illunatik nunamêtut.

17 Uvammik erdligosuktut erdligivakka; kenersartullo uvammik, nachvarpânga.

18 Akluinek nertornaullo uvamnêpuk; perkutillo miksekar-tut, idluarnerlo.

19 Kaitakka ajunginersauvut Goldemit, Goldemillo illakan-gitomit; pigijakkalo (tunergusiakka) ajunginersauvut Silberemaringmit.

20 Arvertarpunga apkome idluartome, idluarnerub apkosiningita kerkâne.

21 Uvammik erdligosuktut namaktomik ajochertorungnarpakka (attannertorungnarpakka) pivianartokotinginniglo namak-sititsijungnarpunga.

22 Nâlekab pigilaukpânga apkotigijame pigiarningane; pingortitsilerkârtinago tapsomanêlaukpunga.

23 Attaningortitaulaukpunga issokangitomit, pigiarnermit, nunakakârtinago.

24 Ittinnersuit pilerkârtinagit, erniangolaukpunga; imersuit puilakârtinagit immekarvingnut.

25 Kakkat illijaukârtinagit, kakkarulakakârtinnago erniangolaukpunga.

26 (Nâlekab) nunaksoak tapsomanêtullo sennalaungilait sulle, nunaksub sanningita unurningillonêt.

27 Killait pingortilermagit, tagvanêlaukpunga; ittijoksoak angmaloriktilermago.

28 Nuvujat takpâne atsungertilermagit, ittijoksub puailaviksangit atsungertimagit;

29 Imarbiksoak kigililervekartingmago, imersuillo, tappakonagit perkojanganik; nunaksub tungaviksanganik illijitillugo:

30 Tagva tapsomanêdlunga pingortitsilaukpunga, uvlullo tamaita kuviasutekarlaukpunga, alliajutigitsainarpângalo;

31 Alliajutiksakarpungalo tapsoma nunaksoakotingane, innuillo kittorngangit kuviasutigivakka.

32 Taimaimat naleksinga manna kittorngakka; pilloridlarput apkotimnik ivlersijut.

33 Nalektitsinêk tussarsiuik, illissimaleritselo, sappotailis-siuglo.

34 Pilloringnarmêk innuk uvannik nalektok, pigârkovlugo uvlut tamaita ittervekotimne, uttakkerkovlugo upkoakotima sillatâne.

35 Uvannik nachvartok, innôtsemik nachvarpok, Nalekamillo kuviagijaunermik piniarpok.

36 Idluitullijuble uvamnut tarnine ikkilerpa; illunatik, uvannik omisuktut, tokko ungagivât.

KAPITEL IX.

Illissimanerub iglunganik, nerrimaraksanganiglo.

Arnab assiniartub kajungersaininganik.

ILLISSIMANEK igluksakotiminik igluliulaukpok, nappajuksakotiminiglo 7 innik ullimâlaukpok;

2 Nergjutekotinne tokkolaukpait, Weinekotiminiglo attuina-ruiwok, nerrimaraksaminiglo âkiksoilaukpok;

3 Kivganelo tillilaukpait, kaikojerkovlugit takpikkane iglugaseksuit kakkarulangine;

4 Illissimaitok kailerle tamaunga; sillaitunullo okarlaukpok;

5 Kaileritse, kakkojakotimnillo nerrileritse, Weinemillo namaksitilauktamnit immileritse.

6 Illusek illissimainartok allarsiuik, tagva innôniarpose; arvertaritselo sillatunerub apkotingane.

7 Mittautekartomik sugiarte, kangusutiksarsiniarpok; Gudekangitomiglo innerterijok, tâмна mittautigijauksauvok.

8 Mittautekartok innertitailiuk tâpsoma omiginiarpâtî; illissimajok inerteruk, tapsoma nagliginiarpâtî.

9 Illissimajok illiniarteruk, tagva illissimanersaulerniarpok sulle; idluartok ajochertuleruk, tagva ajochertutseme pivallianiarpok.

10 Illissimanerub pigiarninga sivôraniovok Nalekamik, illitarktsinerlo Hailigeojomik sillatuniôvok.

11 Uvapkut uvlotit unnuktoleromârmatta, innôtsivillo Jâringit unnurnersaujomârput.

12 Illissimaguvit tagva nangminernut illissimavotit; mittau-tekartôguvit, tagva kissivit nangmarniarpet.

13 Arnauvorle sillaitok, uimajadlartorlo, kannekadlartorlo kaujimangitorlo sumiglonêt:

14 Tâмна iglome itterviane iksivavok iksivautame, igluga-seksoarne takpikkane;

15 Kairkojinasuarlune kângertunnik, arvertartuniglo idluar-tomik apkotimingne.

16 Kina illissimaitova, tâмна kailerle tamaunga, sillaitun-nullo okarpok:

17 Imersuit tigliktaumajut mamadlerput, kakkojarlo ijsersimajok kuvianarpok.

18 Tâmnale (uiverijaujok) nellovok, tokkungajokarmat tag-vane, tapsomalo (arnab) nerrekattigijangit kappianartovingmê-matta ittijoksoarne.

KAPITEL X.

Ajochertutsit sunatuinait okautauninginik.

SALOMOB okalagalaningit. Ernek illissimajok kuviagijauvok atâtaminut; ernerle sillaitok kiksautigijauvok anânaminut.

2 Perkutit idluitut (namangitullinermut pijaujut) ikajortik-saungilet; idluarnerle piuliklerpok tokkomit.

3 Nâlekab idluartub tarninga kâkolungilâ; Gudekangitulle pijomatudlarningit ochotipait.

4 Aggait erkeasuktut aklutitsivut; erkinaitulle aggangit aklutitsivut.

5 Aujakarningane kattersoi jok, tamna sillatôvok; kattersi-viuble nelliuningane sinniktok, kangusuktitauniarpok.

6 Idluartub niakoa saimanekarpok; Gudekangitulle kaningit piungitoalungmut ulliktauniarpok.

7 Idluartut erkaumajauningat saimanarneliutsainarpok; Gu-dekangitulle attingit nunguniarpok.

8 Omattimine illissimajub perkojat illalliorpait; kannekartorle sillaitomik ochotiniarpok ingminik.

9 Passijaksaunane inno jok, ussornarnarlune innôvok; mu-miksimajorle apkotimine sakkertitaujomârpok.

10 Ijingmiktok sænikterijutiksakartitsivok, kannekartorlo sillaitomik ochotiniarpok ingminik.

11 Idluartub kaninga puailaviovok omanartok; Gudekangi-tulle kaningit piungiluktoalungnut ulliktaujomârpok.

12 Omisungnek aivanekartitsivok; naglingneruble tappatô-nerit illunaita mattovait.

13 Sillatôjub kangasinâgingne illissimanek naipitauvok; sillaituble kemerdlunganut issakaut illingajuksauvok.

14 Illissimajut illitarksinermik torkorsivut; sillaitulle kanningit kannidlarput asserornermut.

15 Akluitub perkutine iglugaseksoakotigivait songojunik; aklujulle aklunermut iktôrtitauvut.

16 Idluartok perkutininik attorpok inôtsemut; Gudekangitorle pinasualauktaminik attorpok idluitomut.

17 Nalektitaunek ivlerilugo apkutauvok inôtsemut; sugiartaunermigle kemaijok tamatsainarpok.

18 Kannit nellangaitut omisungnermik ijersivut; mangatsivulunelo pijok, sillaitovok.

19 Okausekartune unuktunnik, tapkonane ajornekartailiniangilak; kangasinângminigle udsertortok tâмна sillatôvok.

20 Idluartub okanga Silberetut pivianartotut-ipok; Gudekangitulle omattingit sunaungitotut-iput.

21 Idluartub kangasinâgik unnuktunik nekkoksititsivuk; sillaitulle tokkojomârput sillainernmingne.

22 Nâlekab pitsartutitsininga akluititsivok siorniornekarane.

23 Sillaitub idluitullinek saipakutiksariva; angutiblo sillatôjub illissimanek saipakutiksariva.

24 Gudekangitub sivôragijangata tikkitsomârpâ; idluartullo tussugijanginik tunnitsivioniarput.

25 Gudekangitok suarutaktut, kângertotut, sorairtotullopok; idluartorle tungaviktut nungusuitotut-ipok.

26 Sorlo sêrnatok kigutinnut, iserluglo ijinnut illusekarmannik; taimak erkeasuktok illusekarpok tillijiminut.

27 Sivôranerub Nâlekamik uvlut unnuksivalliatipait; Gudekangitulle Jarigit ikiglijauvut.

28 Idluartut nerriungningit kuviasutingoromârput; Gudekangitulle nerriungningit assiojomârput.

29 Idluitailijub Nâlekab apkutinga serngnigiksakautigiva; idluitullijullo illerasukput.

30 Idluartok ochotitauniatsengilak; Gudekangitulle nuna-mêtsainaromângilet.

31 Idluartub kanninga kaitsivok illissimanermik; okarle mumiksimajok pêjartauniarpok.

32 Idluartut kangasinângit ajochertuivut attorominadlartunik; Gudekangitulle kanningit mumiksimaniovut.

KAPITEL XI.

KIKTITAUTIT nellangaitut Nâlekab makkojugivait; okumaitalle nâmamariktut nâmagivait.

2 Piojorinek sakkerpat, tagva kangusuktitaunek kaivok-tauk; piojorijuitunnele illissimanekarpok.

3 Idluitailijut nellagornermingnut tessiortauniarput; nachojulle kassênermingnut asserortauniarput.

4 Perkutit ikajungilet ningarnerub uvlungane; idluarnerle piuliklerpok tokkomit.

5 Idluitailijub idluarningata apkotinga manniktipa; Gudekangitorle pâlaktitaujomârpok illuserminut idluitoâlungmut.

6 Idluitailijut idluarnermingnut piulijauniarput; nachojulle kassênermingne pijaukallangniarput.

7 Innuk Gudekangitok tokkolerpat, nerriungnek assiovok'; idluitullo nerriungningit nunguniarput.

8 Idluartok kappianartomit piulijauniarpok; Gudekangitorlo tapsoma ininganut pivok.

9 Takkomôrtub kaninganut innukatinga asserortaulerpok; idluartulle tamanna mallugivât piulijaulerlutiglo.

10 Iglugaseksoarmiut kuviasukput, idluartut kannoêngitsi-aratta; Gudekangitullo nungutaukpatta serrivut.

11 Idluitailijut saimarsaininginnut iglugaseksuit angijoror-titavut; Gudekangitulle kanninginnut serkomitaulerput.

12 Innukattiminik kangunartitsijok sillaitôvok; angulle sillatojok ullapirsautekarkojivok.

13 Mangatsijok kaujimatuaminik nellonêrsivok; omattekar-torle nellagôrtomik, ijersivok tamattominga.

14 Kajusimajokanginingane inuit asserorput; âkiksoijulle (attanertuijut) unnukpatta, tagva sullitsiarput.

15 Assiminik akkisartuijomavlune angermariktok, kannoêti-tauniarpok; angermaringnermigle tamattominga ulloreasuktok, ussornarnarpok.

16 Arnak illusitsiariktok nertornautiksarsivok; pitsartuneliksullo akluineksarsivut.

17 Angut naglingniktok timiminut ajungitullivok; takopso-ajutorle kiksartitsivok uviniminik.

18 Gudekangitut sulliningit piksarsivut nellangaitunik; idluarnermigle karngasojub, tapsoma akkilertauninga nella-gôrpok.

19 Idluarnek piganerutiksaungmat innôtsemut; pinnasuar-nerle idluitomik pigannerutiksauvok tokkomut.

20 Nâlekab omattiggit mumiksimajunnik makkojugivait; idluitailijullo kuviagivait.

21 Idluitut pitlartautailiniatsengilet, illunatik oggatik illa-gêktipagillonêt; idluartulle kinguvângit piulijaujomârpok.

22 Arnab kênatsiariktub, nertornartunnik illusekangitub kuingêngek kelleksiutelik Goldemik adsigiva.

23 Idluartut pijomajangit sullitsiartuksauvut ila; Gudeka-ngitulle nerriungningit ningarijaunermut illingavut.

24 Illangat aitortuijongovok, pekarpalliatsainarlunelo, assia kippilukpok pijuksaungigalloarnermine, aklupallialunelo.

25 Tarne, nekkoksitsikattartok kuininiarpok; nâmakto-miglo imertitsijok, nâmakto-mik immer-titauniarpok.

26 Kakkojaksannik (akkitudlarkojimut) niuverniaromangitok, tàmna innuit okarnerlotigivât; niuverniar-torle makkoninga saimarsaumik piksarsivok.

27 Ajungitotomik kennertok, tàmna kuviagijauniksarsivok; pijaksaungitotomigle pinnasuartok, taimaitomut pârtauiniarpok.

28 Akluinermirik tettekartok kattangniarpok; idluartulle tungojoksiniarput millukattaktitut.

29 Iglomiokattiminik kiksartitsijok, annoremik kingormgu-tijaksakaromârpok; sillaitorlo kivgaujariakarpok illissimajomut.

30 Idluartub perortungit nappartôvok inogutelik; illissimajorlo tarninnik amuarsivok.

31 Idluartok akkiniartaungmat nuname, kannok piluarmotomik Gudekangitok idluitullijorlo.

KAPITEL XII.

ILLINIARTITAUMADLARTOK, tàmna sillatôlerniarpok; sugiartaujomangitorle sillaitôtsainarniarpok.

2 Idluitailijok, Nalekamut kuviagijauvok; nellangaitorle erkartoraksangortipok ingminik.

3 Illusekarnerub idluitomik innuk pallangaitilungila; idluartulle amângit aulatauniangilet.

4 Nulle illusitsiariktok, niakoteovok uiminut; illuserluktorle marnetun-ipok tapsoma sauninginne.

5 Idluartut issumangit nellagôrput; Gudekangitulle kajusimaningit uiveriklerniôvut.

6 Gudekangitut okausingit pinasuarput aungmik; idluitailijulle kaningit piuliklerput.

7 Gudekangitut ochotitaujomârput, itsungnairomârpullo; idluartulle iglungit sokkosijuiput.

8 Sillatuninga malliklugo angut nertortauvok; omattekar-torle mumiksimajomik kangusuktitauvok.

9 Kina pijariakitogune nangminerijaminiglo udsertorune tamanna namanersauvok angijojomanermit ajoksarnermillo ner-kiksannik.

10 Idluartub nergjutekotine napkigivait; Gudekangitulle omattingit takopsoajuiput.

11 Perorsêvingminik sennajok nerkiksakarniarpok nâmat-siartomik; pijariakangitunnigle pinnasuartok, tàmna sillaitôvok.

12 Gudekangitut ogguanarnerub nulluangit kajungersautigivait; idluartulle amangit perortokarniarpok.

13 Idluitub okausine nellangaitut pijajutigivait; idluartorle annigoivok kappiasungnermik.

14 Angutib kanerme annititangit namaksijutigijomârpait; innuglo akkiniartaujomârpok aggame piniarlauktangit malliklugit.

15 Sillaitub apkotigijane kuviagiva; attanniotivigijauner-migle nalektok, tâмна illissimavok.

16 Sillaitok ningarnerminik sakkertitsisaraipok; nachogi-jaunerminigle kamangitok, sillatôvok.

17 Illerasugane miksekartomik okartub, idluarnek okautigiva, nellonêrsijuble nellangaitub uiveriklernek (okautigiva).

18 Ittaktailune opallortortok, saviksoatut kappisivok; illissimajulle okangit innulijaunarput.

19 Kannek nellagôrtok sorairniatsengilak; okarle nellangaitok ijib kablukelarningatut; attautsetut akkunêrtigijôvok.

20 Idluitomik sennajut uiveriklernekarput omattimingne; ullapirsautekarkojijulle kувiasutekarput.

21 Idluartok kiksarnartomut tikkitauijomângilak; Gudekangitulle tettâtsomârput pijaksaungitomik.

22 Nalekab kannit nellangaitut makkojugivait; nertornar-tunnigle illusekartut kuviagivait.

23 Angut sillatôjok sillatunerminik nertungilak; sillaitulle omattingit sillainermingnik kaujititsivut.

24 Aggait erkinaitut aulatsijomârput; erkeasuktulle akkilksanik akkilêjariakaromârput.

25 Siarklernek innub omattingane kiksartitsivok; okauserle illanarnartok kувiasuktitsivok.

26 Illuartub illanârijinne idluartomik unertutiva; Gudekangitulle apkotingæta uivêrivait.

27 Omarêtok ômajoksiormerminine sullingilak; omaringnerle akuinirovok pivianartok innungmut.

28 Apkome idluartome innôsekarpok, apkosinermêlo sen-namatsiartomê tokkokangilak.

KAPITTEL XIII.

ERNEK illissimajok nalektitaunermik atâtaminut kunnulungilak; mittautekartorle innertertaunermik nâlengilak.

2 Nelliât kanerme perortunginut ajungitomik illangiutititavok; nachojulle tarningit piungitoâlunmik nerrijuksauvut.

3 Kannerminik udsertortok, innôserminik udsertorpok, kangasinângminigle aitangatitsilartok koaksarnermut tikkitauniarpok.

4 Erkeasuktok tussuvok, piniangilarlo; erkinaitulle tarningit namaksititaujomârput.

5 Idluartub sæglonek omigiva; Gudekangitorle makkojung-narpok kangunartilunelo ingminik.

6 Idluarnerub passijaksaungitok sapputiva; illutsille idluit kattaktitsivut idluitullinermut.

7 Illangæt akluvok perkutekaralloarlune unnuktunnik; illangælle aklui pok aklugalloarlune.

8 Akluinermut inub inôsine piulijungnarpa, aklujorle suartaunerminik tussangilak.

9 Idluartut kaumautingæt kuvianartomik kaumanekatsainarpok; Gudekangitulle kaumatingæt kaminiarpok.

10 Piojorijut akkorngene akkerartornekatsainarpok; attanotivigijaujomajunele illissimanekarpok.

11 Akluinek miklilerpok nungutsijunne pijariakangitunut; sennanermulle kattititaujut unnuksivalliaut.

12 Nerriugijak mullujok ômamik kanimatitsivok; tussugijaujorle tikkilerpat, tamanna inogutib nappartungatut-ipok.

13 Okautsinik nachojok, asserortitsivok nangminermnik; perkojanigle sivôrajok, tâmna akkilertauniarpok.

14 Illissimajub ajochertusinga puailaviôvok omanartok, tokkub aklunangit ulloreagilugit.

15 Sillatutsiarnek namagijaunermik kaitsivok; nachojulle apkotingit nangiarartoksôvut.

16 Sillatutsiartok issumaksarsiorikârlune tamainik pinniar-pok; sillaitorle sillainermik sakkertitsivok.

17 Tillijak Gudekangitok kattakpok pijaksaungitomot; tillijarle nertornartok atsuilinarpok.

18 Nalektitaunermik sapkotsijok, aklunermik kangusung-nermiglo pekarpok; innertertaunermigle kamatsiartok, nertornautiksarsivok.

19 Tussugijaujok nellautsikpat, tamanna nekkoksinarpok ômamut; idluinerle attornago, tamana sillaitut makkojugivât.

20 Illissimajunnut illaujok, illissimalerniarpok; sillaitunnulle illaujut, kanoêtokarniarput.

21 Kanoênerub ajortullijut unangmivait, idluartulle ajungitomik akkilertauvut.

22 Ajungitok kingormgutijaksanik kemaijomârpok kittorngame kittornganginnut, idluitullijuble perkutingit komergutigijaujomârput idluartomot.

23 Nerkiksakarpok unuktunnik aklujut perorsêvinginne, idluitomigle pinniartut asserorput.

24 Issakautiminik attungitub, ernine omigiva, ernerninigle naglingniktub, sugiasaraipa.

25 Idluartok nerrivok tarnine namaksitilugo, Gudekangitulle nângit namaksijuiput.

KAPITEL XIV.

ARNANNUT sillatojunnut iglo sennajauvok; sillaituble aggangminut serkomipa.

2 Nalekamik sivôrajok, tāmna arvertarpok apkome idluartome; tapsomingale nachojok, tāmna arvertarpok apkutinne niungapattekeaktunne.

3 Piojorinerub issakautinga sillaitub kanninganêpok; illissimajulle kangasinângita sapputivait.

4 Tuktuvâkangitunne nerchevik sallumavok; nannelê tuktuvâk sennalerpat, tagvane kattitaksakarpok unnuktunnik.

5 Nellonailêjok nertornartok sæglolungilak; nellonailêjorle nellangaitok iktoriktailune sæglunernik okarpok.

6 Mittautekartok illissimanermik kenneralloarpok nachvangilarle; sillatôjuble illitarksinek okigiva.

7 Aularit sillaitomit; tapsomangat illinianginavit sumik.

8 Tamanna sillatôjub illissimajutigiva, udsertorame apkotiminik; tamanale sillaitut sillaijutigivat, uiveriklernermut illingatuinaramik.

9 Sillaitut ajornek pingoarutigivat; idluitailijulle idluitailijut kuviagivait.

10 Omattib issumajarnine illitariva; tækkorngartarlo illangutingilak tapsoma kuviasungninganik.

11 Gudekangitut iglungat nungutaujomârpok; idluitailijulle iglungat tungojoksijomârpok.

12 Apkutekarpok kuviagijaugalloartomik innungmut; kingormermigle apkotib oma âpa tokkomut.

13 Ijornermuttauk ômat kappiasuktitaujungnarpok, kingormermigle; kuviasungnek taimaitok kiksarningorpok.

14 Omat tappatôjok apkotigijame illinganinganik tukkisiniarpok, angullo ajungitok nangminermiut nâmaksititauniarpok.

15 Illissimaitok (okautsinnik) tamainik okperpok; sillatôjorle arvertarviksaminik kamavok.

16 Illissimajok sivôravok, idluinerlo attortailiva; sillaitorle iktoriktailune kammatsengilak sumiglonêt.

17 Kennusaraitok sillainermik pinniarpok; nellangaitorle ominartoksôvok.

18 Illissimaitut kingormgutijaksakarput sillainermik; sillatôjulle illitarksinek niakotigivat.

19 Idluitut okkungajuksauvut ajungitut sânginne, Gudekangitullo idluartut itterviksoangine.

20 Aklujok omigijauvoktauk innukattiminut; akluitulle illanârijekarput unuktunnik.

21 Idluitullijub innukattine nachogiva; pilloridlarporle pattangajunnik nâpkigosuktok.

22 Nellangainermik attorasuartut tamadlarniarput; ajungitomigle issumaksarsiorut, tapkoa saimarvionermik miksekârnernmiglo tunnitsivioniarput.

23 Sennajunne nâmaksinekarpok; okausetuinarnulle pinna-suartunne ajoksarnekarpo.

24 Illissimajut akluinitik niakotigivait; sillatulle sillainigut sillainiutsainarput.

25 Nellonailêjok nellagôrtok piuliklerpok tarninik; nella-ngaitorle sæglonernik okaladlarpok.

26 Nalekamik sivôrajok tettekarpok sôngojomik; kittorngangillo serngnigijaugivut.

27 Nalekamik sivôranek puailaviovok omanartok, tokkub aklnângit ulloreagilugit.

28 Nanê attanek inugiar toksôakutekarune, tâpkoa nertornautigivait; nunakattigêlle ikkipatta, tamanna angajokamik illerasuktitsivok.

29 Kenuêrsartok, sillatunnekarpok angijomik; kennusaraitorle sillainerminik sakkertitsivok.

30 Omat atsuilijok timib innôgutigiva; annerudsinerle marnektut saunernetotut-ipok.

31 Aklujomik okumaititsijub, tapsoma aklujub pingortitinga mittautigiva; aklujomigle napkiniktub Gude opigivâ.

32 Gudekangitok kassênerminut ochotitauvok; idluartorle tokkoviksamine aglât sivorângilak.

33 Sillatôjub omatingane illissimanekarpok, sakkertitaulerlunelo sillaitut akkorngæne.

34 Idluarnerub nunakattigêt angijorortipait; idluitullinerle innuit nachonautigivait.

35 Attanniub kivgak sillatôjok kuviagiva; kivgarle uivêtok ningariva.

KAPITEL XV.

KIGUTSIB illanêrsartub ningaumajarnek ikublatipa; okauserle songosartok ningaumajartitsivok.

2 Illissimajut okangit ajochertutsinnik attorominartitsivut sillaitut kaningit sillainetuinarmik annititsivut.

3 Nâlekab ijingit illunanêmiunik tautukput, illunainik idlunitunnik idluartunniglo.

4 Okak atsuilinartok inôgutib nappartungatun-ipok; muksimajorle kiksartitsivok omattinnik.

5 Sillaitub atâtame nalektitsininga nachogiva, sugiartau-nermigle kamatsiartok, tâmna sillatôjungorniarpok.

6 Idluartub iglungane perkutekarpok unnuktunnik, Gudekangitulle perkutingine asseroinekarpok.

7 Illissimajut kanningit illitarksinermik karngasoivut, sillaitulle omattingit taimailiutsengilet.

8 Gudekangitub tûnnergutingit Nâlekab makkojugivait, idluitailijulle tuksiarningit kuviagivait.

9 Gudekangitub apkutinga Nâlekab makkojugiva, idluarnermigle pinnasuartok, tamna nagligiva.

10 Kemainerub apkosinermik pitlartaunek songojok kaipa, pitlartaunermiglo omisuktok, tokkojuksauvok.

11 Kappianartovik asserorsimanerlo Nâlekab sakkanêpuk; kannok piluatomik innuit omattingit?

12 Mittautekartub sugiartine nagligingila illissimajullo aivingilait.

13 Omat serrijok serrinermik sakkijartitsivok kênarme; ômalle kiksarpak, tagva maksoanekarungnairivok.

14 Omat sillatojok illitarksinermik kennerpok; sillaitulle kaningita sillainek kuviagidlarpât.

15 Kiksartok kanoétokangitomic uvloksitsengilak; maksoatsiarnierle nekkoksitiksauvok uvlut tamaita.

16 Nâmanersauvok perkutekarlune ikkitunnik sivôranek Nâlekamik illagilugo, perkutevaksoarnit siarklernelingnik.

17 Nâmanersauvok nerkiksakarlune perorsijannik naglingnerme, tuktuvakartomit koinijomic omisungnerme.

18 Angut ningaumajartok akkerartornekartitsivok, kennuêrsartorle aivanermik ikublatitsivok.

19 Erkeasuktut apkotingat orpinnut kakkilautelingnut avaluorsimavok; idluitailijulle apkotingat âkiksivavok.

20 Ernerub illissimajub atâtanne kuviasuktipa; innublo sillaitub anânane nachogiva.

21 Sillaitub sillainek kuviagiva; angulle sillatojok apkome idluartomêtuatsainarpok.

22 Issumait nungulerput kajusimanekangipat; nanele akiksoijut (attannertuijut) unnukpatta, sullitsiarput.

23 Angut kuviasutekarpok idluartomic kiogune; okauserlo pijariakarvinermine tussarnidlarpok.

24 Inôgutib apkotinga torarpok takpaunga sillatôjomut atortaulune, kappianavik kananêtok ulloreagijaukovlugo.

25 Nâlekab pingijaitut iglungit imiktitsomârpait, uigarnerillo kighilervingit sokkosijuititsomârpait.

26 Nâlekab idluitub kajusimaningit makkojugivait, ivsornaitulle okausekarput tussarnidlartunik.

27 Torkuijok kiksartitsivok iglomiokattiminik; pilliusianigle omisuktok inôniarpok.

28 Idluartub omattinga issumaksarsiorpok kannok kiojukaunermik; Gudekangitulle kaningit idluiluktunnik oriarput.

29 Nalegak ungasikpok Gudekangitunnit; idluartulle tuksi-arningit tussarpait.

30 Tækkonârnek illanârnartok omattib kuviasutigiva; tussau-manek ajungitok saunernik uvinariktitsivok.

31 Siut, nalektok innôtsib innerterininginnik, illissimajut akkornganêtsomârpok.

32 Nalekitaumangitok nangminerninik nachovok; inner-tertaunermigle tussâjok sillatojungorpok.

33 Sivôranek Gudemik nalekitauniôvok illissimanermut, nertornautiksarsijokakârtinagolo, miklijorortitaujariakakârpok.

KAPITEL XVI.

INNUK issumaksarsioralloarpok omattimine, okable okautigijaksanga Nalekamit pivok.

2 Illunatik attunît apkotigijatik ivsornainasugivait, Nalekable annernerit nautsertorpait.

3 Pinniarniksaitit perkokit Nalekamut, tagva kajusimanerijatit sullitsiarniarput.

4 Nalegak pinniarpok tamainik pijomajane malliklugo, Gudekangitoktauk uvlormut idluinelingmut illingatipa.

5 Omat piojorijok Nalekab makkojugiva, pitlartautailiniangilarlo, taimaitut illunatik illagêlerpattalonêt.

6 Napkigosungnermut miksekârnermullo idluitullinek ullapkosertauvok, sivôranermullo Nalekamik idluinek attortautailivok.

7 Nelliata apkotingit Nalekamut kuviagijaukpatta, tagva omigigingittauk nâmaksârtipait tapsominga.

8 Nâmanersauvok perkutekarlune ikkitunnik idluarnekar-kassiutjilune, perkutekartitaunermut unnuktunnik idluangitullinermut.

9 Inub omattinga apkotiksaminik issumaksarsioralloarpok; Nalekable nâmaksitipâ.

10 Attanniub idluartub kanningane nellautainiksakarpok; kanninga tammangilak erkartuinerme.

11 Kiktitaunit, okumailuttallo idluartut Nalekamit pivut, okumailutâllo pongnêtut Nalekab sennajarivait.

12 Attannit nâmangitullinek makkojugivat, idluarnermut attanniovik nakkitertaungmat.

13 Attannit kangasinât idluartut kuviagivait, idluartunniglo okauselik nagligijauvok.

14 Attannersub ningaumajarninga tilliklerteôvok tokkomik, angutible illissimajub saimarniarpâ.

15 Attanniub kênanga illanârnarpat tamanna inôgutaavok, saimavekarningalo sillaluktut unnulerningane-ipok.

16 Pinasuarnek illissimanermik nâmanersauvok Goldemit, sillatunekartitaunerlo pivianarnersauvok Silberemit.

17 Idluitailijut apkotingat idluinek attortailiva; apkotigijaminiglo udsertortub, inosine sapputiva.

18 Asserortuksak piojorilerkârpok, kattaksimanerublo pingijainek sivurleriva.

19 Nâmanersauvok annernekarlune nikkanarsartomik pattan-gajut illagilugit, aitoruinermik aksarnigaujunnik pingijaitut illagilugit.

20 Sillatôlune aulatsijok sunamik, tamna pilloringnermik nachvarpok, pilloridlarporlo Nalekamik tettekartok.

21 Illissimajomik omattelik, sillatôjomik okautauvok, okalanerillo tussarnertut illiniartitsivut ânanâmik.

22 Sillatunek puailaviovok omanartok, sillatunekartomut; sillaitulle illiniartitsiningit sillainartovut.

23 Illissimajub omattinga kanninganik sillatotitsivok, kangasinâgingnullo ajochertutsinnik unnuksivalliatitsivok.

24 Okalanerit tussarnertut igupsaujartut orksuatut-iput, tarne manigorpât, saunillo nekkoksitipait.

25 Apkutekarpok kuviagijaugalloartomik inungmut; issuale illingavok tokkomut.

26 Ajoksartub tarningata ikajorpa sennanerme, kaninele aulatsijigiva.

27 Innuk Gudekangitok idluilungnartomik pinasuarlune ittersalliorpok, kangasinâgingnelo ikkomatut ikkomavok.

28 Innuk mumiksimajok akkerartornekartitsivok; mangatsijublo angajokaksuit illagêgungnaitipait.

29 Piniarluktub innukattine oêritipa, tessiulâlo apkomut idluangitomut.

30 Ijingmiktok, ajungitomik issumakangilak; kangasinângminullo nellonaikutekartitsijok idluitullinermik kajusivok.

31 Nutjat kêrtojut nertornautib niakotiksarivait, nachvar-
taulertut idluarnerub apkutingane.

32 Kenuêrsartok ajunginersauvok sôngojomit; kajungilarnerminiglo nalektitsijok, salakartomit iglugaseksoarnik.

33 Imeraut egitauvakpok innub sânganut; nellautsivorle Nalekab pijomajanganut.

KAPITEL XVII.

TAMOA pannertok attausek ullapirsautekarningane, namanersauvok iglomit tettætomit nerkiksannik akkerartornekarningane.

2 Kivgak sillatojok attanniotijomârpok ernermut tappatojomut, kattangutigéllo kingormgutijaksanginnik aitortuijomârpok tapkonunga.

3 Sorlo ukkusib Silber kiæksautiblo Golde, taimak Nâlekab omattit oktorpait.

4 Idluitub kannit idluitut kammagivait, nellangaitublo okât assertitsinasuartut nalekpait.

5 Aklujomik mittautekartub, tapsoma pingortitinga mittautigiva; pijaksaungitomiglo kuviasutekartok pitlartautailiniangilak.

6 Innutokaujut erngutatitik niakotiksarivait, sorrutsillo atâtatik nertornautigivait.

7 Sillaitok pijarialiksojunnik okautekarune ânanaungilak, piluartermige angajokaksoak sæglogune.

8 Pillitsijungnartok, tamanna ujarkatut pivianartotut-ipok tapsomunga; sâlervinganelo tamaine sillatônasugijauvok.

9 Idluinermik mattojijok, tamna naglingnermik kennerpök; tamarnernigle nutautitsijok illanarêngnik aviktitsivok.

10 Suartaunek kibliktaunarnersauvok sillatojomut, sillaitub annaulertauninganit hundertertorlune.

11 Innuk idluitok pikablarniksnannik kennigatuakarpok, Engelible takopsoajuitub tikkitsomârpa.

12 Namanersauvok aklak piarakotiminik aksartaujok pârlugo, pârnernit sillaitomik sillaidlarningane.

13 Ajungitullivionermik idluitomut akkiniartok, tapsoma iglunganit idluinek nûniatsengilak.

14 Akkerartornermik pigialertok, imeksub kipputanik serkomitsijotun-ipok. Akkerartornek kemmaguk pigiarkârtinago.

15 Gudekangitomik idluarneraijok, idluartermiglo pitlaraksauneraijok, tâpkoa tamarmik Nâlekab makkojugivâk.

16 Kénaujat suksauvât sillaitub agganinne, illissimanermik pissiniaromamut, omattekanginingane?

17 Illanâkartok naglitsainarpok kattangullo kanoêtokadlarningane sakkijalerpok.

18 Innuk assime agganit tigulugit angertok, innukattinelo akkisartoromavlugo angermariktok sillaipok.

19 Aivanermik kuviasutekartub, ajornek kuviagiva; upkoa-kotiminiglo poktosêjok (angutaudlaromajok) assertonermik kennerpök.

20 Omat nellangaitok ajungitomik nachvangilak; okaliglo mumiksimajomik kattangniarpok pijaksaungitomut.

21 Sillaitomik kittorngilauktok issumajarutiksakarpok; sillaitublo atâtanga kuviasutekangilak.

22 Omat serrijok kautsiakartitsivok; annernekarnierle mungungajomik saunernik pannertitsivok.

23 Gudekangitok pillisianik tigusivok sagviub ikkianganit, idluarnerub apkotinga sokkosertitsomavlugo.

24 Sillatôjok illusekarpok sillatôjunik, sillaitôrle ijingminut sunatuinarnut tækkopsarkattarpok.

25 Ernek sillaitok atátangata sinaungajutigiva, anânangatalo ernilauktub tâpsominga kiksautigiva.

26 Idluartok pitlarlugo idluangilerêrmat, idluanginersauvok angajokâk annaulugo nellagorninga pitjutigællugo.

27 Sillatunekartub okausine unnukongilait, angullo sillatôjok annernekarpok sinaungaitomik.

28 Sillaitok nippangerajarune illissimanasugijaunajarpoktau, sillatônasugijaunajarlunelo kanekartailigune.

KAPITEL XVIII.

NANGMINERMINIK avitub ikligunine pinnasuarutigivait, aju-ngitullo tamaita akkerartorpait.

2 Sillaitub sillatônek kuviagingila, omamigijanele kaujijaukoyait.

3 Gudekangitub tikkivinganut tikkitokarivok nachonartomik kangusuktitaunermiglo, mittautigijaunek illagilugo.

4 Okautsit illissimajub kaninganêtut imeksoatut ittijotut-iput, illissimanerublo puailavinga koksoangôvok ullingajok.

5 Nâmagilak Gudekangitub kinauninga kamagilugo, idluartok passijautilugo erkartuivingme.

6 Sillaitub kangasinâgik illingasaraipuk aivanermut, kanningalo anaulertaunermik kairkojivok.

7 Sillaitub kanine asserortaujutigiva, kangasinâgingnelo nigaksarivak tarniminut.

8 Mangatsijub okausingit annaulertaunertut-iput, erchavillo ittinginut pivut.

9 Erkeasuktub sullijaksamine, tapsoma perkutiminik nungutsijok kattangutigiva.

10 NâleKab attinga sapputsauviksauvok songojok; idluartub akpangervigiva, sapputijaulunelo.

11 Aklutub perkutine iglugaseksoangonasugivait songojut, karmaksoatullo poktojotut-inasugivait.

12 Kina asserortuksaulerpat, tapsoma omattinga piojorilerkârpok; nertornautiksarsijokarkârtinagolo, mikkijorortitaujaria-karkârpok.

13 Kiojub tussarkârane, tamanna sillaitsugijaujutigiva, kangusuktitaujutigilâlo.

14 Serrijomik omattekartok, kiksartitaunermi-
nut salagijau-
niangilak; omalle serkomitaukpat, kia maksoatitsungnarkauk?

15 Omat sillatôjok illitarksinermik piksarsivok, illissimajullo siutingit kennerput tamattominga.

16 Innuk pilliutiksaminut agviarutiksakarungnaititsivok, itterviksakartitauvorlo angajokaksuit sânginnut.

17 Idluartok akkerartornermut illingalerune passikârpok nangminermirik, akkeranga tikkikune kiglissiniarungnarpa.

18 Imerautib akkerartornek sorairtipa, idluarnekartitsilunelo pitsartuneliksuit akkorngæne.

19 Kattangut kiksartitaumajok saimarlugo ajornarnersauvok salakarnermit iglugaseksoarnik songojunik, aivanerlo sôngonersauvok igluksub aulatailijutinganit.

20 Angut akkiniartauvok kaningata okauserijangit malliklugit, namaksititaulunelo kangasinâkita perortunginut.

21 Tokkolo inôserlo okab sôngoninganepûk; mattomingalo kuviasutekartok, perortunginik nerrijomârpok.

22 Nulliamik idluartomik nachvartok, ivlernartomik nachvârpok, Nalekamullo ajungitulliviovok.

23 Aklujok kennûnermik okausiksakarpok, akluitok kiovok pigijaidlune.

24 Unnuktunik illanârijekartok asserorungnaralloarpok; pekaruville illingnik naglimariktomik, tamna unganersauvok illingut kattangumit.

KAPITEL XIX.

AKLUJOK idluitailinermine arvertartok, ajunginersauvok kangasinâlingmit mumiksimajungnik, sillaitongmalle.

2 Taimaktauk tarne illitarksinekangitok nâmalungilak; ittikaminullo tuavidlartok tammarpârpok.

3 Innub sillaininga tamartitsivok apkotinganik, omattinga akkerartorkovlugo Nalekamik.

4 Perkutit illanakartitsivut unnuktunnik; aklujorle illanarijiminut kemaktauvok.

5 Nellonailejok nellangaitok pitlartautailiniangilak; sæglonerniglo iktoriktailune okausekartok asserorniarpok.

6 Unuktut angajokaksoak tuksiarivigivakpat, illunatiglo illanângôvut pilliutinnik aitortuijomut.

7 Aklujok kattangutiminut illunainut omigijauvok, piluatomik illanârijangita kemmakpât; okausetuinarnik sungertutekartok sunaungitunnik pivok.

8 Sillatunekartok inôserminik naglikpok; illitarksineliglo ajungitomik nachvârpok.

9 Nellonailêjok nellangaitok pitlartautailiniangilak; iktoriktailunelo sæglonernik okausekartok, nungutaujomârpok.

10 Sillaitomut namangilak uvlokarlune kanoêngitsiartunik; sungiluatomik kivgamut, attanniotilune angajokaksoarnut.

11 Innub sillatuningata kennuetipa, nertornarporlo tapso-munga idluitullivionermik kamangikune.

12 Attanniub ningaumajarninga Loevib inutsub errinalua-kijadlarningatut ipok; saimaningale missuksoatut iviksukan-nut-ipok.

13 Ernek sillaitok atátangata kiksautigiva, nullelo aivanigo-jok, sillaluksu soraingitub kuttingititut ipok.

14 Iglo perkutillo kingormgutijauvut angajokângnit; nullele sillatojok Nalekamit pivok.

15 Erkeasungnek kaitsivok siningmik, tarnelo omarêtok kângnermik tukkisijomârpok.

16 Perkojanik ivlersijub, inosine ivleriva; apkotiminigle kamalungitok tokkojomârpok.

17 Aklujomik napkiniktok, attartortitsivok Nalekamik; tap-soma akkivigijomârpâ ajungitullininginik.

18 Ernît sugiaruk nerriungnekarningane sulle, tarnille il-lungertutiginarnago tokkolugo.

19 Ningaumajarnek angijok pijaksaungitomik sakkertitsing-mat; tamana pivlugo sugiarnît ominga sorêrle, tagva (pijaria-karningane) ama sugiarungnarpet.

20 Attaniotivione naloguk, nalektitaunerlo illallioruk, ki-ngorngane illissimalerkovlutit.

21 Kajusimanekarpok unnuktunnik innub omattingane; Nâ-lekable kajusimaninga sokkosijuitsainarpok.

22 Innub ajungitullinine killanârutigiva; aklujorlo ajungi-nersauvok sæglojomit.

23 Sivôranek Nalekamik innosekartitsivok, namaksitsainar-niarlunelo, kanoêtomut tikkitauniarane.

24 Erkeasuktok aggangminut tigusalloarpok illulerkutib illuanêtomik, kivingilaille illulerkumit kannermanut.

25 Mittautekartok annaulerungne, tamanna illissimaneka-ngitub illissimajungortitaujutigiva; sillatunekartok sugialeruk tagva illiniartitaunermik kunnuniangilak.

26 Atâtaminik perkuteijaijok, anânaminiglo aulartitsijok, tâmna kittorngauvok ominartoksojok piungitôvaksojorlo.

27 Ernîk ajoehertutsit tammartitsijut ajoehertutsinit illissi-manartunnit tussarungnairkit.

28 Nellonailêjub piungitub erkartuivik mittautigiva; Gude-kangitullo kanningit idluangitomik êsivut.

29 Mittautekartunnut pitlautiksat âkiksorsimavut, annauler-nerillo sillaitut tunnunginnut.

KAPITEL XX.

WEINETUDLARNEK mittautekartitsivok, immiksallo pitsartojut pikabladlarnekartitsivut; makkoninga ikliguktok illisimalerniatsengilak.

2 Attanniub erksinarninga Loevib inûtsub errinaluakijarningatut-ipok; tapsominga ningaksaijub, inôsine pitipa nangiarnartomut.

3 Angutib akkerartornek ulloreagiguniuk, tamanna nertonautigiva; aivanigojulle illunatik sillaitovut.

4 Keujanarsinek pivlugo erkeasuktok makpiteraijomangilak (perorsêvingmik); taimaimat kattersiviub nelliuningane kennujuksauvok pinanelo sunamiglonêt.

5 Kajusimanek angutib omattingane imersoatut ittijotut-ipok; sillatôjuble illunat kalluva.

6 Inuit unuktut attunit ajungitullinitik nertorpait; kiale nellagortomarik nachvarungnarkauk?

7 Idluartub idluitailinermine arvertartub kittorngangit kanoêngitsiaromârput tapsoma kingorngane.

8 Attannek iksivautaksoarmine iksivajok erkartuilune, idlunitunnik tamainik siamartitsivok ijiminut.

9 Kina okarungnarka: Ivsornaipunga omattimne, epkêjar-simalungalo ajornimnit?

10 Okumailutat adsigêngitut, ôktutillo adsigêngitut, makkoa tamaita NâleKab makkojugivait.

11 Nukappiak illusinginit illitarijaulerêrpok idluitailijomajomârmangât, nellagoromajomârmangâllo.

12 Siumik tussâjomik ijemiglo tautuktomik, tamangnik Nalegak pingortitsivok.

13 Siningmik unganiarnak, aklulerkonnak; ijikik keptaingtikik, tagva nerkiksamik ajoksarniangilatit.

14 Okartokarpok idluipok, idluipok, sunakarningane; pitakarungnaipalle, tamanna nertortauvok.

15 Golde sappangillo unnuktut pivianarput; kannerle silatunelik pivianartôvok ivlernartok.

16 Tækkorngartak akkisartoromavlugo angermariktub anoranga tiguleruk, akkilerkojimullo aksartaule illitarijaungitok pivlugo.

17 Kakkojak tigliktaumajok nelliata mamagidlarpa: kingorngagulle kaninga ujarakullungnik tettætsomârpok.

18 Kajusimanerit sullidlarput idluarsainermut âkiktaulerpatta; unnatadlarnerlo sillatunermut aulataujuksauvok.

19 Kaujjaujuksaungitunik nellonaijaijok mangatsijotun-ipok; kannekadlartomiglo illakarniarnak.

20 Atâtaminik anânaminiglo okarnerluktub, tapsoma kaurautinga târmaringnerme kamminiarpok.

21 Kingormgutijaksak sivurlermik tussugijaudlartok, kingornagut pilloringnaromângilak.

22 Okarniarnak: Idluitomik akkiniaromavunga, Nalegak nerriugiuk, tapsoma ikajoromârpât.

23 Okumailutât adsigêngitut Nâlekab makkojugivait; kikitautillo namaksititsingitut idluangilât.

24 Illunamassiatik attunit arvertarningit. Nâlekamit pivut; kannorlo innub apkosinerivaktane ipaksijungnarkauk?

25 Nigaksauvok innungmut ivsornainek mittautigilugo, tungagullo angermaringneksiorlune.

26 Attanniub illissimajub Gudekangitut. Siamartipait, aksalloarâlungmullo tikkitaukovait.

27 Nâlekab kaumaninga innub tarnigiva; tapsoma innub illuata inningit tamaita nautsertorpait.

28 Idluitailijonerub, nellagortonerublo attannek sapputivak; iksivautaksoangalo idluitailinermut sokkosijuipok.

29 Innuosuktut angutit nukkekarnitik nertornautigivait; innutokaujullo nutjat kêrtojut: pinarnarutigivait.

30 Ajuat killillo idluitut epkêjautigivait; annaulertaunerillo timib illuanut tikkitut.

KAPITEL XXI.

ATTANNIUB omattinga Nâlekab agganginêpok kôktitut imilititut; tapsoma sangutipa pijomajaminut.

2 Illunatik apkotigijatik idluarasugivait; Nâlekable omattit nautsertorpait.

3 Nâmanermik idluarnermiglo attorlune Nâlekab nâmaginersariva tunnergutinnit.

4 Ijit pingijaitut, ômallo piojorijok, Gudekangitullo kaurautigijangæt ajorniôvut.

5 Omaridlartub kajusimaningit aksinekartitsivut; pijomaluarorle ajoksaromârpok.

6 Sæglonernut perkutininik kattersoinek pujoraktut tiktaujut-ipok, tapkonunga tokkomik kennertunnut.

7 Gudekangitut arktainermingnut koaksartitaujomârpuit; idluartomik piniaromalaungimatta.

8 Apkotinnik niungapattekeaktunnik attortok, idluitoksôvok; ivsornaituble piniaraningit nachovut.

9 Innekarnek iglub kangata terrekoane, namanersauvok iglomiokattekarnemit arnamik aivanigojomik.

10 Gudekangitub tarninga tussuvok idluitomik, innukattinelo ajungitulliviokongilâ.

11 Mittautekartok pitlartaukpat, tagva illissimaitut illissimajungortitaulerput, illissimajorlo ajovertortaukpat, tagva illitarsinekaripalliavok.

12 Idluartok mallugosukpok Gudekangitub iglunganit, kat-taktitsijokarmat Gudekangitunik asserornartovingmut.

13 Siutiminik simiksijok aklujub niplianinganik tussaromangimut, tamna nipliadlaromârpoktauk tussartaunanelo.

14 Tunnergutib angigutaujub ningaumajarneik ikublatipa, pilliutiblo illijaujub innub sânganut kaningaumajarnerit anginerpangat ikublatipa.

15 Idluartub idluartullineik kувiasutigiva; koaksarutiksauvorle idluitullijunnut.

16 Innuk sillatunerub apkotinganit tammartok, tàmna tokkungajut illagêngninginêtuatsainaromârpok.

17 Ikligungnermik kувiasutekartok ajoksaromârpok; Weinemiglo orksuimiglo ikligosuktok akluitsomângilak.

18 Gudekangitok akkilliutiksauvok idluartok pivlugo, nahojoorlo idluitailiut pivlugit.

19 Nâmanersauvok nuna sunakangitok nunagilugo, iglomio-kattekarnermit arnamik aivanigojomik ningartomiglo.

20 Illissimajub iglungane perkutekarpok ivlernartomik, orksukalarmelo; sillaitorle pioresârlukarpok makkoninga.

21 Idluarnermik napkinigungnermiglo pinnasuartok, inôtsemik, idluarnermiglo nertornaumiglo nachvarpok.

22 Illissimajub pitsartôjut iglugaseksoangit salagivait, tetekarningitalo songoningit ochotipait.

23 Kanerminik okarminiglo udsertortok, tàmna tarniminik udsertorpok kappianartomit.

24 Piojorilunelo iktoriktaitok, mittautekartomik atserartauvok, pinniarporlo pingijainime illungertorninganut.

25 Erkeasuktok tussunerminut tokkotaupok; aggangit senajomangimatta sumiglonêt.

26 Tussuvok tussulunelo uvlok nâvlugo; idluartorle aitor-tuivok kippilungilarlo.

27 Gudekangitub tunnergutingit makkojungnarniôvut; pilu-artomik nellangainermut tunnijokarpok.

28 Nellonailêjok sâglojok asseroromârpok, tussâjoorle okausekatsainarniarivok.

29 Gudekangitub iktoriktailune pijomajane kissiat pinniarutigiva; idluartuble apkotinga sokkosijuiniarpok.

30 Illissimanerlonêt, sillatônernerlonêt, kajusimanerlonêt sul-litsengilat Nâlegak akkerartorlugo.

31 Horsit parngnaidlartitaulerput unnatadlarnarub uvlunga-nut; salakarnerle Nalekamit pivok.

KAPITEL XXII.

IDLUARTOMIK okautaunek pivianarnersauvok akluinermi angijomit; namagijaunerle ajunginersauvok Silberemit Golde-millo.

2 Akluitut aklujullo akkulerêktuksauvut; Nâlekab illunaita sennalaukpait.

3 Sillatunekartub pijaksaungitok mallugiva ijerlunelo; illis-simaitut mattomunârput akkunartaulutiglo.

4 Aniajokartune sivôranerme Nâlekamik, tamanna mallik-tokarpok kingorngagut akluinermik, nertornaumiglo innôtse-miglo.

5 Kakkilautit nikallo mumiksimajub apkotinganêput; inô-serminik udsertomajok allivakpok tagvangat.

6 Sorlo nukappiak apkotingane sungiutisartaugune, tamana ipperaromângilâ innutokaugune.

7 Akluitut aklujut attaniotivigivait; attartortorlo kivgauvok attartorvigijaminut.

8 Idluangitomik karngasojok, merngortornartomik katter-sijomârpok, kassêningatalo issakautinga nungujomârpok.

9 Ije pitsiartok pitsartutitauniarpok, nerkiksaminit aitor-tuingmat aklujunnut.

10 Mittautekartok annitileruk, tagva aivanekarungnaipok, akkerartornerlo okarnerlotigijaunerlo sorairpuk.

11 Omamik ivsornaitomik nagliktub tapsoma kangasinâgik saimanarpûk, attaniub tamna illanâriva.

12 Nâlekab ijikita illitarksinekartut serngnigivait; nacho-juble okausingit mumiktipait.

13 Erkeasuktok okarpok Loevekarpok sillame, apkosi-nerme iglut akkorngane tokkotauniarpallaivunga.

14 Anguniarpaktut kanningit ittersalungôvut ittijut; Nâle-kablo makkojugijanga kattakpok omunga.

15 Sillainek nukappiab omattinganêpok; nalektitauneruble issakautingata ungasiktitsomârpa omangat.

16 Idluiliortok aklujomut, perkutiminik unnuksivalliatitsi-jomage, tâмна tunnijjuksaujomârpok akluitomut, ajoksaro-mârlunelo.

17 Siutikik mannikip, illissimajullo okausingit tussarkit, ajochertusikkalo omamiutarikit.

18 Tamakkoa nekkoksitiginiarangne illungnêtsainarko-gungne, illagêklutiglo kangasinângne attuinauniarput.

19 Sungertutekarnit illingamarikovlugo Nâlekamut. Uvlome ajochertorpagit, igvit pivagit ila.

20 Pivianartunik sunatuinarnik aglagvigilaungilagít, attan-
niotivigivlutit ajojchertorlutillo?

21 Unnertuilerkovlunga miksekárnerub tungamaringninga-
nik illingnut, kiojungnarkovlutit namaktomik tilliklertunik
illingnik.

22 Aklujok aksartailiuk, akluninga pitjutigællugo; patta-
ngajorlo idluitullivigitailiuk iglugaseksuit itterviksoangæne.

23 Nálekab tapkoa illiørnerijangit ákigomármagit, arktai-
jingillo aksartautitsomárpait tarninginik.

24 Illauniarnak ningartomut, angullo kanningaumajadlartok
aipariniarnago.

25 Illuserivaktanganik illiniarajaravit, tarnivillo niganganik
pinajaravit.

26 Tunninermut aggamingnik angermariktut, assitik akki-
sartoromavlugit illagitaillikit.

27 Sappidlaruvit akkilerlugit aumitingnik aksartauniaravit.

28 Nunab kiglilervingit nutaungitut, atátagilauktavit áki-
lauktangit nútiniarnagit.

29 Angut attaruilijok sullijaksamine tækkogungne, tamna
attanersoarmik kivgartoromárpok, pijariakitullo kivgartoromá-
ngilait.

KAPITEL XXIII.

ANGAJOKAKSOAK iksivakattigigungne, nerrekattigigungnelo,
tagva kamatsialerit ságnétok kinaumangat;

2 Sorlo savik kongesingnut illingajotut nangiarutigiuk,
angjomik ikligunekaruvit.

3 Ikligungniarnak tapsoma nerkiksanginnik mamadlartun-
nik, nerkiksat tapkoa nellangaidlarmatta.

4 Akluinasuarnak, sillatunillo tamattomunga allaruk.

5 Ijikik torartailitikik pijungnangitarnut; tamanna esaro-
kartingmat nektoraliktut, tingilunelo killangmut.

6 Annerudsijok nerrekattigitailiuk, ikligungniarnaglo tapsoma
nerkiksanginnik mamadlartunnik.

7 Mittiliktun imat illumine. Tapsoma okautivâtít: nerri-
laurit, immerlutillo; omattingatale taimailiorkongilâtít.

8 Tamoatit, nerrilauktattit orriaraksarivâttit, okautsitillo
illanárnartut assiojjaksarivâttit.

9 Okausekarniarnak sillaitub siutigingnut; tapsoma okala-
nivit tukkekadlarningit nachogingmagit.

10 Nunab kiglilervingit nutaungitut nútitaillikit, illiársuillo
perorsévinginut ainiarnak (illangeromavlugit).

11 Tapkoa piulijingat ajugakangimat; tapsoma tapkoa illi-
orningat ákiniarpa akkerartorlutit.

12 Omattit tunniuk nalektitaunermut, siutikiglo okautsinut
tukkekartunnut.

13 Sorêrniarnak sorrusek sugiarlugo; issakaumulle sugia-
rungne tokkoniangilak.

14 Issakaumut sugiarpet, tarningale piulivet kappianarto-
vingmit.

15 Erník omattit illissimakpat, tagva omattigatauk kuvia-
sungniarpok;

16 Taktúkalo serriniarpuk, kangasinákik idluartunnik
okausekarpanik.

17 Omattit mallingniarane idluitullijunik; uvlut tamaitale
sivôranermelerit Nálekamik.

18 Mattoma kingorngane idluaromârmat illingnut, uttakki-
nillo sullinanêtsomangilak.

19 Erník tussalerit, illissimalerlutillo, omattillo torartiuk
apkomut (idluartomut).

20 Weinemik imertudlartut, timimingniglo sujuktitsijut ak-
kornganêniarnak.

21 Imertudlartut, timimingniglo sujuktitsijut, taimailiorner-
mut aklutitaulerput, sinniluarterlo annoranik alliktorsimajun-
nik attoriakarpok.

22 Atâtait kittorngilauktok illingnik nâleguk; ananailo
nachogitailiuk ningiungolerpat.

23 Miksekârnek pissiariuk niorgutiginiarnagolo, taimak-
tauk illissimanek, nalektitaunerlo sillatunerlo.

24 Idluartub atâtanga, kувiasukpok; kittorngakartorlo
illissimajomik serrijutekarpok tapsominga.

25 Atâtait anânaillo kувiasutekarlik, illingnigle ernilauktok
serrile.

26 Erník omattit tunniuk uvamnut, apkotikkalo ijikingnut
kuviagijaulit.

27 Anguniartok ittersaluktut ittijotut imat, nulliarêngner-
miglo asseroijok ittersaluktut nerrokitotut ipok.

28 Arktaijotuttauk uttakxivok, nachojullo inuit akkorngane
unnuksivalliatipait.

29 Nané kappianartokarka? Nané kiksarnartokarka? Nané
aivaneekarka? Nané ârusungnekarka? Killit passijaksaungi-
tokartune nanekat? Ijit aupalluktaujut nanekat?

30 Tagvanele akkunêrtomik Weinetaudlartune, imairtitsijun-
nelo ákiksimaajunnik.

31 Tækkoniarnak Weinib aupallungninganik, ânanauninga-
niglo ermgusiarsungme. Imernek tapsominga piakpok;

32 Kingornganele kuglugiaksoatut kêsivok, kuglugiaksublo
adsingatut kappisivok.

33 Taimaidlutit ijikik nulliaringitatit tækkonasuarpait, omattillo mumiksimajunnik okausiksalliorniarpok.

34 Sinniktotullo immarbiksub kerkane illinganiarpotit, sinniktotullo napparutab kângane.

35 (Okarpotit:) Issakavânga, âniangitungale; annaulerpânga ikpipingilarale. Kakkugo tuppangniarkik ama taimailior-merkovlunga?

KAPITEL XXIV.

INNUIT idluitut malliktailikit, tussuniarnaglo illagijomavlugit.

2 Tapkoa omattingit asserornermik pinasuarmatta, kangasi-nângillo okausekarput pijaksaungitomik.

3 Illissimanermut iglo sennajauvok, sillatunermullo sokko-sijuititauvok.

4 Illitarksinermullo aiparusingit perkutinnik pivianartunnik, ananaujuniglo tettætitaavut.

5 Angut illissimajok sôngovok, angullo illitarksinekartok pitsartusivalliaovok.

6 Kajusimanermut sillatunelingmut unatadlarnek aulatau-jariakarmat, âkiksoijokartunelo unnuktunnik, salakarnekarpok.

7 Illissimanek innornarpok sillaitomut; tamna kanerminik aitaritsijuksaungilak (okausekaromamut) kachimiovingme.

8 Asserornartomik pinasuartok ingminut, tamna nellangaitoksoarmik taijauvok.

9 Sillaitub issumaksarsiorninga ajorniôvok; innuillo mittau-tekartok makkojugivât.

10 Kappianartokarningane sokkosilungitok, songolungilak.

11 Tokkotaunasuartut piulikit, allarniarnagillo kimitauna-suartut.

12 Okaruvit: Ahâk tamanna tukkisingilavut; issumangilatit omattinik kiglissiniartub tamanna mallugingmago? Tarningniglo nautsertortub tamanna illitaringmago? innuglo akkiniarmago piniarningit malliklugit?

13 Ernîk igupsaujartut orksuænik nerrilerit, ajungimat, igupsaujartullo orksoat ingninga mamadlarpok kannerpit kilanganut.

14 Taimak illitarksinek illissimanermik illingagivok tarningnut. Tamanna nachvarungne, kingornagut inotsiarniarpotit, nerriungnillo sullinginiangilak.

15 Uttakkiniarnak Gudekangitotut idluartub iglunganik; tapsoma merngoêrserninganik asseroiniarnak.

16 Idluartok 7 ertorlune kattangmat (kiksarnartomut) mak-kilerivorlo; Gudekangitulle kattakput pijaksaungitomut.

17 Omigijivit kattaksimaninga kuvasutigitailiuk, omattillo serrijutekarniarane tapsoma koitarninganik;

18 Nalekamut tækkojaunajarmat, idluigijaunajarmallo tapsomunga, ningaumajarninelo allartinajarmago tapsomangat.

19 Idluitut ningaumajarutigitailikit, Gudekangitullo illungetorutiginiarnagit.

20 Idluitok nerriugijaksakangimat sumiglonêt, Gudekangitullo kaumautingæt kamitsomârpok.

21 Kittorngåk, Nâlegak attannerlo sivoragikik; pikabladlartullo illagitaailikit.

22 Tapkoa pitlartauvingat suilanginit tikkitsomârmat, nellonarporlo kakkugo tamarmik kannoêningæt tikkitsomârmangat.

23 Tamakkoa kamagijaksauvuttauk illissimajunut: Innub kinauninga kamagilugo erkartuivingme nâmalungilak.

24 Gudekangitomut okartok: Idluarpotit, tâmna innuit okarnerlutigivât, inukattigêllo ômigivât.

25 Pitlarniktulle kannoêngitsiarniarput, pilloringnartoksoarmullo tikkitaulerput.

26 Kigusek nellagôrtok salutitsijub kuningningatun-ipok.

27 Sullijaksatit sillame pijarêrkit, perorsêvekotillo sennaleruk; tungagut iglungnik igluliolerit.

28 Pitjutekarnak nellonailêjôniarnak innukattit akkerartorlugo, kannernullo uiveriklarniarnak.

29 Okarniarnak: Sorlo pinniarviogama, pinniaromavungatauk, illunaitalo attunît piniarninginik akkiniaromavakka.

30 Erkêasuktub perorsêvinga kangiutilaukpara, sillaitublo Weimeliksakotingata kakkanga.

31 Ahâglo tâpkonane perortokalaukpok ôtitsiutunik kissênik, Disteliniglo nâmalaukpok, avalungillo ochosimalaukput.

32 Tamakkoninga tækkogama, omamiutarilaukpara; tækko-nârpunga illiniarlungalo tamakkonangat.

33 Kêtamik sinnigomavotit, kêtamiglo sikkungeromavotit, aggaktillo kêtamik partigêktsomavâttit merngoêrserkovlutit;

34 Kissianele aklunivit tikkiniarpâtit pissuktotut, ajoksarnivillo sangijoksojotut sakkuliktut.

KAPITEL XXV.

Kattititaumajut aipangit Salomob okâlagalâninginît.

TAMAKKOA Salomob okâlagalâningittauk, illautitaumajut Hiskiab attanniub Judame angutinginnut.

2 Illinganine angiarilugo tamanna Gûdib nertornautigiva; illinganerle nautsertorlugo tamana attanniub nertornautigiva.

3 Kilak poktôjoksôvok nunalo ittijoksovok; attannille omatingit nautsertorlugit innornarpok.

4 Silberib illakarningit piungitut pêjartaulit, tagva Silberemik sennaje illulerkumik pinarnartomik sennajungnarpok omangat.

5 Gudekangitok aularkojaule attannermit tagva attaniôvinga idluarnermut sokkosijuititauvok.

6 Pingijainiarnak attanniub sângane, ainiarnaglo angajokâksuit inigijanginnut.

7 Namanersaungmat illingnut, okautsauguvit: Tamaungarit issuklermut, miklilertitaunernit angajokaksuub najoromalauktavit sângane.

8 Aivasarainiarnak; sumigle kingorngane piniaromavit, innukatchingnut kangusuktitaumaguvit.

9 Innukattit aiparilugo illiornit âkiguk, assivillo angiarjanginik nellonaijainiarnak;

10 Tamakkoniga tussartomut okautigiluktaukonak, okautigiluktaunillo soraingerkonago.

11 Okausek, okauserijaujok pijariakarvinermine, paungâluktitut Goldeôjutitut, itteringujane Silbereojunêtutitut-ipok.

12 Illissimajub innerteridlarninga siumut naletsiartomut, kaurutitut Goldeôjotut, ujamiktullo Goldeôjotut-ipok.

13 Sorlo apputib niglidlarninga kattersiviub nelluiningane-imat, taimaipok tillijak nellagôrtok tillijiminut, angajokâmelo tarninga nekkoksitipa.

14 Unnuktunnik okausekartok, nellautsititsinanelo, tamna nuvujattitut, annoretullo sillalukangitotun-ipok.

15 Kenuêrsarnermut angajokâksoak saimarsartaulerpok, okablo illannersartub saunît akkitipait.

16 Igupsaujartut orksuænik nachvaruvit, namatuinartomik nerrilerit; nâmaksiluarkonnak, merriarkonaglo tapsominga.

17 Ittergajuilerit sillalivit iglunganut; tapsomunga ariutaukonnak, omigijaukonaglo.

18 Nellonailêjok taimangolungitunik innukattine pitjutigallugo, tamna kauktatut, saviksoatullo karkjutullo ippiktotut-ipok.

19 Nachojub nerriungninga kappianartokarningane, kigutitut auniojotut, ittikettitullo majangadlartutitut ipok.

20 Ingerutsinnik ingertok omattekartomut kuviasujitomik, tamanna sorlo persinek annorânik itjelidlarningane, sorlolo sêrnartok kovilugo sioraujannut-ipok.

21 Omigijit kâkpât, tagva nerkiksamik nerrititsuk, immerukpât tagva immermik immertitsuk.

22 Aumænik kattitiniaravit oma niakoanut, Nâlekablo tamanna akkilerutigijomârpa illingnut.

23 Attuarnek sillarnerluksoarmik kaitsivok, okarlo issib-suktok kênarnik anûtuunik.

24 Iksivalune iglub kangata terrekoane nâmanersauvok, iglomiukattekarnermit arnamik aivanigojomik.

25 Tussaumanek ajungitok nunnani ungasiktometunni, pijok, imektut nigliktotut immeruktomut ipok.

26 Idluartok Gudekangitub sângane kattaktok idluitomut, tamna imektârviiktut issortitaujotut puailaviktullo asserortau-majotut-ipok.

27 Igupsaujartut orksuânik nerriluadlarnek, tamanna nâ-malungilak; taimak innungnut pinasuarnek nertortaunerminik, nertornautiksaungilak.

28 Angut annernerminik nunojungnangitok, iglugaseksoa-titun avaluksoakarungnaitutitut-ipok.

KAPITEL XXVI.

SORLO apput aujakarningane, sillaluglo kattersiviub nelliuningane nâmalungimanik, taimaktauk nertornaut nâmalungilak sillaitomut.

2 Sorlo tingmiak taikunga ingergadlarmat, tullugarnerlo tingimat; taimak ominarsijaunek passijaksaungitok uvigailungilak.

3 Ipperautak illingavok Horsemut, kingmiaraglo siutekok-tojomut; issakaulo illingavok sillaitub kemerdluanut.

4 Sillaitok kiottailiuk sillaininga malliklugo, tâpsôtunak illingakonnaktauk.

5 Sillaitorle kioleruk sillaininga pitjutigællugo, sillatonasugerkonago nangminerninik.

6 Sumik pinniarkojjok tillijamut sillaitomut, tamna ittikaminik kippisivok sorlo, pijaksaungituniglo pivok nâmaktomik.

7 Sorlo kiggertarne sibvétomut illingangmat, taimak sillaitomut ânanaulungilak illissimanernmik okautekarune.

8 Sillaitomik nertordlertok, tamanna imaipok, sorlo illi-jokarajarpat ujarkamik pivianartomik ujaratuinarnut kattititau-majunnut.

9 Adsiujok sillaitub kaninganut okauserijaujok Dornetut, kakkitijotut tallatub agganginut-ipok.

10 Omajoksiorte naipitaminik illunainik killerniktok, tilliklertorlo sillaitomik, saksartomiglonêt, tapkoa adsigêkpuk.

11 Sorlo kingmek merrialauktaminik nerrimingmat, taimaipok sillaitok sillainerminik attormiktok.

12 Illissimanasugijomik tækkoguvit, tagva sillaitub âkik-taujômârninga nerriungnarnersauvok omangat.

13 Erkeasuktok okarpok: Loevekarpok apkosinerme, Loevekarporlo apkosinerme iglut, akkorngane.

14 Erkeasuktok mumilerpok sinnigvingmine, sorlo upkuak kevertautimine.

15 Erkeasuktub aggane ijerpait illulerkutib illuanut, kiviklugillo ama omangat kannerminut, tamanna okumaigiva.

16 Erkasuktok illissimanersaunasugivok nangminermirik illusitsiariktunnik ajochertuijunnit 7 init.

17 Sennerkotsijok aivakattigêngnik, illaulertorlo, tamna pudsuniktotut kingmimik siutingagut ipok.

18 Sorlo nelliatt illissimaidlartotut egitsijotut ikkitaumajunik, karkjunniglo tokkonartuniglo avamigut.

19 Taimailiorpok innuk nellangaitok innukattiminut, okarlunelo kingorngæne: Pingoarkauvunga.

20 Ikkomaksakarungnaimarikipát tagva ikkoma kammilerpok; mangatsijorlo aularsimakpat, tagva aivanekarungnaipok.

21 Sorlo aumat illijaukpatta aumakunut, kejuillo ikkomamut, taimak innuk aivanigok akkerartornermik pigialerpok.

22 Mangatsijub okausingit annaulertaunertut iput, erchavillo ittininginnut pivut.

23 Kangasinâkartok illungertutsiartungnik, omattekarlunelo idlutoimik, machavinetut kallinekartotut Silberemik-ipok.

24 Omisuktok okauserminut takkomôrpok, omattimigut nellangaitomik pinnasuaralloarlune.

25 Nippine tussarnidlartileraikepagu, tagva okperitailiuk; omattinegane makkojungnartokarmat 7 inik.

26 Omisungnek pingitserternermut ulliktaugallopallonêt; tapsoma kassêninga illagêktut sângine sakkijaromârpok.

27 Ittersâlungmik ittersalliortok kattagomârpok tapsoma illuanut; ujaraksoarmiglo aksakâtitsijok, omunga uttervioniarpok.

28 Okak nellangaitok omisukpok kiksartitiminik; kannerlo takkomornelik asserornermik sennavok.

KAPITEL XXVII.

UVLUB mattoma kaupaksanga pivlugo nertordlernak, nelligavit sunamik uvlome pijokarungnarmangat.

2 Assingnut nertortaulerit, kannernuungitorlo; tækkorngartamut kangasinângnuungitorlo.

3 Ujarak okumaipok, siorkallo okikasalungilát; sillaituble ningaumajarninga okumainersauvok tamangnit.

4 Ningaumajarnekk piusiovok kennajuktok, kaningaumajarnerlo aksorotjiniôvok; kiale anerudsinek salagijungnarkauk?

5 Pitlartaunek sagvartome namanersauvok naglingnermit angarijaujomit.

6 Naglingniktub issakaningit pitsiarniovut; omisuktuble kuningninga takkomorniôvok.

7 Tarnib namaksijub igupsaujartut orksua tullerarpa aglât; tarnible kâktub kassilingnartut tamaita mamagivait.

8 Sorlo tingmiak uvlominik kemaijok illingangmat: taimainivoktauk innuk piniarvingminik kemaijok.

9 Mingoarutiksât, isserluaniutiksallo omat kuviasuktipât, illanakartorle innerkonarpok attannertuininga tarnemik pivlugo.

10 Illanarijengnik, atâtavillo illanarijenganik kemainiarnak; itternaglo kattangutivit iglunganut kiksarnartomut tikkitauleraiguvit; innukattit najornernetok ajunginersaungmat, kattangumit ungasiktomêtomit.

11 Ernîk, illissimalerit, omattigalo kuviasuktitsuk kiojungnarkovlunga mittautigijimnik.

12 Sillatunekartub pijaksaungitok mallugiva ijerlunelo; illissimaitulle tagvunârput, akkunartaulutiglo.

13 Assine akkisartoromavlugo angertub annoranga tiguleruk, akkilerkojimullo aksartaule illitarijaungitok pivlugo.

14 Nippekorlôjomut innukattiminik sullerkojijok, makkitorlo uvlârârsukut, ominarserkojijotut - inasugijauvok.

15 Arnak aivanigok, kussertokatsainarlo sillalukarningane, adsigêkpuk.

16 Ôminga ikubliatitsinasuartok, tamna annoremik nokkartsitsinasuarpok, orksub ingninganik tigumiaromavok aggangminut.

17 Sâvik sâviub assianut ippiksartauvok, innublo innukattine.

18 Nappartokotiminik Feigeliksamik udsertortok, tamna paunganik nerrivok omangat; angajokaminiglo naipertutsiartok opigijauvok.

19 Sorlo tachak immerme innub kênanganut, taimak illingagivok innub omattinga innukattiminut.

20 Kappianartovik, asseroinerlo nâmaksiniatsengilâk, innuillo ijingit nâmaksititaujunga nsenginivuttauk.

21 Angut, nertordlertib kaninganut idluarsititaulerpok, sorlo Silberetut ukkusingme, Goldetullo kiêksaume.

22 Sillaitok serkalitsivingme tôgarlugo serkaligungnelonêt, serkalimajutitun erkovlugo, tagva sulle sillainerminut kemaktaunajangilak.

23 Saugakotitit kamatsiarkit, kattimgajokotitillo nâmakto-mik serngnigikit.

24 Perkutit soraijuitsengimatta, niakotelo itsainarlungilak.

25 Ivit nungutauvut, iviksukakarivorlo, perorsijaniglo kattersoijokarpok kakkane.

26 Saugarsuit annoraksakartipâtit, angusalluillo pissiniar-ungnartipâtit perorsêviksannik.

27 Tuktungajut imunginnik ajoksangilatit nerkiksarnut, iglomiokattivit nerkiksanginnut, kivgavillo nerkiksanginnut.

KAPITEL XXVIII.

GUDEKANGITOK kemâvok unangmiklertokanginingane; idlu-artorle sivôrajuipok, Loeveârsutut.

2 Nunakattigêt idluiningit pitjutigællugit attanniovit ablat-sangortitaukattarput; innuille sillatojut illissimajullo pivlugit, akkunnit sokkosijuiput.

3 Angut aklujok, pijariakitunnik okumaititsijok, suarutak-tut perorsijanik asseroijotut ipok.

4 Malligaksaukojaujunik nalegunnaitut Gudekangitut ner-torpât; ivlersijulle makkoninga, illulugvigivait.

5 Inuit idlunit idluarnekk tukkisingilât; Nâlekamigle ap-pertsutekartut tamainik tukkisivut.

6 Aklujok idluitailinermine arvertartok, ajunginersauvok, akluitomit apkosinerne nellangaitunne majangadlartomit.

7 Malligaksaukojaujunik ivlersijok, tamna kittorngauvok sillatôjok; illaujorle timimingnik sujuktitsijunnut, kangusuktit-sivok atâtaminik.

8 Perkutiminik pivarlungnermut, tappiksakarkojimullo un-nuksivalliatitsijok, tamna kattersoivok ajungitullijok aklujunnik pivlugo.

9 Siutiminik allartitsijok tussarnermit malligaksaukojauju-nik, tapsoma tuksiarninga makkojungnarniôvok.

10 Idluartunnik illusekartunnik tammartitsijok apkomut idluitomut, tamna ittersâlungminut kattagomârpok, idluitaili-julle ajungitomik kingormgujijomârpok.

11 Akluitok illissimanasugivok nangminerminek; aklujuble sillatojub nautsertorlugo illitariva.

12 Idluartut angajokaulerpatta, tagva illusitsiariktôkaler-pok; Gudekangitulle angajokaulerpatta innuit ergojivut.

13 Idluitullinerminek missiudjijok, tamna sulliniatsengilak; kigligiksartorle, ipperaijorlo makkoninga, tamna napkoarijau-niarpok.

14 Pilloridlarpok sivôratsainartok (Gûdemik); omattimi-nigle mangaititsijok kattagomârpok pijaksaungitomut.

15 Gudekangitok, attanietijok nunakattigênut aklujunnut, Loevetut errinaloakijadlartotun, aklatullo kêsuktoksôjotun-ipok.

16 Attannek sillatunekangikune, idluitomik pinniarkattar-pok; torkoinermigle omisuktok akkunêrtomik inôjomârpok.

17 Innuk, innub aunga pivlugo patsitiksakartok, sapputi-
jauniangilak, kemâlerpallonêt ittersâlungmut.

18 Idluitaililune arvertartok piulijauniarpok; apkomele mu-
miksimaŋome arvertartok, tagvainak pâlagomârpok.

19 Perorsêvingminik sennajok nerkiksakarniarpok nâmak-
tomik; sullijaksakanginermigle pinnasuartok, aklunekarniarpok
nâmaktomik.

20 Angut nertornartok pitsartutitaukattarpok; tuavidlar-
torle akluitsomavlune, passijaksaungitotsainarniangilak.

21 Innub kinauninga kamagilugo nâmalungilak; taimai-
liortok idluitullinajarpok, tamoinak kakkoŋamit pitjutigællugo
aglæt.

22 Annerudsijok katsungaipok akluitsomavlune, nellovlunelo
ajoksarnermut tikkitauniarnerminik.

23 Inungmik pitlarniktok kingorngagut nagligijaujomârpok,
anginersamik okarminut takkomôrtomit.

24 Atâtaminik, anânaminiglonêt aksarniktok sumik, okar-
torlo, taimailiornek idluiniolungimat; tamna asseroijub aipa-
riva.

25 Piojorijok aivanekartitsivok; tettekartorle Nalekamik
pilloridlarniarpok.

26 Omattiminik tettekartok sillaitovok; illissimanermigle
attutsiartok, kemâjungnarniarpok.

27 Aitortuijok aklujunmut, tamna ajoksaromângilak; ijimi-
nigle allartitsijok, ominarsijutiksarsiniarpok unnuktunik.

28 Gudekangitut angajokaulerpatta, tagva innuit ergujivut;
tapkoale nungulerpatta, idluartut unuksivalliaut.

KAPITTEL XXIX.

KUNNUJOK pitlartaunermik, tamna tagvainak asseroromârpok,
ikajortaunekarane.

2 Idluartut unuktokpatta, nunakattigêt kuviassulerput;
Gudekangitorle attanniotilerpat, nunakattigêt annersaumilerput.

3 Illissimanermik ivlersijub atâtane kuviassuktipa; illaujorle
anguniartunmut, perkutinginik aksartauniarpok.

4 Attannek idluarnermut nunamik akiksoivok; pijomatu-
dlartorle asseroivok ominga.

5 Takkomôrtok innukattiminut tâmma nullutjannik illijivok
taipsoma ittigganginut.

6 Idluitok idluitulligune, nigaksimatipok nangminermnik;
idluartorle nertordlerutiksakaromârpok, kuviassutiksakaromâr-
lunelo.

7 Idluartub aklujut illiornerijangit illitarivait; Gudekangitorle sillatunermik kamatsengilak.

8 Mittautekartut iglugaseksoarnik nigaksimatitsivut: illissimajulle ningaumajarnermik ikublatitsivut.

9 Illissimajub sillaitok piniarkattigikpago, ningarmangallonêt, ijormangallonêt, issumangit adsigégungnatsengilát.

10 Aungmik pinnasuartut idluitailijok omigivát: idluartorle tarninga ákigasuarpát.

11 Sillaitub annernine illumigijane attautsekut navipa; illissimajorle nunnovok.

12 Angajokab sæglonernik nalektub, tapsoma kivgangit, illunatik piungitovaksövut.

13 Aklujullo akluittullo pártigékput; illunatigle ijingit Nálekab kaumaksarpait.

14 Attanniub nertornarlune aklujunnik idluarsaijub, tapsoma iksivautaksoanga sokkosijuitsomárpok issokangitomut.

15 Issakaulo pitlartaunerlo tunnijivut illissimanermik; nu-kappiarle issumainákititaujok, kangusuktitsivok anánaminik.

16 Gudekangitokartune unnuktunnik, idluitullinekarpok unnuktunnik, idluartulle tapkoa katteksimaningit tækkojomárpát.

17 Ernít sugiaruk, tagva ullapiniangilátit, kuviasuktitsijomárpolorle tarningnik.

18 Nellautainekarungnaimarikipát, nunakattigét kuksalaidlalerput; pilloridlarporle malligaksaukojaujunik ivlersijok, attorlorlo.

19 Kivgakulluk okausetuinarnut ákiktaukolungilak; okautsit tukkisigalloarlugit, perkojaunerminik mallingilak.

20 Okausekartomik akkulaidlartunnik tækkoguvit, tagva sillaitub ákiktaujomárninga nerriungnarnersauvok omangat.

21 Kivgaksak sorrusionerminut pitsiartautsainalaurune, tagva kingorngane nangminek angajokaksaujomavok.

22 Angut ningaumajartok akkerartornekartitsivok, kassêtorlo idluitullivok unnuktunnik.

23 Innuk pingijainerminut kattaktitauniarpok; piojorijui-
torle opigijauniarpok.

24 Illangutivkartub tigliktunik tapsoma inôsine omigiva; ominarsikojineramik tussavok, kaujijautingilâlo.

25 Innuit sivôragilugit nigaksimatitsivok; tettekartorle Nálekamik, serngnigijauniarpok.

26 Unnuktut attanniub kênanga kennerasuarpát; illunatigle attunît illingatitauningit Nálekamit pivut.

27 Idluartub angut idluitok makkojugiva; Gúdekangitublo arvertartok apkome idluartome makkojugiva.

KAPITEL XXX.

Agurib okauserijanginik.

TAMAKKOA Agurib Jakib erningata okauserilauktangit, nelautainingit, ajochertusingillo angumut Itielemut, Itielemullo Uchalemullo.

2 Pokênerpângogalloarama, inublo sillatuninga uvamnên-gilak.

3 Illissimanermik illinialaungitunga; onêlle illitarksinekar-alloartunga Hailigeojomik.

4 Kina kongmuarka killangmut akkarlunelo? Kia aggang-minut annore tiguvaug? Kina immaksoarnik kellaksiva ullik-soarmut? Kia sillaksub kiglingit tamaita âkilaukagit? Kannok attekarka? Kannorlo tapsoma erninga attekarka? Tamakkoni-nga kaujimavit?

5 Gudib okausingit illunatik illakangilât; tàmna sappulu-tauvok tettigijiminut illunainut.

6 Illautitsiniarnak sunamik okausinginut, pitlartaukonak tapsomunga, sæglojolutillo naipitaukonak.

7 Maggunnik kennuvigivagit tamakkungninga kippiluktai-lilaunga tokkokârtinanga:

8 Nellangainek, sæglonerillo ungasiktikit uvamnit; aklu-nermiglo, aklunermiglo tunnitsiviginiarnanga; nâmatuinarto-migle nerkišekatsainarlangatôk.

9 Nâmaksiluvarajaruma missiarajarpunga, okarajarlungalo: Nâlegak kinauva? Ubvalo akluluvarajaruma, tiglinajarpunga, at-tornerlugajarlungalo Gudima attinganik.

10 Kivgak mangartailiuk angajokanganut; okarnerlotigina-jarmattit, igvillo pitlautiksarsinajarpotit.

11 Innukarpok atâtamingnik okarnerluktunnik, saimarsai-juitunniglo anânamingnik;

12 Innungnik, ivsornainasugijunnik nangminermingnik, ip-permingnillo ubvarsimatsengilâllo;

13 Inungnik, ijekartunnik pingijaitunnik, allortunniglo pio-jorinermut;

14 Inungnik saviksoakartunik kigutit iningine, savikartun-niglo erklerpait iningine, nungutsijuniglo pattangajunnik nu-name, aklujuniglo innuit akkorgane.

15 Aungmik milluksijok pannekarpok maggungnik: Kaitsit, kaitsit; namaksititaujungnatsengitut pingasôvut, tapkoalo sit-tamangat okatsengilak: Namaksivok:

16 Tokkungajut iningât, arnarlo kittorngisuitok, nunalo imermik namaksiniangilak, ikkomalo okangilak: Namaksivok.

17 Ije atâtaminik allekutekartok, nalengnarmiglo anânaminik nachojok, tâмна tullukat kongme pêraksarivât, nektoraliallo nerrijaksarivât.

18 Inornartokarpok uvamnut pingasunik, tamakkoalo sittamangat tukkisingilara:

19 Nektoraluub opkotinga kingitoksoarme, kuglugiaksub apkotinga kairtome, umiaksub apkotinga imarbiub kerkane, angutiblo apkotinga uigasungmut ivsornaitomut.

20 Taimainivoktauk arnab nulliarêngnarmik asseroijub apkotinga; tâмна êsivok, kannerminik allarterivok, okarlunelo: Ilduitullilaungitunga.

21 Nunab uimajarutigijangit pingasovut, tapkoalo sittamangat sapperpâ:

22 Kivgak attanningolerpât; sillaitok akkeartorsimaluarpat;

23 Arnak omisuktok nulliarijaukpât; kivgarlo arnak kingormgujijuksangortitaulerpât angajokaminut.

24 Sittamat mikkijôvut nuname, sillatunersaulutiglo illissimajunnit.

25 Apkallajut omajokattigêkput sangêtut, taimaigallorlutik kattersoivut nerkiksamingnik aujakarningane.

26 Ukaliatsiat omajokattigêkput sangêtut, taimaigalloarlutik iniksamingnik sennavut kairtune.

27 Piglertaujartut attanekangilât, taimaigalloarlutik kattimagajoksovlutik innimingnit aularput, ingergakattigêklutiglo;

28 Asivak ittikaminut sennavok, attannillo iglutsianginnêpok.

29 Pingasut pissusekarput ânânâmik, sittamangallo pissulorikpok:

30 Loeve songojoksoak omajut akkorngæne, utterlungilarlo nelliallonêt pivlugo.

31 Kingmek (omajoksiornarmik illissimajok) niokartok nukkelingnik; angusallorlo; attannerlo akkerartorviongnaatsegitok.

32 Sillaidlalauruvit, pingijaidlalauruvillo idluitomiglo kajusimalauruvit, tagva passijuksauvotit nangminernik.

33 Immuk aulakattartaukpât, tagva immub orksua senajaulerpok; kingarminiglo kakkiluartok, aungmik annititsivok omangat; ningaumajarnermiglo kajungersaijok, aivanernik sakkerititsivok.

KAPITEL XXXI.

Lemuelib okauserijangit.

TAMAKKOA attanniub Lemuelib okauserilauktangit; okautsit anânangata ajochertutigilauktangit tapsomunga.

2 Annerimajik, igvit timima ernerijanga, ernik tussugidla-lauktara!

3 Nukkingnik tunnijiniarnak arnannut, apkosinerillo attannit asserorutigivaktangit attorniarnagit.

4 Ila Lemuel, attannit immertitailikit Weinemik, Weinemik tunijiniarnak attannernut, imiksaniglonêt sôngojunik angajokaksoarnut.

5 Immertudlarajarmatta, perkojallo puigorlugit, sokkosertilugillo innuit pattangajut illingatitaujariakarningit.

6 Sutêtuksat tunitsivigissigik imiksamik pitsartojomik, Weinemiglo omattiggit kiksartunik.

7 Immerkovlugit ajulermingniglo puigorkovlugit, kappiagijamingniglo issumagijungnaikovlugit.

8 Kannit angmarsuk okajuitut pivlugit, kemmaktaujuullo illunatik illiorningit pivlugit.

9 Kannit angmaruk erkartuilerillo idluartomik, pattangajut aklujullo akkiniarutigilugit pagvisartinginnut.

10 Kina nulliamik illusitsiariktomik nachvarniarka? tâmma ivlernarnersauvok angijomik sappangannit pivianartoksôjunnit.

11 Uingata omattingata sungertutigijungnarpa, perkutiniglo ajoksaromângilak.

12 Ajungitullivigitsainarpâ, kiksartitsengilâlo (uine) inno-sermine tamât.

13 Saukab merkunginnik, ivaluksajakseniglo kattersoivok, aggangminullo kunnutuidlune sennavok.

14 Niuverniartib umiaksoakotingatun, tapsoma attoraksaninik ungasiktomit tikkiudsijotun-ipok.

15 Makkilerpok unnuangotillugo sulle, tunijilunelo nerkiksamik iglomiukattiminut, sullijaksamiglo kivgaminut arnannut.

16 Perorsêviksak ullernaigijartorpa pissiarilâlo; illijivigilâlo Weineliksanik aggame kaitanginik.

17 Pitsartunermut tapserusijarpok makkitimigut, tallingnelo pitsartunekartipâk.

18 Mallugosukpok niorvgutigijame sullidlarninganik; kollinga kammingilak unnuarme.

19 Aggane issakpait ivaluksaliorvingmut, aggangminullo ivaluksaliorut tiguva.

20 Agganne issivipait aklujunnut, agganelo issakpait ajoksartomut.

21 Iglomiokattine pivlugit apput sivoragingilâ, iglomiokattigit attunnit annorakarmatta tappitarêngnik.

22 Kebbikotine nangminek sennavait; annorânga sâtomit Seidemit, Purpuremillo sennajaumavok.

23 Uinga okausionginarpok iglugaseksuit itterviksoangine nunakattigêt angajokâksoangit iksivakattigikpagit.

24 Annoraksamik sâtomik sennavok, niorvgutigilâlo; tapserumik tunnisivok niuvertemut.

25 Annorangit sôngovut pinarnarlutiglo; uvlullo kaijomârtut kувiasutigivait.

26 Kannine angmarpa illissimanekarlune, ôkanganelo ajo-chertusekarpok tussarnidlarturnik.

27 Iglomiukattime illiorningit nautsertorpait, erkeasutse-nanelo nerkiksaminik nerriovok.

28 Erningit aglissivalliavut, pilloringnerarpâlo; uingatalo nertorpa.

29 Pannit unnuktut idluartunnik illusekalaukput; igville illunaita pitikipâttit.

30 Pinnarnarnekarnek ânanaunekarnerlo sunaungilâk; arnarle Nâlekamik sivôrajok nertoraksauvok.

31 Tâмна nakorijauniarpok, aggangita sakkertitangit pitjutigællugit; pinniarningitalo nertorniarpât iglugaseksuit itterviksoanginne.

OKALUKTOK SALOMO.



KAPITEL I.

Nunab pingita tamaita sunaunginingit.

TAMADSA okaluktub, Davidib erningata, attanniojub Jerusaleme okâlaningit.

2 Ilâ, sulinginerit sulinginingit! okaluktok okâlaukpok; ilâ sulinginerit sulinginingit. Tamât sulinginiovok.

3 Sunakarka inuk siorniornerminit tamât pigijaminit sekerngub attâne?

4 Kinguvârêt attautsit nungulerput, assingit kaivut; nuna-
nale itsainarpok issokangitomot.

5 Sekkinek nuilerpok, nippilerlunelo, aisâdlalarmelo inni-
minut, tagvane ama nuilerkovlugo.

6 Annore ingergavok sekkernganut, kaivalailunelo tachâ tik-
kidlugo; kaivalaimarilunelo inne tikkidlugo annitainarvigijane.

7 Kôgut illunatik kôlerput imarbingmut, sullelo imarbik
ullipkinersaulerlungilak; innimut kôgut annitainarvigijamingnut,
tagvunga kôlerivut.

8 Piniarnerit tamaita taimak siorniornartigijôvut, kinamut
okautigijaujungnangimat. Ije tækkungotsengilak, siullo tussa-
ngotsengilak.

9 Sunauva pijokalauktok? Taimaluatsiak kingorngane pijo-
mârtok. Sunauva piniartaumalauktok? Taimaluatsiak kingor-
ngane piniartaujomârmijok; nutâmiglo piniartokangilak sekker-
ngub attâne.

10 Piniartokaralloarkâ okautigijaujungnarajartomik: Ahâk
tamanna nutauvok? Piniartaulaurivok nelliutune sivuvapting-
nêtune.

11 Pilauktut sivurngane erkaumajaungilet; taimaglotauk
tamanna, kingorngane piniartok, erkaumajaujomângilak tâpko-
nane kingurnganêtsomârtunne.

12 Uvanga okalukteojunga, attanniolaukpunga Israelitinnut
Jerusaleme;

13 Omattigalo tunnilaukpara kennerlugit nautsertorasuarlu-
gillo sillatunermut tamaita killaub attâne piniartaujut. Gûdib
inuit kittorngangit pinasuarnermik taimaitomik pillorijuinarto-
mik tunnitsivigilaukpait, tamattomane siorniudlarkovlugit.

14 Piniartaujut sekkerngub attâne tamaita kemergolauk-
pakka; ahâglo tamaita sulinginiolaukput ogguarnituinaulutiglo.

15 Niunganek naggojungnangilak, kanoêtullo kittitaujung-
nangilet.

16 Okalaukpunga ômattimne: Ahâk illissimanekarnersau-
vunga anginersamiglo illunainit, sivunamnêlauktunit Jerusale-
me; ômattigalo unnuktunnik illinialaukpok tukkisilauklunelo.

17 Omattigalo tunnilaukpara tamattomunga, illiniarkovlu-
nga illissimanermik, sillainermiglo, sillatunermiglo. Tukksi-
laukpungale tamannatauk siorniorniongmot.

18 Nanele illissimanekartome unnuktunik, issumajârnekari-
vok unnuktunik; unnuktuniglo illinniaromajok unnuktunik âni-
ajariakarpok.

KAPITEL II.

*Kuviasungnek nunab pingit pivlugit tamât sulingilak
annigosarailunelo.*

OKALAUKPUNGA ômattimne: Attê, innônatsoringnermik ôksijuksauvotit, uvlokartuksaulutillo ajungitunik; ahâgle, taman-na sulinginiolaurivok.

2 Ijornermut okalaukpunga: kaujimangojarpotit; kuviasungnermullo: sunaliorkit?

3 Tagva issumalaukpunga ômattimne, uviniga nekkoksitisomavlugo Weinemut, ômattiga illissimaneksiorkovlugo, sillainermekassiotjerkovlugolotauk sulle, illiniarkârnanga suna inungnut idluarmangât, innôsingita killaub attâne sivitôninginne.

4 Pijunik angijunik pinialaukpunga; igluksamnik igluliu-laukpunga; perorsévilliulaukpungalo Weineliksenik;

5 Perorsêvingnik sennalaukpunga uvamnut, perorsêvingnik kuvianartunik, ilijilungalo tagvunga nappârtunik pitsornartunik sunatuinarnik;

6 Tesselliulaukpunga, tagvangat imertilugit nappârtut tungojoktat;

7 Kivgaksilaukpunga angutunik arnaniglo, innukutekalaukpungalo iglumne inûlilauktunik; perkutevaksoakarnersaulaukpunga kattimgajunik tuktuvangnik saukaniglo, illunainit, sivunamne Jerusalemêlauktunit.

8 Kattersuilaupunga uvamnut Silberemik, Goldemiglo, attannernillo nunamêtunit perkutevaksoarnik; ingertokartitsivunga uvamnut angutunik arnaniglo, inuillo kuvianarninginnik nokakseralijarnernik sunatuinarnik.

9 Angijororlaukpungalo pivalliarnersaulungalo illunainit sivunamne Jerusalemêlauktunit; illissimaneralo uvamnêtsainalaurivok;

10 Tamainiglo ijîngma kajungervigijanginnik, tamakkoninga pekartilaukpâka, ômattigalo agvialaungilara kuviasungnerit nellianik, kuviasulaukovlugo sulinerijakka tamaita pivlugit; tamannalo illangiusiangonasugilaukpara uvamnut suliarjamnit tamainit.

11 Pinniarnikkale tamaita aggangma pinialauktangit kemergogapkit, siorniornerlo tukkisilauktara; ahâk, tagva taman-na tamât sulinginiolaukpok, ogguarnarniolunelo, sunaulungilarlo sekkerngub attâne.

12 Tagva sangulaukpunga tækkojomavlunga, illissimanermik, kaujimangojarnermiglo, sillainermiglo. (Sunamigle inuk

tamna attanniub kingorngane tikkiniartok piniarkâ? Mattoma sivurngane pinialauktanginniktauk!)

13 Tagva tækkolaukpunga illissimanerub sillainek pitikingmago, sorlo kaumajub târnek;

14 Illissimajub ijigik niakoanêmanik, sillaitorlo tâksiormat. Missigilaukpungaletauk tamarmik adsigêktomik illusekarmanik.

15 Tagva ômattimne issumalaukpunga: Uvangatauk taimaluatsiartomik illusekarama sillaitotut: sôg tagva sivurngane taimak illissimaneksiudlalaukik? Tagva ômattimne issumalaukpunga, tamannatauk sulinginiongmat.

16 Illissimajut erkaumajautsainarnersaulungimatta sillaitunit, uvlôjomârtune tamaita akkunit puigortaujarêrmatta; ila illissimajok taimaluatsiak tokkojariakarpok sillaitotut!

17 Tamanna pivlugo innôsek arriulaukpara; kuvianaigilaurapko, tamaita sekkerngub attâne piniartausût, taimamarik sulinginiongmat. siorniorniongmat.

18 Sulijaksakkalo tamaita sekkerngub attâne pigilauktakka arriulaukpakka, tamakkoa inungmut kemajariakarpokit kingunamnêtuksaujomut.

19 Kinale kaujimava, imna illissimaniarmangât, kaujima ngojarniarmangâllônêt? Aulatsijôjuksaugolloarivok suliarijamne tamaine illissimavlunga piniarnerilauktamne sekkerngub attâne. Tamanna sulinginiovok.

20 Tamanna pivlugo sangulaukpunga, ômattiga nippotjikovlugo pinniarnernik tamainik, piniarnerilauktamnik sekkerngub attâne.

21 Innûble piniaraksaminik illissimavlune sillatolunelo pika riklunelo pinnialauktub kingormgutijaukojariakarpait assiminut sennalaungitomut tâpkonane. Tamanna sulinginiovok pijaksaunginiolunelo angijok.

22 Sunamigle innuk piva sulijaminit tamainit ômattimelo siorniorninginnit pigijaminnit sekkerngub attâne?

23 Inôtsime uvlunginne tamaine, ânianik, issumajârnermiglo illakarlune kiksarnermik pivok. Tamanna sulinginiovok.

24 Nâmanersaugilak manna innungmut, nerrilune immerlunelo, tarninelo kuviasukolugo suliaksamine? Tamannale tækkolaurivara Gûdib agganginnit pingmat.

25 Kinale kuviasungnersauvlune nerrilauka serridlalauklunelo uvamnît?

26 Inuk nâmagijane tunnitsivigingmago illissimanermik sillatunermiglo kuviasungnermiglo; ajortorle tunnitsivigivâ siorniornermik kattersuikovlugo kallerêktitsilunelo, tunijaukovlugille sulle tâpsomunga Gûdib nâmagijanganut. Tamanna sullinginiovok, ogguarnarniolunelo.

KAPITEL III.

*Innuît piniarnîngît tamaita nelliunekarput, Gûdible
piniarnîngît itsainarput.*

TAMAINUT pijunut nelliunekarpok, kajusimanerillo killaub
attâne illunatik piviksakarput.

- | | | | |
|---|---|---|-----------------|
| 2 | Erniangonek, tokkonek;
illiorkainek, pêjainek illijaumajunik; | } | nelliunekarpok. |
| 3 | Tokkotsinek, inûliklernek;
serkomitsinek, igluliornek; | | |
| 4 | Kugviornek, ijornek;
ârusungnek, okigêsernek; | | |
| 5 | Ujarkanik serkititsinek,
ujarkanik kattersuinek;
erkitsinek, erkitsitailitinek; | | |
| 6 | Kennernek, assiøjinek;
pekainarne, egitsinek; | | |
| 7 | Alliktuinek, mersoinek tamattominga;
nippangernek, okarne; | | |
| 8 | Naglingnek, ômisungnek;
unatarnek, ullapirsautekarnek. | | |

9 Sennajokaralloarpat kannok angitigijomik, sulle anginer-
samik sulijungnangilak.

10 Tamanna pivlugo siorniornek tækkolaukpara, Gûdib
tunnilauktanga inungnut tamattomane siorniudlartitaukovlugit.

11 Tâpsomale tamaita pinniatsiarpait nelliunermine, ômat-
tingillo kappiasukovait, kannok illiornekartuksaungmat sillak-
soarme; tamanna pivlugo innuk nellautsijungnangimat piniar-
narmik Gûdib pinniartanganik, pigiarnermiglonêt nâner-
miglonet.

12 Tamanna pivlugo missigilaukpunga, tamakkonane nâ-
manersakalungimat kувiasungnekarnermi ajungitullinermillo
ingminut inôsermine.

13 Amalole, inuit nelliât nerrijok imertorlo, maksoalunelo
pijok sulijaksamine tamaine, tamana tunnergusiångovok
Gûdemit.

14 Missigilaukpunga, tamaita Gûdib piniartangit sokkosi-
juitsainarmatta; illajaujungnangilêt, illangertaujungnaratiglo;
Gûdelo taimaitomik piniarpok inuk sivôrajuksaungmat tâps-
minga.

15 Piniartaujok, nutaungitome piniartaulaupok; pijomârtuksarlo pinniartaulaurivok; Gûdiblo annigortok kennerlugo sagvarpâ ama.

16 Amalo sekkerngub attâne tækkolaukpunga erkartuivingnik; tagvanelo illusekalaukpok Gûdekangitut illusinginnik; inniniglo (tækkolaukpunga) idluarnermik najortekartuksaujunik, tagvanelo idluitullinekalaukpok.

17 Tagva issumalaukpunga ômatimne: Gûdib idluartok Gûdekangitorlo erkartoriakarpak; kajusimanerit tamaita nelluunekarmatta; pinniarnerrillo tamaita tagva kamagijauniarput.

18 Okalaukpunga ômatimne, innuit kittorngangita illiorningit pivlugit, Gûdib epkêjarmagit, tâpkoalo tækkojuksaumatta nangminek ômajutitut imatta.

19 Inuk taimailuatsiartomik illusekarmat ômajutitut; sorlo tâpkoa tokkungmatta, taimâk tokkogivok; illunatiglo adsigêktomik annernekarpuk; innuglo anginersakalungilak ômajunit; tamaita sulinginiongimatta.

20 Tamaita aivut innemut attautsemut; tamaita sanningnit sennajaumavut sanningolermilutiglo,

21 Kina kaujimavâ, inub anerninga kongmuarmangât, ômajullo anerningit unungarmangâtta nunab illuanut?

22 Tamanna pivlugo tækkolaukpunga, nâmanersakangimat inub kувiasungnekarninganit sulijaksamine; tamanna illangiusiaringmago. Kiale taimailingatitsomavauk tækkokovlugo piniartaujomârtunik kingunerimine?

KAPITEL IV.

Nautsertorasuarnermut pillorijuinersauvallialaukpunga.

SANGULAUKPUNGALO, tækkonârlaukpakkalo illunaita idluitulliviojut sekkerngub attâne: ahâglo, idluitulliviojut kugvingit tagvanêlaukput, manigoijekalaungilello; idluitullilauktullo tâpkonunga pitsartuluarlaukput manigoijekarungnarkonagit.

2 Tagva tokkungajut tokkojarêlauktut nakorinersarilaukpakka inôjunnit, innôsekalauktunit sulle.

3 Pingitorlo sulle nâmanersauvok tamangnit, idluitomik tukkisilaungitok sekkerngub attâne pinniartaujomik.

4 Tækkonâlaurivakkalo pinasuarnerrit tamaita pikaringnerrillo tamaita sulijaksanut, tagvane illunatik annerutiutingmatta. Tamanna suliginigivok siorniorniolumelo.

5 Sillaitub aggait pattaktorpait nerrilugolo uvinine (anerut-jinermut).

6 Tigumiarak attausek innilanganerme nâmanersauvok tættætokarnermit aggangnik igluktut siorniornekarkassiutjilune ogguarnekararkassiutjilunelo.

7 Sangulaukpungalo tækkolugolo sulinginek sekkerngub attâne:

8 Innutôjokarpok; aipakaranelo kittorngakangilak, kattan-gutekangilarlônêt, sullelo sennaninga naggatekangilak, ijî-giglo akluinermik nâmaksijungnangilâk. Kinamut sennagallo-arkîk, kippiluklugolo tarniga? Tamanna sulinginiogivok siorniorniolunelo okumaitok.

9 Taimak nâmanersauvok maggôkpanik innutônermit; tag-vale pinniarnikîta kaitanginnik attorungnaralloarpûk.

10 Aipâ pâлагаikpat, tagva aipangata ikajorlugo makki-tipâ. Kappianamêgle tàmna innutôjok; pâlakpat, tagva asse-kangilak ikajorlugo makkititsijomik tâpsominga.

11 Taimaktauk magguk sennilerêklutik innangagunik, tagva aukannersautivuk; kannok innutôjok aukanerungnarkâ?

12 Inutôjok sâlagijaujugnarajarpok, maggûgle akkerartonnungnaralloarpûk; kellarutiksarlo pingasolijok kiktorasarailun-gilak.

13 Sorusek aklujok sillatojorlo nâmanersauvok, attanermi inutokaujomit sillaitomillo tennersartaujomangitomillo.

14 Illangat parngnanaersimavingmit pivlune attaningorpok; tàmnao attanniovingmine inûlilauktok aklulerpok.

15 Tækkolaukpungalo inôjut sekkerngub attâne illunatik assiata kittornganga agvertarkattigilaungmatsuk, tâpsoma inni-ngane kagvartuksaujok.

16 Inugiartoksuillo tâpkoa sivurlerijangit kittiksaulaun-gilet; kingorlertullo tàmna kuviasutiginiangilât sulle. Tamannatauk sulinginiovok ogguarnarniolunelo.

KAPITEL V.

Kaiblainerit sunatuinait.

ITTIKKATIT sapputikit Gûdib iglunganut aijarangavit, kainingarlutillo tussaromamut, âtsinernit sillaitut tunnergutinginnik; tâpkoa kaujimangimatta sunamik idluitullinermingnik.

2 Tuaviniarnak kannernut, ômattillo tuaverkoniarnago, su-

namik okarlune Gûdib sângane; Gûde killangmêmat, igvillo nunamêpotit; tamanna pivlugo okautsitit ikkitôlit.

3 Nanele siarklernekartome, tagvane sinnektomanekalerpok, nanelo okausekartome unnuktunnik, tagvane sillaitok tus-sartauvok.

4 Gûde sunamik angervigileraigungne, tagva siglotonak nellautsitilugo; sillaitut kuviagingimagit Angernerijat nellaut-sitiuk.

5 Nâmanersauvok angilungikuvit sumik, nellautsititsinginermit angernerilauktarnik.

6 Kannît perkotailiuk uvinît ajortolingortilugo; (Gudiblo) tillijangata sângane okarniarnak: Tammartoviniolaukpok. Gûde ningarosulerungnarajarpok nippit pivlugo, asserorajarlugillo aggakpit piniarningit.

7 Sinnektomanekartome unnuktunik, tagvane sulingingekar-pok, okautsiniglo unnuktunnik; igville Gûde sivoragiuk.

8 Tækkoguvit aklujok idluitulliviongmat, idluarnerlo nâmanerlo aksorotijauvlutik nussuktaungmat nunamit, kajusimanek tamanna tattaminariitailiuk; udsertortokarmat sulle pôktojomik pôktojut kânginne, pôktonersakarporlo sulle tâpkoa magguk kânginne.

9 Nunab kaitangit illûnanêput; perorsêvikotiminik peror-saijok, attanniôvok.

10 Kênaujanik naglingniktok, kênaujannik nâmaksijuipok; akluinermiglo naglingniktok, idluarkutiksakarniangilak tamat-tomangat. Tamanna sulinginginiôgivok.

11 Perkutekartome unnuktunnik, tagvanêput unnuktut ner-rijut tamakkononga; pitaliublo tamakkononga kanok idluarku-tiksarivagît ijingmingnut takkonârlugit assianik?

12 Sennavaktomut sinnik mâmakpok, mikkijomik angijo-miglonêt nerrilaungmangârme; akluituble pittakaloringningata sinigungnartailitipa.

13 Siorniovok idluitok, tækkolauktara sekkerngub attâne, akluinek pigênarlugo pittaliub tamattomonga idluikutiksanganut.

14 Akluitok taimaitok asserormat kappianarnekarlune angijomik; ernetârlaurunelo, tâmna tigumiaraksakainarlungilak sunamik.

15 Sorlo ussingavlune anâname timinganit pilaurame, tai-mak ingerarivok tagyunga, sorlo tikkisimagame, neksarlungilarlo sunamik siliarijaminit, tigumiarlugo aggangminut neksarungnarajartaminik.

16 Tamannatauk idluiniovok okumaitok, ingergagame tagyunga taimaluatsiak sorlo tikkisimagame. Sunamik tagva ikajorka tapsominga, sulinane sennalaurame?

17 Inôtsine nâlugô tâktome nerrilaukpok, paksarnekalaukporlo unuktunnik, kannimasekalauklunelo kuvianailijutiksakalaurarmelo.

18 Tagva manna tamanna tækkolugo nâmagivara, âna-naungmat, inuk nerrigune, immerlunelo maksoalunelo sulijamine tamaine, pinniartamine sekkerngub attâne, inôsekingimine, Gûdib tunnijangane tâpsomunga; tamanna illangiusiari-gamiuk.

19 Amalo inuk Gûdemut tunnitsiviojok akuinermik perkutiniglo, sappinginermiglo, tâpkonangat nerrilune pikovlugo, tigusikovlugolo illangiusiaminik, kuviasuklunelo sulijaksamine, tamanna tunnergusiangovok Gûdemit.

20 Innôsek pattanganartok akkulaitomik issumaginginamiuk, Gûdib ômattinga kuviasuktingmago.

KAPITEL VI.

Akluitub illipaujub pillorijuininga. Nertortaujomanerub sulingininga.

PIJAKSAUNGITOVOK tækkolauktara sekkerngub attâne, pigajukporlo inungne.

2 Inuk tunnitsiviojok akuinernermik, perkutiniglo, nertortaunermiglo, ajoksarlungikunelo sunamik ômattime tussugijanganik; Gûdiblo pitsartunermik tunnitsivigingipagole tâpkoo attorungarlugit, tækkorngartable nerrilugit nungupagit. Tamanna sulinginiovok, siornioriunolunelo idlloitok.

3 Nelliatt kittorngatârajaralloarune 100 dinnik, inôsekarajarunelo, taimak akkunêrtigijomik, Jarit unnuktut kângerlugit pinajarune, tarningalo nâmaksitikassiutinajalungikune ajungitomik, illijartortaunajalungikunelo: Taimaitok okautigivara, alliktuak nâmanersaungmat tâpsomangat.

4 Sulinginerme tikkimat, aularlunelo tâktomut, attingalo târmut ulliksimatsainarpok;

5 Sekkinek tækkolungilâ, kaujimangilarlo sunamik, merngoêrsernekarersauvorlo taipsomangat.

6 Inôajaralloarune Jârinik 2000 dinnik, maksoanekajuitsainarpok; illunatik ailungilat innemut attautsemût?

7 Inûb sulijaksangit tamaita kaninga pivlugo pivut; ômattingale nâmaksititaujungnangilak tâpkonunga.

8 Illissimajorle sunakarnersauva sillaitomut? Aklujorlo illissimajok sunakarka, agvertarame inôjut akkorngæne?

9 Nâmanersauvok perkutit najortaumajut attorlugit, issu-maksarsiornermit assingit pivlugit. Tamannatauk sulinginio-vok ogguarnarniolunelo.

10 Kinalo sunaugalloarmangât, attinga itsaksoarme taijau-malaukpok, kaujijautsiarporlo inuonngmat; aivanigungnangilarlo tâpsominga sôngoluarijaminek.

11 Sulinginiojut unnuluadlarmatta; inuk sunakarka tâpko-nangat?

12 Kinale kaujimava suna idluarkutiksaumangât inungmut inôtseme, uvlune ikkitune inôvigijamine sulinginermine, nagga-sertamine tachaktut. Ubvalo kia inuk okautitsomavauk suna-mik kingorngæne tikkitokaromârmangât sekkerngub attâne.

KAPITEL VII.

Illissimanerub unertutigijauninga.

ATTEK ajungitok nâmanersauvok, mingoarutiksamt ajungi-tomit; tokkonerublo uvlunga erniangonerub uvlunganit.

2 Nâmanersauvok ailune ogguarnerub iglunganut, ainermitt immernerub iglunganut; inuit illunamassiatik nâningit sivurler-mêput, inôjublo omamiutarivâ.

3 Kiksarnekk nâmanersauvok ijornermitt; kênarmit tautorlu-ngajomit ômat âkiktaulermat.

4 Illissimajut ômattingit ogguarnerub iglunganêput, sillai-tullo ômattingit kuviasungnerub iglunganêput.

5 Nâmanersauvok illissimajub suarninga tussarlugo, tussar-nermitt sillaitut ingerninginnik.

6 Sillaitub ijorninga Dornit nierkorningititut ukkusit attanne iput; tamanna sulinginiogivok.

7 Okumaiksartitaunerub illissimajok kaujimangojartipâ, pilliusiallo ômat sujuktipât.

8 Sunab nâninga nâmanersauvok pigiarninganit. Anner-nekk kennuersârtok nâmanersauvok annernermitt piojorijomit.

9 Tuaviniarnak annernerne ningarosulerlutit; ningarnekk nokkangangmat sillaitut ômattingine.

10 Okarniarnak: Sunauvâ, uvlut sivurlit nâmanersaulaung-matta tamakkonangat? tamattominga appertsutekanginavit illissimanermut.

11 Illissimanekk idluarpok kingormgutijatut, piksarsinarlu-nelo kâpkonunga sekkinermik tækkojunnut.

12 Illissimanekk sapputsingmat, kênauallo sapputsigivut; illissimanerle tunnijiumijarpok innôtsemik pilingmut tâpsominga.

13 Gúdib pinniarninga kemergoleruk, kiale tamanna naggo-sarungnarkauk tâpsoma niungatitanga?

14 Uvlorme ajungitome kuviasugit, uvlorlo ajortok nâmagiuktau; Gúdib tâmna pingortingmago taipoma senniane, inuk kaujijuksaungimat pijomârtunik.

15 Sunatuinarnik tækkolaukpunga sulinginima nelliuningane. Tagva idluartokarpok asserorlunelo idluarnermine; Gûdekangitokarporlo, tâmna inokitarpok kassênermine.

16 Idluartôluarniarnak, illissimaluarniarnaglo, asserorkonak.

17 Idluitôluarnak, sillaitullo illusingit attortailikit, tokkonak nelliutilerkârtinago.

18 Nâmakpok tamanna tigumilugo perkovlutit, aipanganiglotauk sapkuserkonak agganit; Gûdemik sivôrajok anni-goingmat tamakkonangat tamainit.

19 Illissimanerub illissimajok pitsartutinersautipâ sôngojunit tellimaujortunit iglugaseksoarnêtunit.

20 Inuk attauserlonêt nuname taimak idluartigijolungimat, idluartullînarlune idluitullinanelo.

21 Okautigijaumajuttauk illingnut tamaitaungitok ômamiutarikit, tussariakarkonak, kivgavît okarnerlôtigingmattit.

22 Omattit kaujimangmat, assitit okarnerlôtigikattarlaurangnetauk.

23 Tamanna tamât ôktulaukpara illissimanerme. Issumalaukpunga, illissimajomavunga; ungasililaukporle uvamnit.

24 Ungasikpok, sunauniarkâ? ittijoksôvorlo, kia nachvâ-rungnarkaûk?

25 Sangulaukpunga, ômattipkut tukkisijomavlunga, nautsertoromavlungalo, kenneromavlungalo illissimanermik sappinginginermiglo, tukkisijomavlungalo Gûdekangitut sillaininginnik, kaujimangojartullo tammarningænik;

26 Nachvâlaukpungalo kassilinersamik tokkomit: arnamik ômattelingmik nulluangojomik aklunângojomiglo, aggalingmiglo kellarutiksaujunik. Gûdemut nâmagijaujok anigoiniarpok tâpsomangat, idluitorle angujauniarpok tâpsomunga.

27 Ahâk, tamakkoa nachvâlaukpakka, okaluktok okarpok, nellekârlugit, nautsertorlugit sappinginginermik nachvârkovlunga.

28 Tarnigalo sulle kennerasuarpok, nachvâlaungilaralo. Tausendit akkorngane innuksilaukpunga attautsemik, arnamigle illunatik akkorngane nachvâlaungitunga.

29 Ahâk, tamanna kissiane nachvârlaukpara, Gúdib inuk nellâgôrtilugo sennalaungmago; tâpkoale issumalinganartunik unnuktunik kennerasuarput.

KAPITEL VIII.

*Nálengnek attannermik. Piojorijuinek kuviasungnerlo
Gúdeme.*

KINA taimak illissimatigijôvâ? Kialo tamannâ tukkekartit-sungnarkaûk? Innub illissimaningata kênanga kaumaksarpâ; kênangatalo tappatônga ablatsângortitaulerpok.

2 Okarpunga: Attanniub okausingit Gûdiblo angervioningit nâlekit.

3 Tuaviniarnak aularomavlutit kênangata sânganit, nokkanganiarnak pijokartome idluitome; tàmna piniarmat pijomajaminik.

4 Attanniub okausinginne sôngonekarmat, kialo okautit-sungnarkaûk: Sunaliorkit?

5 Perkojamik nâlektok, tàmna idluitomik tukkisiniangilak; illissimajublo ômattinga illitarksivok nelliunermik piusermiglo.

6 Kajusimanerit illunatik attunit nelliunekarmatta piusekarlutiglo; inub kanoêngingit unuktôgalloarmatta tâpsomane.

7 Kaujimangimat pijomârtunik; kialo okautijungnarkaûk, kanok pijomârtuksaumat?

8 Inuk pitsartunekangilak anernermut, anerne agviarlugo; pitsartunekangilarlo tokkoviksame; kellarutjarnekalungilarlo sorsungnerme taimaitome; uivêtublo illusingita inune piulingilât.

9 Tamanna tamât tækkolaukpara, ômattigalo torârtilaukpara piniarnernut tamainut piniartaujunut sekkerngub attâne. Inuit nelliât illâne attanniotivok assiminut kanoêtitaujutiksaminut.

10 Tækkolaukpungalo idluitullijunik illijartortaulauktunik, ailaukpullo, agvertaromârpullo tagvunga innemit ivsornaitomit; puigortaulaukpullo iglugaseksoarne idluartullilaungmatta. Tamanna sulinginiôgivok.

11 Piniarnerit idluitut sugiartausarailungimatta, tamattomunga inuit kittorngangita ômattingit tættælerput idluitullijomanermik.

12 Idluitullijok hundertêrtorlune idluitulligalloarpat, inôkitâgalloarpallo; tagva sulle kaujimavunga tâpkoa kanoêngit-siaromârmatta Gûdemik sivôrajut, kenanganik illerasuktut.

13 Idluitullijullo kanoêngitsiaromângilet, tachaktullo idlulik akkunît inôniangilet Gûdemik sivôralungitut.

14 Sulinginiovok nuname pivaktok: Idluartokarpok tâpkoa illiornekarpuk, Gûdekangitut piniarninginnik pekarajaruniktut sorlo, Gûdekangitokarpurlo, tâpkoa illiornekarpuk, idluartut piniarninginnik pekarajaruniktut sorlo. Okalaukpunga: Tamanna sulunginiogivok.

15 Tamanna pivlugo kuviasungnek nertulaukpara, inuk nâmanersakangimat sekerngub attâne nerrinermitt immernermillo kuviasungnekarnermillo; tamannalo pigênarlugo sulijaksamine, inôtsine Gûdib tunijanga tâpsomunga sekerngub attâne nâlugo.

16 Omattiga tagva torâtilaurapko illissimanek kaujjomav-lugo, tækkolugolo siorniornek nuname attortausûk, (nelliatt aglât uvlôtillugolonêt unuarmelônêt siningmik tækkolungimat ijjing-minut).

17 Tagva Gûdib piniarninga tamât tækkolaukpara, inûb Gûdib piniarninga sekerngub attâne pinniartaujok nachvarungnangimago; angiluartomiglo inuk pinasuarune nautsertorlugo, sungiluartomik tukkisiva. Okaralloarune: illissimavunga, kaujjomavaralo; sulle nachvarungnangilâ.

KAPITEL IX.

Kallinekut idluartut idluitullo adsigêktomik illiornekarmatta, inûb tammarutigijaksaringilâ, Gûdible tunergutingit kuviasuk-lune attorlugit, piniarlunelo sappingitamini. Illissimanerub pijariakortoninga.

TAMAKKOA tamaita ômamiutarilaurapkit, tamaitalo nautsertorasuarlugit, idluartut illissimajullo piniarningillo Gûdib agganginêmatta. Innuitt nelliatta illitarilungilâ naglingnerlonêt ômisungnerlonêt tâpkoa sângminêtut illangânnelônêt.

2 Illunatik adsigêktomik illiornekarpuk, pijokarpaktut tikkiput adsigêktomik idluartomut Gûdekangitomullo, ajungitomut ivsornaitomullo ivsornartomuttut, tâpsomunga tunnergutiksamik tunnijjomut, tunnergutiksamik tunnijlungitomuttut. Sorlo ajungitok illiormat taimailingavoktauk ajortok. Sorlo sæglov-lune angertok illiormat, taimak illingavoktauk angernermik sivôrajok.

3 Tamanna sugalungnerpauvok tamainitt sekerngub attâne pijokartunit, illunatik adsigêktomik illiornekarmatta; tamanna pivlugo inuit ômattingit tættælerputtauk idluitomik, kaujjomangojarnekarlunelo ômattinginne inôtillugit; kingornganelo tokkungajunut aijariakarpuk.

4 Kinalo pijariakangilák? Inôjune illunaine nerriungnekar-pok; kingmek ômajok nâmanersaungmat Loevemit tokkungajomit.

5 Inôjut kaujimagamik tokkoniamamik; tokkungajulle kaujimalungilet sunamiglônêt, ikajusekarungnairivut, erkaumajau-ningæt puigortaumangmat;

6 Akkunît nagligijaujungnaimatta, ômigijaungimattalônêt, annerutaungimattalônêt, illangiusiakarungnaipullo sillaksoarme, tamaine sekkerngub attâne piniartaunjune.

7 Tagva ailerit nerrilutilla nerkiksarnik kuviasuklutit, Weiniksallo immeruk maksoavlutit; Gûdib piniarnît kuviaging-mago.

8 Anorâkotitit kakkortautsainarlit, niakoillo ajoksarkotai-liuk mingoarutiksamik.

9 Inôsek attoruk, nulliat nagligijat aiparilugo inôtsivit su-lingitub iningane, Gûdib tunilauktangata illingnut sekkerngub attâne, innôtsivit sulingitub iningane; tamanna illangiusiari-gangne inôtseme, sulijaksarnelo piniartarne sekkerngub attâne.

10 Aggakpit nachvârtangit piniaraksat ômariklutit piniar-kit; tokkungajut inningæne aivigijarne piniarne kangimat, pik-karingne kangilarlônêt, sillatunekangilarlônêt, illissimanekangi-larlônêt.

11 Sangulaupunga, tækkolungalo kannok sekkerngub at-tâne illiornekar pangmat: akpangernermut sukkalinek ikajorlu-ngimat, sorsungnermut pitsartunekarne ikajorlungilak, inûgu-tiksarsionermut pikkaringnek ikajorlungilak, akluinermut sillatunek ikajorlungilak, oerigijaunermut illissimanekarne ikajorlungilak; nelliutorle pilloringnerlo pitjutauvûk tamaimut.

12 Inubtauk nelliunine kaujimangilâ; sorlole mingeritjat angujaungmatta nullutjanut asserornartunut, tingmitjallo ak-lunânut: taimak inuit kittorngangit nigartortaugivut nelliutome idluitome, tagvainak tupvigikpagit.

13 Illissimanerlo tamanna tækkolaurivara sekkerngub at-tâne, angijônasugilauktara:

14 Iglugasakalaungmat, illuænelo inukalaungmat ikkitunik, attannersûblo tikkilaukpait akkerartorlugit, illuvaillo tallulior-lunelo avatâne angijunik;

15 Takkamanelo nachvârtokalaukpok angumik illissimajo-mik, iglugasengnik tâpkoninga piuliklerungnartomik illissima-nerminut; inublo attautsiblônêt angut aklujok tâmma erkauma-laungilâ.

16 Tagva uvanga okalaukpunga: Illissimanek ilâ nâmaner-sauvok pitsartunermut. Sullelo aklujub illissimaninga nachogi-jaulaukpok, okausingillo nâlektaulaungilet.

17 Illissimajut okausingit tussaksaungitome tukkekarnersau-vut nâlekat kaggudlarninginnit sillaitune.

18 Illissimanek nâmanersauvok sakkunit; idluitullijorle at-tausek asseruivok ajungitunik unnuktunik.

KAPITEL X.

Illissimanerub sillainerublo kaitangit.

NIVIUVAUJARTUB tokkonartub attautsib âniasiusiortit mingoarutingit tippeluktupait puvjuktilugillo; taimak sillainear-sub illissimanerub opinarnerublo ânanauningak tippeluktupâ.

2 Illissimajub ômattinga tallerpianêpok; sillaitublo ômattinga saumianêpok.

3 Apkosinerillo nellianelônêt sillaitok agvertaralloarune, ajoksarpok ômamiutiksamik; sullelo inuit illunaita sillaitônasugivait.

4 Sôngojub ningarninga kagvarangat akkerartorlutit, tagva siblutitauniarnak; illaneksârnek saimaimat pijaksaungitunik angijunik.

5 Kannoêtôvok tækkolauktara sekkerngub attâne, tammar-tovinetut itok attanniotijomit annijotut:

6 Sillainek angijomik opigijaulermat, akluitullo unnane ik-sivajariakarmatta.

7 Kivgat tækkolaukpakka horsit kânginne, attannillo pis-suktut kivgatitut.

8 Ittersalliorle assiminut, tâмна nangminek ijukarniar-pok tagvunga, avalungniglo serkomitsijok kuglugiamut kêjau-niarpok.

9 Ujarkanik aksakartitsijok âniakarniarpok tamattomangat; kejungniglo kobluijok ikkilertauniarpok tamattomunga.

10 Kikkiak ipkêlilerpat, kênangalo morêrtaulungipat, tagva anginersamik pitsartunekariakarpok tamattomunga; illissimane-rublo idluarkutiksanga imaipok, suna nâmaktomik pinniarlugo.

11 Kanekadlartok nâmanersaungilak kuglugiarmit angakok-tortaunane kêsijomit.

12 Okautsit illissimajub kanninganit saimanarput; sillai-tuble kângasinâkita êvâk nangminek.

13 Okausingita pigiarningæt sillainiovok, nâningæello kauji-mangojarniovok asserornartok.

14 Sillaitok okausekarpok unuktunik; innuk kaujimangilak sunamik pijokarniaralloarmangât? kialo okautijungnarkaûk, sunamik tâpsoma kingorngane pijomârmangât?

15 Sillaitut sulijaksangit siorniornarput tâpkonunga, kauji-mangimatta kannok iglugaseksoarnut aijokarungnarmat.

16 Kappianamêk igvit nuna, attanelik sorrusiojomik, angajokâksoaliglo uvlâkut nerrijunik!

17 Pilloringnarmêgle igvit nuna, attanelik issumagiktomik, angajokâksoaliglo, nelliutome idluartome nerrijunik, nekkok-sijaujomanermut, serratitaujomanermulloungitok!

18 Aunermut ikatjat nakiglilerput, agganullo kattaktisimajunut iglo kussilerpok.

19 Nerkiksannik akiksoivut iJORUTIKSakaromavlutik, Weineliblo inôjut kuviasuktipait; kenaujallo tamaita ajornartailitipait.

20 Attannek okarnerlôtigitailiuktauk issumakut, akluitorlo okarnerlôtigitailiuk sinuigvingne, killaub tingmiangita nippe neksarmatsuk, esaroggillo akpautigivât.

KAPITEL XI.

Kaiblainek avagosungnermut, attaruilinermullo sulijaksane.

NERKIKSATIT ikârtitaukokit imaksuit akkianut, tagva nachvâromârpattit akkunît kingorngane.

2 Aitortuilerit 7 inut, 8 inullo; kaujimanginavit kanoêtut nelliât tikkiniarmangât nunamut.

3 Nuvujat tættægangamik sillalungmik, tagva kovivât nunamut; nappârtorlo ocholerpat, ochomangât sekkernganut, tachanullônêt, ochovigijamine ajakkitârpok.

4 Annoremik kammajok, tâmna kângasuingilak, nuvujaniglo tækkonârtok kattersingilak.

5 Sorlo kaujimanginavit annorib apkotânik, kanorlo saunît âkiksортаumangâtta anânab timingane: taimak Gûdib pinniarningit pinniartangit illûnane kaujijungnanginivâttit.

6 Uvlâkut kângasutekotitit kângasorkit, unnungmelo aggaktit allartailitikit; kaujimanginavit tamanna imnalônêt sulingitailigalloarmangât; tamarmiglo sulingitailinajarpanik, nâmanerpaunajarpok.

7 Kaumanek mamakpok, ijinullo ânanauvok sekkinék tækolugo.

8 Inuk Jârit unuktut nâlugit inôgalloarune kuviasuklunelo tâpkonane illûnaine: tagva erkailerletauk uvlunik idluitunik, tâpkoa unuktôlerniarmatta; tamaita pijomârtut sulinginiong-matta.

9 Tagva inuosuktotit kuviasugit inuosungnerne ômattillo alliasulerle, inuosungnivit uvlunginne. Piniarit ômattivit tusugijanginnik, ijîkpillo tækkungiartanginnik; kaujimalerille Gû-

dib tamakkoa tamaita pivlugit pititsomârmattit erkartuivingmut.

10 Kiksarneq nûle ômattingnit, idluinerlo pêruk timingnit; sorrusioneq inuosungnerlo sulinginióngmanik.

KAPITEL XII.

*Kaiblainek idluitailinerlut inuosungnerme. Inutokaunerub
okumainarninga.*

PINGORTITIT issumagiuk inuosungnerne, uvlut idluitut tikkerkârtinagit, Jârillo najulerkârtinnagit, okaromâravit: Kuvia-
gingilakka.

2 Sekkineq kaumajorlo, takkerlo uvloritjallo tâksilerkârtinagit, nuvujallo tikkimerkârtinagit sillalungnerub kingorngane;

3 Nelliutome taipsomane, iglub udsertortingit sajukpatta, sôngojuulo kallangalerpatta, serkalitsijut nokkangakpatta ikkitôlermata, tâksilerpattalo igalâkut ijainirsartut.

4 Upkoallo sillamut pallangairtaukpatta, serkalitsiviublo nippinga tussaksaunikipat, inuglo tuppalerpat tingmitjat nipjalertillugit, okkotillugillo imgertut panningit tamaita.

5 Pôktojuuttauk sivôragijaukpatta, koaksârnartokatuinarpap apkosinerme; nappârtok Mandeleliksap nuvugulâlerpat, pigler-
tarlo ussekartitaulerpat, kuvianartullo tamaita sorairpatta; inuk
mâna aijuksaulerpat iglominut nâksaungitomut, ogguartullo
pissulerpatta apkosinerme iglut akkorngane.

6 Aklunâk Silbereojuk pêrtaukârtinago, puailaviglo Golde-
ojok siamarkârtinago, kattarlo imektarvingme erngarkârtinago,
kaivitorlo imektarvingme serkomerkârtinago.

7 Sannerlo âma nunamut pilermikârtinago sorlo illingala-
rame, annernerlo Gûdemut, tunnijilauktomut tâpsominga.

8 Ilâ sulinginerit sulinginingit! okaluktok okalaukpok;
tamaita sulingilet.

9 Okaluktok tâmna illissimatuinalaungilak, inugiartoksuillo
ajochertorkassiutilaurivait illitarksinermik, kamatsiarlunelo, is-
sumaksarsiorlunelo, âkiksulaukporlo okautsinik malligaksanik
unuktunik.

10 Kennerasualaukpok nachvâromavlune okautsinik tussar-
nertunik, miksekârnerublo okausingit nellâgôrtut aglalaukpait.

11 Illissimajut okausingit kakkilautitut, kakkitjatitullo manguktitaumajutitut îput; kattersorsimajut tunnijaumajut mianersijomut attautsemut.

12 Ulloreasugit ernik assinginik unurnersanik; aglaliornek naggatekangimat, issumaksarsiornerub akkulaitub time merngortortipâ.

13 Ajochertutsit tamaita pijariakôrtonerpângit tussarlavut: Gûde sivôragiuk, malliklugillo perkojangit; tamanna inungnut illunainut illingangmat.

14 Gûdib piniarnerit tamaita pititsomârmagit erkartuivingmut, tamaita illaliudlugit sagvarsimangitut, idluarmangâta idluimangâtalônêt.

SALOMOB IMGERUSERSOANGA.



KAPITEL I.

Killanârnek Kristusemik; okarkattigêngnek tâmma pivlugo, tâpsomîngalo.

Salomob imgerusersoanga.

2 TAPSOMA kuniklinga kaningata kunningninganut; naglingnît nâmanersaungmat Weinemit.

3 Mingoarutiksakotivit tippingæt mamadlarpøk; attit mingoarutiovok kovijaumajok, tamanna pivlugo uigasuit nagligivâtît.

4 Amualaunga illingnut, tagva akpangerpogut. Attanniub tessiorpânga aiparusekotiminut. Kuviasukpogut serrilutalo pivlutit; naglingnît issumaginersarivavut Weinemit. Idluitailijut nagligivâtît.

5 Kernertauvunga, innerkonadlarlungale, illipse Jerusalemib paningit, Kedaremiut tuppingtonit, Salomob tullerarangititut.

6 Tækkonârniarassinga, taimak kernertigijôgama, sekker-ngub taimak pallerlaurmanga. Anânama kittorngangita ningarivânga. Udsertortingortilaukpânga perorsêvingnik Weineliksanik; perorsêvigale Weineliksak nangminerijara sapputillau-ngilara.

7 Okautilaunga igvit tarnima erdligijanga, nanê mianersimangârpit, nanê merngoêrsermangârpit uvlub ketterarningane? nangeriarkarkonanga kiksartotut illagijavit kattingajokotinginne.

8 Kaujimangikuvit tamattominga, ânanaunerpângôjotit arnat akkorngæne: tagva ailerit saukat tuminginnut, mianersilutillo tagvane tuktungajoarakotingnik, mianersijut iglungita kannitanginne.

9 Adsiutipagit illanâra (arnak) horsinut kemuktunut Faraub aksalloalinginne.

10 Ulloakik tækkoranidlarpuk ujaralijarlutik pivianartunik, kongesillo kellaumgualijarlune Goldeojunik.

11 Mattarékutinik Goldeojunik taksapatâlingnik Silbereojunik sennavigijomavaptigit.

12 Attannek sâlermat tamaunga, tagva mingoarutekotima tippine siamartipâ.

13 Illanârijara kippitatut Mirriojotut, iviangêngma akkornganêtsainartototut ipok uvamnūt.

14 Illanârijara nuvgulâktut Coferemik atteliktut perorsêvingne Weineliksânêtotut Engidime ipok uvamnūt.

15 Ahâk, illanâra (arnaujotit) ânanaudlarpotit; ilâ ânanauvotit, ijikik Taubit ijingititut ipuk.

16 Ahâk illanâra ânanauvotit tækkoranidlarlutillo. Inanagavivut tungojoksilerpok.

17 Iglupta ikângit Cédereovut, illupiarutangit Cipressiovut.

KAPITEL II.

Tarnib, okpertokattigêllônêt Kristusiblo okarkattigêngningit.

NUVUGULANGOVUNGA Saroneme, paunaujaujartôlungalo naksarme.

2 Paunaujaujartotut kakkilautiggitt akkorngane, taimaipok illanârijara pannit akkorngæne.

3 Nappârtotut paungâluliktut nappartotuinait akkorngæne, taimaipok illanârijara, ernerit akkorngæne. Iksivavunga tâp-

soma tachaliningane kêmitivigijama, paungâlungillo killamnut mamakput.

4 Tâpsoma tessiorpânga iglomut Weinetalingmut, naglingnerlo saimatiovok kollimne.

5 Nekkoksitipânga nuvugulângnut, maksuserpângalo paungâlungnut, kannimagama naglingnermut.

6 Aggangit saumit niakorma attânêput, tallerpingitalo erkisimiarpânga.

7 Okautimarikpapse Jerusalemib panningit illipse, tuktungajôjârtune, naternaub tuktunginnêlônêt, nagligijaujok tuppak-sartaililugo perkovluse, koksâlâtinagolônêt, nâmagijaukârtinago tâpsomunga nangminek.

8 Tagva illanârijama nippinga. Ahâk kaivok, kiggertarpok kakkane, akpangerlunelo kakkârulângne.

9 Illanârijara adsekarpok tuktungajôjârtomik tuktuarkamiglônêt. Ahâk iglupta sennerangata tunnuane nangerpok, itsuarlunelo igalâkut, ijainilunelo killapatâlikut.

10 Illanâra kiovok okautilungalo: Makkitit illanâk ânanaugijâk, kailutillo tamaunga.

11 Ahâgle okkiok annigorpok, sillaluk sorairpok aularlunelo.

12 Nuvugulât sakkersimavut nuname, operngâk tikkisimavok, Taubelo tussartauvok, nunaptingne.

13 Nappârtub Feigeliksab kuglungajune siggilertipait, nâppârtut Weinelihsat nuvugulâtârput, tunijilutiglo tippinermingnik. Makkitit illanâk, ânanaugijâk kailutillo tamaunga.

14 Taubekotik kairtut kôrungnângine, ujaraksuit koppanginne, tautungnik tækkotilaunga, nippît tussarlaufago; nippît mamadlarmat tautuillo innerkonarpok.

15 Terrianniat angulersigik uvaptingnut, terrianiarkat, perorsévingnik Weinelihsenik asseroijut; nappârtokotivut Weinelihsat nuvugalâkarmatta.

16 Illanârijara pigivara, tâpsomalo pigivânga, Rosit akkoringne nerrijub.

17 Uvlok nighlilerkârtinago, tachaillo nûkârtinagit, utterit, tuktungajôjârtotullo ilerit illanâk, tuktuaraktullonêt kakkanne aviktarvingne.

KAPITEL III.

Tarnib, okpertokattigêllônêt kennerningæt Nalekamik nertortauningallo tâpsomunga; tâpsoma ânanaudlarninga. 3

UNNUARME innangavimne tâmna tarnima erdligijanga kennerlaukpara. Kennerlaukpara, nachvârnagole.

2 Makkitsomavunga iglugaseksuillo apkosinginne agvertaromavunga, kenneromalungalo tarnima erdligijanganik. Kennerlaukparalo nachvârnagole.

3 Udsertortit iglugaseksorne agvertartut naipipânga: Tarnima erdligijanga tækkolaungipissiûk?

4 Tâpkoa anuikitomik sennerkolaurapkit, tagva tâмна tarnima erdligijanga nachvârlaukpara. Tigumivara sapkotailjomalugolo, âtsikârnanga tâpsomînga anânama iglunganut, ernilauktub uvannik aiparusinganut.

5 Okautimarikpapse illipse Jerusalemib panîngit tuktungajôjârtunêtose naternaub tuktunginnelônêt illanâra (uigasuk) iuppaksarlugo perkonnase, koksâlatinagolônêt, nâmagijaukârtinago tâpsomînga nangminek.

6 Kinauva tâмна (arnak) majorartok sunakajuitomit, isserluktut kongmualuatsiartotut, isserluktut Mirrinit Weirauchemillo âniasiusiortiblo serkallijanginnit sunatuinarnit pijotut?

7 Ahâk, Salomob inangaviata avatâne nangertokarpok sôngojunik 60 ginik, Israêlitit sângojunginnit.

8 Illunatik tigumiarpur saviksoarnik, pikkaridlarlutiglo sor-sungnermut. Attunît saviksoalijarpur makkitimingne, sivoranarnek unuarne pivlugo.

9 Attannek Salomo sennakojilaukpok ingminut inangavingmik kejugnit Libanonemit pijunit;

10 Nappapajungit Silbereôjut, egangavingit Goldeôjut, iksivavingat aupalloriktok, nettingalo kerkane ivertitaumajok tækoranidlartomik Jerusalemib panninginnut.

11 Annileritse, Zionib panîngit illipse, tækkonârlugolo atanek Salomo, niakotelijarlune niakosertaujutigijanganik anânaminut kattititauvingata uvlungane, ômattingatalo kувiasungingata uvlungane.

KAPITEL IV.

Nagligijaujub nulliaksab tagva okpertokattigêt ânanauninga.

Tâpsoma tussuninga.

AHAK, illanâk igvit ânanauvotit, ahâk ânanauvotit. Ijikik Taubit ijingititut îpuk ingungauijartukpît akkorngangne. Nut-satit tuktungajutitut kattîngajutitut kakkame Gileademe iput.

2 Kigutit saukattitut kattîngajutitut sallimajutitut ubvarvingmit pijutitut, attunît maggungnik nochaliktutitut, nochaitokangitutitullo akkorngane iput.

3 Kangasinâkik kellarutiksatur aupaluktotut ipûk, okâlanîlo tussarnidlarpok. Ulluakik paungâlub Granatib koppangatut ipûk ingungausiartukpit akkorngangne.

4 Kongesit Davidib nuvugusingatur ipok sappulutaliktut, ningaviojotut sappulutanik 1000 dinik, sôngojullo sakkunginnik sunatuinarnik.

5 Iviangêkik tuktungajôjâraktutitut magguktut maggoliaviniktut ipuk, paunaujaujartut akkorngæne nerrijûktut.

6 Uvlok niglilerkârtinago, tachaillo nûlerkârtinagit, kakka-mut Mirrilngmut, kakkârulangmullo Weirauchelingmut aijomavunga.

7 Ilâle illanâk ânanauvotit, taksakalungilarlo illingne at-tautsemiglônêt.

8 Kailutit aiparilaunga nulliaksara, Libanonemit, aiparilaunga Libanonemit. Tamaunga nangeriartorit pôktojomit Amanamit, pôktojomit Seniremit, Hermonemillo, Loevit iglunginnit, Leopardit kakkanginnit.

9 Igvit ômattimnik tigusivigivarma najâk, nulliaksâklo; ômattimnik tigusivigivarma ijikpit aipanganut, kellaumgujavit kongesermiutit illangænut.

10 Ananaudlarmêk naglingnît, najâk nulliaksâklo! Naglingnît nâmanersauvok Weinemit, mingoarutekotivillo tippingata tauvlukutiksatur tamaita pitikipait.

11 Kangasinâkik, nulliaksâk, kusserpûk igupsaujârtut orksungita ingningænik; igupsaujârtut orksungat imuglo okavit attânêpûk. annorâkpillo tippingat Libanonib tippingatur ipok.

12 Najâk, nulliaksâklo perorsêviovotit pallangairsimajok, puailaviovotit pallangairsimajok, imektarviovotit nakkisersimajok.

13 Perortitatit perorsêviktut kuvianadlartotut paungâluliktut Granatinik perortuniglo pivianartunik Ciperinik Nardiniglo iput;

14 Nardinik Safran illaliudlugo Kalmusemik Zimete illaliudlugo, nappârtuniglo Weirauchelingnik; Mirriniglo Aloeniglo, illakarlutik tauvlukutiksatur nâmanerpânik.

15 Perorsêviub puailavingatur, imektarviktut inôselsingmik imekartotut Libanonemit kôlertotut iput.

16 Makkitarit attuarnek, kailutillo uarngrnerluak annordlerlutillo perorsêvekotipkut, tauvlukutingit kusserkovlugit.

17 Ilânârijara (Nalegara) kaile perorsêvekotiminut, nerri-lunelo perortunginnik pivianartunik.

KAPITEL V.

*Nagligijaujub illanâb nippinga tussarpâ okautigivâlo
ananauninga.*

KAIVUNGA najâk nulliaksâklo, perorsêvikotimnut. Mirrekotikka, tauvlukutiksakotikka illagællugit nappilaukpakka; orksukotimalo ingninga, igupsaujærtunit orksukotiga illagællugo nerrilaukpara, Weinekotigalo immukotiga illagællugo immilaukpara. Nerrileritse nagligijakka, immerluselo illanârijakka nâmaksilerluselo.

2 Sinnikpunga, ômattigale erkomavok. Tagvanêpok illanârijama avilortartub nippinga: Upkoêrutilaunga, najâk, illanâk, Taubekotik, idluitailijokotik; niakora nâmangmat missuksoarmik, erkisulângajukka nâmavut unuab kuttinginnik.

3 Ulliga pêlaukpara, kannok attijaksaringmivigô? ittigakka ubvalaukpakka, kanok ipperaksarigivakkâ?

4 Illanârijamale aggane nuitatipait killakut, timimalo sajugutigivait.

5 Tagva makkilaukpara illanârijara upkoêrutijomavlugo; aggakka kussilaukput Mirrinik, Mirrillo kôlerput aggamnit palangairuserviub senneroanganut.

6 Illanâralo upkoêrutijarêlaurapko, tagvanêtsungnailaukpok, aularlunelo. Tagva tarniga annilerpok okausingit pivlugit. Kenerasuarpara nachvârماغولة; kaigarsugvigivara, tâpsomale kio-laungilânga.

7 Udsertortit iglugaseksoarne agvertartut naipipânga, tâpkoa annaulerlunga amêrpânga; udsertortit avaluksuit kânginne tâlutakotimnik aksârpânga.

8 Okautimarikpapse Jerusalemib panningit illipse, illanâra naipigupsiuk, tagva okautissiuk, naglingnermut kannimagama.

9 Illanârijat sunaunersauva illanârnerit assinginnit, igvit ânanaunerpângojojotit arnanit tamainit? Illanârijat sunaunersauva illanârnerit assinginnit, taimak okautimarikaptigut?

10 Illanârijara kakkorpok aupalluklunelo, annerijaumavok tausendiokattartunit.

11 Niakunga Goldeôvok ivsornainerpâk, nujangit erkisulângavut, kernertauvut tullugaktut.

12 Ijigik Taubit kôngnêtut ijingititut, ubvarsimajutitut imungme iput, ivertisimatsiarlutiglo.

13 Ulloagik perorsêviârsuktitut, mingoarutiksaksanik tippit-siariktunik perorvioletitut ipûk. Kangasinâgik paunaujaujartotut Mirrinik kussertotut ipûk.

14 Aggangit suvloiktut Goldeôjotut, Tirkiseliktotut unnuk-tunnik. Timinga Elefantit tógángatut ivsornaitotut pinnarnar-sijaujotut Safirinut ipok.

15 Niungit nappajutitut Marmoreôjutitut tunganilititauma-jutitut ittikkanut Goldeojunut ipuk. Tautua Libanonetut ipok annerijaumavlune Cederitut.

16 Kaninga mamaksauteôvok innerkonamariklune. Taimai-tôvok nagliktanâra, illanâra taimaitôvok, Jerusalemib paningit illipse.

17 Namungarsimavâle illanârijat, ânanaunerpangôjotit arna-nit tamainit? Namut illanârijat sâmalerkâ? Tagva illagilutit kennerasuaromavavut.

KAPITEL VI.

Nagligijanjub nulliaksab nertortauninga.

ILLANARIJARA attersârsimavok perorsêvikotiminut, perorsê-viârsungnut mingearutiksaksalingnut tippitsiariktunik, nerrijo-mavlune, perorsêvingne paunaujaujartuniglo nappitsijomavlune.

2 Illanarijara pigivara, tâpsomalo pigivânga, paunaujaujar-tut akkorngæne nerrijub.

3 Ananauvotit illanarijâk, (arnak) Tirzatut, tækkoranidlar-potit Jerusalemetut, kappianadlarpotillo soruktuksatitut kattim-gajutitut.

4 Ijikik allartikik uvamnit, tâpkoa sâlagingmanga. Nutja-tit tuktungajutitut kattimgajutitut, majoartutitut Gileademe iput.

5 Kigutit saukatitut kattimgajutitut ubvarvingmit pijutitut, illunatiglo attunit maggungnik nochaliktutitut nochaitokangitu-titulo akkorngæne iput.

6 Ulloakikpaungâlub Granatib koppangatut ipuk ingungau-sijartukpit akkorngængne.

7 Arnat attanniojut 60 giôvut, pannervgallo 80 giôvut, ui-gasuille kittiksaungilet.

8 Attauserle Taubekotigivara, idlultailijokotigivara. Attau-sek anânanagata nagligijanârivâ, anerijaumajovorlo erniarijimi-nut. Panit tækkolauramitsuk pilloringnerarpât; arnat attan-niojut pannervgallo nertorpât.

9 Kinauvâ allakkártok kaub aupallungningatut, ânanaulune takkertut, annerijauvlune sekkinertut, kappianadlarlune sorsuk-tuksatitut kattimgajutitut?

10 Attersârsimavunga perorsêvingmut nappârtolingmut Nusseliksanik, tækkojomavlugu tungójoktak kôb senniane, tækkojomavlunga nappârtok Weineliaksak nuvugolâtârmangât, paungâluillo Granatit nuvugolâkarmangâtta.

11 Kaujimalaungitunga killanârnima ikkitingmanga inugiartoksuit angajokangita aksalloalekotinginnut.

12 Utterlaurit, utterlaurit Sulamit, utterlaurit, utterlaurit, tækkokovluta illingnik. Sunamik tækkovise Sulamiteme? Okigêsernermik Mahanaime.

KAPITEL VII.

Nagligijaujub nulliaksab nertortauganerninga. Tâpsoma naglingninga illanârijamnut. (Nalekamut.)

ANANAUDLARMEK pissungnit ittiggagutine, igvit attanniub panninga. Makkitikpit kotsinâgik mattarêkutitut ipuk illissimajub aggangita sennajangititut.

2 Kallasit ermngusiârsuktut angmaloriktotut ipok, imiksamik ajoksajuitotut. Natjakik kakkojaksatitut kallerêktitaumajutitut, avatânetokartutitut paunaujaujartunik ipûk.

3 Iviangêkik tuktungajoraktutitut magguktut maggoliaviniktut ipûk.

4 Kongesit nuvogusertut Elefantit tânganganit sennamajotut ipok. Ijikik tessiktitut Hesboneme itterviksoarmetûktitut Battrabbimik attelingme ipuk. Kingait nuvogusertut Libanonemêtotut ipok, Damaskusemut sângajotut.

5 Niakoit nappavok illingne Karmeletut. Nutjatit niakorne, attanniub Purpurekotingatut kellaksortauvlune ungiarnelliortaumajotut iput.

6 Ananaudlarmêk, innerkonadlarlutillo, nagligijaujotit erkisimiarneme!

7 Takkinivit Palmib nappârtunga adsigivâ, iviangêkpillo Weinib paungangit kattingajut adsigivait.

8 Okalaukpunga: Palmib nappârtunga majoariakarpara, akkerungillo tigulugit. Iviangêkik Weineliaksab paungangititut kattingajutitut ilerlik, kingavillo naimakarninga ilerle paungâluktitut.

9 Killaillo ilerle Weinêtit idluarnerpaujotut illanârijamnut imernerijaujotut, sinniktunniglo kangasinâkartitsijotut okarungnartunik.

10 Illanârijamnut illingavunga, tâpsomalo tussuninga torâr-pok uvamnut.

11 Kailaurit illanâk, naternamut ailauluk, iglugasengnelo siniktalauluk;

12 Uvlarârsukut makkerkovlunuk, perorsévingnut Weineliksant, tækkokovlunuk nappârtok Weineliaksak siggilerman-gât, kuglungajungit, kârsinangmangâtta, nappârtut Granatiliaksat nuvugulâktârmangâtta; tagvane naglingnimnik tunnit-sivigijomavagit.

13 Dudait tippekarpuk, upkoaptalo sângane perortokarpok pivianartunik sunatuinarnik. Illanâk tamangnik komerguser-vigilaukpagit, mannanitanik sivurnganenitanniglo.

KAPITEL VIII.

*Okpertokattigêt Kristusiblo okarkattigêngningita kingorlingæt.
Nagligijaujub ânanausijauninga.*

KANNOKTOK anniginajarlagit, anânama iviangêgingnik amâ-malauktok! Sillame naipinajarupkit, kunniklutit pijungnara-jarkovlunga, kinamullo mittautigijaukonanga.

2 Tessioromanajarpagit ittertitsomanajarlutillo anânama iglu-nganut, ajochertuivigijaksarnut uvannik; tagvane immertitso-manajarpagit Weinekotimnik tauvlukutiksalingmik, paungâluillo Granatit iptinginnik.

3 Aggangit saumit niakorma attânêput tallerpingitalo erki-simiarpânga.

4 Okautimarikpapse illipse Jerusalemib panningit, naglik-tanâra tuppaksarlugo perkonase, koksâlâtinagolônêt, nâmagi-jaukârtinago tâpsomunga nangminek.

5 Kinauva tâmna majorartok sunakajuitomit, egangajorlo illanârijaminut? Nâppartub paungâluliksab attâne tuppaksar-laukpagit, anânavit ernivigilauktangane illingnik, erniarilauk-tivit ernivigilauktangane illingnik.

6 Pitilaunga nakkitsutut ômattingnut, nakkitsutut taller-nut. Naglingnek sôngongmat tokkotut, singnânerlo pallangai-pok kappianaviktut. Aumaninga ikkomauvok ikkoalaniolunelo Nâlekamit.

7 Imersuit unnuktut naglingnek kamitsungnangimatsuk, kôksuillônêt ippititsungnangimatsuk. Nelliata iglokotime per-kutingit tamaita tunnijomanajarunigit naglingnek pivlugo, ta-manna tamât sunaunajatsengilak.

8 Najakarpogut mikkijomik, iviangekangilarlo. Sunamik najavut piniarvigijaksarivittigô, manna okausekartuksaugupta tapsomunga?

9 Karmaukpat tagva tallulioromavogut kângane silbereôjomik. Upkoangokpat, tagva sillapâromavavut sâtujanik ivjujunnik Cedereojuunik.

10 Karmauvunga, iviangêkalo nuvugosîktitun îpuk. Tagva tâpsoma ijikita sângangne, taimangorpunga, ullapirsaumik nachvârtotut.

11 Salomo perorsêvekalaukpok Weineliksamik Baal-Hamoneme. Perorsêvik Weineliksamik tunnivâ udsertortunnut, attunit paunganginnut kaitserkovlugit Silberlinginik tausendinik.

12 Perorsêvikotiga Weineliksamik sâmnêpok. Igvit Salomo pijuksauvotit tausendinik; 200 dinigle perortungita udsertortingit.

13 Nunakartotit (nulliaksara) perorsêvingne, illaujut nippît tussarnârpât, tussalaulago!

14 Kemâlerit illanâk, adsekarlutillo tuktungajôjârtomik, tuktuarkamiglônét kakkane tauvlukutiksatalingne.

